



203.1  
4-89













Gleimwurzele spruechend  
Sagen libtappis?

Busato dis.

Viviani inc.

Ս. Գ. Բ. Ի. Գ. Ա. Ր. Ե.  
Հայության  
Առ Հ ե ր ք ո ւ թ ի ւ ն



Bonate des Viviani inc.

Ե Պ. Ե Ն Ե Ո Ւ Խ. Ե Ե .  
1844



891.99 ԱՐ 3839. Կ

Գ-891-ԲԻԳ-ԱՐ


ՆԱՐԵԿԱՅՎԱՆԻՑ

ՎԱՆԱԿԱՆԻ

ՈՉԲԵՐԳՈՒԹԻՒՆ



ԱՐ  
378258971





## ԴՐՈՒԹԻՒՆՔ

ՅՈԳՆԱԹԱԽԱԾՆՁ ԲԱԽԻՑ ՕԳՏԱԿԱՐԱՑ  
ԱՊԱՀԱՏԱԽԱԾՆՁ ՀՈԳՆԵՀԱՀ ԽՐԱՏՈՒՑ  
ԵՆՉԻՆ ՍՏԳՏԱԽԱԾՆՁ  
ԶԴՅԱԿԱԽԱԾՆՁ ԿԱԽՈՒՆԱԾՆՁ ԿԵՆԱԾ  
ԿԵՄՏԻՈՐՈՒԹԵԱՄՐԻ ՑԱԽԱՆԱՌՈՒԹԵԱԾՆՁ  
ԵԱԽԵԽԵՈՒԹԻՒՑ ՑԱՑՏԱՆՈՒԹԵԱԾՆՁ  
ՄԵՂՅԱԾՆՁ ԽՈՍՏՈՎՀԱՌՈՒԹԵԱԾՆՁ  
ՑՈՒՑԱԽԱԾՆՁ ԳՏԱՂՏՆԵԱԾՆՁ  
ՏԱՐԱԾ-ՄՈԽՆՔ ԾԱԾԿԵՑԵԼՈՑ  
ՑԱԽԴԻՄԱՆՈՒԹԻՒՆՔ ԹԱԳՈՒՑԵԼՈՑ  
ՍՊԵՂՅԱՆՔ  
ԶՈԲԱՖՈՐՔ ՎԻՐԱՑ ԱՆԲԺՇԿԱԽԱԾՆՁ  
ԴԵՂՔ  
ԱԶԴՈՂԱԿԱԽԱԾՆՁ  
ՑԱԽՈՑ ԱՆՏԵՍԱԿԱԽԱԾՆՁ  
ՀԱՆԲԱԽՈՐՈՒԹԻՒՆՔ  
ԲԱԶՄԱՄԱՍՆԵԱԾՆՁ ԵՐԿԱՑՆՁ ՎՏԱԽԴԻՑ  
Ի ԴԻՄԱՑ ԿԵՐԵԱԾ  
ԱՄԵՆԻՑ ԲՆՈՒԹԵԱԾՆՁ ԱՄԻԹԱՔ  
ԱԲՏԱՍՈՒԱԾ  
ՊԱՏՃԱՌՈՒՔ ԱԴՅՈԹԻՑ

Ի ԽՆԴՐՈՅ  
ՀԱՑՑՄԱՆՑ ՀԱՄՑ ՄԻԱՆՉԱՆՑ  
ԵՒ ԲԱԶՄԱՑ ԱՆՑՊԱՏԱԿԱԽԱԾՆՁ ԱԱՍՑՆԱԿ

ՄԱՏԵԱՆ ՈՂԲԵՐԴՈՒԹԵԱՆ

## ԳՐԻԳՈՐԻ

ՆԱՐԵԿԱՑ ՎԱԽԻՑ ՎԱՆԱԿԱՆԻ



# ԳՐԻԳՈՐԻ

Ն Ա Ր Ե Կ Ա Յ Վ Ա Ն Ի Յ  
Վ Ա Ն Ա Կ Ա Ն Ի

## ՈՂԲԵՐԳՈՒԹԻՒՆ

### ԲԱՆ Ա.

Ի Խորհու սրբից խօսե ընդ Աստվածու:

Ա. Զաթն հառաջանաց հեծու-  
թեան սրտի՝ ողբոց աղաղակի քեզ  
վերընծայեմ, տեսողդ գաղտնեաց •  
և մատուցեալ եղեալ 'ի հուր թախ-  
ծութե անձին տոչորման՝ զպտուղ  
ըղձից ճենճերոյ սասանեալ մտացո  
բուրվառաւ կամացս առաքել առ  
քեզ: Այլ հոտոտեսցիս հայեսցիս,  
դթած, քան 'ի պատարագն բոլո-

րապտուղ մատուցեալ ծխոյն բար-  
դութեան : Ընկալ զսակաւամաս-  
նեայ բանիցս յօդուած քեզ 'ի հա-  
ճութիւն , և մի 'ի բարկութիւն .  
Ելցէ 'ի խորոց աստի զգայութեանց  
խորհրդակիր սենեկիս՝ վաղվազակի  
ժամանել առ քեզ՝ կամաւորական  
նուեր բանական զոհիս , ողջակի-  
զեալ զօրութեամբ ճարսլոյ՝ որ յիսն  
է պարարտութիւն : Եւ 'ի դնելս իմ  
ընդ քեզ դատ խառնեալ աղերսիւ ,  
հզօր , մի իբրև զհամբարձումն ձե-  
ռաց ամսպարշտեան Յակոբու , ըստ  
բողոքելոյն Եսայեայ , և զանիրաւու-  
թիւն Բաբելոնի՝ տաղտկալի քեզ ե-  
րևեսցի . զոր առակ եւթանամնե-  
րորդի Երկրորդի սաղմոսին աղդէ .  
այլ իբր զբուրեալ խունկն հաճոյա-  
կան 'ի խորանին Սելովայ , զոր Դա-  
վիթն կանգնեալ նորոգեաց տապա-  
նակին հանդսուեան 'ի գերութենէն  
դարձելոյ . որ 'ի վերստին գիւտ կո-  
րուսեալս հոգւոյ առակի , ընդու-  
նելի կամաց քոց լիցի :

Բ . Բայց քանզի ձայնդ ահաւոր  
դատաստանիդ հատուցման՝ ուժ-

դինս հնչեցեալ 'ի ձորն վրէժիսըն՝  
դրութեան, կրկինս ինձ երկնէ մար-  
տից յարուցմունս, այժմէն գուշա-  
կեալշարժմունս յուղմանց ներհա-  
կականաց, որ յիմումս անձինց յուցա-  
նի, խովովութիւնս ամբոխից, հա-  
րեալք ընդ միմեանս զէն առ սուսեր՝  
խորհրդոցն հոյլք, չարեացն ընդ բա-  
րիսն, և գերեալ զիս 'ի մահ ըստ հին  
դիպուածոյն՝ որ նախ քան զշնորհին  
ժամանել առ իս. զոր ընտրեալն ա-  
ռաքելականացն դասուց Պաւղոս՝  
առօրինակեալ զՄովսէս, զՔրիստո-  
սի փրկութիւն յաղթող յուցանէ :  
Վասն զի թէ մերձ է օր տեառն, որ  
պէս գիր ասէ, 'ի հովիտն անձուկ  
ասպարիսին Յովսափաթու և հեղե-  
ղատին կեդրոնի, փոքր հանդիսարա-  
նացն իրաւանց ժամադրութեանց,  
որ կենցաղականաւ այսր յաւիտենիւ  
զհանդերձելոցն ինձ կերպարանեն,  
ապա ևս յաւէտ մերձեցաւ 'ի վերայ  
իմ արքայութիւնն Աստուծոյ մար-  
մին եղելոյ. մեծապէս գտեալ զիս  
առիթ վնասուց՝ բազմաց տոկոսեաց՝  
զանազան մասանց յանդիմանողաց

Ճշմարտապատմից, քանի զձեռին նորին վերակացումն անդ ուրեմն երբեմն ՚ի հարուածս եղովմայեցւոց և փղտացւոց, և այլոց բարբարոս ազդաց: Քանիզի այն ընտրութիւն ամօք չափեցաւ, իսկ պատուհաս իմումն պարտուց առանց աւարտման ունի զսահման: Ահ, դուք և որոգայթ անճողութելի, ըստ մարդարէին և առակողին . տագնապաւ մեծաւ առդուրս ինձ հասեալ՝ զամօթն մշտնջենաւոր աստէն դժագրել: Զոր միայն քո է հրաշագործել սպառւզս դեղոց ՚ի հնարս կենաց ամենավարան տարակուսանաց հոգւոց վտանգից, քաւիչ ամենայնի՝ գովեալ ՚ի փառս անճառս անսահմանելի բարձրութեան, յաւիտեանս յաւիտենից :

## ԲԱՆ Բ.

Աւետարին յաւ-Ելուած իրին հեծութեան  
նորին հսկողի առ նոյն աղերս մաղթանաց  
բանի.

Ի խորոշ սրբից խօսի ընդ Աստվածոց:

Ա. Ես արդքանզի առ բարձրեալն  
Աստուած յօդաւորական շրթամբք  
կարդաս, որ գործովք միայն գրաւի  
և ոչ ստեղծաբանութեամբ կաշառի,  
որ յԵղիպտոս միշտ ունիս զարտիդ  
զդարձն, զի՞նչ օրինակ առ այս քեզ  
նմանագոյն և յարմարական աստանօր  
եղից՝ անձն իմ պարտաւոր, պատժա-  
կիցս կործանեցելոյն Սոդոմայ, ըմ-  
բերանեալդատախաղս Նինուէի, ան-  
արի բարբարոսս քան զաիկինն հա-  
րաւային, վատթարագոյնս քան ըզ-  
քանան, յամառեցեալս քան զԱմա-  
զէկ, անբժշկականս քաղաք դրօշե-  
լոց, նշմար մնացեալ ապստամբու-  
թեան հինն իսրայէլի, յիշատակա-  
րան պահեալ՝ ուխտաղանցութեանն

Յուղայ, կշտամբեալս գեր քան ըզ-  
ծուր, տարամերժեալս քան զծայ-  
դան, խորթաբարոյս քան զԳալի-  
լեա, աններելիս քան զանհաւանն  
կափառնառմ, պարսաւեցեալս իբր  
զՔորազին, բամբասեցեալս ընդ-  
բեթսայիդայ, անսլարկեշտ ծաղկե-  
ցեալ ալեքս Եփրեմի, աղուաղաւնիս  
միշտ յիմարութք՝ այլ ոչ հանդար-  
տութեամբ, 'ի կորեանց առիւծուց  
անձնական օձս եղեւնային. կերպս  
ձուոց քարբից լցեալ ժանտու-  
թեամբ, պատկերս վերջին հարուա-  
ծոցն Երուսաղէմի, ըստ բանին տէ-  
րունի՝ և տեսանողացն ձայնի, տա-  
ղաւարս մերժեալ՝ հասեալ 'ի կոր-  
ծանումն, խորտակեալ դրացս վստա-  
հարան, և կրկին ծրդեալ շինուածս  
խօսուն, թողեալ ժառանգութիւնս  
յարմարական, մոռացեալ տունս  
աստուածակերտ, ըստ բանից նախա-  
դրեցելոցն Մովսէսի, Դաւթայ և  
Երեմիայի, յարկս բանական՝ ունողս  
բորոտութեան, հարուածեալ խրա-  
տու քերմանն, օրինիւ կազդուրեալ,  
օծեալ կաւովն՝ ողոքական հեղու-

թեամբն , անձարակ գտեալ յելս  
հնարից ,քակտեալ վերստին ձեռամբ  
շինողին , արտաքս ընկեցեալ իրաւա-  
ցի հատուցմամբ հրամանաւ հզօրին  
'ի տեղի անսուրբ , հերքեալ տարա-  
դրեալ խորոցաւ մեծաւ՝ ամենայնիւ  
առանց խնայելոյ , ծածկեալ դրամս  
յերկրի չարեօք , ըստ աւանդակո-  
րոյս ժխտողին՝ որ յաւետարանին  
ցուցանի :

Բ . Այլ դու Աստուած , Ածդ  
հոգւոց և ամենայն մարմնոց՝ ըստ  
դաւանելոյ աստուածաշնորհին , Եր-  
կայնամիտ և բազումողորմ՝ ըստ սրբ-  
բոյն Յովանու ձայնին , շնորհեա-  
կատարել'ի քոյդ հաճուի օրհնեալդ-  
կամաց՝ զսկզբնաւորեալ մատեան  
մաղթանաց այսր ողբերգութե : Եւ  
ընդ լալով սերմանել բանիս 'ի նախ-  
ընթաց չուս աստիճանաց օթեա-  
նացս պատրաստութեան , 'ի կատա-  
րածն ժամանելոյ հաւաքիման հըն-  
ձոցն , գարձայց բերկրեցեալ լրու-  
թեամբ քաւութեան՝ պտղոյն երա-  
նութեան որայիցն բարութեան : Մի  
տացես ինձ արգանդ սրտի անորդի՝

իբր Խորայէլի, և ստինս աչաց ցամա-  
 քեալս՝ ով ամենագութեած։ Լուր բա-  
 նական մաղթողիս՝ հզօր և ողորմած,  
 նախ քան Երկնի, և Երկին Երկրի, և  
 նա ցորենոյ և գինւոյ և ձիթոյ, և  
 նոքա Խորայէլի։ Եւ Երկնաւորացն  
 աղերս որ առ քեզ՝ հոգւոյս աղդես-  
 ցէ, քան թէ տարերաց ապականա-  
 ցուաց։ Դու ստեղծիչ՝ և ես կաւ,  
 բաց տարակուսելոյս ՚ի մուտս մաղ-  
 թանաց այսր հեծութեան՝ կամս  
 քաղցրութեան՝ զօրանալ աստեն։  
 զի մի ՚ի բանալվերնայինն Երկնի՝ ան-  
 ընտիր գտեալ կրթութեան վայել-  
 ման լուսոյ, իբր զնիւթ մոմոյ սպա-  
 ռեցայց ջնջեալ ՚ի միջոյ։ Ոգի զրկե-  
 լոյս, ըստ մաղթանաց գոչման ասո-  
 ղին, և ոյժ թալկացելոյս, և կեանք  
 մաշելոյս՝ մտացս խղճիւ, այլ ոչ տա-  
 ժանմամբ կրից՝ աշխատութեամբ  
 զքեզ խնդրելոյ, առ զաւանդ մաղ-  
 թանացս, և տուր զողորմութիւնքո-  
 շնորհացդ։ ընկալ զփոքրս ՚ի տկա-  
 րէս, և շնորհեա զմեծդ առ ՚ի հզօ-  
 րէդ։ զօրացո զբանս զզջման, առա-  
 քեալ ՚ի մեզ հոգի ՚ի բարձանց՝ աս-

տուածաշունչ պատգամօքս 'ի սմա  
 եղելոց: Պարգևեա բարերար՝ զա-  
 ռակն Եսայեայ, լուսաւորեալ առ-  
 ջմարտութիւնն, մատուցանելով  
 մահու արժանոյս՝ ընդ պղնձոյս գոյի  
 անարդս ձայնի՝ զոսկի քո շնորհի,  
 ընդ անզարդութեան երկաթոյս սե-  
 ւութեան գունոյս՝ պղինձ պՃնելի,  
 ցոյցք առաքինութեան, հրաշեկ լի-  
 բանանու: Ծնդէր կարծրացուցանես  
 զսիրտ եղկելոյս՝ չերկնչել 'ի քէն,  
 անճառ և ահաւոր: Մի եղեց անպը-  
 տուղ'ի փոքր վաստակոյս՝ իբր ապա-  
 ջան սերմանող անբերրի երկրի: Մի  
 լիցի ինձ երկնել և ոչ ծնանել, ողբալ  
 և ոչ արտասուել, խորհել և ոչ հա-  
 ռաշել, ամսկել և ոչ անձրել, ընթա-  
 նալ և ոչ հասանել, ինձ ձայնել և  
 քեզ ոչ լսել. սկազատիլ և անտես  
 մնալ, կողկողել և ոչ ողորմել, աղա-  
 չել և ոչ ինչ օգտել զոհել և ոչ Ճեն-  
 ճերել, զքեզ տեսանել և դատարկ  
 ելանել: Լուր ինձ նախ քան զկար-  
 դալս իմ առ քեզ՝ միայնդ հզօր. մի  
 զանվճար տանջանացն առյժս՝ ընդ  
 թուով աւուրց մեղօք կեցելոյս չա-

րագործիս ինձ հատուցաներ։ Կեցո  
 զիս գթած, լուր ինձ ողորմած, մար-  
 դասիրեաներող, ինայեաերկայնա-  
 միտ, պաշտպանեա ասլաւէն, բարե-  
 րարեա հզօր, աղատեա ամենակալ,  
 կենագործեանորոգող, վերական-  
 դնեա ահաւոր, լուսաւորեա եր-  
 կնային, բժշկեա հնարաւոր, քաւեա  
 անքնին, պարգևատրեա առատ, շնոր-  
 հազարդեա աննախանձ, հաշտեա  
 անախտակիր, ընկալ անոխակալ,  
 սրբեա 'ի պարտուց օրհնեալ։ Եթէ  
 յառեցից զաշս իմ, նայեցեալ 'ի  
 հայեցուածս երկուց վտանգից յա-  
 ւուր թշուառութեան, զքոյդ տեսից-  
 փրկութիւն՝ յոյսե ինամակալ։ Եթէ  
 նկատեալ դիտեցից 'ի վեր յամենա-  
 գրաւ ուղին սոսկալի, հրեշտակ քո-  
 խաղաղութե քաղցրութեամբ ինձ  
 պատահեսցէ։ Ցոյց ինձ տէր 'ի յե-  
 լիցն աւուր շնչոյս արձակման՝ մաք-  
 րութեան ոգի լուսով ամբարձեալ  
 'ի յերկնաւորացն երջանկաց՝ պար-  
 գևօք սիրոյ քոյ եկեալ հասեալ։ Ի  
 յարդարոցն կատարելոց՝ կարեաց  
 ինձ կցորդ ժամանեցուսցես։ զան-

ակնկալն բարի՝ չարիս 'ի յուսահա-  
տութեանն աւուր շնորհեսցես :  
Քաւ լիցի քեզ, բարեբանեալ, որ  
փրկութիւնդ ես ամենայնի, եթէ  
ախտացեալս քո ոչխարի՝ գազան  
դժնդակ տացես ուղեկից, մեղօք մե-  
ռելոյս՝ անախտ կեանք, կործանե-  
լոյս պարտեօք՝ փրկութիւն :

Գ. Արդեւք մոռասցիս զբարերա-  
բելդ՝ ակնկալութիւն. անտեսեսցե՞ս  
զգթասիրելդ՝ խնամող այլայլեսցե՞ս  
զմարդասիրելդ՝ անփոփոխ . նհան-  
ջեսցե՞ս զկենագործելդ՝ անվախ-  
ճան . թողուցո՞ւս զողորմութիւնդ՝  
երջանիկ պտուղ . աղաւաղեսցե՞ս  
զքաղցրութեանդ բարեշնորհ ծա-  
ղիկդ . անպատուեսցե՞ս զնիւթ սլան-  
ձանաց քումդ Ճոխութեան . յեղա-  
նակեսցե՞ս զփառս հերաց քումդ  
բարձրութեան . ոչ պահեսցես ըզ-  
վայելչական զարդ պայծառութեան  
քումդ սլսակի : Եթէ ողորմածացն  
է երանութիւն, իսկ դու բնաւ իսկ  
արքայութիւն լցեալ փափաքմամբ,  
ոչ զբոլորն պարզեւեսցես փրկու-  
թիւն . ոչ մատուցանիցես դեղ վե-

բացս , ո՞չ սպեղանիս խոցուածոյս ,  
ո՞չ դարման տկարութեանս . ո՞չ ծա-  
գեսցես լոյս 'ի խաւարի՝ յուսացե-  
լոյս 'ի քո զօրութիւնդ՝ կենաց սլար-  
գեդ տիեզերաց , որ միայնդ ունիս  
փառս ինքնութեամբ իսկութեամբ  
և յարակայ մշտնջենաւորութեամբ ,  
վկայեալ 'ի բնաւից , օրհնեալ և փա-  
ռաւորեալ յերիս յաւիտեանս , և  
անդր քան զպայման սահմանի իմա-  
նալեացն յաւիտենից . ամեն :

## ԲԱՆ Գ.

ՎԵՐԱՊԵՏԻՆ ՅԱՆԵԼՈՒԱԺ ՀՐԻԲՆ ՀԵծութեան  
ՆՈՐԻՆ հոկողի առ նոյն աղերս մաղլեանաց  
բանի .

Ի խորոշ սրբից խօսէ ընդ Աստոծոյ :

Ա. ՏԵՇ իմտէր տուիչ պարզեաց ,  
ինքնաբուն բարի , ամենից տիրող  
հաւասարապէս , միայն արարիչը ըզ-  
բնաւս յոչէից , փառաւորեալ , ան-  
քնին , ահեղ , ահարկու , սոսկալի ,  
հզօր , սաստիկ , անտանելի , անմեր-

ձենալի , անըմբոնելի , անխմանալի ,  
 անձառելի , անտեսանելի , անզննե-  
 լի , անշօշափելի , անորոնելի , ան-  
 սկիզբն , անժամանակ , անշամանդադ  
 գիտութիւն , աներկեան տեսու-  
 թիւն , ճշմարիտ էականութիւն ,  
 բարձր և խոնարհ , օրհնաբանեալ  
 գոյութիւն , անստուեր ծագումն ,  
 ամենափայլ ճառագայթ , խոստո-  
 վանեալ լոյս , անտարակոյս վստա-  
 հութիւն , անտարտամ հանգիստ ,  
 անյեղլի կնիք , անսահմանելի տե-  
 սիլ , վկայեալ անուն , ճաշակ քաղ-  
 ցրութեան , բաժակ բերկրութեան ,  
 հաստիչ հոգւոց հաց , օտար մթու-  
 թեանց սէր , աներկբայ խոստումն ,  
 ծածկոյթ ցանկալի , զգեստ անկա-  
 պուտ , օթոց բաղձալի , զարդ փա-  
 ռաց , ձեռընկալու մեծ , ապաւէն  
 գովեալ , աննուազելի շնորհ , ան-  
 պակասելի գանձ , անապական ան-  
 ձրեւ , արփիացնցուղ ցող , ամենա-  
 տեղաց դեղ , ձրի բժշկութիւն , կըր-  
 կնաձիր առողջութիւն , վեհագոյն  
 խրախոյս , անսկատիր կոչումն , հա-  
 մուեն աւետիս , ստրկամեծար թա-

գաւոր , աղքատասէր պաշտպան ,  
մշտահարուստ տուիչ , անխափան  
դիմեցումն , աննահանջելի հրաման ,  
անհամառօտ յոյս , երկար տեսու-  
զութիւն , անզղական տուր , ամե-  
նաբաշխ աջ , արդարակշխու ձեռն ,  
անաչառատես ակն , միսիթարու-  
թեան ձայն , սփոփիանաց լուր , բեր-  
կրութեան բերումն , անուն կեն-  
դանի , նախախնամող մատն , ան-  
դայթագղելի ելք , անխարդախ ըն-  
թացք , կենդանարար կամք , աննեն-  
դելի խրատ , աննախանձ պատիւ ,  
լայնական հնարք , անձկական պայ-  
ման , անդտանելի հետք , աներևոյթ  
շաւիղ , անչափագիր պատկեր , որ-  
քանութիւն անսահման , աննմա-  
նական տիսլ , անզուգական գութ ,  
ողորմութիւն բազմազեղ , խոնար-  
հութիւ տօնելի , համբոյր փրկական:  
Եւ ևս քան զայս ազդմունք վայել-  
չականք՝ աստուածութեանդ նուի-  
րելիք . օրհնեալ , գովեալ , բարե-  
բանեալ , քարոզեալ , աւետարա-  
նեալ , հռչակեալ , հնչեցեալ , պատ-  
մեալ , անխաբելի կամօք աղաչեալ ,

և որ ինչ առ մեղ բերին առ 'ի քէն  
հոսմունք քաղցրութեան , զոր հան-  
դերձելոցն ճառից լուսաբանեն կեր-  
պաւորութիւնք . որովզուարթ ցու-  
ցանիս 'ի փրկութիւն իմ , երանու-  
թիւն , իբր ՚ի պարարտութենէ ի-  
մեքէ ախորժ տենչանօք լցեալ . զի  
ոչ իմովս ինչ սնոտիապատուաստ  
փառարիս երգով , այլ զի պատճառ  
իմն առցես զփոքրս աղերս՝ մեծիդ  
փրկանաց :

Բ . Եւ քանզի առ ամենայն հասակ  
տնկեցեալ յերկրի ազգքանականաց՝  
այս պատուէր նկարագրական նո-  
րոգմատենի ողբոց նուագի , որ զա-  
մենեցունց ունի զկրից պատահմանց  
նշաւակեալ յիւրում պատկերի , իբր  
կցորդ մեծդիտակական կարեաց հա-  
մայնից , առ բոլոր գումարս բազ-  
մահոլովտիեզերակոյտքրիստոնէից ,  
առ նախնի ժամն ժամանողաց , և առ  
երկրորդ կոչեցեալ չափու արբունն ,  
առ որ 'ի կատարած աւուրն կա-  
լեալ՝ սակաւածեռն ծերութեամբն ,  
առ պարտաւորս և արդարս , առ  
ինքնարդոյ բարձրայօնն և սիսալեալ

անձնադատ գտեալն , առ բարիսն  
և եղեռնագործս , առ նկունս և առ  
արիս , առ ստրուկս և ներքոյան  
կեալս , առ սեպուհս և գերաշխար  
հիկս , միջակայնոց և պայտազատաց ,  
շինականաց և տօհմականաց , արուաց  
և իգաց , հրամայողաց և հնազան  
գելոց , գերելոց և նուաստից , վե  
հից և փոքունց , պատուականաց և  
ռամկաց , ձիավարժից և սոսկակա  
նաց , քաղաքականաց և գեղջկաց ,  
արքայից գուողութեանց 'ի սանձս  
ահաւորին ըմբռնեցելոց , միայնա  
ցելոց՝ վերնականացն խօսակցաց ,  
մաքրականաց տիրանուէր զգաստու  
թեանց , քահանայական երջանկա  
կրօնընտրութեանց , այցելութեանց  
բարեզգեստից դիտողութեանց , ա  
թուակալութեանց նախագահից  
սրբանուէր տեսողութեանց . որոց  
ոմանց աղերս աղաչանաց , և ոմանց  
խրատ բարեաց առ դէմս աղօթից  
այսու մատենիւ մատակարարեցի ,  
ձեռնարկեալհոգւոյդզօրութեամբ՝  
կարգելինձ մաղթանս բազմադիմիս  
և ամենեցուն սոցին խնդրուածս՝

գթութեան մեծիդ յանդիման լի-  
նելսովաւ հանապազ :

Գ. Եւ արասցես զսոյն ընթերցո-  
ղացն 'ի սիրտս յստակս՝ բժշկու-  
թիւն հոգւոց և մաքրութիւն յան-  
ցանաց, թողութիւն պարտուց և  
արձակուրդ մեղաց կապանաց : Ե-  
ղիցի բղխումն արտասուաց սովաւ  
վարժելոցն, և պարգևեալ տացի 'ի  
ձեռն սորին ապաշաւ ըղձից : Ծնոր-  
հեսցի տէր և ինձ ընդ նոսին առ 'ի  
քէն զղջումն կամաց, և նոցա իմովս  
ձայնիւ շունչս բարեհամբայրս . նուի-  
րեսցի վասն իմայսու մատենիւ պա-  
ղատանք նոցին, և բանիւս այսու  
հեծութիւնք նոցին ընդ իմ խնկես-  
ցին : Ընդ համբայր ճաշակման այսր  
ողբերգութեան, շնորհ լուսոյքոյ  
մտեալ բնակեսցէ : Եթէ եցեն ինձ  
բարեպարիշտք ընծայիլ սովաւ, ըն-  
կալ կենդանեօքն վասնքո, գթած,  
և զիս ընդ նոսին . եթէ ախտս ինչ  
սրբանուէրս կաթուածոց աչաց սո-  
վիմք բերիցի, եղիցի 'ի քէն խնամա-  
կալ և յիս անձրեւեալ . եթէ գրեսցի  
և 'ի փրկութիւն կարգեսցի հաղոր-

դելոցն յայս կիրս կենաց, արասցես  
 կամաւ քո օրհնեալ՝ և ինձ համա-  
 րեալ: Եթէ հեծութիւնս աստուա-  
 ծահաճոյս 'ի ձեռն այսր բանի 'ի  
 գաղտնեաց ուրուք յառաջ եկեսցէ,  
 օգտեցայց քեւ բարձրեալ՝ և ես ընդ  
 նմին. Եթէ ձեռն մաքուր՝ խնկով  
 հանդերձեալ առ քեզ համբարձի,  
 հասցէ միասցի ընդ իմն ձայնի և ա-  
 ղաջողացն աղերս յառաջ մատու-  
 ցեալ: Եթէ պաղատանս բաղմադի  
 միս ընդ իմն երկնեսցի, լիցի և ինձ  
 քեւ և վասն սորին կրկին նուիրեալ.  
 Եթէ յարգեսցի այս անձին բանի  
 պատարագ՝ քեզ 'ի հաճութիւն,  
 նախայլոցն ընդ իս քեւ ընծայեսցի:  
 Եթէ 'ի տիրանացինչ ձանձրութենէ  
 ոք նուաղեսցի, կանգնեսցի վերստին  
 հաստարանաւ այս հառաջանաց՝ 'ի  
 քեզ յուսացեալ. Եթէ համբարտակն  
 վստահութեան մեղօք յատակի, այ-  
 սու արձանօք պատկանեցելովք ա-  
 ջով քո պաշտպան՝ դարձեալ կա-  
 ռուսցի: Եթէ յուսոյն ձգարանսու  
 սերբն յանցանաց հատեալ կտրեսցի,  
 կցեսցի դարձեալ միւս անդամն կամօք

ամենակալիդ բարւոք պատուաս-  
տեալ . Եթէ վտանգ մահու անձնա-  
կան ցաւոյ զոք պաշարեսցէ , գտցէ  
փրկութի սովաւ առ 'ի յոյս կենաց՝  
յաղօթելն առ քեզ կեցուցիչ . Եթէ  
տագնապաւ ոք տարակուսի 'ի սիրտ  
խոցիցի , քաղցրութեամբ քո՝ սովաւ  
ապրեալ ողջասցի : Եթէ անքաւելի  
կորստեամբ պարտեաց՝ յանդունգս  
ոք խորոց իցէ ընկլուզեալ ; Եկեսցէ  
'ի լոյս կարթիւ այս հնարից՝ քե  
պատսպարեալ . Եթէ թմբը ութեամբ  
խաբից խաւարին գործոց իցէ ոք  
վնասեալ , զօրասցի անդրէն վասն  
քո՝ միայն ապաւէն՝ 'ի քեզ ապաս-  
տան եղեալ : Եթէ պահպանակն  
վստահութեան զանձն ուրուք լքցէ,  
ընկալցի այսու միջնորդիւ ձեռն քո  
զնա՝ ամփոփեալ 'ի նոյն հաստա-  
տութեան . Եթէ ամայի 'ի զգու-  
շութենէ պահողացն ոք դեգերեսցի ,  
սպասեսցէ սովիմբ առ 'ի նոյն դարձ  
նորոգողիդ : Եթէ սարսուռ դի-  
ւային ջերման՝ գողութեամբ ինչզոք  
խուվեսցէ , սթափեսցի 'ի սոյն յայս  
նշան խոստովանեալ և երկրպագեալ

խաջիդ խորհրդոյ . եթէ անօրէնութեան մրրիկ խորտակիչ հողմոյ յանկարծ բախեսցէ զհաստուածս մարմնոյ շինուածոյ մարդոյ յերկրային ծովուս , հանդարտեսցի անդրէն ղեկաւ այս թեոց 'ի քեզ պատկանեալ :

Դ . Եւ արասցես լինել դեղ կենաց առ հնարս ցաւոց հոգւոց և մարմնոց քոց ստեղծուածոց՝ զայս կարգեալ սահման ողբոց մատենի սկզբնեցելոյ յանուն քո՝ բարձրեալ : Զսկսեալս իմ դու կատարեա . եղիցի հոգի քս խառնեալ 'ի սա , շունչ զօրութեան մեծիդ միասցի 'ի քո ինձ շնորհեալ ստեղծաբանութիւնս զի դու տաս զօրութիւն վհատեալ սրտից , և ընդունիս փառս յամենիցունց . ամէն :

## ԲԱՆ Դ.

Վերսալին յառաջընտած իւ իւն հեծութեան  
Նորին հսկողի առ նոյն աղջրս մաղթանաց  
բանի.

Ի Խորոշ սրբից խօսու ընդ Ասպարծոյ :

Յ. Եկ քանզի սկիզբն կալայ խօ-  
սել ընդ քեզ՝ որ 'ի ձեռին ունիս  
զշունչ կենդանութեան հոգւոյտ  
բազմամեղի, յիրաւի սարսեալ դո-  
ղացեալ տադնապաւ մեծաւ յաւէտ  
երկնչիմ. վասն զի ահաւոր և անտա-  
նելի և 'ի սահմանէ բանի փախչելի  
յիշատակ անճողոպրելի անաչառդ  
քո ատենի՝ 'ի կշտամբումն իմ պար-  
տաւորի՝ արարիչ երկնի և երկրի :  
Նա զի և չիք իսկ բժշկութիւն բազ-  
մավտանգ սաստկութեան վիրացս  
անողանալի, խայթմանց խածուա-  
ծոց մահաբերին բերանոյ ժանեաց՝  
որսողին զանձն իմ'ի կորուստ : Մա-  
նաւանդ զի ոչ գոյ պատասխանի,  
ըստ առակողին, յաւուր պատե-

բազմի , և ոչ բանիւ իրաւանալի , և  
ոչ վերարկուաւ պատսպարելի , և ոչ  
դիմակօք կեղծաւորելի . ոչ առ ե-  
րեսս բանիւք մատչելի , և ոչ կեր-  
պարանօք երբէք խաբելի , ոչ յօ-  
դուածովք բանից ստելի , ոչ արագ-  
մամբ ստից փախչելի , ոչ թիկանց  
դարձուցանելի , ոչ դիմաց ընդ եր-  
կիր մածուցանելի , ոչ բերանով ընդ  
հող հաստելի , ոչ 'ի խորս երկրի  
զօղելի : Քանզի մերկ են քեզ ծած-  
կեալքն , և հրապարակեալ են անե-  
րևոյթքն . արդարուն իմնուազեալ  
և 'ի սպառ ունայնացեալ մեղանքն  
յայտնեցեալ և յաւետ առաւելեալ .  
չարկիքն իմմացական , և ես կորստա-  
կան . իրաւանցն կշիռ պակասեալ  
և անիրաւութիւն իսկոյն զօրացեալ .  
բարեացն բերք հալեալ և սխալմուն-  
քըն արձանացեալ . աւանդն կորու-  
սեալ , և դատակնիքն այժմէն դտեալ .  
մահուն մուրհակ գծեալ և աւե-  
տեացն կտակ եղծեալ : Բարերարն  
տիրեցեալ , և բանսարկուն ուրա-  
խացեալ հրեշտակաց գունդն թախ-  
ծեալ , և սատանայ ինծղիւք պա-

բեալ . վերնական զօրքն ողբացեալ ,  
և ստորնայինքն բերկրեցեալ . սպա-  
նողին մթերք լցեալ , և պահողին  
դանձն կապտեալ . օտարին կողմն  
կանգնեալ , և ստացողին սլարդե  
մատնեալ . հաստողին ձիր մոռա-  
ցեալ , և կորուսչին հաղբքն պահեալ .  
երտխտիք փրկչին հենգնեալ , և բե-  
լիար զուարթացեալ . կենացն աղ-  
բիւր փակեալ , և գուռողին ժանդ  
ժանդիս ժամանեալ :

Բ . Եւ արդ ոչ ապաքէն ըղձալի  
էր , ըստ գրոյն կանխութեան նա-  
խաձայնելոյ , ոչ ստեղծանիլն երեկք  
յարդանդի և ոչ նկարիլն 'ի յորո-  
վայնի , ոչ 'ի ծնունդ յառաջադայիլ  
և ոչ 'ի լոյս կենաց հասանիլ , ոչ 'ի  
թիւս մարդկան գրիլ և ոչ 'ի հասակ  
աճման ամբառնալ , ոչ 'ի պատկեր  
գեղոյ զարդարիլ և ոչ բանիւ հան-  
դերձաւորիլ , քանի ընդ այսպիսեաց  
սաստկագունից և սարսափելեաց  
ըմբռնիլ պարտուց , զոր և ոչ վիմաց  
կարծրութիւն բերէ , թող թէ մար-  
մուց լուծականութիւն :

Գ . Եւ արդ տուրբարեգութ' ա-

զաշեմ զքեզ, տուր ինձ ողորմութիւն, որ զայսոսիկ դու ինքնին քեզէն քոյովդ բանիւ մեզ սահմանեցեր ասելով, թէ տուք զայդ նուեր յանուն փրկութեան ձերոյ Աստուծոյ, և սուրբ Եղերուք. զի զողորմութիւն կամիմ, և ոչ զպատարագ : Ահա բարձրացիր վերստին խնկեալ այսր յիշատակաւ, որ ունիս զամենայն, և 'ի քէն է ամենայն, և քեզ փառք յամենեցունից . ամէն :

## ԲԱՆ Ե .

Ա էր աին յաւնը լուսած իրին հեծութեաց նորին հոխուց առ նոյն առներս մաղթանան բանի .

Ի խորոշ սբիւ խօսի ընդ Աստուծոյ :

Ա . Ես արդ ես Երկրածինս մարդ՝ կենցաղականաւ անկայուն գոյիւ զբաղեալ, և յիմարութեամբ սպատրողականաւ գինեաւս յիմարեալ, որ ամենայնիւ ստեմ, և ոչ միով իւիք Ճշմարտեմ : Քանզի որովք դիմօք վե-

բագրեցելովք նշանակօք աղարտեցելովք յանդգնեցայց լինել յանդիման քում դատաստանիդ, ով իրաւադատ ահաւոր, անձառ, անպատում, հզօր Աստուած բոլորից քանզի դասեալ աստատին 'ի սոյն զապերախտութիւն մեղուցեալ անձինս առ քումդ երախտիս, ցուցից զերաւունս քո միշտ զօրացեալ և զանիրաւութիւնս իմ յաւէտ պարտաւորեալ: Որ արարեր զիս 'ի քո պատկեր պանձալի՝ 'ի ձեռն վեհիդ տըպաւորութեան, զոկարս օժանդակելով:

Բ. Զարդարեցեր բանիւ, փայլեցուցեր փչմամբ, մտօք Ճոխացուցեր, իմաստիւք աճեցուցեր, հանձարով հաստատեցեր, 'ի շնչականացն որոշեցեր, հոգւով իմանալեաւ խառնեցեր, իշխանականին գոյիւ պըճնեցեր, ծնար հայրաբար, սնուցեր դայեկապէս, տածեր ստացողապէս, տնկեցեր զամպարիշտս 'ի քումդ գաւթի, ջրովն կենաց ուղղեցեր, աւազանին ցողով մաքրեցեր, կենացն վտակաւ արմատացուցեր, հացիւդ եր-

կնայնով ջամբեցեր, աստուածային  
արեամբդ արբուցեր, անհաղիցն և  
անհասանելեացն ընտանեցուցեր,  
զայս երկրեղեն 'ի քեզ համարձա-  
կեցեր, լուսովդ փառաց վերածած-  
կեցեր, զհողանիւթ մատունս ան-  
մաքուր ձեռացս 'ի քեզ մատուցեր,  
զմոխիրս անարդ մահացու՝ իբր զնը-  
շոյլ լուսոյ յարգեցեր, զհայր քո  
հզօր ահաւոր օրհնեալ մաբդասիրա-  
պէս և անարժանիս իմոյ անձին կըն-  
քեցեր: Ոչ կիզեր զբերանս լցեալ  
նանրութեամբ՝ 'ի ժառանգակիցն  
կարդալ զքեզ, ոչ կշտամբեցեր ըզ-  
յանդգնեալս 'ի քո կցորդութիւն,  
ոչ ստուերացուցեր զտեսիլ աչացս  
'ի քումդ ակնարկութիւն, ոչ ար-  
գելանաւ կապանացընդ մահապար-  
տացն տարագրեցեր, ոչ խորտակե-  
ցեր զդաստակ բազկիս՝ որ անմաք-  
րապէս առ քեզ համբառնայր, ոչ  
մանրեցեր զոստս իմոց մատանցս 'ի  
շօշափելն զբանդ կենաց, ոչ պատե-  
ցին զինեւ մառախուղք 'ի ձօնելն ըզ-  
քեզ՝ ահաւոր, ոչ փշեցեր զպարս  
ստամանցս յըմբոշխնելն զքեզ՝ ան-

սահմանելի , ոչ գնացեր բարկու-  
թեամբ խոտորնակ՝ խոտորնակի ընդ-  
քեզ հետեւողս , իբր ընդ վրիպեալ  
տունն Խորայէլի , ոչ խայտառակե-  
ցեր 'ի հարսնարանիդ զանարժանս  
քումդ պարերգութեան , ոչ 'ի գը-  
ձուձ հանդերձին տեսիլ զանօրի-  
նեալս յանդիմանեցեր , ոչ կատա-  
նօք ձեռացս և ոտիցս յարտաքին  
խաւարն հալածեցեր :

Գ . Զայս ամենայն մասունս բա-  
րեաց և զներելոյդ երկայնմտութիւն  
ընկալեալ'ի քէն՝ բարերար , օրհնեալ  
և յամենայնի միշտ երկայնամիտ ,  
փոխադրեցի վնասակարս պարտեաց՝  
անթիւս և բազմօրինակ անօրէնու-  
թիւնո , մարմնականաց և անձնա-  
կանաց՝ ամենակիր բազմածուփիսոր-  
հըդոց յուղմանց երկրաքարշու-  
թեանց : Զայսոսիկ քեզ , Աստուած  
իմ և տէր , ընդ այսքանեաց բարեաց  
փոխաբերեցի . զայս քեզ ինձէն հա-  
տուցի չարիս , ըստ մովսիսեան յան-  
դիմանութեան առակի , մուացեալ  
զիմաստութիւն և սիրողս յիմարու-  
թեան : Զայսց բարեաց երախտեաց

կաճառս՝ ընդունայնութեան գնացիւք՝ չարաչար ունայնացուցի. զայս լուսաւորութիւն շնորհաց անձաւից՝ ի բարձրելոյդ խնամոց բարդեցեալ՝ մըրկան խելագարութեան ցնդեցի : Եւ թէպէտ բազում անգամ ծանուցար կարկառմամբ ձեռին քո այցելութեան ձգել զիս առքեղ, ոչ հաւանեցայ ըստ մարդարէին որ զիսրայէլէ ամբաստանութեան . և թէպէտ խոստացայ դաշնաւորեցի քեզ հաճոյանալ . և ոչ ընդ այսմսահմանաւ ուխտիւ փակեցայ, այլ դարձեալ զնոյն նիւթեցի չարիս, անդստին յոՃն առաջին մատեայ, փշոցն մեղաց հերկեցի զանդաստան սրտիս յորոմանն արդիւնատրութիւն : Առ իս ելանեն առածք աստուածարեալ սուրբմարդարէիցն . քանզի մնացել յինէն խաղողոյ, և ես ընդ այնորիկ փուշառավիղեցի . դարձայ յանախորժդառնութիւն պտղոյ, այդիս օտարացեալ . բուռն հարի զանհաստատ հողմոյ, որովք միշտ տատանեալ այս անդը տարաբերիմ . ըստ ձայնի երա-

Ե  
 նելոյն Յոքայ ընդ Ճանապարհ իմն  
 անդարձ գնացի . 'ի վերայ աւազոյ  
 շնուածս յիմարութեան կառուցի :  
 Լայնատարր հետովք խաբեցայ կե-  
 նացն անձկալեաց հասանել . փա-  
 կեցի ինձէն զելիցն ուղևորութիւն .  
 բացի կամաւ զկորստեան խորխո-  
 րատն : Խցի զալատուհան լսելեաց  
 իմոց առ բանիդ կենաց ընդունելու-  
 թիւն . կափուցի զաչաց հոգւոյս  
 հայեցուած առ . 'ի զկենացն դեղ  
 նկատել : Ոչ ընդոստեայ 'ի թմբրու-  
 թեանց լքմանէ մտացս 'ի պատգամ  
 փողոյդ ահաւորութեան . ոչ զգաս-  
 տացայ 'ի բողոք գուժի հրափորձա-  
 կան աւուրն ընտրութեան . ոչ եր-  
 բէք զարթեայ 'ի նիրհմանէ քնոյն  
 մահացուի , որ 'ի կորուսան կարա-  
 պետէ : Ոչ ետու հանգիստ քոյ հո-  
 գւոյդ 'ի մարմնեղէնստաղաւարի . ոչ  
 ընդ բնութիւն շնչոյս խառնեցի ըզ-  
 մասն շնորհաց քումդ պարգևի . ի-  
 մոյս ձեռօք կոչեցի կորուստ , ըստ  
 առակողին , զհոգիս կենդանի մա-  
 հացուցանել :

Դ . Եւ զինչէ ինձ սակաւս և նուա-

զադոյնս յօդել սահմանս կսկծելիս  
չափաբերականս , մինչ անցեալ է  
ըստ քանակութիւն և վրիպեալ ըստ  
բժշկութիւն : Արդ գո է ընձեռել  
կեանս հոգւով մեռելոյս , և անո-  
խակալութեամբ մատչել առ այցե-  
լութիւն դատապարտելոյս Որդի Աս-  
տուծոյ կենդանւոյ . քեզ փառքյա-  
մենայնի . ամէն :

## ԲԱՆ Զ.

Վերսաֆին յաւելուած իւիին հեծութեան  
նորին հսկողի առ նոյն աղերս մաղթանաց  
բանի .

Ի իւրաց սրբից խօսի ընդ Աստուծոյ :

Ա . Իսկ արդ զի՞նչ բարւոք գոյ  
առ այս , կամո՞ր օգուտ ինձ առ սոյն  
սահման ընթացից ձայնիս հեծու-  
թեան՝ լքանել , և ոչ զամբարեալ  
շարաւ մահացու վերիս՝ խարանաւ  
բանիս արտաքս հերքել , և կամ ըզ-  
ծանըութիւն սրտիս մթերեալ ցա-  
ւոյս հոգեկան խիթոյս , իբր տաղտ-

կացուցանողական հիարաւորութեամբ, մասնամուխ զզուանօք փլախել:

Է. Եւ քանզի ոչ դտայ արժանի սլարծելոյ ՚ի փառս ընդ սրբոցն դաս, որոց լի են բերանք նոցա ծաղու, և շրթունք իւրեանց ցնծութեամբ, ըստ առակողին և սաղմոսողին, ՚ի կարգն երկրորդ դիմեցից՝ զնմանիսն իմ յիշատակել համայն աստանօր. թէպէտ առ իմում թէրութեան բարուց անբարեաց՝ և նոքա յաղթականք իցեն, իբր ասկա շաւեալն քան դանապաշխարն: Տօնելի եղեւ Մանասէ առ իմոց սլարտուցս առաւելութիւն. պատուեցաւ և փարիսեցին առ դժնէիս ամբարշտութիւն. դովեցաւ անառակորդին առ անդարձիս ուխտազանցութիւն. յիշատակեցաւ կեղծաւորութիւն որդւոյն Ամասեայ առ անշնորհութիւն ասպախտաւորիս. օրհնաբանեալ եղեւ աւազակն, որ դատախազն է անհաւատից. սպատուեցաւ և կինն պունիկ՝ սկզբնամայրն ասպաշաւողաց: Ոչ սլակաս

քան զՓարաւոն զստեղծուած սըր-  
տիս իմ խստացուցի . ըստ օրինակի  
խռովութեան մըրկաց ծովու ծփե-  
ցայ . ոչ այնքան սարսեցի և պատ-  
կառեցի 'ի սաստկութենէ քումդ  
հրամանի , որքան ալեք ծովուն յե-  
զերացն : Ընդ թիւս չափուց կշռու-  
թեան առ իմս գործոց՝ և աւազոյն  
կոյտ սահմանեցաւ . սկակասեաց ան-  
բաւիցն շիղջք առ համբարս իմոցս  
անօրէնութեանց :

Գ . Զի թէսկտ և յոյժ բազում  
են մանունքն 'ի յափունս ջրոյն հա-  
մահաւաքեալք , այլ ուրոյնք և ա-  
ռանձնականք 'ի ծննդոց աճելու-  
թենէ . իսկ մեղանք իմոյս յանցա-  
նաց՝ անթիւք , զորս անհնար է առ-  
նուլ 'ի միտ : Ոմն և ծնունդք իւր ,  
ոմն և շառաւիղք իւր , ոմն և բիծք  
իւր , ոմն և արկածք իւր , ոմն և  
փուշք իւր , ոմն և արմատք իւր , ոմն և  
հաստուածք իւր , ոմն և պտուղք  
իւր , ոմն և նշխարք իւր , ոմն և Ճիւղք  
իւր , ոմն և ոստք իւր , ոմն և արմկունք  
իւր , ոմն և Ճիւրանք իւր , ոմն և մա-  
տունք իւր , ոմն և խլրամունք իւր ,

ոմն և զօրութիւնք իւր , ոմն և ազդ-  
 մունք իւր , ոմն և նշմարանք իւր , ոմն  
 և տիսկք իւր , ոմն և մնացուածք իւր ,  
 ոմն և ստուերք իւր , ոմն և մթու-  
 թիւնք իւր , ոմն և յարձակմունք  
 իւր , ոմն և հնարք իւր , ոմն և պա-  
 տիրք իւր , ոմն և դիտմունք իւր , ոմն  
 և դիմեցմունք իւր , ոմն և չափք իւր ,  
 ոմն և խորք իւր , ոմն և գարշութիւնք  
 իւր , ոմն և կայծակունք իւր , ոմն  
 և կիրք իւր , ոմն և մթերք իւր , ոմն  
 և գանձք իւր , ոմն և ցնցուղք իւր ,  
 ոմն և աղբերք իւր , ոմն և դիւտք  
 իւր , ոմն և շանթք իւր , ոմն և հըր-  
 դեհմունք իւր , ոմն և պատկառանք  
 իւր , ոմն և վիհք իւր , ոմն և ան-  
 դունդք իւր , ոմն և բորբոքմունք  
 իւր , ոմն և աղջութիւնք իւր , ոմն  
 և ամպրուտք իւր , ոմն և կայլակք  
 իւր , ոմն և հոսմունք իւր , ոմն և  
 հեղեղք իւր , ոմն և սառնամանիք  
 իւր , ոմն և դրունք իւր , ոմն և շա-  
 փիղք իւր : Հնոցն և տապ իւր , հրատն  
 և գոլորշեք իւր , հալոցն ճարսկին  
 և Ճենձերմունք իւր , օշինդրն և դառ-  
 նութիւն իւր , կործանիչն և հնա-

զանդեալք իւր , բոնաւորն և յելու զակը իւր , գոռոզն և սպառազէնք իւր , աւազակապետն և գումարտակը իւր , դազանն և կորիւնք իւր , խածանողն և ծակոտուածք իւր , ապականագործն և նմանիք իւր :

Դ . Արդ այսոքիկ պետք են գլխաւորութեանց ապականողաց ոգւոց համայնից , դասեալք ընդ ինքեամբք նուաճութիւնք մասանց՝ իւրաքանչեւր ոք 'ի սոցանէ բիւրք բիւրուց և հազարք հազարաց . իսկ զհամայնիցս թիւնամիայն զօրէ խմանալ , որ զառ 'ի մէնջ չէութիւնն գրեալ՝ իւր զէութիւն գործոց տեսանէ : Եւ արդ եթէ ոք զանձն ոչ խաբեսցէ , և առերեսս ոչ կերսլարանեսցի , և կեղծաւորաբար ոչ անհաւատեսցէ , և մարդ զինքն ծանիցէ , և հասարակաց բնութեամբ վարեսցի , և երկրածին զանձն դիտեսցէ , և 'ի չափուիւրում կանոնին կացցէ , խմասցի ծանիցէ զնախաթիւ մասունս արկածիցդ վերադրելոց , թէ ոչ ընդունայն ինչ գրեցի և կամ զընաւիսկութիւնսահմանեցի , որ 'ի մերս բնութեան

պառւակի ազգի ազգի վթիալականութիւն . այլ 'ի բիւրուցն արգասեաց չարեաց չափ մի երևեցուցի , զի նոքօք և զայլսն իմաստասիրեսջիք , թէ պէտ և ոչ բաւանդակապէս :

## ԲԱՅ Ե.

Ա շ ե ր ս պ ի ն յ ա - է լ ս - ա ծ է ր ի ի ն հ է ծ ս - թ է ա ն ն ո ր ի ն հ ա կ ս ո լ ի ա ռ ն ո յ ն ա ղ է ր ս մ ա ղ լ լ ա ն ա յ բ ա ն ի .

Ի խ ո ր ո յ ս ը պ ի յ ի ս օ ս + ը ն դ Ա ս պ ո ծ ո յ :

Ա . Ե թ զ ի մ ի զ վ ի ր կ ու թ է ա ն ն վ ս տ ա հ ո ւ թ ի ւ ն 'ի ս պ ա ռ կ տ ր ե ց ի ց , և ա պ ա զ է ն ե ղ ե ա լ մ ա տ ն ե ց ա յ ց ա յ ս ք ա ն ե ա ց ա ն ե ր ե ռ ո ւ թ ի ց ը ն դ դ ի մ ա մ ա ր տ ի ց , ո ր ք ո չ ա յ լ ի ն չ ե ն՝ ք ա ն թ է ը ն տ ա ն ի թ ը շ ն ա մ ի ք ի ն ք ն ա ծ ի ն բ ու ս ե ա լ ք զ ո ր վ ե ր ա գ ր ե ա լ ք դ ս ա հ մ ա ն ե ց ի ն՝ զ ո ր ի ք ա ն ո ւ թ ի ւ ն ս պ ա կ ե ր ի ն ձ ե ո յ ե ղ ե ա լ ա հ ա ր կ ո ւ ս , ց ու ց ի ց ա ռ ս մ ի ն բ ա զ մ ա բ ո յ լ բ ո ն ո ւ թ է ա ն մ ա ր տ կ ա ց դ՝ զ օ ր ե ղ ա խ ո յ ե ա ն ս ա ս տ ո ւ ա ծ ա կ ա ն ս՝ ա մ ե ն ա յ ա ղ թ ո ղ ս և ա ն ս պ ա ր տ ե լ ի ս , թ է և

կոկծելիս կիրս և դժուարակութ  
պտուղս ծառոց անհասանելեաց, և  
անկոխ ճանապարհաց երկք և տա-  
ժանմունք : Քանիզի զայն ամենայն  
գունդս չարութեան բանսարկուին  
զօրաց՝ սակաւ մի արտօսը կաթուա-  
ծոց աչաց, իբր զՃՃիս զեռունսբազ  
մոտանիս խխայթից երկրի տկար  
խլրտմանց՝ անկեալ՚իվերայծորումն  
ձիթոյ կամ դոյզն դեղինչ սատակ-  
չական, ցամաքեցուցանէ . և դոյզն  
մի հառաջումն սրտի հեծութեան  
ելեալ՚ի յոդւոյ, իբր շնչումն հարա-  
ւային ջերմութեան խառնեալ յա-  
րեւու, զսառնամանեաց սաստկու-  
թիւն հալէ . քանիզի ըստ միումդ  
նմանութեան հեշտածինք են, և  
ըստ միւսումդ դիմադրութեան դիւ-  
րամեռք :

Բ. Այլես ոչերբէք կասեցից դա-  
տել զդատապարտեալ՝ բանից կըս-  
կըծմամբ, պարսել զպարտաւորեալս  
իբր զվասակար անփրկանաւոր ան-  
համոզելի . վասն զի զոմսնս սատա-  
կեալ՚ի յիմոց նեղչացն, ոմանց զօ-  
րութիւն տամ կենդանանալ առ-

է  
 Հոգւոյս կորուսաւ։ Տունկս դառնոս-  
 տեան, որ զգարշութիւն անառակ  
 վարուց ծաղկեցի։ բարունակս ա-  
 պականաբեր և մահողկուզեան, որ  
 զկորստեան գինին երկնեցի։ Քանա-  
 նու զաւակս՝ և ոչ Յուդայի, ըստ  
 ասից մեծին Դանիէլի։ որդիս գե-  
 հենին, ոչ արքայութեան։ Ժա-  
 ռանգս դժոխոց, և ոչ փառացն փա-  
 փաքելեաց։ Նիւթս տանջանացն, և  
 ոչ հանգստեան։ Ասլերախսս առ Ե-  
 րախտաւորդ, ապաշնորհս առ բազ-  
 մապարգեղ, միշտ մեղուցեալս առ  
 երկայնամիտդ, դառնացուցիչս քաղ-  
 ցրութեան բարերարիդ, ծառայս  
 չար և վատ, ըստ տէրունեան յանդի-  
 մանութեանն, իմաստունս զշարիս  
 գործելըստ Եսայեայնախսասացու-  
 թեանն, ժիրս առ ժանդագործու-  
 թիւնս զաղըութեան։ փոյթս առ  
 ՚ի բարկացուցանել զտէրն, մշտա-  
 շարժս առ գիւտս սատանայականս,  
 հանապազորդեան վիշտս ստացողին,  
 թոյլս առ բարեացն թռիչս, ծոյլս  
 առ երանութիւնն ընտրութեան,  
 դանդաղս առ դիտմունս խոստացե-

լոցն, անսարիս տու կարիս պիտանեացնեալ օդտակարացն, սկաշտօնեայս տիրագրուժ երախտամոռաց :

Գ. Վայ անձինս մեղաւորի, զի զարարիչն իմքարկացուցիր. վայ որդւոյս կորստեան, որ զկենդանութեն ձիր մոռացայ. վայ պարտապանիս անհամար բիւրուց քանիքարաց որ ոչ դոյ հատուցանել. վայ բեռնակրիս ծանրութեան մեղաց դժնեից, որ չունիմ դառնալ առ հանգըստարն. վայ վեասակարիս տէրունեան պարտուցն, որ չիք հնարյանդիման լինել հզօրին. վայ եղէգնախուիւ կիզանողականս նիւթոյ, որ տուքորելոց եմ 'ի գեհենին. վայ ինձ առ այս յիշատակ, զի նետք բարկութեանն Աստուծոյ այրեցելովք են գործեալ. վայ յիմարութեանս, որ ոչ մտառեցի զծածկեցելոցն յայտնութեան հանդէս. վայ ամքարշտիս, զի միշտ անդադար ոստայնս չարեաց կկեցի. վայ զմարմինս պարարողի կերակուր որդանցն անմահից, կտտողացն թունաւորաց զիա՞րդ համքերեցից. վայ ինձ առ արբումն մահուն

բաժակի , ո՞րպէս զյաւիտենականն  
տուժեցայց • վայ ինձ առ ելս անար-  
ժան հոգւոյս յեղիկելի մարմնոյս , ի՞բր  
դատաւորին ճշմարտի յանդիմաննե-  
ցայց • վայ ինձ առ նուազութիւն իւ-  
ղոյն լապտերաց , զի անարծարծելի  
է աղօտանալն . վայ ինձ առ ճետ  
տագնապի ահին պակուցման , յոր-  
ժամառագաստին մուտն փակեսցի .  
վայ ինձ առ ձայնին ահաւորութիւն  
գողացուցչաց և սարսափելեացն բա-  
նից՝ երկնաւոր թագաւորին վճռաւ  
կիքելոյն , թէ ոչ դիտեմ զքեզ :

## ԲԱԿ Բ.

Վ է բարին յա-նլուած իրին հեծութեան  
նորին հսկողի առ նոյն աղւըրս մազլանաց  
բանի .

Ի իսրոյ սրտից իսօս + ընդ Աստուծոյ :

Ա.ԵԿ արդ զի՞նչ գործեսցես անձն  
իմ կորուսեալ , կամ ո՞ւր թաքիցես ,  
կամ զիամրդ ապրեսցիս , կամ ո՞րպէս  
եցես 'ի մեղաց բանդե : Քանդի բա-

զումեն պարտիքդ և անթիւ հատուց  
մունքն , սաստիկ կշտամբանքն և ան  
վախճան նախատինքն . անողորմ են  
հրեշտակքն և անկաշառ դատաւորն,  
հզօր ատեանն և անաչառ բեմն,  
քստմնելի սպառնալիքն և անողորմ  
հատուցմունքն , ահարկու հրամանն  
և մերկապարանոց յանդիմանու  
թիւնքն , հրեղէն են գետքն և ան  
անցանելի են վտակքն , թանձրա  
մած խաւարն և արտաքոյ այցե  
լութեան մառախուղն , ապակա  
նութեան է դուքն և մշտնջենաւոր  
է տագնասլն , ամենագրաւ տարտա  
րոսն և անզերծ սառնամանիքն : Եւ  
արդ արդարե քեզ են դանձեալ  
դառինքս այսոքիկ դժնդակք և տար  
ժանելի օթեանք անըմբերելեացդ  
պատուհասից , ով անարժան անձն  
իմ մեղաւոր , չարագործ , պոռնիկ ,  
բազմաբիծ և սահման անդաստանի  
ընաւին անմաքրութեան : Ահազար  
դիւնս գործոց ձեռաց քոց ժառան  
գեսցես՝ թիւրեալդ ՚ի յուղլու  
թեանց և զառածեալդ ՚ի մաքրու  
թեանց , տարագրեալդ յարդարու-

թեանց և 'ի կարգաց պարկեշտու-  
թեանց, ունայնդ 'ի լիութեանց հո-  
գեպարգև հարստութեանց, 'նա-  
խանձարկու բարերարին և ամենա-  
կալթագաւորին :

Բ. Եւ քանզի կառուցեր քեզ ա-  
նել արգելան և անփախչելի որո-  
գայթ, խոստովանեալ քեզէն զան-  
քժշկականդ քո վէր և զանօրինա-  
կըդ հարուած, վկայելով զանձինդ  
զպարտականդ մահու զանբուժելիդ  
բեկութիւն, ով չարդ 'ի բարեաց,  
ով դառնութիւնդ 'ի քաղցրու-  
թեանց, ով խաւարդ 'ի լուսազար-  
մից, ով կապտեալդ 'ի պՃնելոց, ով  
դսրովեալդ 'ի գովելոց, ով անբա-  
րիշտդ 'ի բարեպաշտից, ով շնչա-  
կանդ 'ի բանականաց, ով անմիտդ 'ի  
մտաւորաց, ով անհանձարդյիմաստ-  
նոց, ով անմաքուրդյլնտրելոց, ով  
մահացուդ 'ի կենդանեաց, ով խո-  
հերականդ 'ի սրբոց, ով արբշոդ  
'ի պարկեշտից, ով կեղծաւորդյար-  
դարոց, ով անպիտանդ 'ի պիտա-  
նեաց, ով անարդդ 'ի փառաւորաց,  
ով նուազդյառաւելութեանց, ով

գերիդ՝ ի գերագունից, ովնուաս-  
տագոյնդ՝ ի վեհից, ով աղքատդ  
յընչեղաց, ով անարժանդ՝ ի փըր-  
կութեանց, ով տնանկդ՝ ի բար-  
ձրութեանց և՝ ի հոգեոր հարստու-  
թեանց, և հատուածեալդ յօրհնե-  
լոց:

## ԲԱՆ Թ.

ՎԵՐԱԿԻՆ ՅԱ-ԷԼԻ-ԱԾ ՀԵՒԻՆ ՀԵԾ-Ա-ՌԵԱ-  
ՆՈՐԻՆ ՀՈՒԽՂԵ ՄԱ-ՆԱՅՆ ՄՂԵՐԻ Մաղլեանաց  
Բանի.

Ի ԽՈՐԻՇ ԱՐԳԻՇ Խօսդ ընդ Աստո-ծոյ:

Ա. Եկարդ զի՞նչարժանաւոր լստ  
քեզ բամբասանս շարագրեցից՝ ի  
կտակ մաղլթանաց մատենի այսր ով-  
բերգութեան, ով անձնիմթշուառ,  
ամենապատկառ և առ պատասխա-  
նիս բանից անբարբառ, անպիտան  
Աստուծոյ և սրբոց մասնակցու-  
թեան: Զի եթէ զլիճ մի ծովուց՝ ի  
յորակութիւն գեղոյ յեղեղեցից, և  
զդաշտս ասպարիսօք բազմօք սահմա-

նեալ՝ ի տարածումն լայնութեան  
քարտենի չափեցից, և զպուրակս  
յոքունց անտառացշամբիցեղեգանց  
՚ի հատուածս գոյութեան գրչաց  
կազմեցից, և ոչ զթիւ մի ՚ի բարդե-  
լոցն անօրէնութեանց զօրեցից ընդ-  
գրով սահմանի գրաւել։ Կա՝ զի թէ  
զմայրս Լիբանանու ՚ի մի լուծ կշռոց  
զօդեցից, և կամ զլեառն արարա-  
տեան ՚ի կէտ ամբարձման նժարի  
միոյ արդարութեան միջնորդ կա-  
ցուցից, ոչ հաւասարէ այնը հարթու-  
թեան համազուգակցել։

Բ. Ծառս ամբարձուղէ՛ ստուա-  
րաստեղն՝ տերևալից՝ ունայն ՚ի պը-  
տղոց, նմանակից յաւէտ հարազատ  
այնը թզենւոյ՝ զոր տէրն գոսացոյց.  
Քանզի սաղարթօք վարսից, այս է  
արտաքին դիմօք բարեշուք կերպից  
իբր սպակաւ իմիք սկաճուճեալ, բա-  
ցականացն գոս բաղճալի, իսկ եթէ  
մերձեսցի տնկողն խուղել զխնդրե-  
լին, գտցէ զքեզ ունայն ՚ի բարեաց  
և գարշելի ՚ի գեղեցկութեանց,  
ծաղը տեսողաց և նշաւակութիւնք  
նախատողաց։ Զի եթէ ապաժաման

յանզգոյշ Ժամուն Հերապանծ  
տունկն պաղակորոյս անկենդան, որ  
դոյզն պատկերն է անպատճառատից,  
եկն ընդ անիծիւք, և կամերկիբ ո-  
ռոդեալ ցողով, և ոչ բազմապատիկ  
զաւանդս արդասեաց երկրագոր-  
ծութեան տածողացն մատուցանէ՝  
լքեալ մոռանի, իսկ դու ով անձն  
իմ եղկելի, սահման բանաւոր և  
տունկ կենդանի՝ և ոչ 'ի Ժամունիւ-  
րում պաղաւոր, ի՞ր ոչ զնոյն կրես-  
ցես պատիժ նախնում առակիդ:  
Վասն զի զհամայնն ընկալար 'ի քեզ  
անպակաս յառաւելութեանց, ըս-  
կըզբնաւորեալ 'ի մարդն առաջին և  
մինչեւ 'ի սպառումն ծննդոց նորին,  
զքերս գործոց նանրութեանց և ըզ-  
գիւտս նորոգս՝ առելիս և անախօր-  
ժելիս հաստողին զքեզ Ասուծոյ:  
Դ. Եւ վասն զի եղի զքեզ նալատակ  
հանդէս երեսաց տեսութեան մը-  
տացս՝ անձն իմ անսպիտան, վիմօք ձը-  
գելոց արձանաց բանից, իբր զանըն-  
դել գազան վայրենի՝ անողորմաքար  
զքեզ քարկոծել: Որ թէսլէտ և ոչ  
պատահիմ անուանիլ արդար, սա-

կայն յառաջնումն պատասխանւոյ  
 իբր ընդ ոսոխի ումեմն ընդ անձին  
 յօժարամիտ կամք ոդորիմ, ըստ ի-  
 մոստութեան բանի. և զյոյզս մոտաց  
 խորհրդոցս գաղտնեաց իբր զգլսա-  
 ւորեալ յանգաւորութիւնն չարու-  
 թեան գործոց խոստովանեալ, քեզ  
 տարածեցից՝ Աստուած իմ և տէր :  
 Զի որով չափով չափեցից զանձինս  
 ստգատնիք, 'ի քոցդ աննուաղդթու-  
 թեանց այսրէն չափեցայց՝ ընկա-  
 լեալ ղընորհդ յաճախագոյնս ընդ  
 մեծագունիցս պարտեաց: Եւ որքան  
 վլրացն հարուածք անքժշկականիք և  
 անհնարաւորք ճարակեսցին, այնքա-  
 նեօք չափովք կրկին առ սմին և ի-  
 մաստք արուեստից բարձրեալ բժը-  
 կիդ բարեհոչակեալ լուսաւորես-  
 ցին. և 'ի պարտուցն առաւելու-  
 թիւն, նոյնքան փոխատուիդ առա-  
 տատրութիւնն բարեբանեալ միշտ  
 պսակեսցի, ըստ խնկաւորդ քումա-  
 ռակի: Զի քո է փրկութիւն, և 'ի  
 քէն է քաւութիւն, և աջով քո նո-  
 րոգութիւն, և մատամբ քո զօրեղու-  
 թիւն, և 'ի հրամանաց քոց արդարու-

թիւն, և յողորմութեանցքոց ազա-  
տութիւն, և յերեսացքոց լուսաւո-  
րութիւն, և 'ի դիմացքոց զուարձու-  
թիւն, և հոդւովդքո բարութիւն,  
և օծմամբ իւղոյքոյ սփոփութիւն,  
և ցողովշնորհիքոյ զուարժութիւն.  
և դու տաս մխիթարութիւն, և  
մոռացուցանես զվհատութիւն, և  
բառնաս զխաւար վշտաց, և զհեծու-  
թիւն ողբոց'ի ծաղը փոխես: Եւքեղ  
վայելէ օրհնութիւն դովութեամբ  
հանդերձ յերկինս՝ և յազգս հարցն  
և 'ի ծնունդս նոցա, և յաւխենից  
յաւխտեանս. ամէն:

## ԲԱՆ Ժ.

Անընդհանուր յառաջնորդ կը իմն հեծութեան  
նորին հսկողի առ նոյն աղերս մաղթանաց  
բանի.

Ի խորոշ սրբից իօստ ընդ Աստվածոյ:

Ա. Ե. Ի արդքանզի միապէս մատ-  
նէ կորստեան և զղջումնն ուժգնա-

պէս և մեղանչելն մոլեգնաբար . զի  
թէ և օտարացեղ իմն են 'ի միմեանց  
այլայլութիւնքնմանութեանցն, սա-  
կայն զկերպարանս երկաքանչիւրո-  
ցըն առ միմեանս եղեալ, զմի և ըդ-  
նոյն վհատութեան ծնունդս արտա-  
դրեն : Զի մինն զհզօրին ձեռն իբր  
ապիկար թերահաւատէ, իսկ միւսն  
ըստ նմանութեան քառոտանեաց  
պաճարեղինաց յանզգայս եղեալ,  
զյուսոյն առասան խզէ . վասն որոյ  
ընդ առաջնումն միշտ փաղաքշեալ՝  
հանապազ ինդայ սատանայ, իսկ  
երկրորդաւն՝ ըստ նմանութեան  
լափլիզող գժոխորովայն գաղանի՝  
իբր կերակրով արեամբ սղարարի :

Բ . Եւ արդ իբր զգանեալ բազմա-  
հարուածեան հեծանաւ և յափն  
մահու ժամանեալ, դոյզն ինչ դար-  
ձումն չնչոյ ընկալեալ և յոգի կենդա-  
նի եկեալ կազդուրեցայց, պատապա-  
րեցայց, կանգնեցայց, յարեայց յան-  
կենդանականս կորստենէ, օժանդա-  
կեալ Քրիստոսի ձեռամբն՝ որ գթա-  
ծըն է յամենայնի . 'ի բարերար յեր-  
կնաւոր հօրէն՝ փրկութեան և բժը

կութեան պառւղընձեռեալ ինձ մեղուցելոյս, ախտացելոյս և մահացելոյս։ Եւ սկզբնաւոր ողբերգութեան այսր աղերսանաց՝ զհաւատոցն շինուած կառուցից։ Քանիզի և ոմն 'ի նախնեացն սոքիմբք զինեալ, փոխեցաւ իսկոյն յանմահականն վիճակ վերին։ զապաշխարութեանն դեղընկալեալ, ասկաշաւանաց թոշակաւն զգրաւականն անեղծութեան աստէն ժառանգեաց, 'ի վերքան զորոց առաքեալընդ նմին ցուցանէ, որք զհանդէսն մրցանակին յերկրի կատարեալ, ասագայիցն և երկնաւորացն յուսոյ հաւատացին, և անտեսիցն Ճոխութեամբ փարթամացան։ Իսկ զիսրախոյս տէրունի պաշտելի բանին յիշեալ առ սմին, զի ամենայն ինչ հնարաւոր է այնմ որ հաւատայն, է զի և զչափն ընտրականացն բարեմասնութեան Աստուծոյ հաճելեացն զննեալ աստանօր, զայս պատկեր բանի ընկալաք նախնի գահերէց առ ՚ի սրբութեանցն մուտ սովիմբք հանդերձել. առանց որոյ և ոչ տէրն փառաց զիւրսն առ մեղ

հրաշագործեաց զօրութիւնս , եթէ  
ոչ նախ լծակից խնդրեաց բարերա-  
րութեանն իւրոյ զհաւատսն մեր .  
ուստի և կեանսս ընձեռել զօրէ ինքն  
իշխան բաւականութեամբ առ ըն-  
թեր գոլով Աստուծոյ . քանզի հա-  
ւատք քո կեցուցին զքեզ , օրհնաբա-  
նեալն Աստուծոյ բերան վկայեաց :  
Քանզի արդարեւ սեռն տեսութիւն  
և կատարեալ իմաստութիւն և առ  
Աստուծ ընտանութիւն և բարձրե-  
լոյն ծանօթութիւն՝ հաւատոց մասն՝  
երջանիկ և ընտրեալ անուն , որ յա-  
րածդեալ մնայ անվթար և անփակե-  
լի , պատուակից գոլով սիրոյ և յու-  
սոյ : Զի եթէ փոքու սերմանի գոյի  
հատի մանանխոյ չափոյ նուաստի  
հաւատք զլերանց մեծութիւն փոխէ  
զօրեղապէս 'ի սիրտս ծովու , ապա  
յիրաւի ընկալաք զսոյն սկզբնաշա-  
վով առաջնորդ կենաց՝ աներկմիտ  
պաշտօն առ Աստուծ , որ զապառ-  
նիսն և զծածկեալն առանց երկբայ-  
ռութեան 'ի հոգւոյն աչս տեսանէ ,  
Երրորդութեանն փառարելի ա-  
նուամբն պատուեալս հաւատք՝ ընդ

սիրոյն դասեալ և յուսոյ : ԶԵ ԹԵ և  
զերիսն հատուածս առանձնաւորա-  
կանս 'ի մի և 'ի նոյն խորհուրդ գի-  
տեսցես , յաւետ մեծասցիս նոքօք 'ի  
յԱստուած . քանզի ԹԵ հաւատաս  
'ի նա , և սիրես . որով և յուսաս ա-  
ներեւութից սկարգեաց նորին : 'Ամա  
փառք յաւիտեանս . ամէն :

## ԲԱՆ ԺԱ.

ՎԵՐԱՊԻՆ ՅԱՆԵԼՈՒԹԾ ԽՐԻՍՆ ՀԵծունեան  
նորին հոկողի առ նոյն աղերս մաղթանաց  
բանի .

Ի ԽԱՐԱՇ ԱՐԳԵՇ Խօսի ընդ Աստուծոյ :

Ա . ԵՒ արդ ես յետինս դաւանո-  
ղաց՝ ունայն 'ի բարեաց , նայեցեալ  
խորհրդով մտացս 'ի սկզբնաւորն իմ  
եղելութիւն 'ի ձեռն ձեռին ստացո-  
ղին իմոյ յանեից յուսով հաւատամ  
Յիսուսի Քրիստոսի առնել զոր կա-  
մի : Քանզի հաւատացի , վասն որոյ և  
խօսեցայ խրատեալ Պաւղոսիւ , ու

սեալ՝ի Դաւթայ, թէ և արդ կեն-  
դանի մաղթանքնոցա այց ինձ արառ-  
ցէ . որպէս հաւատովք Ճանաչել  
զնա, և զգօրութիւնյարութեան նո-  
րա, ըստ առաքելոյ, և զհաղորդու-  
թիւն չարչարանաց նորա, և որ զկնի  
բերին ասացեալքն: Կցորդ է սմին և  
յոյժնմանատիւլ՝ հաւատալն իսկա-  
պէս և 'ի նորոգս այս փոխադրու-  
թիւն, որ 'ի մեղացն 'ի քաւութիւն,  
և 'ի չարադործութենէ յարդարու-  
թիւն, և յանմաքրութենէ 'ի սրբու-  
թիւն, և յանքաւելեացս պարտեաց  
մահույանցանաց՝ յանդատապարտն  
երանութիւն, և 'ի ծառայական կա-  
պանացսյերկնաւորն ազատութիւն:  
Քանզի զիանը ոչ արդեօք չքնաղ  
քան զքան՝ և 'ի մթութենէ երկնա-  
նութեան խաւարի զտեալ՝ և Աստու-  
ծով օժանդակեալ և օդնեալ սիրտ  
մեղաւորի, որ ընդ մարմնապէս ծի-  
ծաղելն՝ առ նմին հեծէ հոգեպէս:  
Որ թէպէտ և յամբարձմանէ բար-  
ձրութե գերագունիցն կայից՝ ստո-  
րասուղեալ ծանրութեամբ յանդըն-  
դային վհին խորխորատ դբոյն կոր-

ծանման, նորագիւտ մեղօքն անջրելեօք, ունի և նշխար նշուլից՝ փըրկութեան կենաց հպաւոր, իբր կայծակին լուսոյ պահեցեալ՝ ի միտս և յոդի, որպէս զհուրն նշանաւոր և զարմանաւոր թանձրամած՝ հրաշիւք մակարդեալ վեհին հրամանի ՚ի յատակս ներքինս նիրհեալ ջրհորոցն։ Ուստի և մեղուցելոյն՝ ի սպառ թախծելոյ, և ակնկալութիւն բարւոյն բարձելոյ, և համարձակութիւն շնորհին լքելոյ, յուսալ վերստին անդրէն միւս անգամ նախապարզեիցն փառազարդութեանց դարձեալ հասանելքանզի և յաստուածուստ անդուստ հանդերձի և այս՝ ներգործիլառ սոյնս. վասն զի սա զտուողին զօրութիւն ամենահնար աւետարանէ։ Յոր խունկ հաճութեան մեծապէս հոտոտի Աստուած, քան յամենայն բուրումն անուշից, և քան ՚ի խառնեալն երբեմն աղացմամբ՝ ՚ի սպաս խորանին, որ է կերպարան անձանց խոնարհից զիջեալ բեկութեամբ՝ առ ՚ի միութիւն նոյն նմանութեան։ Ըստ որում հարցեալ

փրկչին ամենից ցումանս ախտացեալս  
տեսանելեօք, հաւատայիք ասելով  
առ այդ թէ կարող եմ առնել ձեզ  
զայդ, ոչ պարզեաց աչաց նոցալոյս,  
եթէ ոչ նախ զհաւատոցն գրաւ ըն-  
կալաւ: Քանզի զի՞նչքան զմեռելու-  
թիւն քառօրեայն դիոյ առ կենդա-  
նութիւն մեզ անյուսագոյն, առ որ  
կանանցն ժամանելոց ՚ի յոտս արար-  
չին հաւատոցն հանդերձանօք, անյա-  
պաղաբար զփառացն Աստուծոյ տե-  
սին զհանդէս՝ ՚ի յեղբօրն կենդանու-  
թիւն:

Բ. Իսկ աստստին անկապուտ  
շնորհին մնացելոյ զկնի մեղանացն՝  
հզօրագոյն են վկայք: Նախ Ենովք,  
զկնի Ահարոն, յետ նոցա Դաւիթ,  
դարձեալ և Պետրոս. ընդ որս և  
փոքրն Եղիազար. որ ՚ի մեծէն Աս-  
տուծոյ ողորմեալ՝ մեծագունիցն վր-  
կայեցաւ: Աւելորդ է առ այս և  
բանն առակի անառակ որդւոյն. թո-  
ղում զալունիկն՝ որ ՚ի առառնէ դո-  
վեցաւ, և զմաքսաւորն՝ որ ՚ի բարե-  
գործէն յիշատակեցաւ, և զաւա-  
զակն երջանիկ՝ որ յարձակումն վեր-

ջին շնչոյն հաւատովքն պսակեցաւ,  
և զոր անքաւելին են պարտիք՝ զհա-  
ղորդեալքն սպանման մահու արար-  
չին. առ որս և գլխաւորն ընարելոց  
Պաւղոս, որ երբեմն նախնին էր ան-  
օրինաց : Յորոց ոմանքը ծանօթու-  
թեամբ օրինին գլորեալք անդրէն  
կանգնեցան բիւրասլատկեանդերա-  
զանցութեամբ քան զնախակրօնիցն  
առաւելութիւն : Իսկ որ նախ քան  
զօրինակին տուչութիւն զաւանդն  
պահեալ հայրենի մերձաւորագոյն  
գոլ պատուիրանի սկզբնահօրն դա-  
ւանութեան, որ և զնախնոյն պար-  
տիս ինքեան վարկուցեալ, զնորայսն  
իւրովքն տուժեաց կրից տաժան-  
մամբ, ոչքաւեցաւ միայն ծածկեալ  
՚ի յերկրի, այլ չարչարելեան մար-  
մնով քանականաց բնութեան կե-  
նաց կարապետ՝ յաղթող զօրապէս  
բռնութեան մահու փոխեցաւ : Իսկ  
ոմանք ՚ի բուսոյ տհաս հասակին չա-  
րութեամբն յերկարաձգեալ, ՚ի կա-  
տարեալ տիս ժամանակին ոչ ՚ի բար-  
ձրութեանն կայից հոսեցան, քան  
թէ ՚ի ստորնականաց թշուառու-

թեանց դժուէից կենացս 'ի կամարն  
երկնից համբարձան : Եւ թէ այն  
ժամանեաց կանխաւ՝ զօրացեալ 'ի  
չարեացն դարձ, որ մինչև յոսկեղէն  
նիւթ յեղանակեալ հողոյս գոյու-  
թեան, և պատկերն արքունի 'ի պա-  
տիւ կերպիս մերոյնկարեալ արքու-  
նականն քանդակուածով, անկո-  
րուստ և անփոխագիր և յաղթող  
դաւաճանութեան զմերս ենթա-  
դրեալ բնութիւն, ապա առաւել  
յուսալի է այժմ մերկապարանց  
լուսաւորութիւն անքօղ և անվե-  
րարկու տերամբ Քրիստոսիւ ուխ-  
տեալ. որով և միշտ հաստատեալ  
պահի 'ի մեզ բանն տէրունի, ըստ  
մարդարէին ձայնի, ուխտ խաղա-  
ղութեան և կնիք հաստատութեան  
առ հաշտարարն միջնորդ՝ երկնային  
անմահ կենդանի և մշտնջենաւոր  
բարեխօս : Ապա ուրեմն ըստ այսու  
կանոնի Ճշմարտագունի, և անփո-  
խագրելի սահմանի, և արարչաւանդ  
պայմանի, համբուրեմհաւատոց շըր-  
թամբք զպատկեր բանիս, և ակն ու-  
նիմ փառացն շնորհի . քանզի ար-

դարեւ յարդարացուցանելն զմեղ  
Աստուծոյ՝ ոչ ոք զօրէ դատապարտ  
առնել, ըստ առաքելական բանին  
սահմանի :

Գ. Այլ յայս անստուերագիր  
վստահութիւն ապաստան, կամկոր-  
ծանեալս կանգուն, թշուառա-  
ցեալս՝ յաղթող, վրիպեալս՝ ի դարձն  
կենդանական, ամենաթշուառ չա-  
րագործս՝ ի յոյսն, մահու մասնե-  
ցեալս՝ ի կեանսն, ընդ ապականու-  
թեամբ վաճառեալս՝ ի ձիրն, դժո-  
խային դործովք դրաւեալս՝ ի լոյսն,  
ստորնասէր անասնակենցաղս՝ յեր-  
կինս, կրկին դայթակղեալս՝ ի վերըս-  
տին փրկութիւնն, մեղօք կապե-  
ցեալս՝ ի հանգստեանն խոստումն,  
անբժշկական վիրօք վարանեալս՝ ի  
դեղն անմահացուցիչ, ստամբակեալս  
վայրագութեամբ՝ ի սանձսն հան-  
դարտութեան, սրացեալս վարատա-  
կան՝ ի կոչումն, ապառում դժըն-  
դակս՝ ի հեղութիւն, ընդդիմաքան  
լուտացողս՝ ի ներումնն: Ի Քրիստոս  
Յիսուս և ի Հայր նորին հզօր և ահա-  
ւոր, յանուն և ի կամս բարերա-

ըութեան չոգւոյն Ճշմարտի . օրհնաւ-  
բանեալ իսկութեանն և մի աստուա-  
ծութեան՝ զօրութիւն և արքայու-  
թիւն , մեծութիւն և փառք յաւի-  
տեանս . ամէն :

## ԲԱՆ ԺԲ .

Վերստին յաւելուած իրին հեծութեան  
նորին հսկողի առ նոյն աղեցս մաղթանաց  
բանի .

Ի խորոշ սրբիւ խօս+ ընդ Աստուծոյ :

Ա . Եթ արդ քանզի յաւետ յա-  
ռաջնում զզջմանն յուսահատու-  
թեանն բանիւ լքայ , և տարակուսա-  
նաց հեծանաւն 'ի մահ ձաղկեցայ ,  
աստանօր 'ի յուսոյն կերպարան փո-  
խեալ յարդահատել համարձակե-  
ցայց , զԵրրորդութիւն սուրբ կար-  
դալով յօդնականութիւն ինձ մեղա-  
ւորիս : Որ և անդստին իսկ յօրհնաւ-  
բանելն և 'ի դաւանելն զկենդանա-  
րարն ընաւից Աստուած , իսկոյն և

կոչումն ընտանի ձայնի տհաւորութեան անուան շնորհաձիրն բարերարի մահացելոյս է կենդանութիւն, ըստ մարդարէին նախաճառութե, թէ որ կարդայ զանուն տեառն, նա կեցցէ : Իսկ ես ոչ միայն կարդամ, այլ նախ հաւատամ մեծութեան նորին . ոչ եթէ վասն սպարգեաց նորա մատուցեալ յողոք դեղերիմ, այլիբ զկենդանութիւն իսկապէս, և զշնչոյ տուրեառութիւն հաւաստի, առանց որոյ ոչ է շարժողութիւն կամ ընթացութի. զի ոչ այնքան յուսոյն հանդուցիւ, որքան սիրոյն կապանօք բերիմ: Ոչ 'ի տուրսըն, այլ 'ի տուողն յաւէտ կարտիմ. ոչ փառքն են ինձ անձկալի, այլ փառաւորեալն է համբուրելի. ոչ կենացն փափագանօք, այլ կենարին յիշատակաւն միշտ ձենձերիմ. ոչ վայելիցն տարփանօք հեծեմ, այլ հանդերձողին տենչանօք յերիկամանց աստի կականիմ. ոչ զհանդիսան ինդրեմ, այլ զհանդուցչին զերեսս աղաչեմ. ոչ հարսնարանին խնձոյիւք, այլ փեսային անձ.

կութեամբ մաշիմ։ Ի ձեռն որոյ զօրութեան վստահապէս ակնկալութեամբ վերագրեցեալդ յանցանօք բեռանց՝ աներկմիտ յուսով հաւատամ՝ 'ի կարողին ձեռն ապաստանեալ, ոչքաւութեան միայն հասանել, այլ զնոյն ինքն տեսանել՝ յոզորմութիւն և 'ի դժութիւն և յերկնիցն ժառանգութիւն, թէպէտ և յոյժ եմ տարագրելի։

Բ. Եւ արդ բազում պատկառանօք ամաչեցելոց դիմաց կորացեալ, զմիջնորդ ազդման կափուցմանց երկակի շրթանցս՝ արժանափակ աղլսիւ կարկելոց՝ առ անհամարձակլեզուիս շարժութիւն, նորոգեցից 'ի յերդ հառաջման պաղատանաց յեղանակութեանց աղիողորմ հեծեծանաց՝ 'ի բարձունս աղաղակելոյ։

ՄԱՂԹԱՆՔ ԶՈՐԱԿՈՐՔ  
ԱՐՃԱԿՐԱՑ ԳԻՎԵՐԱՑՆՈՑ

Գ. Ընկալ քաղցրութեամբ, տէր Աստուած հզօր, զգառնացողիս զաղաչանս։ մատիր դժութեամբ առ

պատկառեալս դիմօք . փարատեա ,  
ամենապարզեւ , զամօթական տըլս  
ըութիւնս . բարձ յինէն , ողորմած ,  
զանքերելի ծանրութիւնս . անջրը  
պետեա , հնարաւոր , զմահացու  
կրթութիւնս . աւարեա , միշտյաղ  
թող , զևաբողին հաճութիւնս . բա  
ցագրեա , վերնային , զմոլելոյնմառա  
խուղ . կնքեա , կեցուցիչ , զկորուս  
չին ընթացմունս . ցրուեա , ծած  
կատես , զըմբռնողին չար դտմունս .  
խորտակեա , անքնին , զմարաողին  
դիմեցմունս : Տեառնագրեա քո ա  
նուամբդ զլուսանցոյց երդ յարկիս .  
պարփակեա քո ձեռամբդ զառաս  
տաղ տաճարիս . դժագրեա քո ա  
րեամբդ զմուտ սեմոց սենեկիս . կեր  
պացո քո նշանդ 'ի հետս ելից մաղ  
թողիս . ամրացոքո աջովդ զհանդըս  
տեանս խշտի . մաքրեսցես 'ի հաղբից  
զժածկարան անկողնոյս . սլահեսցես  
քո կամօքդ զառառապեալ անձն ոդ  
ւոյս . անխարդախ արասցես զքոշնոր  
հեալ շունչ մարմնոյս . կացուսցես  
շրջափակ զպար զօրուդ երկնայնոյ .  
կարդեսցես 'ի դիմի ընդդեմ դիւացն

դասու։ Տուր հանգիստ բերկրութեան մահահանգոյնս նիրհման ՚ի խորութեան գիշերիս , բարեխօսութեամբ հայցուածոց սրբոյ Աստուածածնիդ և ամենայն ընտրելոց ։ Ամփոփեալ սլարուրեա զպասուհան տեսութեց զգայարանացս խմաստից անզարհուրելի զետեղմամբ ՚ի ծփական խռովութեանց , կենցաղական զբաղմանց , անրջական երազոց , խօլականաց ցնորից , յիշատակաւ քոյուսոյդ անմիտասելի պաշտպանեալ ։ Եւ սթափեալ վերստին ՚ի ննջմանէ ծանրութեան ամենազգաստ արթնութե , հոգենորոդ զուարթութեամբ ՚ի քեզ արձանացեալ , զայսձայն մաղթանաց բուրմամբ հաւատոց քեզ , ամէնօրհնեալ թագաւոր փառաց անձառից , փառաբանողաց երկնագումար խմբից երգակցեալ , յերկինս առաքել ։ Զի դու փառաւորեալ ես յամենայն արարածոց յաւիտեանս յաւիտենից . ամէն :

## ԲԱՆ ԺԳ ·

Վերաբին յաւելուած իրին հեծութեան  
նորին հսկողի առ նոյն աղեցս մաղթանապ  
բանի .

Ի խորոշ սրբից խօսի ընդ Աստիճա :

Ա . ԱՍՏՈՒԱԾ բարերար հզօր ա-  
հաւոր, հայրդ բարի ողորմութեանդ  
չնորհի, որոյ անունդ իսկ մեծիդ  
ղգթութիւն և զընտանութիւն աւե-  
տարանէ, քաղցր դժնելից և անդո-  
հացողաց : Ընդ քեզ և Որդիդ քո  
իբրև զքեզ, զօրաւոր ձեռն իբրև ըզ  
քոյդ, անժամանակ տէրութեամբ  
ահեղ, ընդ արարչութեանդ քում  
բարձրացեալ : Եւ Հոգիդ սուրբ Ճըշ-  
մարտութեան՝ բղիսեալ առ ՚ի քէն  
անսպառութեամբ, կատարեալ իս-  
կութիւն գոյի, էութիւն մշանջե-  
նաւոր, հաւասար քո ամենայնիւ-  
փառակից որդւոյ քոյ տէրութեամբ:  
Երբեակ անձնաւորութիւն՝ համայն-

անքնին, տրոհեալ՝ ի դիմաց՝ ուրոյն զատուցմամբ՝ իսկ միաւորեալհամազուգութութեամբ, նոյնագոյ բնութեամբ տիրապէս, անշփոթ և անանջրապէտ՝ միով կամօք և կցորդութեամբ. ոչ երիցութիւն ումեմն ՚ի յումեմն և ոչ քթթել մի ական առնուազութիւն միոյն ժամանեալ. քանի թէ պատճառ սիրոյ երկնայնոյ անստուեր լուսոյ՝ որ առ մերն է ծանօթութիւն, միով պսակաւ սրբասացութեանանսկղբնաբար աստուածաբանեալ։ Քանզի արդարեւ վերաձայնեալս այս խոստովանութիւն երեքփառատրեանդ դաւանութեան զվէմն հաւատոյ Պետրոս երանեաց. իսկ զդատապարտելոյս անձն մեղօք՝ բարեհրաման քո ակնարկութեամբ, ով խնդրողդդերելոյս, հրաշանորոգ արդարացուցէ։ Քանզի թէպէտ և քո իցեն պարգեք, և քո ողորմութիւնք, այլ ոչ ՚ի պարգևն ես այնքան հռչակեալ, որքան յողորմութեան. զի երկրորդն զքոյդ յաջախէ զփառս, իսկ առաջինն զՃգնաւորացն յայտնէ

զգործու զի սլարդելք՝ վաստակոցն էն փոխատրութիւնք, իսկ ողորմութիւնք՝ մեղուցելոյս բարերարութիւնք :

Է. Եւ արդ մի զօրասցի մարդ կայինս գործք առաջի քոյոցդ շնորհաց, Աստուած գթութեանց, [թէ և անդր իսկ իցեն քան զօրէնս հասարակաց բնաւորականս հոսմանց. այլ յաղթող եղեալ քոյդ երկայն մտութեան, նուազ եղիցի առքումդ մասին ընթացք երկրածնաց : Քան զի և որ մաքրութեամբն պերճանային օրինականացն վստահութիւնք 'ի լուսաւորել քոյդ արդարութեան գուշակ ներկայիս, ամենանուազ անձկութեամբ լրեալ հրեութիւնն յետնեալ, և յաւետընդ տարագրական ողորմելոցն, առաւելնոքա գըտան կարօտեալ մարդասիրութեան : Եւ քանզի ամենայն ինչ հնարաւորէ քեզ, բարերար, լուր պաղատանց գոչման հեծութեանս՝ որ կարդամն առ քեզ, ողորմեա, կեցու մարդասիրեա : Զի քու է երկայն մտութիւն, քաղցրութիւն, փրկու-

թիւն , քաւութիւն և վառքյամենցունց յաւիտեանց ազդաց . ամէն :

## ԲԱՆ ԺԳ .

Աշբադին յաւելուած իրին հեծութեան  
նորին հսկողի առ նոյն աշխը մաղթանադ  
բանի .

Ի իսուս սբուից իօսու ընդ Աստուծոյ :

Ա . Պաշտօնագույն առքելուսոյ ճառագայթ , արքայ Երկնաւոր , գովեալ անպատում , որդի անձառ մեծիդ Աստուծոյ . խոնարհեցողունին քո՛ բարձրեալ բարեգութ , կենաց ապաւէն , նորոգ մերձեցեալ կրկին աստանօր 'ի հառաջումն նուազս ձայնի վիրաւորելոյս :

Բ . Ոչ ցուցեալ է Երբեք , Եթե ապաչեաց զքեղ'ի ձեռնաւազակացն սրոյ խողխողեալն , քանզի կարկամեալ էր . ոչ ձայն պաղատանաց զկինի արձակեաց , քանզի անկուինչ էր . ոչ մատամբքն տատանելոց զաղետ

վտանգին յայտնեաց տեսողիդ քանզի խորտակեալ էր . ոչ աչո կողկողագինս արտասուօք ողբոց բարերարիդ յանդիման կացոյց , քանզի վսասապարտ էր . ոչ 'ի պատգամ բանից միջնորդի զողորմածիդ կամս հաճեցոյց , զի անայցելու էր . ոչ հայթայթմամբ խորտակեալ մարմնոյն արիւներանդ ներկուածով ձորձոց զգթածիդ զսիրտ ճմլեցոյց , վասն զի անյոյս էր . նա և ոչ ծընդովլքն հաստատութեամբ իբր գարշապարաւ ոտին վարեցաւ , այն զի անյարիր էր . քանզի կիսամեռնասել կենդանւոյն՝ սակաւ ինչ նուազ է 'ի մեռելութենէ : Մանաւանդ զի 'ի քոյոցդ խրատեալ բանից , և բարերարեալ քոյդ ողորմութեամբ , և փառօք քոլուսազարդեալ , ոչ միայն զի ոչ վերջացաւ 'ի հակառակն քոլնթացից , այլստահակեալապստամբութեամբ յիւր թշնամեացն թիւյաւելաւ , ընդ նոսին դաշնաւորեցաւ , միաբանեաց ատելեացն քոց :

Դ . Խակ դու բազմապարգև , բարերար , անոխակալ , ամենակեցոյց ,

ոչ միայն զի ոչ սլահեցեր զքարագործին մեղաց յիշատակ, այլև ոչքանիւ յանդիմանեցեր. ոչ ոտն հարեր անկելոյն, այլկարեկցաբար մատուցեալ զծայրագոյն ցուցեր զիսնամս։ Ոչ քահանայապէս ըստ ահարովնեան տկար օրինին՝ զօրաւոր առ մահուն պաշտօն՝ դատապարտիչն անիծիւք և բոնալիր քարանցն ձգմամբ՝ 'ի խորտակումն խոցելոյն արագեալ մատեար. և ոչ որպէս զկտականն կարապետային անկատարագործ՝ 'ի յերկուցն միջի բաժանեալ խորոց, հնոյն լոււմն և նորոյս սկիզբն, ունայն 'ի հոգւոյ յապաշխարանն հանդիսացեալ՝ զվերաւորելոյն տեսեր զվտանգ, զի մի սատակիչն օրինակութեամբ տապարաւն արմատակըրաւ. զմահուն պաշտօն՝ 'ի քեզնը կատեալ, յառաջ քան զփորձ առակայիցն սատակեսցի. այլ հեթանոսացն սլահսկան անուն ասորեստանեայցն, որք 'ի հրեիցն ընկալեալ զօրէնս ամբողջ սլահեցին, զոր նոքամոռացան, նոցին կցորդեալ մարմնոյդ վերարկուաւ մերակերպարան

խառնութեամբ, զաղատարարն գը-  
ծադրեցեր զաւետիս առ օտարազ-  
դիսն. և աստուածաբարդ ներգոր-  
ծութեամբ անապականաւ ձեռն  
կարկառեալ, յարուցեր զմարդն  
նախնի մեղուցեալ'ի մահ իւրովքն  
ծննդովք: Զարտմեցելոյն սիրտբեր-  
կրեցուցեր, և զվհատեալն հաստա-  
տեցեր, և զթշուառացեալն մի ան-  
դամ՝ կրկին զուարթացուցեր: Աւա-  
զանին կենարար օծմամբն և բաժա-  
կաւն լուսոյ լցեր. հացիւդ երկնայ-  
նով արարչականդ քոյին մարմնով  
նոր յեղանակեցեր: Վերակացու-  
թեամբ երջանկացն ազանց ընարե-  
լոց յանձանձեցեր, գրգեցեր և խը-  
նամարկեցեր: Հանդարտընթաց գր-  
բաստուն տածողութեամբանզուե-  
լի սկահեցեր, մինչեւ յարկին լուսոյ  
ածեր: Ի ձեռն երկաքանչիւրոց  
միջնորդաց՝ նախնեաց և երկրորդաց  
տուչութեան կտակաց կենդանա-  
կանաց, մարդասիրապէս դարմա-  
նատրեցեր: Եւ որովէս երբեմն ընդ-  
Մովսեսի՝ թես տարածեալ ար-  
ծուոյն օրինակաւ ընկալար զնա, և 'ի

Հանդիսան հանդարտութեան երկրին բարութեան առաջնորդեցեր, և զբանին կերակուր ջամբել հրամանատրեցեր վարդապետութեանց:

Դ. Եւ արդ որ զբնաւն ծայրադունին բարութեան լուսոյ յամենայնի բովանդակապէս հրաշագործեցեր, զօցառվին զգանձքեղ սեպէհականեալ՝ զքոստացուածնառքեղ դարձուցեր, կեցո և զիս մաքրեալի մեղաց պարաեաց, որ ձըի պարզեւու և անպատրաստից. ընդ որոց և ինձ տացես քաւութիւն և բժըշկութիւն, բարեգութ, զօրեղ անքնին, անեղծ, ահաւոր, օրհնեալ միշտ յաւիտենից յաւիտեանս. ամէն:

## ԲԱՆ ԺԵ ·

ՎԵՐԿՈՒԹԻՒՆ ՅԱ-ԵԼՈ-ԱՃ ԽԵՂԻՆ ՀԵԺՈ-ԱԼԵԱՆ  
ՆՈՐԻՆ ՀԱԽՈԴԻ առ Նոյն աղելը մաղթանաց  
բանի ·

Ի ԽՄՐԻՇ ԱՐՔԻՇ Խօօ+ ընդ Ասպոնծոյ :

Ա . ԽՍԿ ՊԱՐՃԵԱԼ ԱՍՏՈՎԱՍ ՎԵ-  
ՐԸՍԹԻՆ Առ ՆՈՅՆ ՀԵԺՈւԹԻՒՆ ՍՐԹԻՍ  
ՎՏԱՆԳԻ ԽՆՁԵՆ ՄԱՏՈՎԵԱԼ, ՍՊԱԼԻՆ  
ՆՈՎԱԳԱՆ ՚Ի ՆՈՅՆ ՈՃ Բանի զամե-  
ՆԱՍՂԱՐԳԿԱԴ ԱՐԳԱՀԱՏԵցից, տա-  
գնապեալոգւոյս վտանգիւ՝ իսպառ-  
իքը մեռեալ կենդանւոյ անմահիդ  
մաղթեմ Աստուծոյ խոստովանեալ  
ընդ փառացդ քո զիմս անարգու-  
թիւն, և առ չարեօքս խմովք զքոյդ  
բարութիւն. որովք յաղթեալ գտայ  
քան թէ բժշկեալ, և ամաչեցեալ  
քան թէ համարձակեալ, ուխտակո-  
րոյս աւանդամուաց :

Բ . ԽԱԿ կը կին առակն որ առ իս, որ  
ոչխարին տրուալն տարացուցիւ, որ

յետին անզգայութեանն էր մատնեցեալ՝ մոլորեալ, և 'ի լերինս ուր ոչ է այցելութիւն՝ ընդ գազանականացն դիւաց և կռոցն վայրենութեան թափառեալ, ոչ մերձաւոր դոլ սակաւ մի հօտին, ոչ բան ունեի, որով և զցաւոցն աղէտ պատմեի, ոչ ձեռն ձգողական, որ համերցն է աղղողական։ Իսկ դու միայն գովեալդյընդընդանցն յաւիտեանց և յարդի ծնելոց, գտեալ ըստ մաղթանաց դոչման երգողին՝ զիս զմեղուցեալս յանհշոյն մոլորութեան, խնամողօրէն տեսչութեամբ կամաց հովիւ կոչեցար։ և ոչ միայն հոգացար, այլ և խնդրեցեր։ և ոչ գտեր միայն, հրաշադործ, այլ անձառելիդ բարերարութեամբ սիրոյ 'ի կենդանարարդքոյուս բարձեր, և ընդ երկնային զօրուն դասեցեր 'ի հայրենիդքո ժառանգութիւն։ Եւարդ դու հզօր կենարար օրհնեալ այցելու գթածդյողօրմութեան, եթէ զնոսա ընկալար զապաբանեալսն աղերսանաց, որ մինն 'ի միջոց մահու սահմանի էր չարչարեցեալ, իսկ միւսն ըստ ան-

բանանիցն անզգայութեան վտա-  
րանդի բացամերժութեամբ յան-  
քնական վայրի վարանեալ, 'ի բառաչ-  
ձայնի բարբառոյ, որ անկերպաւոր  
աննշանական, աստուածային բա-  
րեխնամութեամբ տնտեսեցեր ըզ-  
տիեզերահրաշն խնամովութիւն առ-  
կորուսելոյն մեծ թշուառութիւն,  
յայտնեաց վերստին և արդ գթու-  
թեանցդ խորք և բարերարութեան-  
ցրդ հոսանք՝ առ անօրինեալս առա-  
ւելութեամբ վերադրելոցդ օրինա-  
կութեամբ, առ բազմօրինակ մահու-  
պարտականս, առ որ 'ի բարու-  
թեանց խառնից քաղցրութեանց  
յատուկ համն չար, առ անդամն  
մարմնոյ արժանաւորս հատման, առ  
համաճարակ ամենաբոլոր ախտա-  
ցեալ հոգիս վիրաւոր, առ հաւասա-  
րեալս անզգայութեանց անամնոց,  
առ օտարացեալս յընտանութենէ ի-  
մաստնոց, առ աննմանս հանդունա-  
կից բանաւորութեանց : Որ եթէ  
տարացոյց գոյր, ես ասէի . թէ նմա-  
նակից գոյր իմ, սպասմէի . թէ հան-  
դունակից գոյր, ես ճառէի . թէ հա-

ւասար դոյլ , ես գրէի . [թէ զուգա-  
գործ դոյլ , ցուցանէի . [թէ օրինակ  
դոյլ , ես ազգէի . [թէ յանցեալմն ,  
հայթայթէի . [թէ 'ի ներկայումն  
աստ , ես յուսայի : Բայց քանզի ան-  
ցեալէ ըստ օրինակ , և հրաժարեալ  
ըստ նմանութիւն , զոր միայն քո է  
քաւել բժշկել և կենադործել կեն-  
դանարար համայն մեռելոց , նորո-  
դութիւնդ տիեզերաց :

Գ. Զի ելթէ սրբոյն սրախ տեսու-  
թեամբ երջանկին Դաւթայ անօրէ-  
նութիւն չարեաց բարձրացեալ ասի  
քան զգլուխ , և ըստ ծանրութեանց  
բեռանց դժուարակրելոց յանց-  
մունք մեղաց , իսկ որ առ իս կրին  
սխալմունք դերազանցէ քան զհեղե-  
ղին ջրակուտակ տիեզերասոյզ ամե-  
նասպառ ծովուն յորդութիւն , և  
գլուց լերանց վերադրէ : Այլ չնչես-  
ցէ օդ քո քաղցրութեան իբր առ  
նոյիւն , և որ զլերինս հալէ զօրու-  
թիւն , ցամաքեցուցանել զշիղջս ջրա-  
կոյսա բազմակոհակս՝ և երկրակոր-  
ծան խմոցս պարտեաց և լեռնակար-  
կառ բարձրութեան մեղացս ամբար-

ՃԵԼԾՈՒՅՑ : Եւ համառօտեալ զբան քո  
հզօր՝ ամենակար հնարաւորու-  
թեամբ հակիրճ հատուցմամբ, ա-  
րասցես ահա ելս քաւութեան, ըստ  
մարդարէին, առ երկարաձիգս անու-  
րէնութիւն։ և ներելով իմս յամս-  
ուութեան, ով երկայնամիտ ողոր-  
մած օրհնեալ թողցես միանդամայն,  
բարեգործեացես իսկապէս, հատ-  
ցես բոլորովին զանվճարելի պար-  
տուցս զարժանահատոյց տոկո-  
սեացս տոյժս տարժանակիրս։ Նա  
զի և չիք իսկ առ քեզ յասումն սրտի,  
և կամ բորբոքումն բարկութեան,  
որպէս ոչ կրին նենդութիւնք և կամ  
նշմարանք մթութե։ քանզի կեանք  
են ՚ի կամաց քոց և լոյս, և ոչ  
արարեց զմահ և ոչ խնդաս ընդ կո-  
րուստ մարդոյ ըստ Դաւթի և Սողո-  
մոնի։

Դ. Եթէ մարդկան կարգեցեր  
զայս կէտ սահմանի մեծի սլայմանի՝  
՚ի բարեվիճակդ քո կանոնաց՝ ոչ փո-  
խատրել անդրէն չարի չար, այլ եօ-  
թանասնիցս եօթն թողուլ անդուստ  
՚ի յաւուր զիւրաքանչչւր մեղանաց

զպարտու . և այդ բան առ մեզ , որ  
միշտ 'ի բնութեան ունիմք բնաւորա-  
բար ուղերձեալ զբիծս չարեաց ան-  
համար բիւրուց նորոգ յայտնելոց ,  
որք օրինաւորին երեխն յանդաստան  
սահմանի ամենաքոյս վշածին բնու-  
թեանս , ըստ անսուտ քո վկայու-  
թեան , որ թէ միտք մարդոյ 'ի խնամն  
չարի են արձանացեալ 'ի մանկու-  
թենէ : Զի որ զկատարեալ մաքրու-  
թիւնն ունէր աւետարանիչն կե-  
նացդ բանի Յովհաննես , և զինքն ընդ  
հասարակաց բնութեան լծակցեալ  
հաստատեաց զՃշմարտութիւն քո  
առ խմս ստութիւն յոյժ արդարա-  
ցեալ . թէ ասեմք , ասէ , մեղսինչ մեք  
չունել սուտ առնեմք զնա : Եւ արդ  
կատարեալ է բան քո խնկեալ , և 'ի  
գլուխ ելեալ անսպակաս 'ի ստուգու-  
թենէ առ խմս մոլորութիւն և դժըն-  
դակ անիրաւութիւն : Վասն որոյ  
խնայեա յիս ողորմութեամք , քաղ-  
ցրութեան Ճաշակաց աղբիւր , միայն  
օրհնեալդ յամենայն յաւիտենից .  
ամէն :

## ԲԱՆ ԺԶ.

ՎԵՐԱՊԵՏԻ ՅԱ-ԷԼՈ-ԱԾ ԽԸՆԻՆ ՀՆՃԱ-ՌԵԱՆ  
ՆՈՐԻՆ ՀԱԽՈՂԻ Առ Նոյն աղերս մաղթանաց  
բանի:

Ի ԽԱՐԿՈ ԱՐԳԻՇ ԽօՍԿԵ ԸՆԴ ԱԿԱՊԱ-ՖԱՅ:

Ա. Եկարդ գու միայն Աստուած  
երկնաւոր, բարձրեալ, բարեգործ.  
Քո է զօրութիւն, քո ներողութիւն,  
քո բժշկութիւն, քո առատութիւն,  
քո են պարգևք, քո միայնոյ են ձիրք  
ձրի, քո քաւութիւն, քո սկաշտապա-  
նութիւն, քո հնարք անխմանալիք,  
քո արուեստք անգտանելիք, քո  
չոփիք անչափելիք, գու սկիզբն և  
գու կատարած: Քանիզի ոչ երբեք  
ստուերացուցանել զլոյս ողորմու-  
թեան քո խաւար սրամառութեան:  
Լասն զի ոչ ես գրաւեալ ընդ մա-  
սամքք ախտից՝ ՚ի վերդ քան զբան:  
Պատկեր անողարագիր անգր քան  
զորքանութիւն կշռութեան, անչափ

լայնութիւն փառաց, անսարսափակ  
ընդարձակութիւն, հատու զօրու-  
թեան, անամփոփելի առաւելու-  
թիւն բացարձակութեան, անտկա-  
րանալի բարերարութիւն գթու-  
թեան: Դու դարձուցանես, ըստ  
մարդարէին, յայգ զստուերս մա-  
հու. որ իջեր կամաւ՚ի տարտարոսն  
ներքին արգելականացն բանտի, յո-  
րում և մաղթանացն գուռն էր աղ-  
խեալ, և գերեալ անտի զմթերիցն  
կապուտ վտարանգելոցն հոգւոց,  
սուսերը հրամանի յաղթական բա-  
նիդ զկասլ սատակման մահուն խղե-  
ցեր, և զմեզացն կարծիս ցրուեցեր:  
Դարձ առ իս՝ որ զընդամզընդանաւ  
վհիս տղմասիդ գբոյս յերկաթս մե-  
զաց, վիրաւորեալ խոցմամբ սլաքաց  
բանսարկուին նետից:

Բ. Այլդույամենայնի տէրդ բա-  
րերար, լոյսդ՚ի մէջ խաւարի, օրհ-  
նութեանդ գանձ, ողորմած, գթած,  
մարդասէր, կարող, զօրաւոր, ան-  
պատում, անքնին, անձառ, բաւա-  
կան ըստ սրբոյն Յակոբայ, անհնա-  
րիցդ ամենից դիւրապատրաստ հնա-

բաւորութիւն, հուր ծախիչ զիսովիւս  
մեղաց, ճաճանչ կիզանող ընդհան  
բական թափանցանցութեան խոր  
հըրդոյ մեծի, յիշեա զիս յողօրմու  
թեանքո, օրհնեալ, և մի յիրաւունս  
քո. 'ի ներողութեան քո, և մի 'ի  
հատուցման. յերկայնմտութեան  
քան 'ի հաւասսութեան: Եթէ կը  
ռեսցես զմեղանաց խոց ծանրու  
թիւն, ընդ քաղցրութեանքո և մի  
ընդ արդարութեան. զի առ սակ  
նախնումն՝ յոյժ է նուազեալ, իսկ  
'ի ներհակ վերջնոյս յաւետ ծան  
բակիր:

Գ. Արդ մատիր առ իս, բարու  
թիւն, որպէս յունկանն բժշկու  
թիւն հակառակ քո համբարձելոյն.  
բարձ 'ի մեղուցելոյս զհողմ մահու  
խռովութեանս, զի հանդիցէ յիս  
ամենակալ հոգիդ խաղաղութեան:  
Եւ քեզ փառք յամենայնի, յաւի  
տեանս յաւիտենից. ամէն:

## ԲԱՆ ԺԵ.

Վէրստին յաւճըստած էրին հշտունան  
նորին հսկողի տունոյն աղջրու մաղլանաց  
բանի.

Ի Խորոշ սրբից խօսի ընդ Ասպարծոյ =

Ա. Արդ աղաչեմ զինամակալդ  
վտանգաւորաց տաժանելեաց կըից  
թախծութեանց հոգւոց վշտացե-  
լոց, մի յաւելուր հեծութեանսցաւ,  
մի խոցեր զվերաւորեալս, մի դատա-  
պարտեր զպատժեալս, մի տանջեր  
զարչարեալս, մի դաներ զհարուա-  
ծեալս, մի գլորեր զանկեալս, մի  
կործաներ զդայթագղեալս, մի մեր-  
ժեր զհեռացեալս, մի տարագրեր  
զհալածեալս, մի ամաչեցուցաներ  
զպատկառեալս, մի կշտամբեր զհար-  
թուցեալս, մի խորտակեր զբեկեալս,  
մի խռովեցուցաներ զամբոխեալս,  
մի ալեկոծեր զբքացեալս, մի ոսսա-  
նեցուցաներ զդզրդեալս, մի շփո-

թեր զմլրկեալս, մի կեղեքեր զգի-  
շատեալս, մի ջաղջախեր զբեկեալս,  
մի գօշեր զմորմոքեալս, մի կուրա-  
ցուցաներ զիսաւարեալս, մի զար-  
հուրեցուցաներ զասլշեալս, մի խո-  
րովեր զիսարշատեալս, մի մահացու-  
ցաներ զհիւանդս, մի բեռանց ծան-  
րութեան մատներ զտկարս : Մի ա-  
նուր յաւելուր կարկամեալ թիկան-  
ցըս, մի կրկնակի ողբումն դառն  
հեծութեանս, մի ուժգնապէս վա-  
րեսցիս առ հողս, մի սաստկապէս առ  
ստեղծուածս, մի ահարկութեամբ  
առ փոշիս : Մի ընդհարկանիր իրս-  
տութեամբ մեծդ ընդ փոքուս,  
ըյադ ընդ ստորնականիս, բնութք  
բարիդ ընդ ՚ի բնէ չարիս, ողկոյզդ  
օրհնութեան ընդ սլտղոյս անիծից,  
քալցրութիւնդ իսկապէս ընդ հա-  
մայն դառնութեանս, փառաւո-  
րեալդ անփոփոխ ընդ ամենեին ա-  
նարգիս, կենացդ նշխար ընդ կաւոյս  
զանգուածոյ, տէրդ տերանց ընդ  
տղմիս երկրայնոյ, աննուազ լիու-  
թիւնդ ընդ չքաւոր ստրկիս, ան-

կապուտ ճոխութիւնդ ընդ ան-  
սպասապար տառապելոյս , անկարօտ  
բարութիւնդ ընդ ամենաթշուառ  
աղքատիս : Քանզի ովկոք հասեալ  
յառաւօտ՝ և 'ի ծագման լուսոյն  
խիթայ մթանալ , և կամընթերակաց  
կենաց՝ մահանալ , կամ ազատու-  
թեան՝ և պարտաւորիլ , կամ չնոր-  
հաց՝ և գատապարտիլ , կամ փրկու-  
թեան՝ և մատնիլ , կամ նորոգման՝  
և եղծանիլ , կամ օրհնութեան՝ և  
տարագրիլ , կամ բժշկութեան՝ և  
վիրաւորիլ , կամ լիութեան՝ և նուա-  
զիլ , կամ յաճախութեան հացի և  
քաղցնուլ , կամ դետոց հոսանաց՝ և  
պասքիլ , կամ մայրենի գթոց՝ և նեն-  
դիլ , կամ ինսամոց աստուածեան  
աջոյդ՝ և զզուիլ :

Բ . Եւ արդ ընդ ախտացելոյն  
սաստկապէս մարմնոյն սորտու-  
թեամբ հոգւոյս վտանգաւ և ևս պա-  
զատիմ , տէր եթէ կամլա , կարող  
ես զիս սրբել : Ընդ աչացուացն նե-  
ղեց մշտագիշերն խարխափանօք՝  
մեծակական ձայնիւ հառաչեմ . ոչ  
որդի անուանեմ Դաւթի , այլ ծը-

նունդ էիդ Աստուծոյ դաւանեմ։  
ոչ միայն ռաբբի կոչեմ, որ վարդա-  
պետացն է սլատիւ կարծողական  
զիսկն գիտելոյ, այլ տէր երկնի և  
երկրի հաւատատամ։ Ոչ ձեռինդ միայն  
ձգմամբ հաղաւորութեան, ովք բա-  
րեգութ Աստուած մերձաւոր, այլ  
՚ի բացեայ գոլով միջոցաւ մեծաւ-  
ակն ունիմ զօրելքո բանիդ առ իմ  
բժշկութիւն։ Ոչ թէ ինչ խորոց  
կասկածանաց միջոցի բանի, որ երկմը-  
տութեան կարծի նշանակ, ՚ի մէջ  
արկանեմ կամելոյն և ողորմութեան,  
այլ կամիս որպէս բարեգութ, և  
կարես որպէս զարարիչ։ ասա բա-  
նիւդ, և բժշկեցաց։ Ընդ հարիւ-  
րապետին հաւատոց և ես լծակցեմ։  
ոչ մինչ անձուկ միայն բացակայու-  
թեամբ հեռի լինելով խորան ՚ի խո-  
րանէ հաւատամ ազդել քոյ կարո-  
ղութեանդ առ յարութիւն և բժշ-  
կութիւն, այլ ՚ի վերինն երկնի բազ-  
մելով և ՚ի ստորինս երկրի բովան-  
դակ, առ հրաշխցն սքանչելութիւն  
ոչ ունիմ հատուցանել։

Գ. Ընորհեա ինձ, որպէս դատա-

կնիք բանին քո վճռեաց առ պու-  
նըկին ընդունելութիւն, հնգից հա-  
րիւրոց դենարաց պարտուց շնոր-  
հաբաշխութիւն՝ Աստուած բարու-  
թեանց և տէր երանութեանց, որ  
յաճախին ընձեռել՝ բազումն փառա-  
ւորիս, և 'ի շատն մատուցանել՝ նո-  
վին չափ սիրիս, և յառաւելն ողոր-  
մել՝ կրկին բարգաւաճիս, և յայս-  
քան բարիս իրաւամբք դովիս, և  
ամենայնի տէր գոլով հաւասարորդ  
ճանաչիս, և որ զբոլորն ունիս՝ ընդ  
մերումն կշռիս, և անճառելեաւդ  
ձրիւ մերայնովքս վճարիս, և ընդ  
երկրաւորիս զանվախճանն պարտ  
վարկանիս, և մեծագրեալ քո ըզ  
մերն՝ վեհս գոհաբանիս, և 'ի սա-  
կաւուն տուչութիւն դոյզն փառա-  
ւորիլ ոչ ամբարտաւանիս։ Արա և  
ինձ զնոյն գթութիւն ունողիս ըզ-  
գործս անհամար պարտուց։ զի և 'ի  
ճառս երախաեաց քումդ պարգեաց՝  
նորին իսկ սակով սիրելն կարգեսցի։  
և քեզ փառք յամենայնի։ ամէն :

## ԲԱՆ ՃԲ.

Վերապին յառնուած իրին հեծութեան  
նորին հսկողին առ նոյն աղեցա մաշվանաց  
բանի :

Ի իսուս սրբին իւսուս ընդ Աստիճայ :

Ա . ԱՐԴ ես ծնունդս մեղաց , որ  
դիս մահացու երկանց , արդարե  
անսահման բիւրուց քանիքարաց տու-  
ժից գոլ հատուցանող ՚ի միումա-  
ւուր : Այլոչթէ առ փոքրկութիւն  
մարդկային մտաց հայցեմ ներու-  
թիւն , այլ առ աննուազ լիութիւն  
փրկչիդ Յիսուսի Քրիստոսի պաղա-  
տիմ մարդասիրութիւն , որ չէի եր-  
բեմն և ստեղծեր , չմաղթեցի և դու-  
արարեր , չե ևս եկեալ ՚ի լոյս՝ և տե-  
սեր , ոչ յայտնեցեալ ՚իմ՝ և գթա-  
ցար , ոչ կարդացեալ՝ և խնամարկե-  
ցեր , ոչ համբարձեալ ձեռն՝ և նայ-  
եցար , ոչ սլաղատեալ՝ և ողորմե-  
ցար , ոչ կերպացեալ ձայնիս՝ և լուար .

ոչ հեծեծեալ՝ և ունկնդրեցեր, գիտելով զարդեան դիպուածոյս՝ և չանտեսեցեր, նախահայեացդ ազօք նկատեալ զպատժապարտիս չարգործութիւն՝ և յօրինեցեր։ Եւ արդ զքո արարեալս և զքե փրկեալս և զայսբանեաց խնամոց յանձանձեալս մի ՚ի սոլառ կորուսցէ մեղացն հարուած դիւտք բանսարկուին, մի յաղթեսցէ յամառութեանս խմոյ մառախուղ՝ ներողութեանդ քո լուսոյ, մի սրախս կարծրութիւն՝ երկայնամիտ բարութեանդ, մի մահացու մսեղիս՝ ամենակատարդ լութեան, մի տկարութիւնս նիւթոյ անպարտելիդ բարձրութեան։

Բ. Ահա կարկառեմ զկարկամեալ բազուկս հոգւոյս յանուն քո՝ հզօր, արասցես ողջ իբրև զառաջինն մինչ ՚ի դրախտին փափկութեան զպատուղն կենաց կթէի։ Կաշկանդեալ գօսացեալ ՚ի կոր կործաննամբ ընդ կիոջն տադնասլելոյ՝ կայ անուղղելի հոգւոյս թշուառութիւն, ընդ երկիր պշուցեալ մեղացն կքմամբ՝ ստանայական բուռն կապանօք, զի

մի զերկնայնոյդ ընկացի զովզոյն .  
խոնարհեաց առ իս , միայն ողոր-  
մած , զի բարձրացուսցես զփայտա-  
խոնարհ բանաւոր անկեալ , և զը-  
րացեալս ծաղկեցուսցես 'ի բարի  
կրօնս վայելչութեան , ըստ աստուա-  
ծաբանութեան սուրբ մարդարէին :  
Որպէս զ'ի ծնէ կոյրն անլուսաւոր՝  
չունիմ տեսարան , որով զստեղծչիդ  
նկատեալ զկերտ մաղթեցից , հզօր  
բարեգութ , միայն դու պաշտպան  
ակնարկեալ խնամովք անձառ քոյ  
սիրոյ 'ի շնչական խօսուն քո անօթս ,  
յանէից գոյաւորութիւն լուսոյ հաս-  
տեսցես : Ընդ երկոտասանամեայ  
չարեօք չարչարեալ վշտագին կնոջն  
տանիջեցելոյ՝ գետովք մեղանաց ա-  
րեան հեղեղիմ . հայեաց 'ի բարձանց  
անմատոյց լուսովդ պարածածկեալ ,  
ուր ոչէ քղանձք ձեռաստեղծական  
վերաբկուի ձորձոյ , այլ տարածումն  
հրաշից ամենայն ուրեք զօրացեալ :  
Ոչ օծութեամբ իւղով պատժա-  
պարտա ընդ մեղաւորին մատուցեալ  
առ կենդանաձիր ոտից գարշապարդ՝  
զկաթիլս աչացս վարսիւք հերացս

ընծայեցուցանեմ, այլ զամբիծ հաւատս ամբարձմամբ բազկացս ստոյգ դաւանմամբ հոգւոյ ողջունիւ շըրթանց կափուցմամբ զերկիր համբուրեմ, խառնեալ հեծութիւն աղբերցս արտասուաց՝ բժշկութիւն հոգւոյս աղերսեմ։ Վատնեալ մեղանօք հոգւոյս գոյութիւն լուծեալ մեղկութեամբ, և յերկուց կայից միայնակողմամբ անհաստատ հետովք զընթացից գործին՝ նահանջմամբ չարին՝ զհետևականն բարձողութիւն շնուռածոյ մարմնոյս՝ առ ելս ծառոյն կենսառիթ պաղոյն խափանեցելոյ, պատսսպարեսցես անդրէն վերստին, միայն հնարաւորդ առ ՚ի փրկութիւն։ Զփառաբանարան հաստուածոյ կերպիս ՚ի քէն եղելոյ՝ ամրափակ խցմամբ համբացոյց արգել հողմն բանսարկուին. հոգիդ քո աղդեալ մեծդ ողորմութեամբ, ըստ յաւետարանին բժշկեցելոյ, հրաշափառասէս բարեգործեսցես բանդկենդանի՛ ինձ խօսողութիւն անսայթաքելի։ Անկեալ կամ չարեօք ՚ի մահիճս ախտից ընկողնոց մեղաց՝ գի

կենդանի և խօսուն մեռեալ, կարե-  
կցեալ իմումն թշուառութեան՝  
ողբականօք քքուանաց ձայնից, ով  
բարերար որդի Աստուծոյ, օրհնա-  
բանեալ աչացդ ցողով վերական-  
գնեցես'ի կենդանութիւն, իբրըզ-  
սիրելին 'ի յանշնչական մեռելու-  
թենէ: Ստոյդ դառնացող ՚ի գրի  
մեղաց կամ տարակուսեալ, ձեռն  
մատուցեալ՝ արե անստուեր որդի  
բարձրելոյ, հանցես զիս'ի լոյսքումդ  
նշուլից: Ընդ աղիողորմ թշուառու-  
թեան կականման ձայնի այրույն 'ի  
Նային մօր միամօրին, տատանմամբ  
մատանցն, կոծմամբ կրծիցն, հոս-  
մամբ արտասուացն, տուայտանօք  
տիսրութեան դիմացն, և ես պաղա-  
տիմ վերջին հեծութեամբս, տուր  
յուսահատելոյս զքաջալերութիւն  
միսիթարութեան դթած քո բանիդ,  
սսելով և ինձ գովեալդ բարի ստեղ-  
ծիչ աշխարհի, թէ մի լար գերի բազ-  
մաց ողբակի. որով ընդ պատանւոյն  
կենդանացելոյ 'ի վշտացելոյ ծնողին  
սփոփանս՝ զամենապարտ ոգիս ըն-  
կալայց 'ի քէն ընդ նմին կըկին նորո-

գեալ։ Ընդ այսակիր անզգայելոցն դիւալուկ և քարակոշկո՞չ հեղձամբղձուկ եղկելի անձանցն, քստմնելի դիսախուիւ հերացն, վայրեներես բանդագուշելոցն, 'ի քէն ողորմեալ փրկիչը ոլորից, իբրև զնոսին առ քեզ դիմեցից ։ Հերքեալ մերժեսցես ըզդունդս չարացն ապականողաց 'ի քո խորանէս, զի ժամանեալ հոգիդ քո բարի այսրէն հանգիցէ, լցեալ զմարմինս մաքրութեամբ շնչոյս՝ ըզդեցմամբ անդամոցս, զգաստ արացես զիսելագարեալս ամենաթըշուառ։ Ընդ գերեցեալ դժոխաբնակաց վտարանդելոցն հոգւոց արգելեալ կամ 'ի վտանգի ։ զՃառագյթ ողորմութեան վառաց քոց ծագեալ՝ լոյսդ իմ անձկութեան, 'ի կապանաց օցտողին զերծեալ զիս ապրեցուացես։ Գաղտնորոգայթ աներեութերակ վրիսլակ արահետ դարշութեամբ մեղացս ջրգողեցեալ ոդւոյս կերպարան կայ 'ի տագնապի ։ զՃաճկեցեան 'ի տեսողութեանց զշարագործին թիւնիցն այտուցմնւաս, քո ինքնաւորդ զօրեւ

զութեամք որդի Աստուծոյ, դժանաբար առողջացուցես : Զբազմազան տարազս ցեղիցն զանազանից ախտաւորութեանց մահացուցանողաց իւրականիօք կորստեան բերիւք, դժնդակարմատն շառաւեղօք հաստատեցելովք 'ի յանդաստանի անօրէն մարմնոյս, տարակորզեսցես 'ի ձեռն ձեռինդ ամենակալի, որ արօրադրեալ միշտ՝ և մշակես զսահմանս հոգւոց առ բանիդ կենաց արդիւնատրութիւն :

Դ . Եւ քանզի անցաւ ըստ նմանութիւն օրինակութեանց յանցուածոցս վէր, ըստ ճարակողն քաղցկեղի, առ բնաւ անդամն մասնաւորեալ զախտին տարածումն, չիք սպեղանի իբր խարայէլի առ անչափութիւն խարանացն մատուցանել. 'ի խարսխաց բարձիցս մինչև ցափն կառուցման լրութեան անդամոցս չէ առողջութիւն, այլ ամենեին անբժշկութիւն : Խակ դու ողորմած բարերար օրհնեալ և երկայնամիտ թագաւոր անմահ, լուր սկալատանացս արդահատութեան սրախս վտանգի,

ԺԲ.  
որ կարդամն առ քեզ տէր ՚ի նեղու-  
թեան :

## ԲԱՆ ԺԹ.

Վէրսպին յաւ-էլուած իբին հեծութեան  
նորին հոկողի առ նոյն աղջը մաղթանաց  
բանի .

Ի խորոշ սրաից խօսե ընդ Ասպարծոյ :

Ա. Կաթեաց ամենահայեաց տե-  
սութիւն կենաց բարութեան յու-  
սոյ ՚ի մեծաբարբառ աղաղակ ցա-  
ւագնեալանձինս հեծեծանաց : Ան-  
հաս մեծութիւն , անուն ահաւոր ,  
բարբառ կենդանի , լուր ցանկալի ,  
ճաշակ ախորժելի , կոչումն պաշ-  
տելի , բարութիւն խոստավանելի ,  
աղդումն խնկելի , իսկութիւն դա-  
ւանելի , էութիւն փառատրելի ,  
գոյութիւն օրհնաբանելի , տէր Յի-  
սուս ընդ Հօր քում գովեալ և եր-  
կըրսկագեալ , և ընդ Հոգւոյդ սրբոյ  
բարձրացեալ և վերաձայնեալ , որ

միայն մարմնացար վասն մեր ըստ  
մեզ, զի արասցես զմեզ վասն քո ըստ  
քեզ, լոյս ամենայնի, յամենայնի  
ողորմած, հզօր, երկնային, և այժմ  
զլուծեալ և զիսորտակեալ հողանիւթ  
անօթս աստուածօրէն հրաշակեր-  
տութեամբ, աղաչեմգթած, նորոգ  
հաստատեա: Զքոյին պատկերս մե-  
զօք հնացեալս՝ 'ի քրայս հալոցաց  
կայծակամբ բանիդ, պաղատիմառ  
քեզ, վերստին ձուլեա: Զխախ-  
տեալշինուածսքումդ հանգստեան  
խորանի մարմնոյս՝ պահպանաւ հո-  
գւոյս, մաղթեմ բարերար, 'ի բնա-  
կութիւն քեզ մաքրագործեա: Մի  
հատուցաներ չարեացն իմ գործոց  
զնոյն փոխատրութիւն: Արբեալ  
եմ ըստ մարգարէին բանի՝ և ոչ 'ի  
գինւոյ: Ծափեա զմբուրս անօրէ-  
նութեան թմբրութեան մահու բա-  
ժակիս՝ աղատարար հրամանաւդ ա-  
մենակեցոյց, զի մի զքոյդ քամեցից  
'ի վերջին աւուր յեանում հատուց-  
մանն:

Բ. Արդար ես յիրաւունս քո, և  
յաղթող 'ի գատաստանի. Եթէ մա-

հու մատնես, Ճշմարիտ են դործք  
 քո. Եթէ դատապարտես՝ աստուստ  
 սկսեալ զտանջողականն կշտամբու-  
 թիւն, ստոյգ են հատուցմունք քո.  
 Եթէ յանդունդս խորոց սուզեսցես,  
 թէ զկենդանութիւն շարժմանս բարձ-  
 ցես, թէ զբանիս զօրութիւն ու-  
 նայնացուսցես, թէ զաշացս պատու-  
 հանս ստուերացուսցես, թէ զկե-  
 նացն ճաշակ՚ի քեզինքն ամփոփես-  
 ցես, թէ զհասարակաց կերակրոյս  
 դարմանս բարձցես, թէ զաւուրցս  
 հարստութիւն համառօտեսցես, թէ  
 ընդ իջման քաղցրութեան ցողոյ և  
 հուր տեղասցես, թէ 'ի լրութենէ  
 բանի քոյ սովեցուսցես, թէ զական-  
 չացս դրունս խցցես, թէ զշնորհիդ  
 ձիր կտրեսցես, թէ զգետին յատակի  
 ոտիցս սասանեցուսցես, թէ յանձ-  
 կալի երեսաց լուսոյգ քոյ հանցես,  
 թէ 'ի համօրէն աշխարհէ աստի հեր-  
 քեսցես, թէ փայլատակմամբք հրոյ  
 պակուսցես, թէ անբժշկական ցա-  
 ւօք դատեսցես, թէ դիւաց չարաց  
 մատնեսցես, թէ գաղանաց ժանեօք  
 մանրեսցես, թէ հողմով ցատման

հոսեսցես, և թէ այլինչ նորոգ արարած տանջանարանաց կազմեսցես՝ չար քան զտարտարոսն և սաստիկ քան զգեհենն, թունաւորագոյն քան զորդունսն, տարակուսելի քան վխաւարն, Երկիւղագին քան վխոր խորատն, ողորմելի քան զմերկութիւնն, վկայեմ անձամբ անձին՝ յոյժ ողարտապան գոլ սոցա :

Գ. Եւ քանզի յաւէտ տպաւուագոյն են նմանութիւնք փոխարութեանցն առ ազգակցութիւն մեղանացս՝ իբր պատկերակիցք միատեսակք զուգաշաւկոյք նշանակիչք այսր խորհրդոյ, արդ կարեոր է խոստովանել և յանդիմանել զերեսացն ծածկոյթս առ ծանօթութիւն ինդրոզին : Որսկէս՝ զի ոչ ջերմն սիրով առ ընկերին կարիս մատուցայ, յիրաւի՚ի նախնումն վտանդին տագնապեալ սառնում: Եւզի ոչ զցանկականն խրոխտականութիւն սանձեցի, յարժանի կրեմեղելիս զանը ովանալի զկիզումն : Եւ քանզի ոչ սիրեցի զլուսոյդ աւետիս, արդար հատուցմամբ՝ ի մթութիւն ըմբռնու

ղական միգին կորստեան վրխուեալ դանդաշեմ։ Եւ զի ոչ խորեցի զմանունս փոքունցն յանցանաց իբրանիասակարք վարկանելով, պատկանասլէս՝ ի խածանողականացն զազիրն զեռնոց խթեալ խոցոտիմ։ Եւ զի ոչ ձեռն կարկառի առ կիրս վրտանդաւորին՝ այց առնել նմին։ ՚ի դէպ իսկ ըստ գծագրութեան այսրօրինակի ապականութեան գբոյնը վիրեալ մատնիմ։

Դ. Եւ արդ ոչ յաստուածուստամենաբարի գանձուցդ չարիս, և ոչ ՚ի լուսոյդ նշուղից խաւար, և ոչ յապաւինութենէդ գայթագղութիւն, այլ ես ինձէն կորստեան որդիս գտի զայսոսիկ։ մեղանք անօրէնութեան իմոյ գանձեցին նիւթեցին զայսքանեաց բարկութեան մթերս։ Հոգւոյ իշխանին մոլորութեան հնազանդեալ, թողի զտեղի քո նորա, ըստ գրոյն խրատու յանդիմանութեան։ Եւ քանզի յայտնեցաւ յետուստ գաղտնեաց առականաց մարմնոյս անդամոց, և արկաւզերեսօք կերպիս անվայելուչ ստուեր ամօթոյս, ըստ

մարդարէին առակի, տգեղս ցուցեալ զիս ամենեին իբր մերկացեալ խայտառակեցելոյ սլոռնկի, ծագեալիս զլոյս քաւութեան, արքայ երկնաւոր • զի թօթափեալ զմեղաց փոշիս ըստ աւետեաց ձայնին դարձելոցն 'ի բաքելովինէ, նստայց վերստին կանգնեալ 'ի հողոյ, և 'ի հաստատութիւն յուսոյդ հիմնացեալ անսասանելի, ըստ եսայեան բանին, զգեցեալ զզօրութիւն բազկի կարութեան նախնում մաքրութեանն, վասն մեծութեան փառաց քաղցրութեան ամենապարգև քոյ աստուածութեանդ • օրհնեալ յաւիտեանս .  
ամէն :

## ԲԱՆ Ի .

Վերսալին յաւ-նը-ած իրին հեծութեան  
նորին հակողի առ նոյն աղերս մաղթանաց  
բանի .

Ի իսրայ որդիշ խօսի ընդ Աստուծոյ :

Ա . Տէր տէր անօխակալ և երկայ-  
նամիտ , ներող , բարեգութ , հզօր ,  
ողորմած . ահա ճշմարտութեամբ  
են դործք քո , և խոսառվանեալ դա-  
տաստանք քո . վկայեալ են ընտրու-  
թիւնք քո՝ տեսողդ ծածկութից :  
Ընդ երից երջանկաց մանկանցն՝ որք  
կիզանողական բոցովի փորձեցան և  
ոչ վսասեցան 'ի բարելովնի , զնոցա-  
թախծութե զերգն հառաջեմ , մե-  
ղայ , անօրինեցայ , յանցեայ , ապըս-  
տամբեցայ , և պատուիրանաց քոց  
ոչ անսացի : Եւ քանզի մաքուր գո-  
լով 'ի վսասուց նոքա և զայս խոս-  
տովանութիւն գոչէին , իսկ ես ընդ  
նոցայն նովին աղերսիւ ձայնակ .

ցեալ սմին ողբոց Երգութեան, և  
այլ յաւելից ամենապարտս մահու-  
նդ Դանիելի Երանեալ և սուրբ  
մեծ մարգարէի, որ 'ի քում հարա-  
զատութեան ազգականութէ տանն  
Յուդայի շառաւիզ ընտրեալ, զնո-  
րայն առեալ ընդունական և նուի-  
րական բանից պաղատանս, իմովս  
պատժականութեան գոչմամբ հե-  
ծութեանս և այլ կրկնեցից: Ի մէջ  
գիտութեանս անպատճականս  
գնացի, զարտուղի սխալեալդնդա-  
կապէս. այս է ամենայնիւ ամենայն  
իրօք մեղանչելն: Ըստ սահման կըշ-  
ութեան կամաց քոց արտաքս վա-  
զեցի. որ է հաւաստի կերպարանբա-  
սիր անօրէնութեան: Անդիտիցն չա-  
փոց չարութեան գործոց լրումն յա-  
ճախութեան նիւթեցի. որ է ճըշ-  
գրիտ պատկեր յանցաւորութեան:  
Սպառնացար, և ոչ զարհուրեցայ-  
արգահատեցեր, և ոչ երբէք լուայ-  
որ է ապստամբութեան յայտնինշա-  
նակ: Քեզ արդարութիւն հանդեր  
ձեցեր, բարերար, և ինձ ամօթ և  
պատկառանս պատրաստեցեր. քեզ

ի վառս վայելչականս , և ինձ նախատինս յարմարաւորս . քեզ քաղցրութե յիշատակ , և ինձ մաղձ քացախեալ՚ի կատարածի . քեզ բարեբանութիւն անլուելի , և ինձ ձայնս ողբոց աղաղակի . քեզ օրհնութիւնս երգոց խնկելի , և ինձ մերժումն տարագրութեան . քեզ իրաւունս բազմարժանիս , և ինձ պատասխանատուութիւնս ամենավարանս . քեզ բարձրութիւնս անձառ գովեստից , և ինձ զաձիւն լիզելոյ պատիճ ձաղանաց :

Բ . Եւ արդ ընկալար դուքարեաց ընտրութեանց անկշիռ սահման՝ ըզքոյոցդ ախորժականաց կնդրկաց պտղոց վերառեալ ըստ քեզ , և ես զիմոյս աստէն առ սմին պարսաւանս յոգունս կրկնակի բարդեալ ինձ ըստ իս : Իսկ եթէ անարատիցն մաղլթանաց այս էր յանձնառութիւն , իսկ ինձ զո՞րս հիւսեցից շարս և տողս բանից դսրովականաց , որ քանի զամենայն դժնեայս յառէտ վրիպեցայ : Մոլորեցայ անառակ ընթացիւք՚ի միտս վայրենիս . յանդգնեցայ շըրթամբխօսից՚ի բանս երկրաւորս . զա-

կատեցայ անկասելի 'ի սկառկառելեցն գործոց։ Փքացայ, վերացայ, որ յետ սակաւ մի ժամանակի 'ի հող մահու եմ իջանելոց։ գոռողացայ, բարձրացայ, որ և ոչ զդրաւական հոդոյս տուրեւառութեան շնչոյս ունիմ'ի ձեռին։ Ամբարտաւանեցայ փոշիս շնչաւոր, ամբարհաւաճեցայ կաւս ձայնաւոր, հպարտացայ հողս անարգութեան, 'ի վեր ամբարձայ մոխիրս մերժելի, բազուկ կառուցի բաժակս մանրելի։ Տարածեցայ տուաւելիբը վեհ, և դարձեաւիբը ըլ հերքեալ առ իս ինքն ամփոփեցայ։ Բարկութեանն բոցով ցոլացայտիզմըս բանաւոր։ իբր զանմեռ ոք մեծամտեցի, որ ընդ քառոտանեաց մահու եմ փակեալ։ Գիրկս արկի կենցաղոյս սիրոյ, և 'ի քեզ թիկունս փոխանակ դիմաց դարձուցի։ 'ի թը ուիչս մտաց ընդ իսաւար խորհրդոց սլացայ։ զանարաս հոդիս մարմնոյս փափկութեամբ յաւետ վտաեցի։ ըլ զօրութիւն աջական կողմանս տկար արարի, ահեկանացս կայից ուժդինութիւն տալով յաղթեցի։ Զ քեզ

իսկ տեսի հոգացեալ վասն իմ, զոր  
 չէ աստ գրելի, և ոչ պատկառեցի .  
 իբրև զհաւ վայրենի սրացայ, ըստ ով  
 սէեան բանին առ Եփրեմ, 'ի նախ  
 նին իմսովորութիւն: Յաղօթարանն  
 վայրի ընդ սլատազմունս այսր կեն  
 ցաղոյս շրջանակեցայ . ոչ կացուցի  
 յոտին զերիվար մտացս երասանաւ  
 բանին : Ընդ հին չարութեանցն նու  
 րոդ ինքնաստեղծութիւնս դտի . ա  
 նուրսըստ Յոբայ ծանունս և անտա  
 նելիս ինձէն ինձ սաստկացուցի . ա  
 ռիդած անկարկատելի , ըստ Երե  
 միայի , զանձն իմ արարի . իբր զվե  
 ժած անգրելի կոչման , ըստ առակ  
 արկուին , 'ի մարդկանէ համարոյ  
 եղծայ . իբր զհանդերձս ինչ ապա  
 րահից , ըստ եսայեան բանին , զազ  
 րացայ . որսկէս զթրծեալ աման իւե  
 ցեղէն փշրեցայ անարծարծելի . ըստ  
 բամբասանտցն Եղոմայ 'ի մարդարէ  
 էն զըորրորդ չափն անօրէնութեան  
 սատակման ինձ սլատրաստեցի : Եւ  
 զի՞նչ ստութիւն առ այս և զայսյա  
 ւելուլընդ այս . քանզի զվանն իսկ  
 դիւանուէր Մողոքայ առի ինձ այս

ըէն՝ առ դժոխոցն ժառանգութիւն, լքեալ զերկնայինն յեղանակաւ իմն օրինակինմանակիր ձեակերպութեան, որպէս առակ պատկերի աստեղն Ռեփանայ բարելականի՝ յիսրայէլէ պատուեցեալ ցուցաւի Սինայ:

Գ. Իսկ արդ զի ՚ինախնի շնորհին համարձակութենէ դարձեալ փոխեցայ, զրկեցայ, ելայ, հեռացայ, բաժանեցայ և անպատուաստելի կտրեցայ, արդ ընկալ զիս տէր վերսախն կերպարանեալ ՚ի պատկեր հոգւոյ, զանարժանս կենաց իբր զմահապարտ, իբր զչարագործ, իբր զպատկառեալ, իբր զկոխանեղեալ բանսարկուին, որպէս զանբըժըկելի մանրեցեալ, որպէս ըզհասեալ յատակս մահու, որպէս զդարշեցեալ, որպէս զխոտան գըտեալ քո կոչմանդ, որպէս միանգամայն ՚ի կոլուստ վարեալ, որպէս դեգերեալ, որպէս վանեցեալ, որպէս տարակուսեալ, որպէս թշուառացեալ, որպէս վհատեալ, որպէս կործանեալ, որպէս խորտակեալ,

որպէս բեկեալ, որպէս զթախծեալ,  
որպէս յոգի տրտմեցեալ, որպէս  
թշնամանեալ։ Իսկ դարձեալակնար-  
կելովքո՞դթած, մարդասէր, հզօր,  
՚ի յաղերս բանիս՝ որպէս զղջացեալ,  
որպէս խոստովանեալ, որպէս ՚ի յո-  
տըս քո դիմեցեալ, որպէս զապաշ-  
խարեալ։ Որ կշռես, դրես և մեծ  
համարիս զհառաչ հոգւոյ և զազ-  
դումն շնոր հեծութեան, զկակիծ  
շրթանց, զպասքել լեզուի և զտիրա-  
կանութիւներեսաց, զկամս խորհր-  
դոց և օյօժարութիւն խորութեան  
սրտից։ Որ փրկութիւնդ ես անձանց,  
և տեսող ոչ դործեցելոց, և ստեղ-  
ծիչ բոլորից, և բժիշկ վիրաց ան-  
երևութից, սկաշտապան յուսացելոց,  
և բարեխնամող աէր ամենեցուն :  
Եւ քեզ փառք յամենայնի, յաւի-  
տեանս, ամէն :

## ԲԱՆ ԻԱՆ

Վերսատին յաւելուտած իրին հեծութեան  
նորին հսկողի առ նոյն աղեցս մաղթանաց  
բանին.

Ի խորոշ սրբից իօստ ընդ Աստիճա:

Ա. Եթ քանզի ես ինձէն անձամբ  
իմով ինքնագրաւ 'ի մահ՝ ոչ կացի  
երբեք 'ի յոտս մարդոյ, և ոչ սիրո  
բանականի ստացայ՝ ըստ գրոյն, և  
քանզի ոչ փոփոխեցայ 'ի նախակար-  
գելոցդ, և ոչ ընդ բարւոք ուղին ըն-  
թացայ, ընդէք ոչ զխոտորնական հե-  
տոցն խաւարայնոց զդէմն ցուցից 'ի  
սահման կարգի այսր ընթերցուա-  
ծոյ: Առ որս ածեալ յարմարեալ  
առ սոյն զկերսլարան տեսակի բանիդ  
երեսաց, ըստ վերագոյնդ նշանակե-  
լոյ անփոխագրելի սպահելով, խոս-  
տովաննեցայց վերատին գարձեալ աս-  
տանօր զմնացեալ չարութեանցն ըզ-  
բիծս, զոր յաջորդաւդ է իմանալի:

Բ. Օտար ժանտագործս արժանապատիժս՝ աճեցուն արարի գնացիւք անսաստութեան զգունդն ըելվարայ։ Կաքաւո կայթից և ցոյցս վազից խաղալկացն դիւաց գարշելեաց Ճարտար խաբողաց ծուլութեամբս իմով շնորհեցի։ Գանս գաղտնիս և խոցուածս անյայտս 'ի կործանեցելոցն դահճաց ընկալայ։ Ոչ հերքեցի զվանեալսն խաչիւն Քրիստոսի, քան թէ անդրէն առաւելկրկին իսկ զօրացուցի։ Վասն իմոյ հիքոյս անօրէնութե անունդ Յիսուսի հայհոյի 'ի մէջ այսականաց, որպէս վասն Խորայէլի 'ի մէջ հեթանոսաց։ Հարուածս հարուածոց վեսակարս ապականութեանց ժանդոյ և թրթրոյ և այլոց կերչաց վտանողաց զծաղիկ հոգւոյս, ըստ սրբոյն Յովելեայ հրաշական ողբոցն, որ 'ի ցոյցս երկրի վասն Խորայէլի՝ յառակս հինից և չարաց հոգւոց, յիս ինքն անկեցի. ստեղծանել զնոսա պարաստեցայ, քան թէ սատակել Բիւրս կուտեալ հաւաքեցի անձին իմում մարտիկս մահազէնս. կշտամ-

բիչս ինձ գոյացուցի անիրաւս և ան-  
պատկառելիս . ներհակս ինձ զօրա-  
ցուցի ապառումս և անկռուելիս .  
դառինս ինձ առիմասունս ընդ քաղ-  
ցրաւենեացն Ճաշակաց , առ ստացո-  
ղըն միշտ նենդաւորս , և առ բանսար-  
կուն յաւէտհաւատարիմն : Աւազ ա-  
ղէտիս , վիշտ վտանգիս , խաւար ամօ-  
թոյս , մութ պատկառանացս . զիա՞րդ  
և առ բանիս յանդիմանութիւն հա-  
մարձակեցայց . մեծ է ձայնս գու-  
ժի , և անբերելի բողոքս աղաղակի :  
Քանզի թէ զհոգիս էր զիմ տեսա-  
նել , տղեղս և նուազս և ամենին  
ներգևեալս , ցաւովք հեծութեանս  
՚ի վերջինս վարեալ վարանումն , և  
մրճոտեալ աղտեղեալ գունով զազ-  
րութե իբր զպաշտօնատար մեհենի .  
վասն զի նոյն է սպաս տանել ձու-  
շեալ պատկերի , և մեղաց ախտի :  
Արդ ես գնացի ընդ այս Ճանապարհ  
կորսուեան հետոց խաւարի . Ետու-  
զբաժինն քոցանկալի յանապատան-  
կոխս , ըստ մարգարեին որ առ քահա-  
նայսն . Խորայէլի ամբաստանու-  
թեան :

Եւ զիածրդ ասացից անձին ի-  
մումմարդ՝ գրեալս ընդ անմարդիս.  
և իբր անուանեցայց բանական՝ ան-  
բանիցն յիմարութեան կցորդեալ. և  
որպէս կոչեցայց տեսանողական՝  
մթացուցեալ զլոյսս որ յիս. և ընդ-  
էր համբաւեցայց զգայական՝ զի-  
մաստիցս դրունս փակեալ. կամ ո-  
րովք ցուցայց տպաւորութիւննկա-  
րագրութեան անեղծին շնորհի՝  
անձամբ ինձէն յոդի մահացեալ. նա  
և ոչ շարժողական և կամ շնչական  
ունիմ անուանել, թող թէ հոդե-  
կան կամ մտաց ընդունական. ան-  
պիտանս 'ի թիւս անօթոց, անարդս  
'ի քարինս որմոց, արհամարհեալս 'ի  
կարդս կոչեցելոց, վատթարս 'ի  
յազգս հրաւիրելոց, արհաւրօք մա-  
հու պակուցեալս, անխրախուսելի  
'ի բոլորեցունց՝ ցաւովք և տանջա-  
նօքն Երուսաղեմի ըստ Երեմիայի  
բանին խրատեցեալ, սլակասեալ  
աւուրցս 'ի հեծութենէ, և ընթացք  
ամացս 'ի հառաջմանէ, ըստ նուա-  
գարանաց Երգողին: Իբր ասուի 'ի  
ցեցոյ և փայտ, 'ի յորդանէ, ըստ ի-

մաստնոյն բանի՝ ի խիթմանէ սրտիս  
հալեցայ. իբր զոստայն ուարդից մա-  
շեցայ, ըստ սաղմոսողին, և խոտան  
գտայ. իբր զամակ առաւօտեայ և  
և զցող վաղորդայնի՝ ըստ մար-  
դարէութեանն ձայնի՝ սպառեցայ:  
Այլոչ՝ ի մարդ ոք ունիմ զյոյս, եթէ  
անիծեալ՝ ի տեսանողէն անյուսա-  
դրելի վհատիմ. այլ՝ ի քեզ, տէր իմ  
ոգեսէր, որ ընկղմեալ՝ ի քոյդ գթու-  
թեանց բարեաց անբաւից, և՝ ի ըևե-  
ռելոյն ժամու՝ ի խաջին մաղթեցեր  
մեծդ ողորմութեան առ Հայր քո  
բարձրեալ՝ քո չարչարողացն։ Արդ  
շնորհեա ինձ յոյս քաւութեան  
կեանք, և ապաւէն, և՝ ի տուր շնչոյս  
թշուառի՝ առից զոդիդ քո բարի։ Եւ  
քեզ ընդ Հօր Հոգւովդ սրբով զօ-  
րութիւն, յաղթութիւն, մեծութի  
և փառք յաւիտեանս. ամէն։

## ԲԱՆ ԻԲ.

Վերսալին յաւելուած իբին հեծութեան  
նորին հակողի առ նոյն աղերս մաղթանաց  
բանի .

Ի խորաց սրբից խօսի ընդ Աստուծոյ :

Ա . Դիմացնաւ այլաբանեցից 'ի  
նոյն շարունակ բարդեալ զկշտամ-  
բանացսեղանակ դսրովեալ անձինս ,  
ածեալ մատուցեալ կրկին կացու-  
ցեալնովին սպատկերաւ 'ի նոյն պայ-  
մանի . թերեւ գրեսցէ ինձ ամենա-  
գէտն զայս յանդիմանութեան դա-  
տակնիք կսկծեցուցանողականսբանի  
ճշմարիտ խոստովանութիւն համայ-  
նից գործոց գաղտնութեանց չա-  
րեաց :

Բ . Այլ ոմն ձիս խօսնական կար-  
ծրերախ սանձակոտոր արձակերա-  
սան , յովանակս անհամբոյր վայրե-  
նական և անկրթական , երինջս աւո-  
ղական անուղղական և անվարժա-

կան : Մարդ մոլեգնական տարա-  
գրական և կորստական, մանուկս մե-  
ղանչական անխրատական և վարա-  
տական, անտեսս մահապարտական  
տարտամական և անգործական, բա-  
նականս անասնական դազանական  
և անմաքրական : Զիթենիս ամայա-  
կան անպտղական և կործանական,  
մարմինս հոգւոյս իմ թախծողական  
դատողական և տանջողական, խո-  
ցեալս անբժշկական անխնամական  
և անկանգնական : Ոսկի շարս կայ-  
սերական՝ արդ վատնական և ան-  
դտական, ծառայս սխալական փա-  
խըստական և թշուառական :

Գ . Ահա ես ինքն ինձէն կամա-  
ւորասլէս անձնամատն և մարմնա-  
կործան, հոգեկորոյս և միշտ մտա-  
խաք, կամակոր իսկ և սրտաբեկ, ու-  
շամուաց և հանճարազրաւ, զգայա-  
զիրկ և իմաստասպառ, յայրատա-  
տես և եղեռնալուր : Ես աստուստ  
և անդուստ բնաւիւք բորբոքմամբք  
մահաբեր երկամբք զնասեալ, ոչ  
միով իւկիք տեսութեամբ ՚ի գործ  
ընալրութեան քեզ պիտանացուս,

տերդ բոլորից . ողբամ զորովայնն ,  
որ երկնեացն զիս . աշխարեմ զըս-  
տինսն , որ դիեցուցին . ընդէր ոչ  
մաղձ մակարդեալընդ կաթինն ձգե-  
ցի , և զիա՞րդ ոչ դառնութիւն ինձ  
ընդ քաղցրութեան ջամբեալմատու-  
ցաւ : Զի եթէ ես ինձէն անձին ի-  
մում դժնեայ դատախաղ համբար-  
ձայ այսքանեօք բանիւք , և ունիմ  
տակաւին զսուր բարկութեանս ան-  
խոնարհելի , ով ոք 'ի յերկրածնաց  
աստի զիս ողոքեսցէ . զամենայն խայ-  
տառակեցից , զբնաւէութիւնս դա-  
տեալ տուժեցից , զհամօրէն զինա-  
սակարացն զդունդ դանեցից , զիսո-  
ցողացն զինուրութեանց դատա-  
խաղեցից , զդայտականացն դլսաւո-  
րութիւնս կշտամբեցից : Մեղայ ա-  
մենայնիւ յամենայնի , ողորմեա գը-  
թած . ոչ նոր ինչ դտեր յիս զյան-  
ցանացս պարտեաց մառախուղ , այլ  
նոյն եմ յաւէտ նովին պատահմամբ  
պարտաւորութեան , անկցելի ձոր-  
ձով սխալեալ առաջի քո՝ անփոփո-  
խելի , և դու միայն իսկապէս գթած  
օրհնեալ մարդասէր , ընդ աջմէ ի-

մոյս փրկութեան կանխեալ ներութեամբ անայլայլելի :

Դ. Արդ մատո, խնամակալ, հզօր,  
երկնաւոր, բարի, ամենից հաստիչ  
յոչից, զբանիդ զօրութեամբ խմաս  
տից կայծակն 'ի գործի ազդման լե-  
զուիս շարժութեան, առիթ մաքրու-  
թեան յամենուստ զգայականաց գոյ  
աւորութեանց յիս մասնաւորե-  
լոց՝ քո ձեռակերտից, սոքօք առ 'ի  
քէն եղելովք և բժշկելովք կրկին  
հանդերձանօք, անպակաս ձայնիւ,  
անհատ բարբառով, քեզ վերընծայ-  
ել գոհաբանութիւն 'ի փառս մե-  
ծութեան հօրդ քոյ Ասաուծոյ մե-  
րոյ, յաւիտեանս. ամէն :

## ԲԱՆԻԳ.

Ա է բարին յա-նը-ած իւին հեծութեան  
նորին հոկողի առ նոյն աղեց մաղթանաց  
բանի .

Ի խորսոց սրբից խօս+ ընդ Աստո-ծոյ :

Ա . Տեր Աստուած ամենայնի, զօ-  
րաւոր յամենայնի, անպարագիր և  
անվայրափակ տեղի ամենեցուն . բո-  
լորիսկութեամբ հուպ յամենեսին,  
անուրեք վայրից, և չիք սահման ա-  
ռանցքո : Ոչ երեեալ երբեք, և ոչ  
տեսականութիւն առանց քո ծագ-  
ման լուսաւոր : Փառք ահաւորու-  
թեան, անուն անհասութեան, կո-  
չումն մեծութեան, ձայն անբաւու-  
թեան, իսկութիւն անքննութեան,  
անմատչելի հեռաւոր, և անընդմի-  
ջելի մերձաւոր, տեսող հեծութեան,  
նկատիչ թշուառութեան, մօտակաց  
թախծութեան, ամենաբոյժ հնար  
անձարութեան, հայր գթութեանց,

ծագող ողորմութեան , Աստուած  
միսիթարութեան .

Բ . Հայեաց տէր ողորմութեամբ  
'ի պատկեր վշտաց դառնութեան  
բաղմալտանդ կրիցս կարեաց , զոր  
հանդեպքո տարածանեմ . կցորդա-  
կից լեր բժշկապէս , և մի 'ի խոյզ  
ընտրութեան կոչեր դատաւորա-  
բար : Արդարեւ մեծ է վտանգ տա-  
րակուսանաց ցաւոց այսր վարան-  
ման , յորժամ իցէ մարմինն մեղօք  
դրաւեալ . և անձն 'ի գործոց չա-  
րեաց ոչ մեկուսացեալ , գործնա-  
կանացն գործի սովորութեամբ կա-  
րեաց կասկեալ , զանգուածն հան-  
դերձանաց մահացու կրիւք շաղա-  
խեալ . զգայութիւն սրտին իմաստից  
խեթիւ խոցուտեալ . ակնկալութիւն  
բարեացն բնաւին բարձեալ , և 'ի  
բանականութեան ընդ անասունս  
դասակարգեալ , և զազեր գարշութի-  
ընդ գոյութեան շարամանեալ .  
և տեսականացն ողջ ելով իմանա-  
լիքն վիրաւորեալ , և 'ի ոաստկու-  
թենէ յանցանացն յիշատակի յա-  
ւէտ յուստհատեալ , և տագնապա-

նախագործելոցն միշտ տարակու-  
սեալ, և յստակութիւն աղերսին՝ի  
սպառ պղտորեալ, և խղճիւ մտացն  
յուզմանց կրկին ՃԵՆՃԵՐԵԱԼ, և  
ձեռն՝ի մաճի գործոյն զյետնոցն  
հետազօտեալ, և կերպ՝ի յառաջ  
դիմեալ՝ ոտք՝ի վերջ կոյս յետա-  
հարեալ, և գիտութեամբ էիցն՝ի  
չեցն միշտ խաբեցեալ, և 'ի մտացն  
մարտ՝'ի փոքրունցն յաղթահարեալ,  
և 'ի թառանչ սրտին հագագին  
դուռն հրդեհեալ, և խոնաւ զօրուի  
քմացն ամենայն ուրեք տոչորեալ, և  
անարե միգով յամենայն մասանց  
պարփակեալ, և լայնութե ակնկա-  
լութեն ամենեին՝ի սպառ ամփո-  
փեալ, և անբերելեացն տոյժ՝ի զգա-  
լիսն տալաւորեալ, և եղկութիւն  
կորստեանն 'ի յուշ անդ եկեալ, և  
դատակնիք հատուցմանն 'ի դիւանի  
մտացն գրեցեալ, և բարերարին ակն  
'ի ցասումն իմն երևեցեալ, և ըստն  
ընութեամբ՝ զանգուածոյ հողոյս  
զայրացեալ, և ահաւորութիւնն էին  
ընդ փոքրկութիւն ընութեանս ընդ-  
հարեալ, և միշտ որոտմամբ բանից

բանաւոր մոխրոյս բարկացեալ, և  
իրաւանցն վիմօք զարժանիս մահու  
կոշկոճեալ, և որ իմն է տաղանդ՝  
յանառակս աստէն կորուսեալ, և  
պատուական իրին ստացուած իբրև  
անարդ յերկրի թաղեալ, և տա-  
ժանմանցն արդասիք ծուլութեանն  
մթով ծածկեալ, և իբրև զ'ի բաց  
բարձեալնշմարան ճրագի չերեւեալ,  
և սկատասխանարան լեզուիս՝ յիրա-  
ւանցն օտար՝ կարկեցեալ, և անհամ-  
բոյր շրթանցս դրութիւն օրինաւոր  
դատմամբ սկալանձեալ, և յուղ-  
մունիք մտացս 'ի զանազան մասունս  
ցնդեալ, և զկեալն 'ի վերայ օգտին  
ու ինչ գիտացեալ, և 'ի կշռութիւն  
բարւոյն ընտրութե յիմար երեւեալ  
և ընթացք ելիցն նհանջմամբ չա-  
րին խափանեալ, և վառարան իւ-  
ղոյն աճիւնովն հնոցի լցեալ, և ա-  
նուանս գիր 'ի կենաց մատենէն եղ-  
ծեալ, և կշտամբանիք ընդ երանու-  
թեան անդ արձանացեալ:

Գ. Եթէ զինուոր տեսանեմ, մա-  
հու ակն ունիմ. Եթէ պատգամա-  
ւոր, խստութեան. Եթէ մատենա-

գէտ, մուլհակի կորստեան . Եթէ օրինաւոր, անիծից . Եթէ աւետարանական, փոշւոյ ոտիցն թօթափելոյ . Եթէ բարեկրօն, յանդիմանութեան . Եթէ ապառում, կսկըծման : Եթէ ջրովխընտրութեան փորձիմ՝ խորտակիմ . Եթէ դեղինչդատման ձգեմ, սատակիմ : Եթէ բերսնկատեմ բարութեան, 'ի կարծեաց չարեացս փախնում . Եթէ ձեռն համբարձեալ, կորանամ . Եթէ փոքրինչխրտուիլ, սարսեմ . Եթէ սակաւմի թնդիւն, ընդոստիմ . Եթէ 'ի խրախճանս ըմսկելեաց հրաւիրիմ, դողամ . Եթէ մեծիդ յանդիման լինիմ, սարսափեմ . Եթէ 'ի հարցումնբանի կոչիմ, կարկիմ . Եթէ իրաւամբք քննիմ, համբանամ : Արդ այսքան ամենաթշուառ և ողորմագին տարակուսանացս 'ի վերայ միմեանց բարդելոց, որք զստորև զգայականաց սրտիս գոյութեան 'ի ներքուստ անտուստ անբժշկական ցաւօք՝ աներեւակի նետիւք խոցոտեալ, անարտաբերելի մշտակիր յարամնաց հանապազամուխ բեկուեալ աստուստ

ընդ հոգւոյս . լցեալշարաւով կրկին  
հարուածով , վտանգ սատակման  
մահու գուշակեն : Թարախ մթերից  
սպատեալ զերկաթով գաղտնեացս  
ծածուկք ազդեն ինձ տագնապս՝  
վերսպահեալսանինամարկելիս ընդ  
ելս շնչոյս տուրեառութեան . յորոց  
նեղութեանց չարաչար ճիշեալ ա-  
ղաղակ ձայնիս , խառնեալ արտա-  
սուօք՝ կողկողագին թախծանօք հո-  
գւոյ , բարեգործիդ հնարաւորու-  
թեան յերկրաստեղծիցս նահատա-  
կաց ընդ իմ մաղթողաց , վերջին հե-  
ծութեամբս և ես ընդ նոսին արտա-  
սուօք ողբոց ամենեքումբք նուիրո-  
ղօք՝ զաղերսանս ըղձիցս 'ի ստորնայ-  
նոցս աստի յերկինս առաքեմ : Ըը-  
նորհեա տէր անդորրութիւն կե-  
նաց հանդստեան ողորմելի վաստա-  
կեցելոյս 'ի յընդունայն երկրագոր-  
ծութիւնս , համայնդ յամենայնում ,  
ամենայնիւ ստացեալ քեզ փառս :

## ԲԱՆ ԻՒ.

Վերսալին յա-նըուած իւիին հեծո-թան  
նորին հակողի առ նոյն աղերս մաղթանաց  
բանի.

Ի խորոշ սրբից խօսի ընդ Ասպառծոյ :

Ա. Ես արդ որո՞ց խնդրոց արժա-  
նաւոր վարկանելով զիս մատչեմ ա-  
ղերսել, արքայութեանն յորմէ վրի-  
պեցայ, եթէ փառացդ վայելու-  
թեան յորմէ զրկեցայ, թէ ընդ կե-  
նացդ անմահականաց յորմէ հերքե-  
ցայ, թէ ընդ հրեշտակսն պարա-  
կցութեան յորոց ձեղքեցայ, թէ ուռ-  
որթոյն կենդանւոյ յորմէ քանցե-  
ցայ, թէ ոստ տնկոյն բերկրութեան  
յորմէ գօսացայ, թէ ծաղիկ փա-  
ռացն շնորհի յորմէ թափեցայ, թէ  
պանձանացն ժառանգաւոր յորմէ  
կորացայ, թէ հայրենի՞ ծոցոյն հա-  
րազատ յորմէ ընկեցայ, եթէ զգես-  
տո՞վն լուսոյ պարծիմ յորմէ մերկա-

ցայ, Եթէ 'ի ստացող գարձին յու-  
սացայց յորմէ խորթացայ, Եթէ 'ի  
լուսոյն իղձս դիմեցից յորմէ մեկնե-  
ցայ, Եթէ Յիսուսի յոսկերսն յօդիմ  
յորմէ մերժեցայ, Եթէ 'ի մելս նորա  
մերձիմ յորմէ օտարացայ, Եթէ յա-  
սլաւէնն ապաստանեցայց յորմէ խե-  
թացայ, Եթէ 'ի փրկութեանն նո-  
րոգութիւն յորմէ մահացայ, Եթէ  
'ի զգաստութեամնն զուարթութիւն  
յորմէ ես լքայ, Եթէ 'ի կանոն կե-  
նացն ուխտի յորմէ փոխեցայ, Եթէ  
'ի սահմանն հաստադրական յորմէ<sup>1</sup>  
սահեցայ, Եթէ յանշաբծ վիմլն սլըն-  
դութիւն յորմէ սասանեցայ, Եթէ  
'ի շաբս գումարտակին յորմէ հոսե-  
ցայ, Եթէ 'ի քաղաքն անդրանկաց  
շինիմ յորմէ գերեցայ, Եթէ հանա-  
սլազորդեան հացին աղօթեմ զո-  
ոչ վաստակեցայ, Եթէ փոխադրու-  
թիւն երկանցն խնդրեմ յոր ոչքը-  
տնեցայ, թէ պարգևեօքն պսակեցայց  
յոր չհանդիսացայ, թէ արձան ինձ  
կենաց գրեցից յորմէ ջնջեցայ, թէ  
զերախտեացդ ձիր յիշեցից զոր միշտ  
մոռացայ :

Բ. Ահա հատաւ և կամ խզեցաւ  
լար կենաց յուսոյն, տիրեցայ ՚ի ըո-  
րոտութեանցն գարշութենէ հա-  
մայն ախտացեալ, ամենայնիւ սպա-  
ռեալ զմարմինս ապականութիւնն  
չըլապատեալ՝ մեռոյց Աստուծոյ :  
Դոյզն պալար փայլունակ տղեղ լրս-  
նացեալ, մնացուած ինչ պահեալ  
նախունակ երկդիմի կերպին, որ ըդ-  
կրկին անմաքրութիւնն նշանակէ,  
պարծանացն նշոյլ ամենեին ինձ շե-  
ջաւ, փրկութիւնն մատնեցաւ, բա-  
րին ստուերացաւ, ելք կենացն բնա-  
վին փակեցաւ, միսիթարութիւնն  
բարձաւ, դատաստանին ատեան  
մերձեցաւ, թոյնիք մահուն ինձ ար-  
ծարծեցաւ, սպանեալն կրկին ինձ  
կենդանացաւ, լաստին դադարք վի-  
մօք խցաւ, շաւիղն յուսոյն կուրա-  
ցաւ, շնորհին ծածկոյթ յինէն մեր-  
կացաւ, փառացն վայելցութիւն  
ստուերացաւ, հանձարն առաջնոր-  
դական խափանեցաւ, կշտամբա-  
նացն փուշ բազմացաւ, անօրէնու-  
թեանն ուղէշ ծաղկեցաւ, բոց գե-  
հենին ինձ բորբոքեցաւ, ծառայու-

թեանն լուծ սաստկացաւ, ստրկու-  
թեանն կապ զօրացաւ. ունողն յար-  
կին կառուցման ահա անկաւ, բար-  
ձրութեանն վստահարան կործանե-  
ցաւ, ընտանութեանն միաւորու-  
թիւն անջրպետեցաւ, սրբութեանն  
սիրող հոգին Աստուծոյ տրտմեցաւ:

Գ. Եւ քանզի զվերջինն համբու-  
րեցի դառնութի, տանջանս՝ խէթս  
տիսրութիւնս, վիշտս հոգեկանս,  
ցաւս անխնամարկելիս, տարակոյս  
անյուսադրելիս, ամօթանս անպա-  
րուրելիս, խայտառականս անվե-  
րարկելիս, պատկառանս անհամար-  
ձակելիս, փախուստս անդառնալիս,  
հալածանս անմարդասիրելիս, եր-  
կայն ուղևորութեան ապաձեռն ան-  
թոշակութիւնս. իսկ դու փրկու-  
թիւն զօրութիւն և օդնութիւն, ո-  
ղորմութիւն լուսաւորութիւն քա-  
ւութիւն և անմահութիւն տէր Ֆի-  
սուս Փրիստոս, որդի Աստուծոյ  
կենդանւոյ, արարիչ երկնի և երկրի  
որ ընձեռես ջուր պասքելոցն 'ի ծա-  
րաւուտ վայրս անապատի, օրհնեալ  
բարեգութ, հզօր, մարդասէր, եր-

կայնամիտ, խնամակալ, հնարաւոր,  
այցելու, պաշտպան աննախանձ,  
պահապան յաղթող, կեանք անկո-  
րուստ, միջնորդ երկնային, լիու-  
թիւն աննուազ, երանութիւն տօ-  
նելի, ձեռն ձգեալ սիրոյ ողորմու-  
թեան քոյ աջոյ՝ ընկալ և մատո քա-  
ւեալ և սրբեալ զիս զամենապարտս՝  
բանդ կենդանի՝ առ հաւասարապա-  
տիւ քո հոգի, զի քե վերստին հաշ-  
տեալ յիս դարձցի: Եւ 'ի ձեռն քո  
իւրովն կամօք մաքուր նուիրեալ, զօ-  
րեղն ինքնութեամբ զիս հօր ընծայ-  
եալ, անդէն առ նմին նովիմբ միշտ  
'իքեզ շնչոյս ողջունիւ կապեալ ընդ  
շնորհիդ՝ 'իքեզ միանալ անբաժանե-  
լի: Վասն որոյ քեզ ընդ հօր քում  
հոգւովդ սրբով երբեակ անձնաւո-  
րութեանդ 'ի միումբնութեան և 'ի  
մի աստուածութեան փառք, և 'ի  
ստեղծականաց եից գոհաբանու-  
թիւնյաւիտեանսյաւիտենից. ամէն:

## ԲԱՆ ԻԵ.

ՎԵՐԿՈՒՄԻՆ ՅԱՆԵԼՌՈՒԹԸ ՀՐԻՄԻՆ ՀԱԺՈՒՄՆԱԿ  
ՆՈՐԻՆ ՀԱԽՈԴՈՒ Առ Խոյն աղերս Տաղվանաց  
Բանին.

Ի ԽՈՐԾՈ ԱՐԴԻՇ Խօստ ընդ Ասպուծոյ:

Ա. ԲԱՑՑ Քանզի 'ի վերայ այսքա-  
նեաց գերութեանց ամենաթշուառ  
վտանգաւորիս մի զմիով ել և ել-  
առնելոյ, զոր զկերպարանս անցիցն  
'ի մասնէ վերաճառեազդ նախա-  
դրեցին. ուստի և փոխեալ զեղանակ  
բանիս՝ այլ ոչ զեղկութիւն աղետիս:

Բ. Այն զի ծով է ինձ ծփանաց  
կենցաղոյս բերմունք յոյժ նմանա-  
գոյն. յորում կոհակօք բազմօք ան-  
թիւդիմեցմանց տատանեալ հոգիս'ի  
յայսմ աշխարհի մարմնոյս շինուա-  
ծովիբը 'ի նաւակի: Զոր Եսայիսս  
մարդարէ զյանկարծադէպ կատա-  
րածն որ 'ի սկարսկականն հինից՝ Ե-  
րուսաղեմի և Սամարիայ կործան

մանն, նմանութեամբ այսր օրինակի  
կերպաւորեցոյց . որ և առ իմս հո-  
գեորական խորտակումն զուգաձայ-  
նել՝ ոչ է սիսալական : Քանզի մինչ  
դեռ չուէի ես յանհոգութեամբ, դոյզն  
կասկած արկածից 'ի միտ բերելով  
առ խորոց փոքր միջոցին, որ 'ի մէջ  
հանգստեանն և աշխատութեանն,  
իբր այն թէ հասեալ իցեմ, ձմեռն  
յամարանի բքաբեր հողմով ժամա-  
նեալ երեքալեանն դիմակցու-  
թեամբ ամբոխեաց զհանդարտու-  
թիւնն : Ուստի նաւն 'ի բախմանէ  
վայրենի ալեացն խորտակեցաւ :  
Թևոցն ձեռնարկութիւն քայքայե-  
ցաւ, կայմն ամբարձման 'ի կայից իւ-  
րոց խլեցաւ, առադաստին թռչա-  
րանյանկարկատելի ծուէնս պատա-  
ռեցաւ, շինուածոյն շուք անզար-  
դեցաւ, առասանք ձգողականացն  
խղեցաւ, տեսարան գլխոյն դիտակի  
խոնարհեցաւ, ապաւանդակին պա-  
րան կտրեցաւ, ապաւինութիւն  
խարսխին լուծաւ, լուծք ստուարք  
ամոլիցն կցորդութեան բաժանե-

ցան, սամիք ուղղացն հետոց գալարեցան, լաստ հիմանն հաստարանի ընկղմեցաւ, ղեկացն կառուցմունք անդրէն սուզան, չուցն յարմարութիւնք պակասեցան, ողնափայտին պատսպարան խսկոյն բեկաւ, կապարանք զըստին հաստուածոյ յօշատեցաւ, գողք ամփոփման ծոցոյն կաղմածոյ անարգեցան, խելք շրթանցն եղերաց խախտեալ ոստեաւ, պաղպաջունք բազմականացն անկեալ բարձաւ, վանդակապատին վայել չութիւն յատակեցաւ, դահաւորակին հանդստարանն շփոթեցաւ, մածմունք տախտակաշարք 'ի միաբանութեանց միմեանց անջատեցան, հեղոյսք պնդման բևեռացն քարշեցան : Արգասիք իրին յիշատակարան ողբոց ինձ նմանեցաւ : Կաւուղիղն հանդեալ նաւին դեղերեալ ողբայ, ձեռն 'ի ծնօտի եղեալ՝ արտասուաց գետս իջուցանէ : Նշմարք սակաւ մնացուածոցն՝ 'ի ծայրից ծփմանց աղդելոյ ծովուն, իբր խողխողեալ բանաւոր, ողորմագին թախծանօք հեծէ : Վասն զի

թէ զբարինաւապետն երկնաւորօքն զօրօք յաշխարհիս ծովու առ ՚ի ըզ խորտակեալս իմ տապան իմանալի գոյութեանս առցէ աշխարելքանիս յարմարութիւն, ոչ ինչ վրիպեսցէ ՚ի ստուգութենէ: Քանզի արդարե ելաց բարեգութն տէր յառակ մարդկութեանս զթաղեալ ազգակիցն, ելաց առ նմին և զԵրուսաղէմ մոլեալ և զՅուդաս մոլեգնեալ, յորց երկուցն կորեաւ վստահութիւն յօրինակ նմանութեան աղարտեալ նաւի. իսկ միւսն հասեալ յատակս անդնդոց՝ առասան յուսոյն ձեռամբ ունողին յանքոյթն արտաքերեաց խաղաղութիւն:

Գ. Արդ իցէ թէ յաւելից հայել զբաղմախորտակելի տապանակմարմնոյս իմոյ նորոգեալ: Իցէ արդեօք տեսանել զփշրեալս նաւ ողբալի հոգւոյս ողջացեալ: Իցէ արդեօք տեսանել զբաժանեցեալս միջոցաւ մեծաւ՝ վերստին կցեալ: Իցէ արդեօք տեսանել զյոքնաթախիծ սիրտ վշտացելոյս բերկրեցեալ: Արդ իցէ ակն ունել նայել զյաւէտ խա-

թարեալ կերպարան ընութեանս  
կրկին հանգերձեալ։ Իցէ՞ արդեօք  
թէ տեսից զքակտեալ տաղաւար թը-  
շուառացելումս միւս անգամ կան-  
գնեցեալ։ Իցէ՞ արդեօք յուսալինայ-  
ել զտարամերժեալ դերիս ազա-  
տեալ։ Ապաքէն գուցէ՞ ակն ունել  
զանկեալս 'ի շնորհէդ լուսոյ դար-  
ձեալ կազդուրեալ։ Արդեօք տեսից  
զվայելցութիւն ընտանիդ քո պայ-  
ծառութեան յովորմութիւն ինձ ե-  
րևեցեալ։ Եթէ տեսից երբէք զամե-  
նատխուր կերպարան հոգւոյս իմոյ  
ժպտեցեալ։ Արդեօք լուայց ընդ  
ձայնի գուժիս աւետեաց համբաւ  
ինձ առաքեցեալ։ Արդեօք տեսից  
զբիւրակործան վիսասեցեալս անօթ  
կազմեցեալ։ Իցէ՞ թէ տեսցեն պա-  
տուհանք աչացս իմաստից զմուր-  
հակ պարառեցս իմոց սլատառեալ։  
Եթէ յայտնեսցի՞ օրն իմ անձկու-  
թեան շնորհինքաւութեանքարւոք  
ինձ ծագեալ։ Արդեօք մտից 'ի իր-  
րախճանութիւն խորանին լուսոյ  
քեւ առաջնորդեալ։ Իցէ՞ թէ կենդա-  
նի լինիցին ոսկերքս, ըստ Եղեկիելի

ցամաքեալքս 'ի կենդանութեանց  
եկաւորութեամբ ազդողական շըն-  
չոյս զօրացեալ: Եցէ թէ յաւելից  
հայել 'ի տաճար սուրբքո, ազաղա-  
կան մարդարէին 'ի պորտոյ կիախին,  
հերքեալս 'ի լուսոյ որ կամ առաջի  
քո ամաչեցեալ: Եթէ լինիցի՞ խա-  
ւարասնունդս մթացելոյ ծագման  
առաւօտ: Եթէ հասցէ տեսանել  
զտագնապեալս մշտասառոյց յեղա-  
նակս գարնանն մօտ: Եթէ տեսից  
զցող անձրևոյն կանաչացուցանողն  
հոգւոց ինձ արօտ: Եթէ իցէ ար-  
դեօքնկատել զգազանաբեկ հերքելի  
ոջսարս վերստին կամաց գթու-  
թեանքո հօտ:

Դ. Եւ քանիզի ըստ բանին Յոթայ  
շուրջ պատեալ են չարեացն հնարք  
ընդ որ ոչ կարացից անցանել. իսկ  
եթէ լոյս ողորմութե բարերար կա-  
մաց քոց ցուցցի, գթութեան քոյ  
գուռն բացցի, ճառագայթ փառաց  
քոց ծաւալեսցի, խնամք ձեռին քոյ  
յայտնեսցի, արեգականդ կենաց օր  
տարածեսցի, առաւօտիդ ըղձալի  
տեսիլ մերկասցի, առատութիւն

քաղցրութեան քոյ աղբերասցի, վը  
տակ արարչիդ կողից հոսեսցի, ծո-  
րումն անապակսիրոյ քոյ հեղցի, ծա-  
գումն աւետեաց շնորհի քոյ երևես-  
ցի, պարգևիդ քո ծառ ծաղկեսցի,  
մասունք օրհնեալ մարմնոյդ բաշ-  
խեսցի, համառօտեալն ակնկալու-  
թիւն հանդիպեսցի, հասուածեալ  
ձայն ողջունի քոյ տէր լուիցի, հե-  
ռացեալդ խաղաղութիւն մերձեսցի.  
յայսոսիկ յաւետ սովին սահմանաւ-  
երանականաւ հաւատ ընկալեալ  
յուսոյ հաստատնոյ, ապաւինեալ  
'ի չոգիդ քո սուրբ, որ ընդ չօր  
քումպաշտի ձայնիւ քաղցրութեան  
ընդ քեզ փառատրեալ 'ի լոյս ան-  
մատոյց, որով կեանիք և երանու-  
թիւն քաւութեամբ հանդերձ ըն-  
ծայեալինձ մեղապարտիս. յաւանդ  
անկորուստ ընդ իս պահելով առ  
հաւատչեայ ճշմարիտ յիշատակի, 'ի  
ձիր անեղծութեան անուամբդ ան-  
ծառելեաւ ահաւորութեան հզօրի  
սրբոյ միայնոյ և անքննելի տէրու-  
թեան երբեականձնաւորութեանդ՝  
որ եսդ յիսկութեան յէսութեան և

յարակայութիւն բարձրութե քաղցրութեամբ ողորմութեամբ և մարդասիրութեամբ պսակեալ հանդերձեալ և թագաւորեալ։ Այս առամենեսին ամենայնիւ յամենայնի կարող ես, գթած և քեզ վայել է փառք յայսմ յաւիտենի և 'ի հանդերձեալ մշտնջենաւորութե յայտնութեան աւուրն մեծի, յաւիտեանլս . ամէն :

## ԲԱՆ ԻԶ.

ԱԵՐԱՊԻՆ ՅԱՏԵԼՈՒԹՅԱՆ ԻՐԻԻՆ ՀԵծութեան  
նորին հսկողի առ նոյն աղերս մաղթանաց  
բանի .

Ի ԽԱՐԱՍ ԱՐԳԻՇ ԽՈԾԿ ՃՆԴ ԱՆԳԱԾԱ :

Ա.ԵՒ արդ ստուգասլէս և իրաւաբար, ընդ որս որք ըստ ձայնից կողկողանացն և զբանիցն յարմարութիւն հանդերձեն, 'ի նոյն գիր բերեալ զաւարտմունս տանցն, որովք առաւել սաստիկ մորմոքեալ ճմլե-

ցուցանեն զաղէտս կտրեացն սրտին  
ըզձից առ արտասուացն բղխմունս .  
ուստի և բազմեալ իմ՝ ի գլուխս պա-  
րու ակմբից դասու այնը Երախա-  
նաց, որք զլալեացն յեղանակեն բա-  
նաստեղծութիւն, և ես ընդ նոսին՝  
նոցին հեծութեամբ աւաղական  
ձայնարկութեամբ զանձինս տարա-  
ծանեմ զվշտակրութիւն, որ ոչ բնա-  
ւին մեռեալ աշխարհի, և ոչ խկա-  
պէս կենդանի Աստուծոյ, ոչ ջերմ  
սոսկ և ոչ ցուրտ յատուկ, ըստ ա-  
ռակի աւետարանչին գրեալ՝ ի յայտ  
նութեանն . Երիցս ատելի Երրեակ  
տէրութեանն և ամենատես արար-  
չութեանն : Եւ այս են սկատկանեալ  
թախծականացն կերպադրութիւնք,  
կրկին ողորմելի այսու Երևեցեալ  
որ՝ ի մի գիծ սահմանեալ կացուցա-  
նեն զթշուառութեանցն զօրինակ,  
այսպիսի կցորդութեամբ շաղկա-  
պէտալ :

Բ . Պարտուցն ժխտեալ տաղան-  
դացն՝ ճեպով մեծաւ՝ ի տուժի, ես  
ապիկար մատնեալ անարժան դոր-  
ծովքս յիրաւի, վատնիչ արքունի

դանձուց կրկնադատ և անթափելի,  
պատասխանատու մեծին ըմբռու-  
նեալ անհրաժարելի, բիւր քանքա-  
րոյ խնդիր՝ ես չունիմ կշիռ մի ունիկի:  
Անբարեխօս կասլեալ 'ի պահեստ  
դառն արգելանի, հեծումն և վաս-  
տակ ցաւոց ճաշակեալ յաննշոյլ  
բանտի, անապաւեն տանջեալ ան-  
թոշակ կամ ողորմելի. այլ յեղանակ  
ինձ ողբականաց աստուստ կնքեցի,  
փոխարեցի սովին բարբառով կոծ-  
կակծելի, կարգադրեցի շրջաբերու-  
թեամբ 'ի նոյն պայմանի, անհատա-  
կան թիւ խորհրդական երկեակ  
տամնեկի: Ազքատութեանն հնոց  
յամենուստ մասանց մըրկի, անպա-  
տըսպար թշուառ վտանգեալ սրտիւ  
'ի գրաւի, տարակուսեալ հոգւով  
ապաշնորհ այր 'ի վրիսլակի, անխնա-  
մելի հայցմամբ դատաստանն յինէն  
պահանջի: Մեղաց և մահու զինուք  
զգայարան գաղտնեացս խոցի, ան-  
փրկելի մատնեալ բռնութեան չա-  
րեացս գերի, սուր սուսերաւ սաս-  
տից գոյութիւն բնութեանս յօշա-  
տի: Յիշատակաւ բեմին աստստին 'ի

դատաստանի, անծագելի մռայլ չարատես աչացս Երևի, անձեռնկալ կապեալ Եղկելիս 'ի տարակուսի, ահարկութիւն դիմաց պատկերի վերնոյն տեսանի: Յոյժ անարե և անվերարկու 'ի տարտարոսի, անապաւէն մոլար մորմոքեալ 'ի հուրդեհենի, անյայտնելի կորուստ կործանեալ 'ի մեղաց վհի: Ահա զորունիմ արծաթ անպիտան ոչ Երբէք յարդի, և ոչ ընդունի և կամ համբարի 'ի գանձ տէրունի, հայցուած պղտոր և ձեռն անմաքուր աննուիրելի: Այլ բեկեալ սրտիւ մատանց տատանմամբ յոյտ առեալ դարձի, զդէմս 'ի յերկիր Եղեալ սպազատիմ մօրդ Յիսուսի, բարեխօսեա մաղթեա քաւութիւն ինձ մեղաւորի դու զօրաւոր փրկանակ կենաց իսկուհի Երկնի, քեզ օրհնութիւնք ձայնից և բուրմունք ինկոց 'ի յերկիրի և անուշից իւղոց մատուցումն յամենայնի:

Գ. Արդ յասացեալ ողբոցս հիւսուած այլ մասն յաւելի, բարերարին շնորհաց արտասուաց պառը

մասուցի . զկորստեան խորս չափե-  
լով զորքանն երբէք ոչ դտի , մասնա-  
ւորօք բանիւք 'ի հանդէս նորին ջա-  
նացի , զմտացս արագեալ զթես յե-  
րեսյթ իրին ոչ հասի , զուշին պար-  
տութիւն յանվթարելեացն բաժակ  
բարկութեան 'ի ձեռն իմ առի , ըշ-  
տարտամութիւն տարակուսանացս  
իբր ճաշակումն մահու արբի . և  
այժմ զյանցիցն յաճախութի ողոր-  
մելի ձայնիւ յերգ արկի : Աներեսյթ  
կրակարան տասլոյ բորբոքմամբ մե-  
ծաւ անզովանալի , անտեսական իմն  
քրայս հալոցաց սաստիկ եռացմամբ  
անշիջաննելի , սլաքս նետից սկատկա-  
նեալ դեղովք 'ի շտեմարան խորու-  
թեան սրտի , խիթք ցաւոց խոցոտ-  
ման մահու 'ի դնացս երակաց դոյու-  
թեան լերդի , կիբք երկանցանճարակ  
ճեպոյ 'ի սկատուած աղեացս ան-  
ելաննելի . անզօրելի դեղոց ջերմու-  
թիւն 'ի յերիկամանց մասունս եր-  
կակի , անհնարաւոր դառնութիւն  
մաղձի 'ի նախադուռն իմոյս կոկոր-  
դի : Աւաղս ձայնից լքուցանողաց 'ի  
փողս շնչոյս խոշորս հնչի , բազմա-

հատուած էութիւն բնութեանս  
ներհակք միմեանց 'ի պատերազմի,  
երկչոտութեամբ կարծեաց վարա-  
նեալ ամենայնիւ կայ 'ի վտանգի.  
հարազատաց դաւաճանութիւն ան-  
հաշտելի 'ի կոտորուածի, ոչ մե-  
ռեալ և ոչ կենդանի թաղեալ 'ի մե-  
ղաց դարշութեան տղմի, կասկածա-  
ւոր պատժապարտութեամբ վեր-  
ակնարկելով քեզ բարերարի, յան-  
ակնկալ կենաց վհէ արտաքերել 'ի  
ըստ անձկալի:

Դ. Կոյն ինքն որ զոյս բան տպա-  
ւորեաց՝ ընդ երջանկացն պսակես-  
ցի, ակնարկելով քո ողորմութեան  
անարատիցն հաղորդեսցի, վասն  
զենման Աստուծոյ բանիդ՝ բարե-  
դործեալ քեկենդանասցի. օրհնու-  
թիւն գովեալ քո շրթանց 'ի գլուխ-  
բաշխողի այսր մատենի, հաստատեա-  
ցի ըղձականութիւն սողոմոնեան  
բանիս առակի, նկարագրեաչողւով  
քո բարձրեալ 'ի նորոգումն անեղ-  
ծանելի, զի դու միայն ես երկայնա-  
միտ ներող, քեզ փառք յամենայ-  
նի. ամեն :

## ԲԱՆ ԻԵ.

Ա լ է բոտին յա-նը ստոծ ի բ ի ի ն հ ե ծ ու թ ե ա ն  
ն ո ր ի ն հ ս կ ո ղ ի ա ռ ո ն ո յ ն ա ղ ե ր ս մ ա ղ լ լ ա ն ա ց  
բ ա ն ի .

Ի խ ո ր ո ց ս բ ա ի ց ի ս օ ս ս գ ն դ Ա ս պ ո ս ծ ո յ :

Ա . Ե Կ ք ա ն զ ի ը ն դ ո ղ բ ա ձ ա յ ն ի ց ն  
բ ա ն ս ա ս տ ե ղ ծ ո ւ թ ե ա ն ց վ ե ր ը ն ծ ա յ ե -  
լ ո ց զ դ ր ո ւ թ ի ւ ն թ ո ւ ո ց ս յ ա ր մ ա ր ե ց ի  
կ ա կ ա ն և հ ե ծ ո ւ թ ի ւ ն , հ ա ռ ա չ ա ն ք  
կ ո զ վ ո ղ ա գ ի ն , դ ա ռ ն ո ւ թ ե ա ն լ ա լ ո ւ մ ն  
և ա ր տ ա ս ո ւ ա ց ե ր դ , դ ա ր ձ ե ա լ ը ս -  
կ ս ա յ ց զ ձ ա ռ ս պ ա ղ ա տ ա ն ա ց ս խ ո ս տ ո -  
վ ա ն օ ր է ն զ զ ջ ա կ ա ն ս ա բ ա ր զ գ ա ղ տ ն ա -  
ծ ա ծ ո ւ կ ն յ ա յ ա ն ս ա բ ա ր բ ա ռ . զ ի ա ն -  
դ ր ա դ ա ր ձ ո ւ թ ե ա մ բ ս կ զ բ մ ա մ բ ն և  
վ ե ր ջ ա ւ ո ր օ ք ն բ ա ռ ի ւ ք , զ ն ո յ ն հ ա մ ա -  
ձ ե ո ւ թ ի ւ ն 'ի մ ի թ ա խ ա ն ձ ն մ ի ն մ ա ղ -  
թ ա ն ա ց հ ո գ ե կ ե ց ո յ ց ն խ ո ն ս ա ր հ ո ւ -  
թ ե ա ն ա ս տ ա ն օ ր ե ղ ի ց :

Բ . Մ ե զ ա յ մ ե ծ ի դ բ ա ր ե ր ա ր ո ւ -  
թ ե ա ն 'ա ն ս ա ր դ ս մ ե զ ա յ , մ ե զ ա յ ծ ա գ -  
մ ա ն դ ձ ա ռ ա դ ա յ թ ի ց ' խ ա ւ ա ր ս մ ե -

ղայ, մեղայ շնորհացդ անբաւ երախ-  
տեաց՝ արդարե մեղայ, մեղայ սի-  
րոյդ վերնում գթութեան՝ յայտնա-  
պէս մեղայ, մեղայ ստացողիդ յոչէ-  
ութենէ՝ ստուգապէս մեղայ, մե-  
ղայ գերունակ գոգոյդ գրդանաց՝  
անբաւս մեղայ, մեղայ աննուազլու-  
սոյդ վայելման՝ նենդողս մեղայ, մե-  
ղայ ճաշակման անճառդ կենաց՝  
բազումն մեղայ, մեղայ անհասպար-  
գեացդ ձրից՝ հանսապազ մեղայ, մե-  
ղայ գովեալ մարմնոյդ Աստուծոյ՝  
մահու չափ մեղայ, մեղայ պաշտելի  
արեան արարչիդ՝ իսկապէս մեղայ։ Ա-  
հա արդարեւ օրհնեալ է հատուած-  
բանի յուսադրական սրտի այսր մե-  
ղայի, սոյն սա պատուելի աւանդ,  
անմոռաց պատուէր, հայրենեացն  
տուր, նախահարցն օրէն, համայ-  
նից թոշակ, անհերքելի բան, զօ-  
րաւոր պատասխանի, կենդանու-  
թեան կամուրջ, ախորժելի վերնոյն,  
սիրելի սրբոց, անխզելի կատ, հրա-  
շալի բարբառ, անշրջելի պատճառ,  
բաղձալի աղերս, փափաքելի սեղան,  
սրտաբեկ հնչումն, անհնարից ճա-

ըակ, կարծրութեան վանիչ, աս-  
տուածապաշտից սահման, հեթա-  
նոսաց գիրք, վաղնջուց կանոն,  
քրիստոնէից հարազատ, արարչու-  
թեանն յաղթող, անջսպետ հզօր,  
խորոցահաւոր, արուեստ բարձրու-  
թեան, խորութիւն անչափ, հիացման  
տեսիլ, խորհուրդ ինքեալ, ընդ որ  
չիք ումեք անցանել, եթէ ոչ անըմ-  
բռոնելի մտաց արագման զսա ծա-  
նիցէ: Զայն բարեպատեհ հրաշաւո-  
րական, որ ոչ յիշատակեցաւ 'ի վեր-  
ջին դատակնիք դասուն լքելոյ. գու-  
ցէ առ նմին խզեալ համառօտ զվի-  
ժակն իրաւանց մահուն հասելոյ,  
յորմէ ընտրութիւնն ապագործ ե-  
ղեալ, զսահմանն յաւիտենական  
քակտեսցէ: Զարդ փառաց մեծու-  
թեան, որով նոյն ինքն աստուա-  
ծութիւնն պատակեալ բարգաւաճի:  
Քանզի ո՞վ ոք գիմեալ կալաւ  
զեղջերաց սեղանոյ այսր սրբու-  
թեան, և ոչ առ ժամայն պրծեալ 'ի  
պատժոց անարատ գտաւ: Իսկ եթէ  
Աքար զարմեան և Սաւուղ կիսեան  
և Յուդա սիմոնեան ասելով զսոյն

ոչ արդարացան, և ես վկայեմ իրաւամբք խոստովանեալ զայս պայմանը բանի, զի ակամայիցն բունադատելոց ոչ է կատարեալ ոէր, ուստի և ոչ բովանդակառէս փրկութիւն։ Իսկ էս կամաւ համբուրեմ դարձեալ կրկնելով զերջանիկ բանիդ զմերտութեան հարազատս :

Գ. Մեղայ Երախտեացդ մոռացութեան՝ վերսալն մեղայ, մեղայ մարմնոյ ձեռն յոգի հարեալ՝ յիմարս մեղայ, մեղայ առ կեանսդ դրժովութեան՝ իսկ և իսկ մեղայ, մեղայ բանիդ ասլախտ առնելոյ՝ չարաչար մեղայ, մեղայ ՚ի յօր սատակման ինձեն ստիպեալ՝ վատթարս մեղայ, մեղայ պարտականս անկենդան մահուն ձաղելիս մեղայ, մեղայ անսլատկառ քո բարձրութեան՝ տաղտկալիս մեղայ։ Վերջին ինձ կրկին աշխար հոգեսր՝ զի ՚ի կորուստ և ՚ի կործանումն ինձ Երևեցաւ, զի անդարձս վտարեցայ, զի որդիս թշնամի գրեցայ, զի ՚ի բարձանցն Երկնից ընկեցայ, զի փուշս վարուց դիզի։ Եւ ևս առ սմինդքը աղաղակի, զի անձամբ զանձն

անարգեցի, զի բագին կորուսչին  
դտայ: Այլ իմն կսկիծ դժնդակ որր-  
տի, զի զիս ունին առ որ չեմ, զար-  
տաքնայարդար բաժակս անմաքուր,  
լրոեալ որմն դարշունակ, զսին  
պարծանօք սլաճուճեալս, զլոյսս 'ի  
մոայլ շրջեալ՝ ղդերանակիր ակնս  
թշուառացեալ, զջահս փառաց շի-  
լեալ, զամենայնիւս յամենայնի ամե-  
նայն իրօք վխասակարս, առ տնօրի-  
նականսն տէրունականս, առ յայտ-  
նութիւնսն աստուածայինս, առ ե-  
րևմունսն արարչագիրս, առ խոնար-  
հութիւնն սարսափելիս, առ այն զոր  
տեսի աչօք իսկ իմովք, առ որ մեծ-  
է պատասխանատուութիւնս քան  
առ համօրէն աւետարանին զար-  
մանս, հիացմունս, հոգս հալողա-  
կանս, անդաճմունս անհնարաւորս,  
թուականութիւնս մոտաց անբար-  
դելիս, ելմունս անկատարս, իջ-  
մունս անհաստատս, յուսահատու-  
թիւնս յարմարականս, յանդիմա-  
նութիւնս պատշաճականս, ձաղանս  
պատեհագոյնս, նզովս իրաւացիս,  
անէծս արժանահատոյցս: Այդ այ-

սոքիկ են մեղաւորիս իմ կշտամբու-  
թիւնք, և ինքնահարուած տանջա-  
նաւորութիւն :

Դ. Եւ քանզի կարող ես զայս ա-  
մենայն զպարտս թողուլ և զիսայ-  
թուածս մահու բժշկել, տեր ողոր-  
մութեանց, Աստուած բոլորից,  
Քրիստոս թագաւոր բարձրեալ չօր  
որդի, ստեղծիչ գթած բարերար,  
օրհնեալ առաս հարուստ, ահաւոր  
հզօր ողորմած, տեսուչ ձեռնկալ  
հաստիչ, ապրեցուցիչ դարմանիչ  
իւցուցիչ, Երկայնամիտ անոխակալ  
ապաւէն, բժիշկ գովեալ Երկնաւոր,  
անձառ լոյս կեանք, յարութիւննո-  
րոգութիւն քաւութիւն. Եթէ հայ-  
եսցես մարդասիրութեամբ, ըստ  
որում քոյդ են սովորութիւնք, նայ-  
եցեալ 'ի քեզ կողկողիմ և ես.  
Եթէ լուիցես, հառաչեմ. Եթէ  
ունկն մատուցանիցես, պաղատիմ.  
Եթէ անսայցես, աղերսեմ. Եթէ  
ներեսցես, աղաչեմ. Եթէ առ իս  
դառնայցես, գոչեմ: Ապա Եթէ ան-  
տես առնիցես, կործանիմ. իսկ Եթէ  
առ ոտն հարկանիցես, լամ. Եթէ

զոգեպահն ոչ ընծայեսցես, մեռանիմ, ասլա եթէ ահարկու դէմն ցուցանիցես, սատակիմ. իսկ եթէ սաստեսցես, գողամ. եթէ խեթիւ տեսանես, սոսկամ. ապա եթէ սաստկանաս, սարսափեմ. եթէ հալածես, հեծեմ. իսկ եթէ ընդ վայր հարկանիցես, հերքիմ. եթէ զողբոց վհատութիւնս ոչ առցես, տագնապիմ. եթէ խստանաս, փախնում. ապա եթէ սպառնաս, ընկճիմ: իսկ եթէ քննես, քարկոծիմ. ապա եթէ ուժդինս ակնարկես, սուզանիմ. եթէ ոչ անխայեսցես, մերժիմ. եթէ կոչեսցես, խիթամ. իսկ եթէ աչյառեսցես, ամաչեմ. եթէ ձայնացես, երկնչիմ: Զբարեացն պարգև մատնեալ, զերանութիւնն թողեալ, զնորհն լքեալ, զուխտն ցըրեալ, զաւանդն կենաց մոռացեալ, զհամարձակութեան վստահութիւն կորուսեալ, զստեղծիչդ էիցս բարկացուցեալ, զանձառութի շնորհին ընդունեալ, զսլառոյն պատկեր այլայլեալ: իսկ եթէ առ այս խեղդ մահու հեծութեան ցաւոյ մարդա-

սիրեալ տու իս ժամանեցուսցես ,  
տէր Յիսուս Քրիստոս , զազդեալն  
գիր լնանիլ'ի յիս , եթէ բժշկութիւն  
դադարեցուցանէ զմեղս մեծամեծս ,  
որով ամենառատ քաղցրութեամբ  
պատուաստեալ 'ի քեզ , զքոյդ կեր  
պարան լուսոյ նկարեալ յոդի՝ վե  
րըստին դտեալ պնդեցայց քաւեալ  
և ստեղծեալ կրկին 'ի փրկութիւն  
անմահից կենացն անախտականաց  
և քեզ ընդ Հօր Հոգւովդ սրբով  
փառք յաւիտեանս . ամէն :

## ԲԱՆ Ի՛Լ .

Ա ն ը ս տ ի ն յ ա ս ե ն լ ո ւ ա ծ ի ր ի ն հ ն ծ ո ւ թ ե ս  
ն ո ր ի ն հ ս կ ո ւ ի ա ս ո ն ո յ ն ա ղ ե ր ս մ ո վ լ ո ւ ն ո ւ ն  
բ ա ն ի ։

Ի խորոշ սրբից իսուս չնո՞ւ Աստվածու

Ա . Ե Կ արդ զո՞րս յայտնեցից ,  
յաղագս ոյց նշանակեցից , և վասն  
որպիսեամց ճառեցից , և զո՞րքան ծած  
կեալս մերկացուցից , և կամ զան

իլ  
 որոց խոստովանեցայց . զներկայիցո՝  
 զոր արդէն ունիմ , թէ զանցելոցն՝  
 զոր մթերեցի . զապագայիցն՝ յորոց  
 կասկածեմ , թէ զբազմասահ շար-  
 ժութեանցն՝ յորոց գլորեցայ . ըզ-  
 փոքրն ինձ համարեալ՝ որ է Աստու-  
 ծոյ մեծ գրեցեալ . թէ զանկերպա-  
 զրելին չիշատակելի . զնուամզն՝ որ  
 է առաւել , թէ զթեթեագոյնսն՝ որ  
 էն ծանունք . զհոգեկանացն կրից  
 կորուսչաց , թէ զմարմնականաց ախ-  
 տից սպանողաց . զառ գրունս հեշ-  
 տականացն , թէ զծայրակոտոր ինա-  
 սակարութեանցն . զաներեւութիցն ,  
 թէ զտեսականացն . զառ ձեռն հը-  
 պաւորութիւն , թէ զառ նոյն ինքն  
 չունչ հեռաւորութիւն . զլայնա-  
 կանն դիւրին խածմունս , թէ զեր-  
 կարաւորն նետաձգութիւն . զխո-  
 րութեանն զանչափութիւն , թէ զա-  
 մնածախն յայտնատեսիլ . զյոքնա-  
 դրմին պոռնկութիւն , թէ զառող-  
 ջութեանն անբժշկութիւն . զպարա-  
 րումն չարին մարմնովս , թէ զսովիլն  
 բարոյն հոգւովս . զխնամովն հան-  
 դիսանալ յոչ ախորժելիսն Աստու-

ծոյ, թէ զբոնաղատութեանն տո  
ռամբ ձգիլն 'ի նոյն մոլեդնութիւն  
զառ 'ի մահն մեղաց, թէ զընդու<sup>ն</sup>  
նայնութեանն կարծեաց:

Բ. Արդարեւ որպէս կամաւ խե  
լագար զերծեալ 'ի ձորձոյ, զառա  
կանացս տեսիլ յանդիմանեցի, զընդ  
դէմսն գործեալ խմաստնոյն, որ թէ  
հանճարեղքն վերարկեացեն զամօթա  
խւրեանց, օտարացեալս 'ի կրօնից  
հեռացեալս 'ի կարդաց, 'ի սրբու  
թեան անսուրբ, 'ի կուսութեան  
անմաքուր, յարդարութեան ամ  
բարիշտ, 'ի բարեպաշտութեան վեա  
սապարտ, բերանովս մերձ առ ստա  
ցողն և հեռի երիկամամբ, շրթամբ  
քըս պատուամատոյց, ըստ մարդս  
ըէին, այլոչ եթէ սրտիւս: Եւ եթէ  
պարտ է զքստմնելիսն ասել աստո  
նօր, չար քան զտանջանսն յանդը  
նութիւն, իբր զուր իմն պաշտօնս  
տարս Աստուծոյ, 'ի միտս անկայուն  
երկեակ Ճանապարհաւ մահու քա  
րանեալս՝ ջանամ և ոչ ինչ օգտիմ,  
սկզբիմ և ոչ հասանեմ, փութամ և  
ոչ ժամանեմ, անձկամ և ոչ տեսա

նեմ, փափաքեմ և ոչ հանդիպիմ,  
կարօտիմ և ոչ պատահիմ, ունիմզա-  
մենայն երկրի, և եմ պատգամաւոր  
աղօթանուէր ամենայն աշխարհի :  
Այլթող զբաղումս զայսոսիկ, բա-  
րերար, և մի ունիցիս . դիւրինք են  
քեզըսոսին եղծանել, քանի ինձ տա-  
ժանաւորս աջովնկարել. վասն այ-  
նորիկ գրեցի առանց խնայելոյ, զի  
դու առատապէս ջնջեսցես, օրհ-  
նեալ, որ վասն մեր մեղաւորացս եր-  
կայնամիտ անուանեցար, ըստ մաղ-  
թանաց բանի հեծութեան սրտի  
Եզրի երջանկի, յոյժ նեղեալ անձն  
և ձանձրացեալ ոգի բանին յիշատա-  
կաւ, որ զսոյն պատմէ . յամենայն  
կրից մահացուցանողաց վտանգեալ,  
անկեալ'ի վիհ գարշութեան մեղաց  
անդնդականաց ապականութեանց .  
քանզի չհաւատամ, թէ լսես իսկ  
ինձ, ըստ Յոբայ ձայնին : Արդ ես  
ինձէն ինքնադսրով անձնադատ գե-  
րի՝ կամաւորապէս մատն եղեալ բը-  
նութեանս, արգելի փակեցի կնքե-  
ցի առ յինէն յամենայն մասանց  
զկենացն հնար, զի ՚ի փրկութիւն

մեղօք կասկելոյս կրկին մեծասցիս  
դովեալ:

Գ. Եւ քանիզի՝ի մարգարէէն բար-  
ւոք խրատեալ փորձ գացուք, մաղ-  
թել ընդ նմին հոգւովքո երգեալ  
յուսով հաստատնով՝ի քեզ առաս-  
տանեալ. առէքը ընդ ձեզ բանս, առէ  
Ովսէէ, և դարձարուք առ տէր Աս-  
տուած ձեր, և ասացէք ցնա, կա-  
րող ես թողուլ զմեղս. զի ընդունի-  
ցիք զբարիս, և վայելեսցեն՝ի բա-  
րութեան անձինչը ձեր: Ահա Աս-  
տուած խօսեցաւ, և ովէ որ ոչլով-  
ցէ. նոյն ինքն վկայեաց, և ովէ որ  
ոչ հաւատացէ: Արդ այսոքիկ վճիռ  
պաշտելի, նուիրեալ պայման, սահ-  
ման նոյնագոյ, կենաց աւետիս,  
կէտ տէրունի, դուռն բարութեան,  
սիովիանաց հրաւէր, Շշդրիտ պատ-  
կեր, անստգիւտ գանձ, անիմուաց  
յիշատակ: Այսու առ սոյն և եւ  
հաւատ ընկալեալ, աստուստ վկայ-  
եմ սմին՝ ընդ մարգարէին, կարող  
ես յամենայնի թողուլ զմեղանս բար-  
մաբեղունս. և ևս զօրասցիս կրկին  
բարձրացեալ առ ամենաթշուա-

իլ՝  
կործանեալ հոգիս : Յամենայնի իշ-  
խես , ամենայնի բաւես , ամենայն  
ուրեք հասանես , ամենից բռնու-  
թեանց յաղթես , զամենայն կար-  
ծրութիւն փշրես . զամենայն ընդ-  
դիմահար վանես , զամենայն խստու-  
թիւն վատնես , զամենայն սրացեալ  
ընդոտնես , զամենայն դառինս ա-  
նուշես , զամենայն դժուարամոքե-  
լիս քաղցրացուցանես , զամենայն  
զպարտս չնորհես , զամենայն յան-  
ցանս թողուս : Կարող ես , զօրա-  
ւոր , հզօր , հնարաւոր , ամենա-  
րուեստ , զամենեցուն զմեղս ընկըդ-  
մել և չքացուցանել բառնալ'ի մի-  
ջյ , իբր զՃաճանչ փոքու կայծա-  
կան սահմանեալ'ի չափ ոչէից՝ ան-  
կեալընկըւզեալ կորուսեալ'ի տիե-  
զերատարածն ծովու :

Դ . Արդ բանիւ մաղթանաց վեր-  
ծանոլացն այսմ մատենի , ողորմեա-  
վասն խաչի և չարչարանաց մահու-  
նորդոյքոյ , չայր գթութեան : Սկիզ-  
բըն առաքողի ողբերգութեան ձայ-  
նի այսմ արտօսրածին նուագի , որ  
զայս դեղ փրկութեան կենաց մեզ

յարմարեցոյց, Եղիցի բժշկեալ յա-  
նունքո հզօր: Որ հետո Եղից խոս-  
տովանութեան մեղ նկատեցոյց այ-  
սու սլայմանաւ պատշաճականաւ,  
Եցի անարատ յիւրոցն պարտեաց:  
Որ զհսկարտութեանն թևս հարթել  
մեղ վարդապետեաց 'ի սոյն կանոնի  
կենաց պատգամի, Եղիցի զերծեալ  
'ի չար կապանաց մահու արկածից  
սկզբնականաց վերջնոց և միջնոց,  
Երրորդութեամբդ բարեգործեալ,  
'ի նորոգութիւն լուսաւորութեան.  
ընդ որումն մեք դրեսցուք Երջանիկ  
դտեալ ընդ սմին:

Ընդդիմամբ դիւաց այս նստագ առօ-  
նից, և դիւանաբանուու ջէրմնապագնապ  
ախառասութեանց Ասպա-ծով ժարագիւ:

Ե. Արդ այսքանեացս անբաւից  
հրաշից հանդերձիչ չայր ամենա-  
ստեղծ՝ անունդ ահաւոր, ձայն սար-  
սափելի, կոչումն ընտանի, բան համ-  
բուրելի, ազդումն սքանչելի, հրա-  
ման սոսկալի, էութիւն անքննելի,  
դոյութիւն անձառելի, խսկութիւն

անբաւելի , զօրութիւն անղննելի ,  
կամք ամենաբարի , տէրութիւն ան-  
սահմանելի , մեծութիւն անչափե-  
լի , բարձրութիւն անբովանդակելի ,  
որբանութիւն անկշռելի , առաւե-  
լութիւն անհասանելի , պատճառ  
որդւոյ հայրութեամբ , այլ ոչ նա-  
խադրութեամբ . քեւ և 'ի ձեռն քոյդ  
անպարագիր զօրութեանդ սաստեա  
տագնասլողեղիւական տենդիսջեր-  
մութեան , որ սպրդեալմուծաւընդ  
մեղաց , զի փախիցէ 'ի մարդոյս՝ զար-  
հուրեալ 'ի սխրալի և յանբաւելի  
արեան վտակի գառինդ երկնաւորի ,  
որով սրսկեալ մի անգամ 'ի մշտնջե-  
նաւորս համայն մաքրեցաք :

Զ . Եւ արդ յայսց պատկառելի  
խոնարհութենէ արարչակերտսխոր-  
հըրդոյ ամաչեսցէ սատանայ ի գոր-  
ծըս չարեաց իւրոցն հրեշտակաց .  
տանջեսցիւ հալածեսցի , հեռացեալ  
և արտաքս առաքեալ 'ի շինուածոյ  
խորաննէ քումդ բնակութեան յար-  
տաքին խաւարն : Եւ ջնջեալմաքրեա-  
զարտասուս ողբոցս 'ի դիմաց մերոց ,  
և զհառաչումն ձայնիս հեծութեան

'ի սրտից մերոց : Եւ յիշատակաւ  
 հարման հեղուսիցն քսամնափուշ  
 տաժանատեսիլ ոգեսկահանջից , ո  
 րով պնդեցաւ միածինդ քո յաշ  
 տարակ խաչին , ցաւեսցի չարին : Եւ  
 'ի կողահերձ սայրասուր սլաքէ ուժ  
 գին բախմանէ , որով զվերն մեծ ըն  
 կալաւ , 'ի սպառ սատակեսցի սկրզ  
 ընարար մահուն : Եւ զի խոնարհե  
 ցոյց զգովեալն գլուխ յաւանդել զր  
 դին 'ի ծոց քո , բարձրեալ , ասկա  
 տամբութիւն անբարի բարուցն ին  
 լիարայ 'ի կոր կործանեսցի , ամե  
 նայնիւ հերքեալ 'ի կորուստ : Եւ զի  
 զօղեալ ծածկեցաւ անմահն իսկու  
 թիւն յորովայնի երկրի , այսուամ  
 բարձեալն հսկարտութիւն կարծեալ  
 գոռոզին 'ի յատակս մահու դժո  
 խոց մթին ստուերին յառեալ դի  
 տեսցէ . և յիշեսցէ զառաջին հա  
 րուածն անբժշկական , որով մահա  
 ցաւ դիմամարտութիւն թիւնից վի  
 շասլին կենարարն կրիւք ամենազօ  
 րին : Վասն զի 'ի փառս քո , Հայր  
 ոզորմութեան , իբր 'ի գովեստ Որդ  
 ոյ քոյ Հոգւովդ սրբով զայս խոս

տովանիսմ.քանզի ոչ պիտակ ինչ սոսկ  
զօրութեանն ունի զմիւսմէն առ մի  
խորհրդականն խորութեան , այլ  
զանսկիզբն բանդ անձնաւոր ընդ  
անժամանակդ հօր փառաւորեմք :  
Եւ քեզ միայնոյ սուրբ Երրորդու-  
թեանդ , հաւասարապատիւտէրու-  
թեանդ , համաբուն անբաժին ին-  
քնութեանդ՝ օրհնաբանութիւն ,  
գոհութիւն , զօրեղութիւն և անձառ  
վայելցութիւն մեծութեան , բարե-  
վիճակ հարթութեան , զուգակշիռ  
հաւասարութեան յաւիտեանս , ա-  
մէն :

## ԲԱՆ ԻԹ.

Վէրապին յա-նլուած իր իին հեծո-թւան  
նորին հսկողի առ նոյն աղերս մաղթանայ  
բանի .

Ի իսրայ սրբից խօսի ընդ Աստի-ծոյ :

Ա. Եհարդ գու միայն սկիզբն բա-  
րեաց , գթութիւն անձառ , Որդի

բարձրեալ միոյդ Աստուծոյ, որ զող  
ջոյն զօրն թողութեան ցուցեր փըր-  
կարան, և ոչ կորստեան դատա-  
սլարտարան, յեղանակեալ ինձ զա-  
ւուրն չար առ մեծ աւետիս ակնկա-  
լութեան: Բժիշկ ախտացելոյս, հո-  
վիւ մոլորեալ ոչխարիս, տէր ասկա-  
ւինեալ ծառայիս, դինի անապակ  
մեծ տրտմեցելոյս, սակեղանեաց դեղ  
վիրաւորեցելոյս, ազատութիւն մե-  
զօք գրաւելոյս, օրհնութիւն բա-  
րեաց մերժելոյս, ինիք շնորհաց խո-  
տելոյս, օծումն կոչման կասպաելոյս,  
կանգնումն վերստին կործանեցե-  
լոյս, պատսպարան հզօր դլորեցե-  
լոյս, օժանդակ վեհ դայթակղեցե-  
լոյս, դուռն բարձրութեան տարա-  
կուսելոյս, սանդուխք երանութեան  
եղկելոյս, ճանապարհ շաւղաց մո-  
լորելոյս, թագաւորներով պարե-  
լոյս, քաղցր յուսադրութիւն լքե-  
լոյս, ձեռնկալ կենաց հերքելոյս:  
մեծդ միայն և ամէնտուատ, որ ըդ-  
լիութիւն բարեաց սահմանեալ հե-  
ղուս անչափ յաճախութեամբ քան  
զոր ինդրեմք և իմանամք, ըստ Պա-

դոսի գոհաբանութեան : Քանզի ին-  
նուց յսից և թուոց երից և չո-  
րեակ տասանց' ի վաղորդայնէ տուըն-  
ջեանն առ մուտս արեւուն, անդուստ  
առ նմին յաւէտ կարկառմամբ իսկ  
և իսկ 'ի սոյն անարդել սրտիւ, 'ի  
վերէ քան զաղերսանաց ակնկալու-  
թիւն մարդկան, բարեգործել մի-  
մեանց շնորհատրութիւն . իսկ առ  
իմս թշուառութեան և անարդու-  
թեան զքոյդ եղեալ փառս, ամե-  
նակարող զօրութիւն ահեղ, բոլորից  
Ատոռած, օրհնեալ տէր Քրիս-  
տոս, որովք սահմանեսցի կշռու-  
թեամբ չափոյ հաստողիդ ընդ հո-  
ղոյս հաւասարութիւն կցորդեալ :  
Քանզի մնաս յայսոսիկ անքաւ և ան-  
հետազօտելի, ամենելին բարի ան-  
մասն բարկութեան խաւարի, ուս-  
տի յոյժնուազ ենքումմեծութեան  
աստեղացն թիւք, զորս գոյացու-  
ցեալ յոչէից յորջորջմամբ անուանց  
կնքեցեր, և կամ հիւթ երկրի՝ 'ի  
յօդս հեղեալ, դոր 'ի չգոյից հաս-  
տեալ տարածումն յատակի կառու-  
ցեր, քան ինձ նախագրեալ համարդ

սակաւութեան, որովքքեղնմանիլ  
վարդապետեցեր:

Բ. Ահա ծածկեցաւ և ընկղմեցաւ  
՚ի քոյդ լոյս կամաց երկայնմառու  
թեան՝ հանուրց չարութիւն, իբր  
դոյզն մուայլ՚ի տառ արևու, և որ  
պէս աստուստիսկ կիրք բնութեանց  
զհասարակաց բարուց ցուցանէ:  
Քանզի ո՛վ ոք ՚ի մարդկանէ մեղաւ  
և ոչ զդացաւ. ո՛վ ոք զազրացաւ և  
ոչ ամաչեաց. ո՛վ ոք գարշեցաւ և ոչ  
սլատկառեաց. ո՛վ ոք սխալեաց և  
ոչ ապաշառեաց. ո՛վ ոք կործանեցաւ  
և ոչ հեծեծեաց. ո՛վ ոք դայթակ.  
զեցաւ և ոչ ստրջացաւ. ո՛վ ոք պար  
տեցաւ և ոչ ինքեամբ ըմբերանեցաւ.  
ո՛վ ոք սլատրեցաւ և ոչ յոդւոց ե.  
լաւ. ո՛վ ոք ճաշակեաց լեզի և ոչ  
դառնացաւ. ո՛վ ոք անկաւ ՚ի բարձ  
րութենէ և ոչ ընդուստեաւ. ո՛վ ոք  
կորոյս մեծութի և ոչ աշխարեաց.  
ո՛վ ոք զրկեցաւ յերանութենէ և ոչ  
ելաց. ո՛վ ոք կապտեցաւ ՚ի շնորհէ  
փառաց և ոչ ողբաց. ո՛վ ոք դառաւ  
ինքեան վնասակար և ոչ ըստգտաւ.  
ո՛վ ոք մերժեցաւ յերեսացն Աստու

ծոյ և ոչ հառաջեաց . ովք ոք լուաւ  
զԱստուծոյ սպառնալիսն և ոչ սոս-  
կացաւ . ովք ընդ մի չարեացն հա-  
զարս չաւաղեաց . ովք ոք մերկացեալ  
յաւուրս ձմերայնոյ և ոչ զոփացաւ .  
ովք ոք անօրինեցաւ և ոչ քարամբեք  
զմիտսն կոծեաց . ովք ոք ետես զըս-  
տրուկն յիւրում մեծութեան և ոչ  
զկծեցաւ . ովք ոք կատարեաց չարիս  
և ոչ զինքն իսկ նզովեաց . ովք ոք ախ-  
տացաւ և ոչ զանձն դսրովեաց . ովք  
ոք յամօթալեացն գործեաց և ոչ  
վիւրն մարմին ձաղեաց . ովք 'ի  
պատկառելիսն հպեցաւ և ոչ զօրն  
իւր անիծեաց . ովք ոք զգործեցեալսն  
յիշեաց և ոչ տապացաւ . ովք ըդ  
դաղտնիսն մտաբերեաց , և ոչ խորո-  
վեցաւ . ովք ոք զծածուկսն կատեաց  
և ոչ մահ կորստեան խնդրեաց . ովք  
ոք զաներեւոյթսն կերպաւորեաց և  
ոչ կրկին յերկիր կորացաւ . ովք ոք  
ընդ մեղացն հեշտութեան բոց ան-  
շէջ հնոցի ոչ խառնեաց . ովք ոք զվը-  
նասակարսն բնութեանն , և ոչ պա-  
պակեցաւ . ովք ոք զկամաւ ներգոր-  
ծեալսն , և ոչ սատակման ինքեան

աղօթեաց . ովք ոք զանձառելիսն , և  
ոչ խռովեցաւ . ովք ոք զանկրելիսն  
էռւթեանն , և ոչ թախծեցաւ . ովք  
ոք զմեծամեծսն , և ոչ մաշեցաւ . ովք  
ոք զանբծութեանն ապականարար  
սըն , և ոչ տոչորեցաւ . ովք ոք զտա  
րագրութեանն պատճառ յանց  
մունս , և ոչ տափնապեցաւ . ովք ոք  
զերեսացն աղտեղի տեսիլ , և ոչ բար  
կութեան վերնոյն զանձն սկարա  
վարկաւ . ովք ոք զմի 'ի կարեռացն  
մեղաց յաչս կերպացոյց և ոչ զի  
նուք մահու խոցեցաւ . ովք ոք զիսայ  
տառականացն , և ոչ վայս վհատու  
թեան ընդ հեծութիւնս ձայնին  
հիւսեաց . ովք ոք յարքայական գա  
հոյիցն սնանկացաւ և ոչ կարկա  
մեալ 'ի վայր գլորեցաւ . ովք ընդ  
պսակին պերճութեան հող 'ի գլուխ  
եղեալ և ոչ կրկին չարչարեալ յո  
դի մահացաւ . ովք ընդ պայծառ  
սկատմուճանին քրծաղգած եղեալ  
և ոչ տխրեցաւ . ովք ոք զկեանս իւր  
կորոյս և ոչ արեան արտասուս եր  
կնեաց . ովք ոք ընդ արկանելեաց լու  
սոյ խաւար զգեցաւ և ոչ նուազե-

յաւ . ով ոք 'ի վերայ սդոյ սիրելոյ  
ոչ թառամեցաւ : Ահա այս կերպա-  
րանք ճշգրտագոյնք սկարտաւորիս  
յանդիմանութեան , տխուր դէմ ,  
քաղեալ ձածանչ , ցամաքեալ խոնա-  
ւութիւն , երիթացեալ շուրթն , ան-  
շըքեալ տիսլ , տրտմեցեալ ոգի , այլ-  
այլեալ ձայն , կրկնեալ սկարանոց :  
Եւ զի թէ ոք զիսկութիւնն իսկ նշա-  
նակեսցէ , ոչ անօրինէ . անամբար-  
տաւան միտ , անհպարտ սիրտ , ան-  
խնդրող պարգևի թշուառ , ան-  
աղերսալի պասքեալ , ինքնակտամբե-  
լի դեգերեալ , իրաւամերժ սովեալ ,  
արդարալուկ քաղցեալ , պատշա-  
ճադատ հարուածեալ , ինքնավկայ  
մահապարտեալ , արժանապէս հա-  
նեալ , անձնանէծ եղկելի : Եւ զայս  
թարգմանեալ ցուցանէ արդարա-  
դործ փարիսեցին կշտամբեալ . և  
մեղապարտ մաքսաւորն բարեհամ-  
բաւեալ :

Գ . Եւ արդ եթէ զչարիսն՝ հնա-  
րաւորութիւն բանսարկուին գտո-  
ղին զմեղ դայթակղեալ , զիւրան 'ի  
մեղ սերմանիս առ օրն համարեսցի ,

զիա՞րդ ոչ զբարիսն անկեալս 'ի մեզ  
հոգւոյ արութիւնս 'ի խնամակալու  
թենէ կամաց կեցուցչիդ օն և օն զը-  
րեսցես , տէր բարեգութ , հզօր և  
յաղթող , քաւիչ մեղուցելոց , կարող  
յամենայնի առ ամենայն փրկու-  
թիւն : Եթէ զանդունդս առ երկինս  
փոխես , և կամզիսաւար մթութեան  
'ի լոյս հաստատես , եթէ զդառնու-  
թիւն լեզւոյ 'ի մանանայի քաղցրու-  
թիւն կազմես , և կամզկոծ սաստ-  
կութեան վշտաց 'ի պարս դասու-  
բերկրութեան հարսանեաց կար-  
գես , դիւրինք և հնարաւորք ենքեղ  
այսոքիկ . և ևս քան զսոսին բաւես  
առ նոսին տիրեալ համայնից ահա-  
ւորապէս . և քեզ փառք յաւիտենից  
յաւիտեանս . ամէն :

## ԲԱՆ Լ.

Ա կ ը ս տ ի ն յ ա ս - է լ ո - ա ծ ի ր ի ի ն հ ե ծ - ո - լ ի ւ ա ն  
ն ո ր ի ն հ ա խ ո ղ ի ա ռ ա ն ո յ ն ա ղ է ր ս մ ա ղ լ լ ա ն ա ց  
բ ա ն ի .

Ի ի ս ր ո ց ս բ ո ի ց ի ս ս տ ը ն դ Ա ս պ ո ծ ո յ :

Ա . Ե թ ա ր դ ճ շ մ ա ր տ ե ս ց ի բ ա ն ք ո ,  
ո զ ո ր մ ա ծ բ ո լ ո ր ի ց Ա ս տ ո ւ ա ծ , ն ե ր ո ղ  
և օ ր հ ն ե ա լ , ' ի բ ա զ մ ա գ թ ե լ ի ն դ ա ր  
ձ ա ւ ո ր ո ւ թ ի ւ ն ա ւ ո ւ ր ն պ ա տ կ ե ր ի  
զ զ ջ մ ա ն մ ե զ ա ւ ո ր ի ն . թ է և ա ռ յ ե  
տ ի ն ի ս կ շ ո ւ ն չ ն ի ց է ը ն ա ր ո ւ թ ի ւ ն , և  
կ ա մ ' ի մ է ջ չ ա ր ո ւ թ ե ա ն ն փ ո խ ա  
դ ր ո ւ թ ի ւ ն : Մ ա ն ա ւ ա ն դ զ ի դ ժ ն ե ա յ  
կ ց ո ր դ ս ա յ ս ա ն հ ն ի շ խ ա ն ա կ ա ն՝ մ ի շ տ  
մ ա ր տ ի կ , ի ս ա բ ո ղ շ ո ղ ո ք ո ր թ , յ ա  
ր ե ա լ ' ի ս տ ո ւ թ ի , ը ս տ ա ռ ա կ ո ղ ի ն ա ր  
ա ծ ո ղ հ ո ղ մ ո ց , դ ժ ո ւ ա ր ո ւ ն ե լ ի հ ա ս  
տ ո ղ ի ն փ ա խ չ ո ղ , գ ե ր ե ա լ ո ր ս ո ղ ի ն  
մ ո լ ե կ ա ն մ ա ր մ ն ո յ ս , ն ե ր հ ա կ տ ն կ ա  
կ ի ց , յ ո գ ն ա պ ա տ Ճ ա ռ ե ա ն ա մ ե ն տ  
վ ա ր ա ն , զ ո ր ք ո է գ ի տ ե լ զ ք ա ն ե ա ց ն

յաճախութիւն։ Եւ զկնի մեղանացն,  
ողորմագինս իմն ողբարկութիւնս  
վհատականս տաժանակոծս բազմ  
աւաղելիս, քո առաջի տէր գթար-  
կութիւնս գրեալս արտասուօք, թա-  
ռանչս թշուառութեանց կարգելոց  
անբաւս չար վտանգից մեղսատա-  
դնապ սկատկառեցելոյն։

Բ. Եւ զի մի կրկնաբանութիւնս  
՚ի շատխօսութիւն կրթեսցի, առա-  
ւել քան զսոյն այսու ողբալի ։ Քան-  
զի ոչ երբէք համարձակի խնդրել  
իւր զարքայութիւն, այլ զտանջա-  
նացն թեթևութիւն, ոչ ընդ կեն-  
դանեացն ՚ի լոյս, քան թէ ընդ գե-  
րեզմանականացն զգայական չնչովն  
՚ի խաւար ։ ոչ ընդ ամբարձեալսն,  
այլ ընդ բեկեալսն և ընդ խորտա-  
կեալսն։ Ի հանդստեան իւրում  
վաստակեալ, ՚ի խրախութեան ին-  
քեան տրտմեցեալ գիմօք ժպտեալ  
և մտօք խոցեալ ։ կերպ ՚ի ծաղը և  
աչք ՚ի յողբումն ։ Երեսք զսփոփանս  
ձեացուցանէ և արտասուքն զդառ-  
նութիւն սրաին ճշմարտէ։ Ըմպա-  
նակը երկու յերկոսին ձեռին, մինի

արեամբ և միւսն կաթամբ . Երկու  
 բուրանոցք կայծակնաւորք , մինն  
 խնկով և միւսն ՃենՃերիւ . սկաւա-  
 ռակք կրկին կրաւորականք համոց ,  
 միննքաղցուե միւսն դառնութեամբ .  
 բաժակք զոյգ առ Երկուս բերմու-  
 նըս , մինն արտօսր և միւսն ծծումբ .  
 տաշտք կրեցեալք՝ ի ծայրս մատանց ,  
 մինն գինի և միւսն լեղի . դրունք  
 տեսանելեաց ներհակաց , մինն ՚ի  
 լաց և միւսն ՚ի վրիպումն . խանութք  
 հալոցականաց հակառակութեանց ,  
 մինն արծարծէ և միւսն շիջուցանէ .  
 հայեցուածք դիմաց Երկուց , մինն  
 դոյզն ողոքանօք և միւսն անխայելի  
 բարկութեամբ . համբարձումն Եր-  
 կակի բաղկաց , ո՞մն ՚ի հարուածս և  
 ո՞մն ՚ի մերժումն . դէմք կրկնակի  
 կերպից , մինն տխրեալ և միւսն ցա-  
 սուցեալ . կշտամբանք ընդ միոյ Եր-  
 կու , մինն աստեացս և միւսն ապառ-  
 նեացն . ապաւինութիւնք կարծո-  
 ղականք , մինն գոնէ և միւսն թե-  
 րես . ՚ի մի բերան Երկակի բարբառ ,  
 մինն Եղկութիւն և միւսն խռովու-  
 թիւն . Երկուս ազդմունս ՚ի միում

սրտի , մինն կեղակարծ յուսոյ և  
միւսն ճշգրիտ կորստեան . ամալ լըր  
թագոյն ահագնատեսիլ կրկին տե-  
ղացմանց , մինն նետս և միւսն քա-  
րինս . որոտումն ահեղ երկոցունց  
բերմանց , մինն կարկուտ և միւսն  
հրացան . ցայդ ցաւագին երկուց  
վտանգից , մինն լալոյ և միւսն մա-  
հու . առաւտօտ սգոյ երկուց բողոք  
մանց , մինն սաստից և միւսն սպառ-  
նալեաց . արեգակունիք երկու՝ ի յեր-  
կուց ծայրից , մինն խաւարի և միւսն  
կիղման :

Գ . Եթէ հարուածոց աջ կառու-  
ցանի , ինքեան վարկանի . և թէ ձեռն  
սլարգեաձիր , ոչ իւր ակն ունի : Ա  
պարծանս ուրուք կորանայ , յամ  
բարձումն գլխոյ ընկածի . 'ի չարեացն  
յիշատակ հեծէ , 'ի ճառս մաքրոց  
սլատկառէ , 'ի սլատմութիւնս հան-  
դերձելոցն երերի : Եթէ օրհնի յու-  
մեքէ յայտնի , 'ի ծածուկ զանձն ա-  
նիծանիէ . Եթէ դովեստ յումեքէ  
լսէ , պարսաւանօք զինքն կշտամբէ .  
Եթէ դորովեսցի սաստկապէս , ին-  
քեամբ ինքեան վկայէ . Եթէ ձաղեւ-

ցի ուժգին, սակաւ հատուցումն առաւել սլարտուցն գրեսցէ . Եթէ ըղձումն մահու ինքեան լսիցէ , այս տսէ , և դարձեալ կրկնէ . և Եթէ որոգայթ մահու ճայթեսցէ յերկնէ , հաղիւ զդէմսն համբառնայցէ : Զիւրոց իրաւանցն մատեան խփեալ , զպատասխանութեանն յոյս լքուցեալ , զհամարձակութեանն ընթացս փակեալ : Եւ Եթէ ոչ էր անփրկանաւոր կորուստ գերելոյն , զիւրովին երթալ ոչ ինչ դանդաղէր : Արդարեւ վայ մեղաւորին՝ որ տարակուսեալ կայցէ 'ի վերայ երկուց ճանապարհաց , ըստ հոգելից բանի խմաստնոյն :

Դ . Եւ արդ զիարդ ոչ ողորմեսցիս , բարեգութ , այսքանեացս ճայնարկութեանց կողկողագինս հեծեծանաց , որ անուամբս այսու մեծացար , թէ ողորմած եմ ես տէր : Ահա առչարութիւն գերւոյս բարութիւնքո , առ մահապարտիս դառնութիւնքաղցրութիւնքո , առ կորուսելոյս յայտնութիւն ճառագայթքո , առ յանդգնելոյս մոլութիւն

ողորմութիւն քո, առ խակութիւն  
 վսասակարիս հեղութիւն քո, առ կոր  
 ծանելոյս այցելութիւն աջ քո, առ  
 ընկղմելոյս վերբերութիւն ձեռն քո,  
 առ բժշկութիւն անողջանալի խո-  
 ցուածոյս մատն քո, առ պակուցե-  
 լոյս պաշտպանութիւն ոգի քո, առ  
 ապախտաւորիս իմ վատահութիւն եր-  
 կայնմառութիւն քո, առ օծումն ա-  
 մենադժնէիս զօրութիւն քո, առ մե-  
 ղաւորիս քաւութիւն հրաման քո, առ  
 վախուցելոյս ապաւինութիւն ոտք  
 քո, առ սրացելոյս պատսպարու-  
 թիւն բազուկ քո, առ վրիպելոյս  
 առաջնորդութիւն լոյս քո, առ տա-  
 րակուսելոյս հնարաւորութիւն հան-  
 ձար քո, առ անիծելոյս կրկին ստա-  
 ցումն օրհնութիւն քո, առ վհատե-  
 լոյս քաջալերութիւն խրախոյս քո,  
 առ վշտագնելոյս միսիթարութիւն  
 բաժակ քո, առ նեղելոյս ընդարձա-  
 կութիւն կամք քո, առ ատեցելոյս  
 կոչումն սէր քո, առ հաստումն սա-  
 սանեցելոյս բան քո, առ հոգւով  
 վիրաւորելոյս կաթուած արեան քո,  
 առ աներևոյթ մթերս ցաւոցս ակն-

արկութիւնքո , առ յուսահատելոյս անդրէն ընտրութիւն իշխանութիւն քո , առ պատուաստումն կրտրեցելոյս կցորդութիւն քո , առ խաւարաւ մահու ծածկելոյս նշոյլիենաց քոց , առ խռովեցելոյս իմհանդարտութիւն խաղաղութիւն քո , առ վայրագութիւն օտարացելոյս ողջոյն քո , առ մոլորելոյս դարձաւորութիւն ձայն քո : Զի դու տիրես ամենայնի գթութեամբ , և չի քեզ մասն ինչ խաւարի . և ոչ է բարութիւն առանց քո , և քեզ վայելէ փառք յաւիտեանս . ամէն :

## ԲԱՆ ԱՅ .

Անդրադին յանելուած իրին հնձութեան նորին հսկողի առ նոյն աղնը մաղլեանայ բանի .

Ի խորոշ սրադից խօսի ընդ Աստուծոյ :

Ա . Եթ արդ քանզի բազմացուցի պայմանաւ բանիս զաղէտ տագնա-

սլի հեծութեան ձայնիս մեծ հառա-  
չանացս անսփոփելի խմոյս վտանգի .  
զի դուռը ողորմած սկզբնահայրդ խոս-  
տովանութեան անյայտ ծածկու-  
թից որդիԱստուծոյ կենդանւոյ տէր  
Յիսուս Քրիստոս, քաղցրութեամբ  
նայեսցիս քաւել: Սրդարեւ կարող  
ես, ճշմարտապէս բաւական ես, ե-  
թէ կամիս հնարաւոր ես, կամիս ա-  
ռաւելապէս, որպէս և կարես: Հա-  
րըստանաս մեծապէս ընդ տախ քան  
եթէ ընդ առնուն, բազմանան քեզ  
գանձք 'ի ցրուելն քան 'ի ժողովելն.  
յաճախեն ստացուածք քո 'ի սը-  
փուելն քան 'ի ճշդելն, կուտին քեզ  
համբարք 'ի տարածանելն քան 'ի  
շտեմարանելն: Հաւատամայսմա-  
մենայնի՝ գտանել քեւ ելք փըր-  
կութեան. հաւատամանարդս ընդ  
պատուականին, յուսամընդ Աբրա-  
համուելնդ Աննայի. զի մինն բանիդ  
քո հաւատաց և միւսն քահանայա-  
պետին բարբառոյ անսաց: Վասն  
որոյ և ոմն 'ի խորին ծերութեան ան-  
համար որդւոց հայր հաստատեցաւ,  
զառանցեալն և զամուլն արգանդ

Սառայի՝ անդաստան պաղածին արդեան օրհնութեան բազում ժողովրդոց մարդարէից սրբոց և թագաւորաց ընտրելոց հայել յուսացաւ։ Խակմիւմն զանհանդերձելի երկիր որովայնին սենեկի եօթնեակ զաւակօք բարդաւաճեցոյց, որ է թիւ մի անբաւութեան զբնաւն նշանակելոյ զէութիւն, աստուածութեանն յարակայութիւն սահման անհետազօտելի, և աւազանին նորածին որդւոց անհատ յորդութիւն։ Այս թիւ պանծալի, որում ոչ է կէտ կցորդի և ոչ սպառուած վախճանի, այլ կոյսոն է ուրոյն ընտրութեամբ նուիրեալ յաւէտ անճառ վիճակաւ համայն յաւիտենիւ, դժուարաթարդմանելի մերոց իմաստից։

Բ. Արդ համարեա յարդարութիւն անյուսալի փրկութեան հոգւոյս զամենավարան ձայն կողկողանաց սրտիս հեծութեան, ընդ նախագրելոցն երջանկաց եղեալ և դասեալ զայս դաւանութիւն փոքր հաւատոց իմոյս խնդրուածոց զիկեցից և ես առ նոքօք բերկրեալ ընդ

նոսին, բուռն հարեալ քան զիմոց  
գործոց զքոյդ շնորհաց։ Մանա-  
ւանդ զի կրկին բարձունք են և փա-  
ռաւորք և քան զքափի կշռութեան  
բանի գերագոյնք, իմումս խռովու-  
թեան հաշտարանք և հզօրապէս քա-  
ռարանք, և կարծեաց թերութեան  
մտաց սլացեալք։ ընդ արեան քո  
ահաւորի և ըստ մարմնոյ ծնողդ քո  
խնկելի։ պարք առաքելոցն, դասք  
մարգարէիցն, գունդք մարտիրո-  
սացն՝ ձիաւորեալքն հետեւակ սպա-  
ռազէն արիութեամք մերկամար-  
տիկն մրցութեամք, գումարք միան-  
ձանց, բոյլք բանականաց ընտրելոց,  
ժողովք բարեկրօնից, հոյլք հոգելի-  
նաց յերկրէ երկնաւորաց, զինուո-  
րութիւն վերնականաց ընդ մեզ կը-  
ցորդելոց, աւանդք երախայրեաց,  
մատուցմունք զուարակաց, լուց-  
մունք զամբարաց, բուրմունք խնկոց  
իւղոց հանդերձանօք, յաղթանակք  
փրկականնշանաց, կառուցմունքխո-  
րանաց աստուածաբնակաց, ձեռք  
քահանայից շնորհիւ կատարելոց։  
Առ շարժումն անձին յիշատակ Առ

տուծոյ, առ փոփոխումն դարշապարի, առ կարկառումն աջոյ և ամբարձումն բազկի, առ բարիս գոհութիւն, և առ գթել աղաճանք, առ բանս ընտանիս, առ խօսս հասարակաց, առ ձայնս բնաւորականս, առ գործոց յաջողուածս, առ առաքինութեան ջերմութիւնս, որ 'ի տունջեան և 'ի գիշերի ընթացմունս օգտակարաց հոգեսորաց քեառաջնորդեալք . 'ի նիրհել և 'ի զարթնուլ, 'ի պատերազմի աղդաց, 'ի մարտս դիւաց, 'ի հակառակութիւնս հերձուածողաց, առ փոքրունս, առ մեծամեծս, առ ձգումն ըմպելեաց և ճաշակումն կերակրոց, և որ ինչ մի անգամ 'ի կիրս մեր կերպանան, եթէ հեշտականս եթէ տատամսելիս. վասն ոմանց աղօթս՝ մնալ 'ինոսին, և յաղագս ոմանց՝ զի զերծ արացես սքանչելապէս հնարիւք անճառիւք. հաւատացեալ յամենեցունց, թէ բաւական ես յամենայնի, կաթնաբոյծ հասակաց, տիոց սպատանեաց, մտաց վայրենեաց, ստամբակաց գոռողաց . մինչ զի առ թա-

տերս տեսարանաց, և առ կոյտս  
խառնիճաղանձ բազմութեանց, և  
կամ առ կաքաւս կայթից անախոր-  
ժականաց կամաց հզօրիդ՝ ոչ ես մո-  
ռացեալ:

Գ. Արդ դու ստացար զամենե-  
սեան և քո են ամենեքեան, և ողոր-  
մեսցիս ամենեցուն՝ միայն բարե-  
դութ. զի թէ և մեղիցեն քո են.  
վասն զի՞ ի քում համարի են. քանզի  
գիտեն զզօրութիւն քո, ըստ առա-  
կողին մաղթանաց: Որում և ես կցոր-  
դիմ թշուառս բանիւ վկայեալ սո-  
րին յանցաւորապէս. յանդգնիմ  
ասել թէ որ կարդայ զքեզ գովես-  
տիւ, ծանուցեալ զքեզ թէ իցես,  
թէ և եօթեամբք իցէ վարակեալ  
կրկնապատիկ պատժաւորութեամբ,  
առ այս օրինակ կիրթ ձեռնարկու-  
թեան, զիա՞րդ ոչ քո իցէ: Յորս է  
աեսանել ՚ի մէջ արշնատես ագուա-  
ւուց սպիտականիշ երամս աղաւ-  
նեաց, ՚ի մէջ խրոխտականաց ձիոց  
անմաքրից որոջս հանդարտաբարս,  
՚ի թիւ շանց գաղանականաց գա-  
ռինս նուիրելս, հեղութիւն ՚ի

խստութեան , կատարելութիւն 'ի  
թերութեան , խոնարհութիւն յամ  
բարհաւաճութե , ճշմարտութիւն  
'ի ստութեան , միամտութիւն 'ի ման-  
կութեան , անբծութիւն յայլամբ-  
տութեան , բարօրութիւն 'ի չարու-  
թեան , պարկեցտութիւն 'ի լկտու-  
թեան , ողորմութիւն յանդթու-  
թեան , ապաշաւանք յանյու-  
սութեան , քաղցրութիւն 'ի բար-  
կութեան , հաշտութիւն 'ի թըշ-  
նամութեան , անոխութիւն 'ի խա-  
ծանողութեան , քաջալերութիւն 'ի  
լվութեան , օրհնութիւն 'ի նետա-  
ձգութեան : Յոր ոչ բաւականացայ-  
երբէք 'ի դատել ճշգրտապէս , թէ  
ով յերկրածնաց աստի կանխեսցէ  
ժառանգել զքեզ , որ միայն անաշ-  
ռաբար կշտամբես իրաւամբք զար-  
դարութիւն՝ առ ամպարիշտ մա-  
քուրն և առ պոռնիկ զղջացեալն .  
առ ամենեսին բարեդործ՝ միայն  
թագաւոր օրհնեալ 'ի բարձունս և  
յամենայն յաւիտեանս . ամէն :

## ԲԱՆ ԼԲ.

Վերսագին յառելուած իրին հեծութեան  
նորին հսկողի առ նոյն աղջրս մաղթան  
բանի .

Ի իորդոց սբաից իօստ ընդ Աստուծու:

Ա . Եկ արդ ես յեանեալս ՚  
նախաղրութեանց արժանաւորաց  
գրեալ ինձէն ընդ պարտաւորսն  
սլատժոց , հայցեմ զողորմութիւն  
ընդ ամենեցուն մաղթանաց . ընդ  
նկունս և անհամարձակս , ընդ  
տկարսն և փոքրկունս , ընդ ընկե-  
ցիկսն և արհամարհեալս , ընդ տարա-  
գրեալսն և առքեզ գարձեալս , ընդ  
երկուացեալսն և ճշմարտեալս , ընդ  
կործանեալսն և յարուցեալս , ընդ  
ընկճեալսն և հաստատեալս , ընդ  
գլորեալսն և կանգնեցեալս , ընդ  
մերժեալսն և ընկալեալս , ընդ ատե-  
ցեալսն և կոչեցեալս , ընդ ապ-  
շեալսն և զգաստացեալս , ընդ անա-

ուակեալսն և զսպեալս , ընդ հեռացեալսն և մերձեցեալս , ընդ հերքեալսն և սիրեցեալս , ընդ պատկառեալսն և զուարթացեալս , ընդ ամաչեցեալսն և խնդամուեալս : Այլ ես պատմեմ աստանօր դարձեալ՝ ոչ զմեղսն Երուսաղեմի , ըստ մարգարէին հրամանառութեանն որ առժողովուրդն նախնի , և կամ տանն Յակոբու զանօրէնութիւնս նորա , այլ իմոյս ժամանեցից յայտնութեան . քանզի աւաղ ընդ աղէտս մահու յարելով ըստ մարգարէին , յանդիմանեցից զիս ինքն ինձէն իմովս ձայնիւ ըստ սազմոսողին . որպէս զի յանձնառական յայսմ համայնապատում խոստովանութենէ ոչկարօտացեալ կրկնակին , միանդամայն 'ի սպառ սրբեցայց օրհնեալ հրամանաւ էիդ :

Բ . Եւ արդ կրկնելով ծունը բարերարիդ քաղցրութեան , տարածեալ զանձն իմ առաջի , զի մահ դլորմանն ցուցից կերպարան . որ 'ի հող խոնարհեալ մածայ ընդ երկրի , և ընդ անցաւորս այս կենցաղ կորըս .

տեան՝ անասնական գետնաքարշու-  
թեան սողնոյ սահեցմամբ՝ կամք  
բևեռեցայ : Այլ 'ի քեզ տէր յե-  
ցեալ՝ իբր 'ի հաստարան կենաց գա-  
ւազան 'ի յարմատոյն Դաւթի ըն-  
ձիւղեալ մարմնով անձառ շաղկապ-  
մամբ յանեղ աստուածութիւնդ,  
կանգնեցայց անդրէն կիսայար՝  
պատկառեալ 'ի քոցդ երախտեաց 'ի  
վայր կորացեալ դիմօք, աչք 'ի բար-  
ձունս յառեալ ողորմագին տեսու-  
թեամբ 'ի քեզ մերձդ 'ի հեծութիւն,  
ընաւին ողորմութիւն, բոլորովին  
քաղցրութիւն, զվաճ լուսոյս արտա-  
սուօք լցեալ՝ պաղատանս յուսոյ ա-  
ռաջի մեծիդ վերընծայեցից : Լուր  
ամենառատ աննուազ երկայնմտու-  
թեամբ քո դառնացուցիս, միայն  
դու 'ի յամենայնի սահման վրկու-  
թեան, Աստուած բոլորից, անձառ  
մեծութիւն, անբովանդակելի ընու-  
թիւն, անքննելի իսկութիւն, հզօր  
զօրութիւն, կարող բարերարու-  
թիւն, անպակառ լրութիւն, անձառ  
ժառանգութիւն, վայելչական վի-  
ճակ, առատ պատրաստութիւն,

անստուեր իմաստութիւն, տենչալի  
տուքը, անձկալի ձիր, բաղձալի բեր-  
կրութիւն, անտխուր հանգիստ, ան-  
տարակոյս գիւտ, անկապուտ կեանք,  
անծախելի ստացուած, անփոխա-  
նորդելի բարձրութիւն, ամենարուեստ  
բժիշկ, անսասանելի հաստատու-  
թիւն, դարձուցիչ մոլորելոց, գտիչ  
կորուսելոց, յոյս ասկաւինելոց, լոյս  
խաւարելոց, քաւիչ մեղուցելոց,  
ծածկարանդ փախուցելոց, անդոր-  
րիչ խռովեցելոց, փրկութիւնդ մա-  
հացելոց, արձակիչդ կապելոց, ազա-  
տիչդ մատնելոց, սլատսալարանդ  
սահեցելոց, վշտակիցդ գայթագղե-  
լոց, երկայնմոռութիւն տարակուսե-  
լոց, լուսոյ տեսակ, ցնծութեան  
ցոյցք, օրհնութեան անձրեւ, հոգի  
երեսաց, զօրութիւն դիմաց, հովանի  
դլսոյ, շարժարան շրթանց, ազդումն  
բանի, կառավար անձին, բարձումն  
բաղկի, ձգումն ձեռին, երասանա-  
կալդ սրախ, ընտանի անուն, մերձա-  
ւոր ձայն, կցորդութիւն հարազատ,  
ինամածութիւն հայրենի, խոստո-  
վանեալ անուն, սլաշտեցեալ սլատ-

կեր, անսպարագիր տիպ, երկրալացեալ տէրութիւն, բարեբանեալ յիշատակ, խնդութեան մուտք, անվըհալ շաւիղ, փառաց դուռն, ճըշմարտութեան ճանապարհ, երկնաչեմ սանդուղք: Եւ այլ բազմութիւն բանից գովեստից անհամարկարդաց և տանց անբաւից, զոր ոչ բերէ բերան երկրածին, և ոչ տանի գործի մարմնեղէն, և ոչ կշռեն իղձք հոգեղէնք:

Գ. Առ քեզ Հայր ամենայն ակնտեսողի, Աստուածդ ամենայնի, նայեա 'ի պաղատանս հառաջման ձայնի քոյոց ծառայից, և եթէ յաղախնաց ոք աղաչեսցէ: Եւ ընկալ զցող ողբերդութեան լալոյ արտասուացաչացսցանկասիրի՝ յանարասոսս մարդեղութեան քոյ, Քրիստոն և օրինակաւ խորհրդոյ հերաց կնոջ յանցաւորի՝ զառքեզ դարձն և զդաւանութիւն, և համբուրիւ շրթանցս առ ճաշակ փրկութեան կենացդ հաղորդութե՝ համաշնչապէս զանքակ միութիւն, և զնոյն գթութիւննորին ողորմութեամբ ընկալեալ:

քէն, բարերար, գրաւականեսցես  
զմեծդ պարգև ընդ փոքու հաւա-  
տոցս. և 'ի ձեռն գթութեան սիրոյ  
քոյ առ քո անձկալի անունդ խոս-  
տովանեալ ծառայիս, դարձցին ձմե-  
րունք հողմոյն խստութեան 'ի յօդ  
հանդարառութե, և մըրկին սաստկու-  
թիւն 'ի սիք ախորժութե, և կարծիք  
երկիւղին 'ի մեծ վստահութիւն, և  
պատուհաս պատժոցն յերանու-  
թեան պատահումն, և վտանգք  
թախծանացն 'ի հոգեւոր խրախծա-  
նութիւն, և ալեկոծութիւն ծփա-  
նացն 'ի խոր խաղաղութիւն, և զե-  
կացն թեարկմունք յանքոյթ նաւա-  
հանգիստն, և բերք բեռանցս մեղաց  
փոխարկեսցի 'ի թոշակ շնորհաց:  
Եւ յայսքանեացս ամենից բիւրուց  
բարութեանցս 'ի քէն եղելոց՝ մե-  
ծասցի անուն հզօրիդ խնկեալ և խոս-  
տովանեալ, ամաչեսցէ բանսարկուն  
չարեաց՝ հերքեալ և հալածեցեալ,  
ունայնասցին մուրհակք մեղացս,  
խզեսցին հաղըքն, որոշեսցին որո-  
դայթքն, կապտեսցին կապանքն, վա-  
նեսցի վիհն, վերասցին վսասքն,

պարսեսցին պատրանքն , ջրեսցին  
մեղքն , պատառեսցին պարտիքն ,  
խորտակեսցի լուծն , քականեսցին  
քեղեքն : Եւ ընդ մռայլ մթու-  
թեան չարեացն յանցանաց և գի-  
ւացն բանակաց պաշարողաց՝ արև  
փառաց քոց ժամանեսցէ կեցուցա-  
նել փրկել և լուսաւորել , յաջմէ և  
յահեկէ , 'ի գիմաց և 'ի թիկանց . և  
եղիցի նշոյլ առաւօտու հոգւոյ գար-  
նայնոյ ընդ ակնկալութեան սպասո-  
ղացն քումդ երևման : Զի դու եւ  
բարերար առ ամենեսին , և հնարա-  
ւոր են քեզ ամենայնք . և ամենե-  
ցուն զկեալն կամիս և զփրկութիւնն  
բաղձաս :

Դ . Ով ամենապարզե ձեռն Յի-  
սուսի Քրիստոսի , և առ իս դարձցիս  
կարկառմամբ շնորհի աջոյդ քոյ  
սրբոյ բնակեալ միացեալ , և ոչ հե-  
ռացեալ յանձկութեան սրտէ սիրոյ  
սենեկիս . և անեղծական քո նկա-  
րագիր՝ նշխար պահծալի լուսոյ  
քրիստոնէական փրկաւէտ կոչմանս՝  
ընդ իս պահեսցի , միջնորդեալ ընդ  
քեզ 'ի մատեան յաւիտեան կտա-

ԼԲ

կաւդ կենաց հոգւոյդ աւետեաց  
երկնից յօրինողիդ : Եւ քեզ միայնոյ  
պատճառիդ, և միոյդ՝ ի միոյ պատ-  
ճառէ, և ունողիդ զալատճառ միոյ,  
երրեակ անձնաւորութեանդ և միոյ  
աստուածութեանդ վայելեն փառք  
յերկնաւորացն վեհից . ՚ի սրբոցն  
դասոց, յաւիտեանս յաւիտենից .  
ամէն :

## ԲԱՆ ԷԳ .

Աշխարին յա-նը-ած իւիին հեծ-ն-ն-ն-ն-ն  
նորին հայոցի առ նոյն աղջը մաղթանաց  
բանի .

Ի իսուս սբանի իսօս ընդ Աստո-ծոյ :

Ա. Արդ զյարմարութիւն ոլաշ-  
տաման բանիս ՚ի խայրեաց հոգւոյս  
քեզ ՚նուիրելոյ, օրհնեալ բորե-  
գութ, կցորդելով ընդ խնկազգես-  
տիցն զուգամասնապէս խառնեսցես  
՚ի յանուշութիւն կազմութեան իւ-  
ղոյն Մարիամու կնոջ բարեպաշտի :

Յոր հաւասարեալ նոյնութեամբ  
ընդ երջանիկ պոռնկացն 'ի քէն ըն-  
կալելոցն յաւետահրաշ յարգանօք,  
պարարեսցիս մեծապէս խմովս բա-  
նիւ նուաստին , ընկալեալ յանհաս  
և 'ի բարեբանեալդ գլուխ բարձրե-  
լոյդ , անկշտամբելի 'ի բամբասանաց  
սաղմոսին , մի օծցէ զտերե ոստոց  
գագաթան իւղ մեղաւորին : Այլ  
արասցես զօրանալ կրկին յաճախու-  
թեամբ բուրման խոստովանութե-  
այսր մատենի 'ի բազումս ազդեալ,  
համասփիու ամենատարած և աշխար-  
հալիր տանն տեսակաւ , ըստ օրի-  
նակի համեմատութեան նոցայն յի-  
շատակի : Քանզի դու նոյն տէր ըզ-  
գաստացուցիչ նախնի չարախորհից  
կանանց մեղաւորաց , որոց առա-  
կեալ զմարդարէին կերպարան՝  
քումդ ճշմարտատիպ պատկերի յե-  
ղանակեցեր , անդուստ առ սոսին  
անճառ ներգործութեամբ 'ի յիս  
վերաբերեալ զծայրագոյն շնորհին  
կատարումն : Ընդ անասնական գա-  
րւոյն կերակրոյ զբազմահամբար  
պառուղցորենոյդ կենացդ հացի , ընդ

ապականացու արծաթոյն զարքու-  
նականդ պատկեր, ընդ յիմարարար  
թմբութեանգինւոյն զբաժակդ ա-  
րեան արարչիդ, ընդ իւղոյն առելոյ  
՚ի յայրատ կնոջէն հնոյ ժողովը-  
դեանն՝ զօծումն շնորհին առ իս  
դարձելոյ, ընդ զերծման դլսաշուք  
կտաւոյն զանապականութեան վեր-  
արկուն, ապարանջանին պճնու-  
թեամբ՝ զթոխս բարեմասնութե-  
օրինիւն և առետարանաւն՝ հանդերձ  
գործնական առաքինութեամբն,  
ընդ ունկանն գնդի վայելքականն  
զարդու՝ զանստուեր յիշատակ տէ-  
րունականդ ձայնի, ընդ քայռոս պեր-  
ձութեան լանջացն՝ զյոքնահաւաք  
աւանդոս ուղղութեան քոյինակրօն  
Ծոյդ քաղցրութեան:

Բ. Բայց զի՞ է յայսոսիկ ինձ սլար-  
ծել և ոչ վերստին ՚ի սոյն սլատ-  
կառել: Այլ յայլօրինակ փոխեալ  
զմատեան մաղթանաց այսո ողբեր-  
դութեան, որ ինչ ինձ է յարմարա-  
տոր, ամենայնիւ հատուցից զպա-  
տիժ պարտուցս իմոց մեղանաց, ՚ի  
մարդարէիցն տառից բերեալ համա-

ուօսա՝ 'ի սոյն յարկ մուծից սաստիկ  
դատախազ. ընդ ողբոց նոցին լծա-  
կցեալ.քան թէ ընդ բերկրումն նոցա-  
պարել. յորս հառաջանս, ձայնս հե-  
ծութեան, բողոքս բարկութեան,  
նախատինս խորտակման, լալումն  
կարևոր: Այլ մեծիդ Աստուծոյ գը-  
թութիւն ամենաժաման՝ կանուխ  
ազգեցաւ յիմ յուսատրութիւն,  
առ որս՝ զղջմունս, խոստովանու-  
թիւնս, աւետիս, պարգևս, լուսոյ  
երևմունս, խրախոյս աստուածայ-  
ինս, փառաց ժառանգութիւնս, հը-  
րաշից յայտնութիւնս, սքանչելեաց  
տեսութիւնս. յորոց ոմանքյոյս ըն-  
ձեռեն, և ոմանք վհատութիւնս բա-  
զումս մատուցանեն. յորս ես կա-  
մաւ կործանեալ՝ կորստեանն վիճա-  
կեցայ: Զի եթէ զգեստ Աստուծոյ  
զվարագուրին պատրուակ ասաց Ե-  
զեկիել, յորում արար ժողովուրդն  
կուռս կարկատունս, որով պոռնը-  
կելասէ 'ի նոսա, իսկ որքան պատիժ  
անմաքրութեանս եղիցի զԱստուած  
զգեցողիս ներքոյ և արտաքոյ: Զար-  
մանամ, թէ զիա՞րդ ոչ կիզում. հիա-

նամ, թէ ի՞ր ոչ այրիմ. ափշիմ, թէ որպէս չյափշտակիմ տանջեալ, լքեալ, չարչարեալ, ջաղսեալ, մանրեալ, խորտակեալ, կտրեալ, բաժանեալ՝ ի յօրինակէ ժանեաց կորուցին, ըստ գրոյն։ Այլ այս միայն է պահեցեալ ինձ նշոյլ յիշատակի փրկութեան յուսոյ, զի քրիստոսեան աւետարանն կեանս է ամենեւին, 'ի կերպարանաց պատկերի բանին ծանուցեալ, որով առ մեղանսն դարձն, առ պարտիսն շնորհն, առ եղծումն նորոգութիւնն, առ անօրէնութիւնն քաւութիւնն, առ վէրն բժշկութիւնն, առ վասնդն անդորրութիւնն, առ պատիժն ներումն, առ պատերազմն հանդարտանալն, առ հուրն անձրեն, առ պատուհամն պարգևն, առ ակնկալութիւն սատակմանն ձիրն, առ գործարան մահուն կենացն ազատութիւն։

Գ. Եւ զի՞նչ է ինձ զայսքանեաց յիշմանց 'ի թիւ արկանել, և ոչ զահճառելիսն աստանօր դասել։ Յիշատակաւ չօրն բարձրելոյ՝ յՈրդին իցորդութիւն, յանուն միածնին՝

առ Հայրն ընտանութիւն , սոցին  
ակնարկութեամբ ընդ Հոգւոյն հա-  
ղորդութիւն . Խաչին փրկանիք , բա-  
նին սփոփութիւն , բարւոք վարձ  
կամացս առ կշռութիւն դիառղին ,  
աւազանն կենդանարար՝ հաշտու-  
թեանն միջնորդութիւն , և այլք տ-  
մենայնք անթիւք բարիք 'ի բարե-  
րարէն բարդեցեալք , ազատք 'ի  
հարկէ , արձակք 'ի լծոյ , իշխանա-  
կանիք և ոչ իշխեցեալք : Այսոքիկ  
են , որ ինձ 'ի մեջ դառնութեանս  
մահու՝ կեանս անտարակոյսս աւե-  
տարանեն . քանզի եթէ ոչ զայսոսիկ  
ունէի , կանխաւ արդեօք կորու-  
սեալ էի իսկ և իսկ ըստ բանի եր-  
դողին : Ոչ փոքրկութեամբ Որդւոյ  
զՀայր փառաւորեմ , ոչ նուաստու-  
թեամբ Հոգւոյ զՈրդի նախադա-  
սեմ . համափառ ունիմ զերեսեան  
և նոյն արարչութեամբ : Քանզի և  
'ի գէմն Հոգւոյն սրբոյ այս են ա-  
ղաջանիք , նախընծայ սկզբան ստ-  
արագին՝ յորում դառնդ Երկնա-  
ւոր զենանի , զայս աղօթեցի :

Աշօթ-<sup>4</sup>, ու նախ գան զպագարագն  
հապո-ցանի :

Դ. Ամենակալքարերար մարդա-  
սէր Աստուած բոլորից, յօրինող  
երևութից և աներեւութից, վըր-  
կող և հաստատող, խնամող և խա-  
ղաղաբար, հօր հզօր հոգի, հայցեմք  
բազկատարած մազթանաց գոչմամք  
հեծութեան յանդիման եղեալքեղ  
ահաւորիդ : Մատչիմք մեծաւ գո-  
ղութբ սաստիկ երկիւղիւ մատուցա-  
նել նախ զբանականս զայս պատա-  
րագ քում անզնին զօրութեանդ,  
իբր աթուակցի փառակցի և արար-  
չակցի հայրենի անկապուտ պա-  
տուոյդ, և քննողի ծածկութեան  
խորոց խորհրդոց ամենակատար կա-  
մաց հօրդ կմմանուէլի՝ զքեղ առաք-  
չի, փրկչի և կենդանատուի և արար-  
չի ամենայնի : Ի ձեռն քո ծանու-  
ցաւ մեղ երրեակ անձնաւորութիւն  
միամնական աստուածութեանդ,  
յորոց մի և գու ճանաչիս անհաս :  
Քեւ և ՚ի ձեռն քո առաջինքն նահա-

պետական տոհմին շառաւիղք՝ տեսանողք անուանակոչեալք զանցեալսն և զգալոցսն, զեղեալսն և զոչգոյացեալսն անստուերաբար բարբառով բանի վերապատմեցին : Ու Աստուծոյ քարոզեալ զքեզ Մովսեսի, որ 'ի գնալն քո 'ի վերայ ջրոցն, անսպարագիր զօրութիւն, ահեղ շրջարկութեամբ տածողականաւ՝ թեասպարփակ պաշտպանողօրէն դթասիրեալ 'ի ծնունդս նորոգս՝ զաւազանին խորհուրդ ծանուցեր : Յոր կերպարան օրինակութեան՝ նախ քան զկառուցանել զլոյծդ մածուած վերջնում վարդուրիդ՝ յօրինեցեր, կարող տիրապէս, զբովանդակ բնութիւնս ամենից բնաւից բոլորից գոյից ամենայն էից յանէից : Քեւ ստեղծանին 'ի նորոգութիւն յարութեան ամենայն եղեալքս առ 'ի քէն յայնմ ժամանակի, որ է օր վերջին այսմ կենցաղի, և օր առաջին երկրին կենդանեաց : Քեզ հնազանդեցաւ միութեամբ կամացն որսպէս հօրն իւրում աղդակիցն քո, էակիցն հօր անդրա-

Հիմն Որդի մերովս կերպիւ . զքեզ  
աւետարանեաց Ճշմարիտ Աստուած  
հաւասար և համագոյ հօր իւր հզօրի ,  
և զառ . 'ի քեզ հայհոյութիւնն ան-  
քաւելի քարոզեաց , և իբր զաս-  
տուածամարտիցն զքո հեստելոցն  
չարաբանական բերանս կարկեաց , և  
զիւրն շնորհեաց արդարն և ան-  
արատն գտիչն ամենայնի որ վասն  
մեղաց մերոց մատնեցաւ , և յարեաւ  
վասն զմեզ արդարացուցանելոյ : Նը-  
մա փառք 'ի ձեռն քո , և քեզ բարե-  
բանութիւն ընդ հօր ամենակալի ,  
յաւիտեանս յաւիտենից . ամէն :

Դաշնաւ իր ինեսցի 'ի նոյն կարգ բանի ,  
մնաւ վստահութիւնն լուսոյ հրաշապիւ-  
յացն էսցի ազդեաւ , ա-էպարտնեւ վէրը-  
պին պէտին խաղաղութիւն :

Ե . Ազաշեմք և աղերսեմք արտա-  
սուալից հառաջմամբ յամենայն անձ-  
նէ զփառաւորեաւ արարչութիւնդ  
անեղծ և անստեղծ անժամանակչո-  
դոյդ գթածի որ բարեխօսդ ես  
վասն մեր յանմռունչ հեծութիւնս

առ ողորմածդ Հայր • որ զսուրբան  
պահես, և զմեղուցեալսն մաքրես և  
տաճարս կազմես կենդանի և կեցու-  
ցիչ կամաց բարձրեալդ Հօր: Արդ  
ազատեա զմեզ յամենայն անմաքուր  
դործոց, որ ոչ է հաճոյ քումդ բնա-  
կութեան, և մի շիջցին առ ՚ի մէնջ  
ըռսոյդ շնորհաց փայլմունք ՚ի տե-  
սականացս աչաց խմաստից. վասն զի  
զքեզ ուսաք միանալ ՚ի մեզ ՚ի ձեռն  
ազօթից, և ընտիր վարուց խնկելոց:  
Եւ քանզի մինդ յԵրրորդութենէդ  
սլատարագի, և միւսդ ընդունի՝ հա-  
ճեալ ընդ մեզ հաշտարար արեամբ  
անդրանկի իւրոյ, իսկ դու ընկացիս  
զմեր պաղատանս, և յարդարեսցես  
զմեզ օթեանս սլատուականս ամե-  
նայն պատրաստութեամբ ՚ի վայե-  
լումն ճաշակման երկնաւոր դա-  
ռինդ, առանց պատժոց դատապար-  
տութեան ընդունել զայս անմահա-  
ցուցիչ մանանայս կենաց նորոյ փըր-  
կութեան: Եւ հալեսցի ՚ի հրոյս  
յայսմանէ գայթագութիւնս մեր,  
որպէս մարդարէին կենդանախա-  
լոյկ կայծակամբն ՚ի ձեռն ունե-

լ. Գ  
 Եաց մատուցման . զի յամենայնի քոյդ քարողեսցի գթութիւն , որ պէս Որդւովդ աստուծոյ՝ Հօրքաղցրութիւն . որ զանառակ որդին մերձեցոյց 'ի հայրենի ժառանգութիւնն , և զպոռնիկան յառաջեցոյց յերկնային արքայութիւնն արդարոցն երանութեան : Այո այո և ես մի եմ 'ի նոցանէ . և զիս ընկալ ընդ նոսին իբր մարդասիրութեան կարօտեալ մեծի , շնորհօք քո ասլրեալ զարեամբ Վրիստոսի ստացեալս : Զի յայտմամենայնի՝ յամենայնի ծանիցի քո աստուածութիդ ընդ Հօրփառաւրեալ համապատուաբար 'ի մի կամս և 'ի մի իշխանութիւն գովութեան . զի քո է գթութիւն և կարողութիւն և մարդասիրութիւն , զօրութիւն և փառք յաւիտեանս յափառենից . ամէն :

## ԲԱՆ ԷԴ.

ՎԵՐԱՊԻՆ ՅԱ-ԷԼՈ-ԱԾ ԽԵԼԻՆ ՀԵԺ-Ա-ՌԵ-Ա  
ՆԱՐԻՆ ՀԱԽ-ՂԻ Ա-Կ ՆԵՐԻ ԱՊԵՐ ՏԱՐԱ-ՄԱՆԱՐ  
ԲԱՆԻ .

Ի ԽԱՐԱ-ԱՐԹԻՇ ԽԵ-Կ ԸՆ-ԴԱ :

Ա . ԱՐԴ առ այսոքիկ թշուառա-  
ցեալ չնչոյա իմոյ իղձք , և առ քեզ  
դաւանութիւնք յարմարականք , որ  
բովանդակես բանիւ զամենայն՝ Աս-  
տուած , զոր ՚ի նախնին ճառեալ  
և յերկրորդումս ցուցից : Իսկ յան-  
դիմանութիւնս գրաբանականս՝ ՚ի  
կոյտս բազմութեան աղդաց , և  
թարգմանութիս ժողովսդոց , զայս  
արգահատութիւնս մաղթողականս  
նուիրեցի , զոր ներքնաշարեալքդ  
սահմանագրեն գոհաբանութիւնք :

Ի հանդիսաբան խօսից առնենի բանս մաղ-  
նանաց, որովհետիւն Աստուծոյ հաշունալ  
հաստնէ յօգնականութիւն :

Բ. Ազաքեմ զանփոփոխելի տէ-  
րութիւն ամենազօր Հոգւոյդ հզօրի,  
առաքեա զցօղ քաղցրութեան քոյ,  
և բարեգործեա 'ի յանձին և յիշխա-  
նական ազդման զգայութեան զա-  
մենալից շնորհս բազմապարգև քո  
ողորմութեան : Եւ հերկեա զբա-  
նական անդաստան մարմնեղէն կար-  
ծրացեալ սրտիս՝ յընդունակութիւն  
արդասեաց հոգևոր սերմանդ: Քում  
ամենիմաստ էութեանդ խոստովա-  
նիմք զամենայն պարգևս 'ի մեզ ծաղ-  
կեալ և աճեցեալ. որ ձեռնադրես  
առաքեալս, լցուցանես մարդարէս,  
ուսուցանես վարդապետս, բարբա-  
ռեցուցանես համերս, և բանաս ըզ-  
փակեալ ականջս խլից. որպէս ազ-  
դակիցն քո էակիցն չօր անդրանիկն  
Որդի քոյին գործակցութեամբ ներ-  
դործելով զայս ամենայն, քարոզեաց  
զքեզ Աստուծ հաւասարակից իս-  
կութեանդ չօր: Շնորհեա և ինձ մե-

ղաւորիս խօսել համարձակութեամբ  
զկենդանարար խորհուրդ աւետեաց  
աւետարանիդ , հետևել արագա-  
թոիչը ընթացիւք մտաց ընդ անհուն  
ասպարէզս քոյինաշունչ կտակարա-  
նաց : Եւ 'ի մատչելիմ'ի գլուխ հան-  
դիսի մեկնութեան բանի՝ նախաժա-  
մանեացէ առ իս գթութիւն քո , խօ-  
սելով յիս զարժանն և զայխանիսն  
և զհաճոյսն քո 'ի ժամանակի , 'ի  
փառս և 'ի գովեստ աստուածու-  
թեանդ քո , և 'ի լրութիւն շինու-  
թեան կաթողիկէ եկեղեցւոյ : Եւ  
կարկառեա 'ի վերայ իմզամենամերձ  
աջ քո , և զօրացո զիս շնորհօք գթու-  
թեանդ քո . փարատեա 'ի մտաց  
իմոց զմեգ մթութեան մոռացու-  
թեան , ապաքինեալ ընդ նմին զիսա-  
ւար մեղաց , ամբառնալ ուշիւ իմաս-  
տիցս 'ի կենցազոյս երկրէ 'ի բար-  
ձունս : Լուսաւորեա 'ի յիս վերըս-  
տին զծագումն անստուեր հրաշխց  
գիտութեան աստուածութեան քոյ ,  
հզօր , արժանի լինելառնել և ուսու-  
ցանել յօրինակ բարեաց աստուա-  
ծասէր լսողաց : Եւ քեզ ամենայն

փառք յամեայնի ընդ հօր ամենաւկալի և ընդ Որդւոյդ միաձնի և բարերարի , այժմ և յանվախճան յափտեանս . ամէն :

Իսկ զհաւատոյ սահման բանի ընտրութեան շնորհի կենաց կանոնի առհամագոյ սուրբ Երրորդութեան զայս վարդապետեցի , զոր շաւիղ կարգիդ վերանկարէ :

Երբորդութեան անայլայլական նորոգ ըստ կայծաբանութեան ակտնաւլյալս Անդուծու , յու իւշ' ի սիկեայն ստհմաննեղաւ հաւաք :

Գ . Խոստովանիմք և դաւանեմք , պաշտեմք և Երկրապեմք զզուգափառ միութիւն ամենասուրբ Երրորդութեանն , աստուածութիւն անձառ , միշտ բարի , նոյնագոյ , հաւասարապատիւ , անհաս իմաստից թեոց սլացման , 'ի վեր քան զօրինակ և անդը քան զնմանութիւն , գերազանց գոլով սահմանի անպարագիր բացարձակութեամք , յառաջ քան զհիմն յաւիտեանցս անտարրափակ էութեանց ստեղծականացս կարգաց , օրհնաբանութեամք

անթարդմաննելեաւամենահարուստ  
մեծութեամբ յաւեկա պսակեալ,  
հաստիչ ժամանակաց և որ 'ի ժա-  
մանակի են կերպաւորեալք, ինքն  
պատճառ հանդերձիչ և յարմարա-  
պէս յօրինիչ տեսականաց և անե-  
րեւութից։ Ոչ անուամբ չափեալ և  
ոչ յորջորջմամբ նշանակեալ, ոչ որա-  
կութեամբ նմանեալ և ոչ քանակու-  
թեամբ կշռեցեալ, ոչ օրինակաւ-  
ձեացեալ և ոչ որպիսութեամբ ծա-  
նուցեալ, ոչ 'ի թերութենէ տարա-  
ծեալ և ոչ 'ի լըմանէ ամփոփեալ, ոչ  
ուրեք երբեք գրաւեալ և ոչ 'ի տե-  
ղւոջ վայրի երկեալ։

Դ. Հայր գթութեանց՝ ունողա-  
մենայնի, և Աստուածհանուրց որ  
յերկնի և որ յերկրի, բաց 'ի բա-  
նէն մեայնոյ՝ որով զամենայն ինչ  
ունի. ստեղծիչ և տուիչ շնչոց ամե-  
նից, բաց 'ի հոգւոյն խոկակցէ որով  
զհամայնն կազմեաց։

Ե. Մինն յերջանկափառ համա-  
զօր ահաւորութենէ երիցն անձնա-  
ւորութեանց խոնարհեալ՝ իվերուստ  
անդուստ 'ի ստորինս, որ էրն իսկ

'ի բնէ անքաժ 'ի ներքնոցս՝ անկապուտ մնալով փառացն աթոռոյ, և անկարօտ դիմացն ծնողին սիրոյ, մը տեալ 'ի սենեակ կուսին արգանդի պարզաբար, և ելեալ անտի յօդաւորաբար մարմին էապէս անորոշելի, անթերի մարդկութեամբն և անպակաս աստուածութեամբն։ Մի որդի հօրն միայնոյ, և միածին անդրանիկ աստուածամայր տիրածին կուսին, արարիչն յեղականումն մարդելով ճշմարիտ սկզբնածին։ ահա ոչ զինի եղելոց երկրաստեղծիցս նմանութեան, այլ նոր և չքնաղ, թագաւորաց վեհափառ, որ ոչ ցուցաւ 'ի դարս, և ոչ գոյացաւ 'ի ժամանակս, անդրանիկ ըստ սաղմոսողին, քան զամենայն թագաւորս երկրի։ անապական խառնութեամբ կերպացեալ զմերս 'ի մարմնի, ըստ օրինի հոգւոյ ընդ մարմնոյ, և ոսկւոյ ընդ հրոյ, և կամ յայտնապէս իսկ ասել ըստոյ ընդ օդոյ, ոչ փոփոխեալ և ոչ անջատեալ։ Կոյն ինքն եկեալ կամաւորութեամբ 'ի խաչն մահու, իբր զգառն անաբատ 'ի սպանդ վա-

բեցաւ, և հանդերձեաց զօրեղինքն իշխանութեամբ զարարածոց իւրոց փրկութիւն. չարչարեալիսկութեամբ կենդանեօք՝ եղաւ 'ի շիրմի անորոշելի յաստուածութենէն. Եռօրեայ թաղմամբն 'ի դժոխս՝ սանդարամետականացն վհատելոցն բանտարգելիցն քարոզեալ ցուցաւնորոգումն և լոյս: Եւ աւարտեալ զանօշինականացն զփրկանաւորն զանաեսութիւն, աստուածապէս վերակենցաղեաց. և կառավարեալ 'ի թես հողմոց ելեալ 'ի Քրովքէս ամսպով անքննութեան ծածկեցաւ. համբարձեալ գեր 'ի վերոյ ամենայն երկնի, նստաւ Ճոխութեամբ յաթուն իւրական սկզբնաժառանդ հօրն հաւասարութեան, յորմէ և ընաւ իսկ ոչ մեկուսացաւ, անկորուստ առեցելովիս և աննուազ սեպ հականօքն: Որով և եկեսցէ 'ի դատաստան հատուցման, քննելզծածկեալսն կշռութեամբ չափոյ արդար իրաւանց. որում սպասեմք և յոր աղօթեմք, հաւատացեալք յամենայնի՝ ամենայնիւ ամենակալ տէ.

ըութեան նորա . որ արդարեւ մինն  
է միայն 'ի միայնոյն՝ 'ի միոյն փա-  
ռակցութիւն յաւիտեան երկրպա-  
գեալ :

Զ . Բարեբանեմք միշտ և օրհնեմք  
ընդ Որդւոյ և ընդ Հօր և զհոգի էու-  
թեան նոցին , ամենազօր , Ճշմարիտ ,  
կատարեալ և սուրբ , որ յանէից  
դոյացոյց զբոլոր եղեալքս ամենայն .  
ինքնագործ հոմիշխան երկուցն ևս  
ընդ նմին անեղծ և անսահման թա-  
դաւորութեան . որ ինչ սլատձառն  
առաջին և բանն ահաւոր նորին  
ինքնութեան , նոյն ինքն և հոգին  
բարձրացեալ : Բարի ինքնակալ , ա-  
մենից բաշխիչ զհօրն սլարդես 'ի դո-  
վեստ անուան փառաց միաձնին . որ  
ազգեաց յօրէնսն , չնչեաց 'ի մար-  
դարէսն , փչմամք ազգակցին տպա-  
տրեցաւ յառաքեալսն , կերպիւ ա-  
ղանւոյ ցուցաւ 'ի Յորդանան 'ի մե-  
ծութիւն փառաց եկելոյն , փայ-  
լեաց 'ի գիրս աւանդականաց , արար  
հանձարելքս , զօրացոյց իմաստունս ,  
լոյց վարդապետս , օծ արքայու-  
թիւնս , օժանդակեաց թագաւորս ,

Ետ վերակացուս, հրամանատրեաց փրկութիւնս, զմկրտեալսս 'ի մահն Քրիստոսի՝ 'ի բնակութիւն իւր մաքրազարդեաց. զոր Հայր և Որդի, ըզնոյն և Հոգին ներգործեաց, և ինքն է Աստուած խնկեալ տիրապէս ամենայն յամենայնի:

Է. Քանզի ոչ նախաթուելովն յԵրրորդութեանն ոք մեծ ինչ քան զմիւմն, և կամ զկնի անուանիլն նուաստագոյն առ նմանն, և կամ 'ի մինն ասելովսառնակութիւն գոլդիմացն, և կամ յԵրիցն տրոհումն ուրոյնութիւն ել կամացն: Քանզի անմեծար հայր ամենայնիւ, եթէ ոչ զբանն ունիցի ինքեան զօրութիւն. որպէս ոչ գոլով ընդ նմա հոգւոյն՝ անհագագ ոմն և անկենդան և առ ամենայն հրաման նուազեալ: Իսկ բանն եթէ ոչ անուամբ հօրն ծանիցի, որբ ոմն և կտոմլքեալ և կամ 'ի մահացուե ումեմնէ ոչէի: Որպէս և հոգին եթէ ոչ 'ի պատճառէն նշանակեսցի, ասլաշուք ոմն թափառեալ իբր զշունչ ինչ անդասելի: Այլ եթէ ոք հակաճառական բա-

նիւ յաւակնի կապտել զհայր՝ ի յիւր  
մէ բանէն, որ թէ էր երբեմն յոր-  
ժամէ չէր, և անբանութեանն բամ-  
բասանօք սլատուել վարկանի զվեհին  
մեծութիւն, և կամ սարկութիւն  
տացէ բղխողին՝ ոչ բնաւորաբար գո-  
լով հոգեոր, որով այլ իմն գոյու-  
թիւն օտար մուծանել և կամ ամբո-  
խումն ինչ այլայլական յանարատ  
պատիւմիութեան սուրբ Երրորդու-  
թեանն, զայնապիսիսն քարամբք պար-  
սից հաւատոյ բանից, իբր զդժնդակ  
դես դիմամարտիկս գաղանականս  
հերքեալ՝ ի միջոյ՝ ի բաց հալածեմք,  
եդեալ՝ ի նզովս զնոյնս ընդ նոսին՝  
փակեմք ընդդէմ նոցին զկենացն  
մուտեկեղեցականս գաւթի՛: Ուստի  
զսուրբ Երրորդութիւնն փառաւո-  
րելով՝ ի նոյն տէրութիւն միակցորդ  
հաւասարութեան, զուգաձայն սըր-  
բաբանութեամբ, հանգունատիպ  
հարթութեամբ, օրհնեալ և փառա-  
ւորեալ յերկնի և յերկրի,՝ ի ժո-  
ղովս անդրանկացն, և յազգս երկ-  
րածնացս բանականաց, յաւիտեանս  
յաւիտենից: ամէն:

Ը. Արդ զայս գոչումն ծածուկ  
խորհրդոց կերպաւորելոց յայսմ  
մատենի՝ ամենալուր ականջաց մե-  
ծիդ Աստուծոյ ընծայեցուցի. սո-  
վիմբ սպառազինեալ, և ապա մտի  
'ի հանդէսն : Այլ ոչ եթէ կարօ-  
տեալ իմոյս ինչ ձայնի այսու մեծա-  
նաս, որ մինչ չեւ ստեղծեալ եր քո  
զամենայն՝ նախ քան զլինելն երկնի  
փառաբանչօքն անմահից և երկրա-  
ստեղծս բանաւորօք, դու քեզէն՝ ի  
քումդ լրութեան փառաւորեալ  
իսկ էիր. այլ զի զմերժեալս զիսյար-  
գեսցես, անձառ քաղցրութիւն,  
ճաշակել զքեզ բանիս հալորդու-  
թեամբ : Իսկ զի՞նչ պարտ իցէ ըստ  
արքունական հրամանիդ կենաց կա-  
նոնիդ ասել, ադոնայի տէր, և զհրա-  
մայեալ պատուերդ ոչ առնել. որ  
ինձէն իսկ զիս զոսկեղէն տախտակս  
խօսուն՝ նուիրեալ քումդ պատգա-  
մի, զդրեալս մատամբդ Աստուծոյ  
եղծի, որ և խորտակելն է իրաւացի.  
և ես տիսրատեսակ մըով զերկրորդն  
նմանութիւն առեալ հայթայթեմ:  
Այլ արդ քանիզի բազմօք պաղա-

տեցայ դրուակօք խանդաղատակա-  
նօք, որ ոչ է գրեալ 'ի յայս կարգ  
ձայնի, լուր բարեգութ, ըստ սմին  
բանի այնմամենայնի : Եղիցի և այս  
աղերս բարբառոյ հայցման աղօթից  
յօդեալընդ նոսին . թերես 'ի մաք-  
րոց և 'ի կամարարից այս նուեր հա-  
ցի պանից բաղարջուց իւղով զանդե-  
լոց 'ի սեղան փառացդ քոց մատիցէ :

Յ. Այլ դու բարերար և յամե-  
նայնի մարդասէր, Փրիստոսդ մի  
Աստուծոյ միոյ, հզօր և ամենակալ,  
որ յաղթես գթութեամբ խնամոց  
քաղցրութեան քո, ոչ հասարակա-  
կանաց միայն մարդկութեանս իմոց  
դոյակցաց, առ որս յաւէտ է ամ-  
բոխութիւն և բիւրամանեայ հա-  
կառակութիւն, այլ և հրեշտակացն  
անախտականութեան, նաև և ևս  
քանզայս՝ սրբամնելոցն անարատու-  
թեան . յորոց մի էր և չեղիաս, ո-  
րոյ ցոյցք խստութեանն 'ի Փորեք  
լերինննշանակեցաւ յերիս օրինակս,  
'ի շարժումն մեծ, 'ի հողմն ուժգին,  
'ի հուրն կիզանողական . իսկ քոյդ  
չեղութիւն երկայնմառութեան 'ի

հանդարասութիւն մեղմութեան ո-  
դոյն քաղցրութեան . քանզի կամաց  
ողորմութեանց դու միայն ես , ըստ  
գրեցելումն : Վասն զի թէ և հա-  
ճոյք գտան մերասերքս առաքինու-  
թեամբն յեղանակեալ յայլնմանու-  
թիւն վերնային , սակայն երկրածինք  
են և նոքա , ընտրեալք՝ ի մարդկանէ .  
իսկ դու ոչ ունիս չարանալ իսկու-  
թեամբ բարիդ , յամենայնի օրհնեա-  
լըդ , ամենեին փրկութիւնդ , ամե-  
նայնիւ հանդիսոդ , համայնից ան-  
դորրութիւնդ , համօրէն ախտացե-  
լոց դեղ առողջութեան , աղբիւր  
ջրոյ կենդանւոյ ըստ Երեմիայ : Դարձ  
առ իս և ողորմեա ինձ , որ այնքան  
ծարաւես պասքիս անկարօտդ Աս-  
տուած իմում փրկութեան , մինչ զի  
զուարթնոցն երկնից անմահից օրհ-  
նաբանողաց բան իմն ընծայեցեր  
մարդկօրէն փրկական քահանայա-  
սէս և քաւչապետաբար՝ անեղծա-  
կան յարակայութեամբ մշտնջենա-  
ւոր սլաղատանս օրհնեալդքո դթու-  
թեան ՚ի մերոց դիմաց կենցաղակա-  
նաց վասն իմ լքելոյս հաշտութեան

մաղթել, ողորմեա Երուսաղեմի . որ  
է լուսաւոր խորհուրդ յայց ելանե-  
լոյ մեծիդ յայտնութեան առ հրեշ-  
տակականն թափուր տեղի ստոր-  
անկելոց 'ի ձեռն մարդկան՝ քո կը-  
ցորդութեամբ աւետարանեալ ա-  
ռակաւ այսր օրինականս , Երուսա-  
ղեմի :

Ժ . Արդարե լուար բարեգութ ,  
անսացեր թագաւոր , ունկնդրե-  
ցեր կեանք և յոյս , 'ի միտ առեր  
երկնաւոր , յարդեցեր հզօր , նկա-  
տեցեր ծածկագէտ , տեսեր ինա-  
մակալ , կարեկցեցեր անպատում ,  
խոնարհեցար միշտ բարձրեալ ,  
նուաստացար ահաւոր , յայտնե-  
ցար անձառ , ամիփոփեցար ան-  
սահման , քանակեցար անքնին , մա-  
ծար ձառագայթ , մարդացար ան-  
մարմին , շօշափեցար անքանակ , կեր-  
պաւորեցար անորակ , լցեր իսկա-  
պէս զաղաչողացն բաղձանս : Դու  
խկ եղեր թշուառացելոյս ինձ՝ ձայ-  
նիւ զուարթնոցն՝ բարի բարեխօս ,  
միջնորդ կենդանի , պատարագ ան-  
մահ , սպանդ անվախճան , նուեր

մաքրութեան , ողջակէզ անծախ ,  
բաժակ անսպառ : Ահա ողորմած ,  
մարդասէր , օրհնեալ , միշտ կատա-  
րեսցես առ մեղուցելոյս զբարե-  
բաստութիւն կամաց քոց կենդա-  
նատուաց , գովեալ երկայնամիտ . և  
քեզ վայել է փառք յաւիտեանս .  
ամէն :

## ԲԱՆ ԼԵ .

Վերսալին յա-նլո-ած իրին հեծո-թեան  
նորին հսկողի առ նոյն աղջը մազնանաց  
բանին .

Ի իսուս սրբից իսօս + ընդ Աստուծոյ :

Ա . Ես արդ , տէր զօրութեանց ,  
մեծութիւնահեղ , անտարակոյս տե-  
սաւորութիւն , կամք ամենաընդար-  
ձակ , առատութիւն անսպակաս , ով  
ոք զօրեսցէ տօնել հանդիսիւ պար-  
երդութեամք 'ի միոյ կաթուածոյ  
ցողոյ քումդ բարութեան , որ ցանկ  
գեգերիս պատրաստել պատճառս

հնարից խմում փրկութեան : Եւ զոր  
մեծն է գրեցից պատմել յապառ-  
նիսն . քանիզի ոչ անուանեցար հրեշ-  
տակասէր , և որ զպետութիւնս նո-  
ցունց հաստատեցեր , այլ և զերկինս  
դամբարօքնոցին զմատանց քոց գործ ,  
ոչ դրեցեր երբէք սիրել զնոսա . այլ  
առեր 'ի պատիւ մեծաց գովեստից  
առաջին դասեալ զմարդասիրու-  
թիւնն : Վասն որոյ կրկին մեծա-  
ցուցեր քեզ անուն անձառ 'ի խոր-  
հուրդս սոսկալիս . զերկինայինս լու-  
սակերպիցն կոչեցեր զնոսին սոլա-  
սաւորս և դլսաւորս յատուկ մատա-  
կարարութեանց . իսկ զստորնային  
ծնունդս մահկանացուաց տիրա-  
կան և աստուածական ոլաշտելի ա-  
նուամբդ պերճացուցեր : Անցեալ  
վերստին ըստ սահման կշուռութեան  
չափոյ , լայնեցեր քեզ կտակս դրոց  
ճառից անբաւից զանապակ ծոր-  
մանն ծայրադունին վերնում բա-  
րութեանն : Եւս և 'ի մարդանալդ  
քո միդ յէռութենէն , ոմանց վասն  
ինքեանց և կիսոց վասն այլոց զեղեր  
առատութեամբ զտուրս կենաց , ա-

ըուեստս բազմօրինակս , սքանչելիս  
տառուածագործս , նշանս ճշմար-  
տատեսիլս : Որպէս զի թէ անդամա-  
լուծին պակասելոյն 'ի հաւատոցն  
հոգաբարձացն առաջարկութեամբ  
զցոյցս յուսոյն՝ գթացեալ ողորմե-  
ցար , և ո՞րչափ զօրեսցէ առաւել  
բան քո ամենակար առ ախտալից  
մարմնոյս մաքրութիւն աղաղակողիս  
հառաջման . քանզի արդարեւ մեծ  
են չափք հրաշից , քան զանմաք-  
րեալս հոգի սուրբ հաստել , զլուա-  
ցեալս սկատկեր անտիրելի աղաոյ  
ներգործել . նա զի և երկրորդս ա-  
ռաւելութեամբ յաւաղանին չնորհ  
յաճախեալ՝ զփառսն հայրենի բար-  
ձրացուցանէ :

Բ . Դու ես աէր որ սրբես զմեզ,  
որպէս ընտրեցելոյն քո նախատապա-  
ւորեցեր Սովորեսի . դու ես , որ 'ի  
մեղսեյանօրէնութիւնս վերակացու-  
եղեր տոհմին Յակոբայ , մինչ յե-  
գիպտացւոցն երկրի ընդ խաւարն  
հեթանոսացընտանենային : Դու ես,  
որ օրէնսդէտ առնես զմեղաւորմն  
'ի Ճանապարհի , ըստ բանի երգո-

զին Դաւթայ . դու ես որ փոխա-  
տրես զքարեղէն սրտից կարծրութե-  
'ի լոյծ կակղութեան մարմնոյ գոյ-  
ութեան բանի ընդունելութեան :  
Դու ես, որ բաւես ընձեռել սիրտ  
այլ, և ճանապարհ մի՛ երկնչել 'ի  
քէն զբովանդակ կենացն սահման .  
դու ես, որ տաս զերկիւղքո՛ի միաս  
խստութեան առ քեզ ուշ ունել  
հաւատովք , ըստ մարդարեիցն ձայ-  
նի :

Գ . Զօրհնեալ քո շրթանցդ զաշ-  
խարհաստեղծ բերանոյդ զաստուա-  
ծեղէն անձրեւացդ զկեցուցանողդ  
կաթուած մատո լսելեացս դրանց  
բացարան , որովզօձին խորամանկու-  
թիւն բանսարկուին թիւնից բարձ-  
ցես և բժշկեսցես : Ամենակալդ ձե-  
ռօք զիսօսականացս շարժողական  
դործի ըմբռնեալ՝ ազդեազրութիւն  
ձայնի , որ տաս բնաւից ընտրութիւն  
բանի . զի դաստիարակեալ զպատ-  
շաճականնե՝ մի՛ յանդդնաբար խօսե-  
լովիբր զնախնին լքայց 'ի յուսոյդ,  
և անբանութեան մատնեցայց վա-  
նեալ յորսողէն : Լուսաւորեա մե-

ըրստին զլսաւարեցեալ հոգւոյս աշո  
կենդանաբաշխ աջոյդ կարկառմամբ,  
զի մի համարձակութեանն շիջեալ  
լապտեր շնչմամբ վիշապին՝ 'ի ներ-  
քոյ գրուանին ստորածածկեցայց :  
Բարձ զանօրէնութիւնս իմ, տէր, և  
ընկեա 'ի խորս ծովու . որ է փոքր  
առակ մեծութեան քումդ անբա-  
ւութեան, ըստ մարդարէին, զիմս  
ընկղմել չարութիւն : Կանգնեա կոր-  
ծանեալս անձին նշան վստահու-  
թեան, զի մի յուսահատութեանն  
կոթող կառուցեալ զծածկեցելոցն  
բոլոքեսցէ : Բաց, հզօր և գթած,  
զբժշկարանիդ կենաց վարդապետա-  
րան, զի զառ ի ներքոյսն մշակու-  
թեան կորուսչին սերմանց՝ մանդա-  
դաւ կամացդ հուպ առ արմատիսու-  
զեալ հնձեսցես : Դէմ եղեալ հե-  
տեւել առ քեզ բոլորիցդ Նստուած՝  
պետրոսեան օրինակութեամբն, 'ի  
կենցաղիս ծովու մեղանացս ալեաց  
ընկլուզայ . մատո ժամանեա զաջդ  
կեցուցիչ յօդնականութիւն ինձսա-  
սանեցելոյս : Ընդ քանանուհւոյն  
ձայնի 'ի խորոց սրտիս պաղատիմ,

ԱՅ  
սովեցելոյս ասսպականասովաս կաղ-  
կանձողական ամենաթշուառ վտան-  
գաւորիս , ապրուստ կերակրոյ փըշ-  
րանաց հացի ՚ի բազմազեղդ քո սե-  
ղանոյ մասնաւորեսցես : Աքա փըշ-  
կութիւն նիւթոյ խորանիս որդւոյս  
դառնութեան , որ եկիր խնդրել և  
կեցուցանել զիս զկորուսեալս : Զի  
քո է մեծութիւն , յաղթութիւն և  
զօրութիւն , և դու ես քաւութիւն  
և բժշկութիւն , նորոգութիւն և երա-  
նութիւն , և քեզ վայելէ փառք և  
երկրապատկութիւն յաւիտեանս . ա-  
մէն :

## ԲԱՆ ԼԶ.

Վէրսաֆին ցաւ-նը-ած իւին հեծութեան  
նորին հսկողի առ նոյն աղերս մաղթանաց  
բանի .

Ի խորսոց սրբից խօսի ընդ Աստուծոյ :

Ա . ԵՌ քանդի անթիւ են յաճա-  
խեցեալ և գերազանցութեամբ միշտ

առաւելեալ փրկանաւորդ արգասիք  
շնորհաց առ պարտուցս իմոց առա-  
ւելութիւն, չարչարանացդ հանդէս  
և յանձնառութիւն : Զափիդ ամ-  
փոփիչ ամենից հոգւոց գոյից արտ-  
ըիչ 'ի գործարանի մահուն նշանի  
խաչին հեղուսեր, զի զձեռնարձա-  
կութիւնն իմ ընդդիմութեան կա-  
մաց քոց լքցես : Զընթացողականդ  
լծակցութիւնն երկոցունց ոտիցդ կե-  
ցուցողաց՝ յանարդելութես պատ-  
ճառ՝ 'ի պատժարանի փայտին մա-  
ծուցեր, զի զփախուցեալս վայրա-  
դութիւնն թշուառացելոյս գրաւա-  
կանեսցես գթածաբար :

Բ. Ոչ գօսանալձեռաց կռվողացն  
հրամայեցեր օրհնեալ գագաթանդ,  
որ զթզենւոյն տունկ առ ժամայն  
չորացուցեր, զի և զառ իս ներելոյդ  
օրինակ կանխաւ աւետարաննեսցես:  
Ոչ գանողացն ապիրատութեան ըդ-  
խոստովանեալդ Աստուած սպառ-  
նացար, որ զարուսեակն մթացուցեր,  
զի մահացելոյս անձին բարութիւն  
հանդստեամբ հանդերձ գործեսցես:  
Ոչ զհայհոյչացն հնարաւոր չարա-

բանութիւն կապտեցեր , որ զլուս-  
 նին պատկեր երանդաւ արեան գու-  
 նեցեր , զի զանհամարձակ լեզուս 'ի  
 գովեստ քեզ զօրացուսցես : Ոչ նա-  
 խատողացն մոլեգնութեան սաստե-  
 ցեր , որ զտարերս սասանեցեր , զի  
 զթշուառացեալս գլուխ գթութեա-  
 նըդ օծմամբ իւղեսցես : Ոչ 'ի մոլո-  
 րեցուցիչն կարդալ զքեզ աստուա-  
 ծասպանիցն՝ զօդուած ծնոտիցն բա-  
 ժանեցեր քակտեալ 'ի միմեանց , որ  
 զկարծրութիւն վիմացն հերձեր , զի  
 զանունակս բարեաց հոգիս՝ 'ի բեր-  
 մանէ ընդունայնութեան ողորմու-  
 թեամբ հանդարտեցուսցես : Ոչ ըզ-  
 պահապանացն սուրս ընդերաց իւ-  
 րեանց մատուցեր , որ զորովայն օձին  
 սահեցման հողոյ մատնեցեր , զի ըզ-  
 տառապեալս մարմնոյ ոսկերս իբր  
 'ի դանձարանի պահեալ , կենաց յա-  
 րութեան արժանացուսցես : Ոչ 'ի  
 ինքելն զշիրմին փականս կենդանա-  
 կիր քո գերեզմանին անդրէն յոր-  
 սայսեալս զնոսին յանդունդուերկրի  
 սուզեցեր , զի 'ի տապանակի ան-  
 ձինս զնշսար լուսոյդ հանդուսցես :

Ոչ 'ի համբաւելն զքեղ կորուսեալ .  
 և իբր զերկրաւոր մարմին գողացեալ ,  
 համայնաջինջ և ամենասպառ զերմին  
 ծննդոցն կրծատեցեր , զի զիս զա-  
 նարժանս յիշատակի ընտրութեան  
 բարեաց՝ անկորուստ և անվասելի  
 ընդ փրկեցելոցն հաղորդեսցես : Ոչ  
 յարծաթոյն կրկնակասկէն կաշա-  
 ռաձգութիւն , որ 'ի դանձարանէ  
 հօր քում նուիրանաց քեղ դրաւ  
 մատնութեան և անարգութեան  
 մասնաւորեցին՝ զուրացողացն մո-  
 լեգնելոց , ըստ հին հարուածոց հա-  
 նոյն Մովաքու 'ի յարձան քարի յե-  
 ղանակեցեր , զի զիս զվրիպեալս 'ի  
 հաստատութեանց և ընդ իշխանու-  
 թեամբ մահուվածառեալ՝ արեամբ  
 քո փրկեալ , 'ի հաստատութիւն վի-  
 միդ կառուսցես : Օրհնեալ կրկին ,  
 որհնեալ վերստին , յամենայնի միշտ  
 օրհնաբանեալ յաւիտեանս յաւի-  
 տենից . ամէն :

## ԲԱՆ ԱՅ.

Վերաբին յա-նըստծ իրին հեծութեան  
նորին հակողի տո նոյն աղերս մաղթանաց  
բանի .

Ի Խորհ օրդին իօստ ընդ Ասպարծոյ :

Ա. Առաջդ գումարտակ վերա-  
դասեցեալ բարեշնորհութե քոյդ  
պարզեաց առ իմս երախտիս, ով ա-  
մենագութ բարերար գովեալ և ա-  
մենազօր, թէ և սակաւք շարագրե-  
ցան աստանոր եղեալ, այլ արքայա-  
զունք են և իշխանականք ինքնակա-  
լութեանց, որդիք զօրութեանց,  
ծնունդք վեհից, մեծափառք, լու-  
սանորոգք և հրաշապատիւք . յաղ-  
թողական վերամբարձութեամբդրօ-  
շիւք հռչակեալք ըստ գլխոց գլխոց  
պսակապաճոյճգեղազարդելոց, բե-  
րեալընդ ինքեանս անթիւ պետու-  
թիւնս օրհնաբանողաց, համբոյրս  
հեղս երջանիկս և խաղաղականս աս-

տուածային հարազատութեանց այնոցիկ նահանգաց, զորոց մարդարէն մազթեաց ասելով. Զարթոտէր զզօրութիւնս քո, և եկ կեցուցանելը մեզ. որքյոյժ զօրեն հալածել զմեղս, և զանյուսութեանն կարկուտ հալել և փախուցանել, քան թէ նախամարտիկն զինուորութիւն երկնային սպարուն զգիշերավարն խաւարասէր սկզբնաներհակ բարւոյն Աստուծոյ: Քանզի և զբնաւն այսքանեացս ձրից որ 'ի բարձրելոյն ինձ անձրեւցաւ տկարիս, թշնամւոյս և ապախտաւոր ծառայիս, անձառ է ասել. իսկ եթէ համարձակեսցի ոք զօրել խօսել, ընսակաւս 'ի բազմացն քան թէ զիսկութիւն համանգամայնիցն. առայսոսիկ զառաջին նիւթն յիշելով յորմէ հաստեցաւն, իբր զտկար ոք նկուն 'ի զօրութենէ մեծէ հերքեալ սպարտեսցի:

Բ. Այլ թէպէտ և այսպէս գրեցի, և դարձեալ զնոյն վկայեմառ թերի խակութիւն հողոյս՝ և կատարելու թիւն հաստողիդ, և առ բարիսն իմ չարժանութիւն, սակայն ամենալոյն

աննախանձ և բազմազեղուն գովեալ  
արարչութեանդ զօրեղութեան վա-  
նեալ են կարծրութիւնք արտաքե-  
րութեան սրտի բանսարկուին . որ  
քարին առակաւ՝ յուսահատն վհա-  
տութեան , սպառմամբ խոպանման  
աղբերացս Երկուց , որ 'ի զգայա-  
կանս Եղեմայը լինել պատրաստեաց  
տնկողն , զի ոռոգեալ ծաղկեսցի նո-  
վաւ որ 'ի յիս բարեգործութեան  
կենսատունկն դրախտ , ահա մի ցա-  
մաքութեամբ արտասուացս՝ աղան-  
դահնար պատրանօք՝ չարաչար խո-  
րամանկեսցէ վերստին հանել 'ի  
փափկութենէ նախնոյ վիճակին :  
Խոկ յորժամկացցէ Աստուած համ-  
բարձեալ հրաշխւք արուեստից 'ի  
միջաստուածոց հաշտարանացն խա-  
ղաղութեամբ , բարձեալընդինքեան  
զնորհացն կտակ , առ որ ամենայն  
վիասակարութիւնք խարդախութեց  
և կարճմտութիւնք սրտնեղութեց  
իբրընդ վիմեղէն լերին պնդութեան  
բախեցեալ ցնդին , ջրոյ օրինակաւ  
սակաւու հեղեալ , և կամ հողոյ խոր-  
տակմամբ փշրեալ :

Գ. Արդ չե իմ կշտամբանքս ըստ  
ձայնին Յոբայ ՚ի մարդկանէ իցեն,  
այլ յամենատես աչաց վերին հրա.  
մանիդ, մտեալ ընդ խղճիս տագնապ  
երկիւլիս, սոսկամ սասանեալ յա.  
մենայն կարծեաց. ապաւինիմև արդ  
անձամբ բեկելով ՚ի յոյսդ հաստա.  
տութեան կենդանի անեղծ. զի ո.  
զորմութեամբ նայեցեալ ՚ի յիսիբը  
՚ի պարտաւոր կորստեան պատժոց,  
առաջի բարերարութեան երկնայ.  
նոյդ յանդիման եղեալ ապաձեռն  
անթոշակութեամբ, զքոյդ երախ.  
տիս անպատում փառաց բերելով  
ընդ իս՝ յուշ քեզ արկանեմ. որ ոչ  
մոռացմամբ զբաղեալ նիրհես, և  
ոչ թարթափմամբ աչաց ընդմիջեալ  
զհեծութիւն կրից անտեսես: Վե.  
րացո յինէն, աղաչեմ զքեզ, խաջիւդ  
լուսոյ զիսեղդ վտանգիս, հոգարկու.  
թեամբ տրտմութեանդ՝ զտարակու.  
սելի տիսրութիւնս, փշանիւթ պսա.  
կաւն՝ զբողբոջ մեղացս, զարկուա.  
ծով գանին՝ զհարուած մահուս,  
ապտակին յիշմամբ՝ զկարիս ամօ.  
թոյս, թշնամանօք թքոյն՝ զանգոս.

նելի գարշութիւնս, լեզւոյն ճաշակ-  
մամբ՝ զհոգւոյս գառնութիւն։ Ահա  
քո են այս ամենայն բարութիւնք  
անբովանդակելելիք՝ Աստուծոյ միոյ  
միածին որդի։ առ որովք զչարու-  
թիւնս իմ յիշատակեալ՝ զամենօրհ-  
նեալ անուն քո կարդամ բարձր ա-  
ղաղակաւ իմանալեացս պաղատա-  
նօք։ Տես 'ի խոստովանութիւն զըզ-  
ման պարտութեան ամաչեցելոյս,  
և տուր ողորմութիւն որդւոյս սա-  
տակման մահուն անմահի։ զի 'ի  
բազմութեան իմոցս մեղաց՝ վերստին  
կրկնեալ նովին աճեցմամբ առաւե-  
լութեամբ՝ քո ողորմութիւնդ աւե-  
տարանեսցի, հոչակեալ հնչմամբ ա-  
հաւորութեան յերկնի և յերկրի։  
Եւ քեզ ընդ Հօր Հոգւովդ սրբով  
փառք յաւիտեանս։ ամէն։

## ԲԱՆ ԱՅ.

ՎԵՐԱՄԻՆ ՅԱ-ԵԼՌ-ԱԾ ԽԵՒՅՆ ՀԵծութեան  
ՆՈՐԻՆ հոկողի առ նոյն աղելս մաշնանաց  
բանի .

Ի ԽԱՐԿՈՂ ԱՐԴԻՇ Խօստ ընդ Ասպարծոյ :

Ա . Բազմ արդ որպէս երբեմն  
յայլընթերցուածի որ 'ի սկզբնաւ-  
որականացն կարգի՝ զմեղանացն  
զիսաւարային ծնունդո գլիսաւորացն  
օրինացն մարմնականացն անդամոց  
գրեցի , յորոց տիրեցայ ժառանգս  
մահու , նոյնալէս և յայսմ սահման  
ընտրութեան բանի զլուսածնելոցն  
զազատարարն օրէնս հոգւոյն կե-  
նաց որ 'ի տէր Յիսուս՝ յիշատակեցից  
նուազս յոքունց , իբր յանբաւ բազ-  
մութեանց ծովու կաթիլ միառեալ:

Բ . Քանզի են արդարեւ կայսե-  
րականիք ոմանիք 'ի բարձրութեանն  
գահի բազմեալք , թոշակաւն շնոր-  
հաց լցեալք և հարստացեալք : Թա-

գաւորն և սիրեցեալք իւր, արքայն  
և պատուաւորք իւր, պսակեալն և  
իշխանականք իւր, բարեհոչակեալն  
և հնչմունք իւր, յաղթողականն և  
փողք իւր, զօրաւորն և մարտիկք  
իւր, դովեցեալն և փառք իւր, փե-  
սայն և պարաւորք իւր, դշխոյն և օ-  
րիորդք իւր, փեսաւէրն և հանդեր-  
ձանք իւր, ազատութիւնն և շնորհք  
իւր, այցելութիւնն և ձեռն իւր,  
խոստումն և քաւութիւն իւր, պահ-  
պանութիւնն և աջ իւր, սկարդեն և  
դարդ իւր, նշանն կենաց և ամրու-  
թիւն իւր, կնիքն և նկարագիր իւր,  
ամսին և հովանի իւր, արուեստն և  
հրաշք իւր, հոգին և անեղծութիւն  
իւր, բանն և կատարած իւր, ուխ-  
տադրութիւնն և լրումն իւր, զօրու-  
թիւնն և հրամանք իւր, լուացարանն  
և սքանչելիք իւր, մանանայն և անա-  
պականութիւն իւր, վէմն կենդանի  
և վտակք իւր, սիւնն հրոյ և ճառա-  
գայթ իւր, որոտումն և աղդմունք  
իւր, յոյսն վերին և փրկութիւն իւր,  
ծառն օրհնութեան և պտուղք իւր,  
բարունակն և բարութիւնք իւր։ Եւ

զի մի զբնաւն ասելով յամենայնէն վրիպեցայց, իբր յարեգակնէ այլայ-  
լեալ աչաց տկարութիւն, 'ի շատն  
ասելլուցից և 'ի սակաւն ժամանե-  
ցից, բաւականացեալ ամէնապիկար  
կարիւ :

Դ. Բայց աւաղ յաւէտ աստանօր  
թշուառացելում եղկելի անձինս,  
քանզի կարգ բանիս բերէ ինձ խառ-  
նելընդ ձայն աւետեացս բողոք դու-  
ժիս. վասն զի ընդ այսոսիկ առընթեր  
սորին գայ արդարութիւնն և կշիռքն,  
վճիռն և հատուցմունքն, քննու-  
թիւնն և լոյսն, յանդիմաննութիւնն  
և ղամբարքն, մերկութիւնն և պատ-  
կառանքն, յայտնութիւնն և ամօթն,  
ամբիծն և վաստակքն, թիւրեալն և  
սպատիժքն :

Դ. Դարձեալ վերստինաշխար կըր-  
կին եղկելոյս, քանզի գայ հասանէ  
առ հասկ հասակիս անհնարին բար-  
կութեամբ մանդաղն առ հունձսն,  
դատաւորն առ ատեանն, հզօրն առ  
բեմն, սպառնացեալն առ կորուստն,  
բաղուկին առ դատաստանն, դաւա-  
զան խրատուն առ հարուածն, ըս-

ԱՅ  
պառազինութիւնն առ նախանձն ,  
հովիւն առ ընտրութիւնն : Քանզի  
բանն զոր խօսեցար ընդիս , նա դատի  
զգատապարտեալս 'ի վերջնումն ա-  
ռուր հատուցմանն : Այլ կանխեա ,  
բարեգութ , նախընծայ քաղցրու-  
թեամբ առ նուազ հեծութիւն վա-  
րանական երկիւղիս , և զօրութիւն  
ընձեռեա ձեռամբդ օրհնութեան 'ի  
յետին տագնասլիս առաջինդ քո օ-  
գնութեամբ մխիթարելքժկելքա-  
ժել և կենագործել : Եւ քեզ փառք  
յամենայնի յաւիտեանս յաւիտե-  
նից . ամէն :

## ԲԱՆ ԼԺԹ.

Ա ն ը ս դ ի ն յ ա ն ե լ ս ս ծ ի ր ի ի ն հ ե ծ ս ս թ ն շ ա ն  
հ ա ր ի ն հ ա կ ո ղ ի ա ռ ն ո յ ն ա ղ ե ր ս մ ա ղ լ ւ ա ն ա ց  
բ ա ն ի ։

Ի խորոշ սբահի խօսք ընդ Աստոծոյ :

Ա . Ե Կ քանզի զկերպարանն ա-  
ռաջին լքի 'ի վեասակարին թելա-

գրութենէ իմովս ծուլութեամբ կո-  
րուսեալ'ի սպառ , ցուցից արդ այժ-  
մուս զհնոյն յիս տեսակ . ողորմելի  
հեծութեամբ թախծեալ'ի հոգի ,  
անաշառ խայտառականքը հրապա-  
րակաւ 'ի յեկեղեցիս բազմութեան  
ազգաց վերապատմեցից բարձր ձայ-  
նիւ , բարբառով մեծաւ աղաղակե-  
լով :

Բ . Մատեանս շնչական բարդեալ  
'ի յինքեան ներքոյ և արտաքոյ ողբս  
և վայս և ձայնս , ըստ տումարի տես-  
լեանն Եղեկիէլի , քաղաքս անսպա-  
տուար և անմահարձան , յարկս ու-  
նայն 'ի գոնափակաց ամրութեանց,  
աղս տեսակաւ՝ այլ ոչ համեղու-  
թեամբ , ջուրս աղտաղտին անախոր-  
ժելի ծարաւեաց արբման , գետինս  
անօգուտ հերկագործութեան, սահ-  
մանս լքեալ հեղեղավայրս կնիւնոյ ,  
խողանացեալ և տատասկաբեր ան-  
դաստանս , աստուածախնամերկիրս  
անձնաւոր՝ որ բանսարկուին պատ-  
րանաց մշակեցայ , իւղընծիւղ փայ-  
տըս պաղակորոյս , հատանելի ծառս  
ունայնաբոյս , կրկնամեռ . խօսուն

տունկս անյօյս , ամենաշէջ ճրագա-  
րանս անլոյս : Արդ վերստին առ  
սոյն բերելով զայս նմանութիւն  
աւաղականաց , բազմօք կրկնեցից .  
որ ամօթոյն դառն պատուհաս սլա-  
հեալ կայ հիփոյս , կրծումն ատա-  
մանց և անկետ լալումն աչաց եղկե-  
լոյս , հայրական ցասումն անսպու-  
ժելի՝ դառնութեան որդւոյս , ա-  
պականութիւն աննորոգելի՝ մեղու-  
ցեալ մարմնոյս , նոր կշտամբութիւն  
գտողիս չարեաց՝ ախտացեալ հո-  
գւոյս , տարտամ տագնապի տարա-  
կուսանաց ելից գերելոյս , զոր եր-  
կնային զօրքն մատուցանեն թշուա-  
ռացելոյս , 'ի խրձունս որոմանցն  
վկայելով՝ վտանգեցելոյս , 'ի ձայն  
ահարկու զանբժշկութիւնն աղդել  
լքելոյս :

Դ . Ահա արդարե երգս կատակ-  
երգութեան ջնարահար պոռնկի ,  
յածեալ և կոծեալ քաջ հնչեցու-  
ցեալ ողբս ողորմելիս և զկծեցու-  
ցիս , ըստ առակաւոր բանին Եսայ-  
եայ՝ որ 'ի պատգամին Տիւրոսի :  
Զի թէ նա զդիսպուածն փոքր ան-

ցից ապառնեացն 'ի մօտոյ իմն ապա-  
ւորեալ, բողոքէր դիմակս դիմակս  
կերպից կերպից աւաղականաց՝ ըստ  
կոծողացն կաքաւելոյ, իսկ առ իս  
որչափս և որսկիսիս ձայնս մրմնջե-  
ցից վշատեցուցիչս. որ գալստեանն  
տեառն սպասեալ առանց վրիպա-  
նաց, մնացի անպատրաստ և անհան-  
դերձելի : Արդ եթէ զդատաստա-  
նացն ահաւորութիւն կրկնեցից, բազ-  
մացուցից ինձ աշխար . ապա եթէ  
զփորձն իսկութեամբ ցուցից, յա-  
ճախէ ինձ երկիւղ . իսկ եթէ զկեր  
պարանացն տեսիլ գրեցից, առաւե-  
լուն ինձ հատուցմունք, զի կանխաւ-  
նկատեալ զսոյնս և ոչ անադան ա-  
պաշաւեցի : Այլ խնայեա յիս, գը-  
թած, մարդասէր, հզօր, բարերար,  
ամենապարզե Քրիստոս թագաւոր,  
օրհնեալ յաւիտեանս . ամէն :

## ԲԱՆ Խ.

Վերսալին յանելուած իւին հեծութեան  
նորին հոկողի առ նոյն աղերս մաղթանաց  
բանի .

Ի խորոշ սրակից խօսու ընդ Ասպառծոյ :

Ա . ԱՄԵՆՍԿԱԼ Աստուած բա-  
րերար ստեղծիչ բոլորից՝ լուր հա-  
ռաջանաց ձայնիս վտանգի , և յեր-  
կիւղէ տագնապի ապագայիցն կար-  
ծեաց փրկեա կարող զօրութեամբ  
զերծեալ 'ի պարտեաց . քանզի բա-  
ւական ես յամենայնի առ ամենայն  
հնարսզօրանալանբաւմեծութեամբ  
և իմաստութեք անսահմանելեաւ :

Բ . Եւ քանզի ուշիւ մտացս տե-  
սեալ 'ի հեռուստ զհանդերձելոցն  
հանդէս ահաւորափայլ , նկատեմ  
ինձէն աստանօր կանխաւ զտիւն լու-  
սոյ սրբոցն յուսոյ , զօրն խաւարի  
պատժապարտիս պատուհասի . ուս-  
տի ոչ զօրէ ոք յեիցս առ պատսպա-  
րան փախստեան . ոչ վեհք վից ,

ոչ բարձրութիւնք լերանց , ոչ ան-  
ձաւք քարանց , ոչ կարծրութիւնք  
արձանաց , ոչ ծերսկք ծակաց , ոչ  
փասլարք փոսից , ոչ սորք հեղեղաց ,  
ոչ բաւիղք խորշից , ոչ շտեմարանք  
յարկաց , ոչ ծածկութիւնք սենե-  
կաց , ոչ եմակք հովտաց , ոչ ծոր-  
ծորք դժուարաց , ոչ վերադրու-  
թիւնք բլրոց , ոչ արձակմունք շնչոց ,  
ոչ անբաւութիւնք ծովուց , ոչ սա-  
հանք յորձանաց , ոչ հեռաւորու-  
թիւնք եղերաց , ոչ ողբմունք ձայ-  
նից , ոչ հեղեղք արտասուաց , ոչ  
տատանմունք մատանց , ոչ համբարձ  
մունք ձեռաց , ոչ պաղատանք շըր-  
թանց :

Գ. Այսոցիկ սաստկութեանց մա-  
սանց անճողուպրելեաց դու ես , տէր  
Քրիստոս , հնարք և դադարք դիւ-  
րութեան և անդորրութեան փրկու-  
թեան ամենամեղս հոգւոյ . արդ  
հայեա 'ի յանզերծ վտանգիցս շըր-  
ջադրութիւն՝ միայնդ քաղցր առա-  
մենեսեան : Խզեա սուսերաւ յաղ-  
թական կենազէն խաչիդղանցս վար  
միս , որ յամենայն կայից պաշարեն

՚ի մահ զգերիս , և հան ՚ի յանդորր զոտս սասանեալ թիւր ընթացողիս : Բժշկեա զհրատապ ջերմնական տու չորումն մղձկեալ սրտիս , մերժեա զդիւային չարահնարութեանս շշուկ քո պարտաւորիս , հալածեա զյուսահատ անձկութեան հոգւոյս մը թութիւն չարի կենակցիս , ցրուեա զծիսամած թանձրութիւն բունութեան մեղացս երեոյթ մաելոյս ՚ի յիս , կորո զզազիր թիսատիս կրիցս ապականութեանս կարիս : Նորոգեա զպատկեր լուսոյ պաշտեցեալ փառաց մեծութեան անուան հզօրիդ յոդիս , զօրացո զշնորհիդ փայլումն ՚ի գեղդիմացս և ՚ի կերպարան տեսութեան մտացս հողեղինիս , յարմար յերիւրմամբ կացոյարդարեալ՝ որ զքոյդ բերէ նկատումն՝ նշուլաղարդ մաքրութեամբ զտեալ զմուայլս մեղաւորիս , աստուածային կենդանի անեղծ երկնաւոր լուսով քո ծածկեալ յօրինակս երիս : ԶԵ դումիայն եսօրհնեալ ընդ հօր՚ի դովեստ հոգւոյդ սրբոյ յաւիտեանս յաւիտենից . ամէն :

## ԲԱՆ ԽԱ.

ՎԵՐԱՊԵՏԻՆ ՅԱՌԵԼՈՒԹԸ ԻՇԻԲՆ ՀԵծութեան  
ԿԱՐԵԼԻ ՀԱԽՈՂԻ Առ Նոյն աղեցս մաղթակաց  
Բանի .

Ի ԽՈՐԾ ԱՐԳԻՇ Խօսութ ընդ Աստուծոյ :

Ա . ՈՐԴԻ ԱՍԱՌՈՒԾՈՅ ԿԵՆԴԱՆԻՈՅ  
ՕՐՀՆԵալ յամենայնի , Հօրդ ահա-  
ւորի անքնին ծնունդ , որ տկարա-  
նայ առ ՚ի քէն և ոչինչ . որ ՚ի ծա-  
գել անստուեր նշուլից ողորմու-  
թեան քոյ փառաց՝ հալին մեղք ,  
հալածին դեք , ջնջին յանցանք , խը-  
զին կապանք , խորտակին շղթայք ,  
կենդանածնին մահացեալք , բժշկին  
հարուածք , ողջանան վերք , բառ-  
նին ասլականութիւնք , տեղի տան  
տիրութիւնք , նահանջին հեծու-  
թիւնք , փախնու խաւարն , մեկնի  
մէգն , մերժի մառախուղն , փարա-  
տի մռայլն , սպառի աղջամուղն ,  
վերանայ մռւթն , գնայ գիշերն ,

տարագրի տագնասին, չքանիան չա-  
րիքն, հալածին յուսահատութիւնքն,  
և թագաւորէ ձեռն քո ամենակար,  
քաւիչդ ամենայնի :

Բ. Ո՞ր ոչ Եկիք կորուսանել զմարդ-  
կան ոգիս, այլ կեցուցանել. թող  
ինձ զանթիւ չարիսն իմ բազում  
ողորմութեամբդ, զի դու միայն ես  
յերկնի անձառ, և յերկրի անզնին,  
՚ի տարր գոյի, և յեզրս ծագաց աշ-  
խարհի, սկիզբն ամենայնի և յամե-  
նայնի ամենայն լրմամբ, օրհնեալ ՚ի  
բարձունս, և քեզ ընդ հօր և հո-  
գոյդ սրբոյ փառք յաւիտեանս.  
ամեն :

## ԲԱՆ ԽԲ.

Վէրսպին յաւելուած իրին հեծութեան  
հորին հակողի առ նոյն աղեքս մաղլանաց  
բանի .

Ի իւրաց սրբից իօս+ ընդ Աստուծոյ :

Ա. Տէր Աստուած դթութեան,  
փրկութեան և ողորմութեան, քա-

ւութեան և նորոգութեան , բժը  
կութեան և առողջութեան , լուսա-  
ւորութեան և կենդանութեան , յա-  
րութեան և անմահութեան , յի-  
շեա զիս յորժամգայցես արքայու-  
թը քո՝ ահաւոր , հզօր , բարերար և  
ամենաստեղծ , կենդանի , գովեալ ,  
ամենակատար , մերձ 'ի հեծութիւն  
համայն եղելոց : Ընդ խաչեցելոյն  
ընդ քեզ պաղատիմ , որ ոչ ըմբըռ-  
նեալ վասն քո և ոչ կապեցեալ , ոչ  
կախեալ և ոչ բեկուեալ , ոչ կռվեալ  
յանուն մեծիդ և ոչ անարգեալ ,  
ոչ լլկեալ և ոչ նշկահեալ , ոչ խոր-  
տակեալ և ոչ մահացեալ , և արքայ-  
ութեանն արդարոց մասին անձ  
կալեաց լուսոյ արժանի ցուցեալ ,  
իրաւամբք ուխտի երդմնականաւա-  
մենիւն ազդեալ զանփոփոխութիւն  
բարեացն առւելոց , փառաւորեցեր  
առ յոյս փրկութեան 'ի սպառ լքե-  
լոյս :

Բ . Օրհնեալօրհնեալ և դարձեալ  
օրհնեալ , և զիս ընկալեալ նովին  
հաւատովք կանդնեա 'ի կործան-  
մանէս , բարերար . բժշկեա 'ի հի-

ւանդութեանցս ախտից , ողորմած .  
 յեզերաց մահուս դարձո զիս 'ի  
 կեանս , կենդանութիւն . քո եմ և  
 ես , կեցո ընդ նմին , ապաւինու-  
 թիւն . անձամբ մեռելոյս կենդա-  
 նական շունչ ընծայեցո , յարու-  
 թիւն , կեանք , անմահութիւն , ան-  
 պակաս բարութիւն , անսսկառ շը-  
 նորհ , անփոփոխ ներողութիւն , աջ  
 ամենազօր , ձեռն ամէնիշխան , մատն  
 ամենամերձ : Կամեաց տէր և փրկե-  
 ցայց , անկնարկեա միայն գթու-  
 թեամբ և արդարացայց , ասա բա-  
 նիւ և վաղվաղակի անարատ գտայց,  
 մոռացիր զթիւս չարեացն և անդըս-  
 տին համարձակեցայց , առատաձեռ-  
 նեա՝ և արդէն 'ի քեզիսկ պատուաս-  
 տեցայց . փառաւորեալդ յամենայ-  
 նի յաւիտեանս . ամէն :

## ԲԱՆ ԽԳ.

ՎԵՐԱՎԻՆ ՅԱՆՆԱՀԱՆՆԵ ԻՐԻԻՆ ՀԵԺՈՒԼԵԱՆ  
ՆԱՐԻՆ ՀԱԽՈՂԻ ԱԿՆԱԿՅԱ ԹՊՆԵՐԻ ՏԱՊԱՆԱԿԱ  
ԲԱՆԻ .

Ի ԽՄՐԻՇ ԱՌԴԻՇ ԽԸՆՔ ըՆԴ ԱԿԱՊՈ-ՃԱՅ :

Ա. ԲԺՇԿԱԿԱՆ ԿՐԹԱԿԱՆՈւթեան  
ամենափորձ հնարաւորութեամբ  
սկատճառ կենաց անախտականաց,  
թագաւոր զօրաւոր երկնաւոր՝ տէր  
Յիսուս Քրիստոս . Աստուած ամեն  
նեցուն, իմանալեաց և տեսականաց,  
ահա դու 'ի յիս ըստ մարդարէին՝ որ  
ընդ ասելոյն՝ 'նոր կցորդութեան .  
առ որ բարեզարդ դաշտամբ այս բանի  
ընդ քեզ միութեան, լուսաւորե-  
ցայց կրկեն ողջացեալ շնչով և մար-  
մնով. ամենայնիւ կարող և անվանելի:

Բ. Որ ոչ կարօտանասս սպեղանեաց  
առ սպատրաստութիւն սկատանաց  
հոգեկան վիրաց, ոչ ժամանակի,  
ոչ միջնորդի, ոչ աւուրց երկարա-

ձգութեան, ոչ վոփոխս մատուցա-  
նելոյ, ոչ հատման, ոչ խարման, ոչ  
սրագործութեան, ըստ Երկրաւորս  
դեղատութեան. առ որս միշտ է  
վրիպութիւն և ամենասխալ տարա-  
կուսութիւն: Այլ քեզ արարչիդ  
հոգւոց և մարմնոց ամենայն ինչ լու-  
սաւորեալ է, ամենայն ինչ առաջի է,  
ամենայն ինչ գրեալ է, ամենայն ինչ  
դիւրին է, համայնն հնարաւոր է, ի-  
մաստն գլխաւորեալ է, խոստումն  
լցեալ է, կամելի կատարեալ է, քո  
կտակն աւետարան է, քո վՃիռն ա-  
զատութիւն է, քո մատեանն շնորհ  
է: Ոչ փակեալ ես ընդ օրինօք, ոչ  
պարունակեալ ես ընդ կանոնաւ,  
ոչ արդելեալ ընդ նուազութեամբ,  
ոչ խոնարհեալ ընդ հնազանդու-  
թեամբ, ոչ սլարագրեալ ընդ փոքր-  
կութեամբ. ոչ չափեալ ես ընդ  
սահմանաւ, ոչ վրիպեալ՝ ի բարկու-  
թենէ, ոչ այլայլեալ ինչ՝ ի ցասմա-  
նէ, ոչ սխալեալ՝ ի խտառութենէ, ոչ  
ամբոխեալ՝ ի խռովութենէ, ոչ  
դղրդեալ յանդիտութենէ, ոչ փո-  
փոխեալ յողորմութենէ, ոչ պակա-

սեալ՝ի բարձրութենէ, ոչ լքեալ  
յայցելութենէ, ոչ տկարացեալ՝ի  
փրկութենէ։ Դու սկիզբն և լրումն  
ամենայնի, և 'ի քէն է ամենայն.  
և քեզ փառք և երկրպագութիւն  
յաւիտեանս։ ամէն։

## ԲԱՆ ԽԳ.

Վերսալին յա-նը-ած իշխն հեծութեան  
նորին հսկողի առ նոյն աղերս մաղթանաշ  
բանի։

Ի խորոշ սրբից խօսի ընդ Աստո-ծոյ։

Ա. ԱՍՏՈՒՏԾ անսահման, ծը-  
նունդ Աստուծոյ հարազատ ան-  
թարգմանելի, արարիչքնաւին եղե-  
լոց, Քրիստոս թագաւոր, լոյս 'ի  
խաւարի սրտից մթացելոց։ ընդ մեզ  
լրմամբ և ընդ առաքչիդ իսկու-  
թեամբ, մերայնովս զքոյինսդ ծա-  
նուցանող հրաշապէս։ Հայր քո օրհ-  
նեալ երկնաւոր անձառ՝ որ առա-  
քեացդ զքեզ 'ի վերուստ, ում փա-

ռակիցդ եւ արարչութեամբ . այնքան հոգացաւ փրկութեան իմոյ տարագրեալ գերւոյ, մինչև զքեզիսկ մատնեաց մարդկան : Իսկ դու կարող գոլով'ի վեր քան զվեշտս, ըստնտեսութեանն աւարտեալ խորհուրդ՝ հաճեցար ընդ պարտեցելումս զմահուն ճաշակել բաժակ անթերի մարդկութե և անպակաս աստուածութե : Եւ Հոգիդ սուրբ կենդանարար՝ որպէս քո և Հօրքոյ իսկակից, և համապատիւ էութե ծնողիդ և ծնիցելոյդ : Մի Երրորդութիւն կատարեալ 'ի դիմաց երից անորոշելի հատուածոց, անսկիզբն և անժամանակ, բնաւին բարերար, համայն կենդանարար, բոլորից իսպաղարար, ստեղծիչ գոյից և յօրինիչամենից, անքակութեամբ և միովնութեամբ փառաւորեալ :

Բ . Իսկ եթէ Հայրն գթած երկնաւոր հզօր՝ մին յէութենէ՝ վասն մահասպարտիս յանցանաց մատոյց զմիայնակ ծնունդդյանքնին ծոցոյն, ոչ անխայեալ յՈրդիդ 'ի համապատիւդ և 'ի սիրելիդ, այլ կամաւ նը-

Երեաց մահու չարչարովացն զինու ,  
ըստ մարդարէութեանն Զաքարիայ-  
վասն զի զարթնուլ սրոյն 'ի վերայ-  
հովուին , և հարկանիլնոյն ինքն հօ-  
տապետին , և ցրուիլ ոչխարացն հօ-  
տին , որպէս օրինակն նուրբ նախա-  
գրին և ուխտագրութիւն խորանին  
և նուիրումն արեան սպանդին և ա-  
ռակ խորհրդոյ աբրահամեան պա-  
տարագին , զփրկութիւն թշուառա-  
ցելոյս 'ի կամաց կեցուցչիդ յառա-  
ջագոյն նկարագրէր . և արդ հիմ-  
տրտմիս անձն իմ կործանեալ՝ ոչ  
յԱստուածուստ հնարաւորութեց-  
այլ 'ի քումդ ինքնագործ հակամի-  
տութեանց . կամ ընդէր զիս խոռ-  
վես՝ յուսահատութեամբ սատա-  
նայականաւ զմիտս հարեալ . յուսա-  
յԱստուած , խոստովան լեր նմա , և  
նա հոգայ վասն քո , ըստ դաւթեան  
սաղմուխին , և այլ մարդարէի կենսա-  
խրախոյսն բանի :

Գ . Իսկ յեղանակ խնամարկելոյ  
հաստողին 'ի վեր է քան զսահման  
կշռութեան մոտաց հրեշտակաց և  
երկրականաց . և եթէ բիւրս կըր .

կնեսցի , ոչ լինի չափեալ . քանզի  
անբովանդակելոյն և բարերարելն է  
անձառելի : Աս զի ոմն օրհնեալ զոմն  
օրհնաբանեալ յերրորդական համա\_  
գոյութենէն առաքեաց . իսկ նա ՚ի  
հաճութիւն կամաց առաքչին մե\_  
ռաւ . և միւսն ահաւոր՝ ՚ի յերկուցն  
հաւանութիւն՝ մեծաջան բաղձանօք  
մաղթէ : Իսկ համաբարւոյ միակա\_  
մութեանն ցուցակ՝ առ ՚ի զնոյն բա\_  
րի ներգործել , որպէս հոգին կեն\_  
դանւոյն և բանն բանականին , պայ\_  
ծառութիւն փառացն և կերպարան  
էութեան : Առ կեանսն փոյթ , առ  
ողորմութիւնն սթափ , առ ձեռն\_  
կալութիւնն պատրաստ , առ փըր\_  
կութիւնն կազմ , առ առատութիւնն  
յորդ , առ յաճախութիւնն զեղուն ,  
առ անբաւութիւնն լի , տռ աննուա\_  
զութիւնն փարթամ , առ երկայն\_  
մառութիւնն Ճոխ , առ անհասու\_  
թիւնն բարձրեալ . մի Երրորդու\_  
թիւն կատարեալ՝ ՚ի յանձանց երից ,  
օրհնեալ յաւիտեանս . ամէն :

## ԲԱՆ ԽԵ ·

Աւելագին յա-նըստած իրին հօծութեան  
նորին հովողի առ նոյն առներս մաղթանաց  
բանի .

Ի խորոշ սրգից իօստ ընդ Աստուծոյ :

Ա. Եւ արդ յոյսքարեաց տնկեալ  
՚ի սրտի՝ անձն իմկործանեալ, և գո  
տեաւն հաւատոց պնդեալ զերիկա  
մանցդ երկակի մասունս՝ զերկնա  
պըղտոր խորհրդոցդ զցանկականիդ  
գործարան, խոստովան լեր քարե  
րարին Աստուծոյ՝ զմտացդ իբրև ըզ  
գործոց, զխորհրդոցդ իբրև զլու.  
թեանց, զանտեսիցն իբրև զյայտնե  
ցելոց, զարտիդ ծածկութից իբրև  
զքարքառումն ձայնից, զակնարկու  
թեանցդ իբրև զարդիւնականաց մե  
զանաց, զազդել չըթանցդ իբրև ՚ի  
դլուխ ելելոց չարի, զոտիցդ հետոց  
իբրև զպատուիրանաւն Աստուծոյ  
վազողաց, զձեռացդ ձգումն առ ցա.

սումն իբրև 'ի հեղումն արեան գործողի, զծիծաղելն ընաւին իբրև ըղկամաւորական լքումն շնորհի, զերդմնականն՝ որ թէ 'ի հանդէպս թէ 'ի տարադէպս՝ իբր զգործակցութիւն խաբողին, զամբարտաւանութիւնն իբր զհին կործանիչ նախաստեղծին բարձրութեան, զսրտին նեղութիւն իբրև զթերութիւն հաւատոց, զմեղկութիւնն իբրև զպարտութիւն զօրաւորին պնդութեան, զտրտունջն առ վտանգս կրիցն՝ իբր զուրացութիւն ուխտին որ առ տէրն, զապարասանութիւնն իբր զթուն իմն անդթութեանն, զամբարհաւածութիւնն իբր ոչեիւք առ վեհսն գոռողութիւն, զհսկարտութիւնն իբր զկամակոր հարազատ գտողին չարեաց, զակամայիցն ընդ կամաւրացն, զբոնացելոցն ընդ հաւանականացն, զեկամտիցն ընդ ընաւորականացն, զանօրէնութիւնն ընդ ապաստուածութեանն, զփոքունսն ընդ սաստկագունիցն, զնուազունսն ընդ յոլովիցն, զանձառիցն իմոց իբր զճառելեաց գիտողին, զանդրելոց

վեասուցն իբր զնկարելոց տեսողին  
 'ի յարձան մագնեստիս վիմի, զթե-  
 թեագունիցն առ խտիր մտաց իբր  
 զստուար ծանրութիւն բեռանց, ըդ-  
 խնդիր չափոյ ծածկելոցն իբր զճը-  
 դով պահանջումն սատերն սակի 'ի  
 բերանոյ կետին կորիւնի չորեքդրա-  
 մեան կշռութեամբն, զանդնդակա-  
 նացն գործոց իբր 'ի յականջո Աս-  
 տուծոյ արագ ժամանելոց : Զայսո-  
 սիկ յաճախեա կուտեա կրկին  
 յանձնառութեամբ, վերստին պատ-  
 մեալ աստանօր մեծաւ հեծութեամբ  
 զէոցն իբր զեզելոց, ընծայեալ  
 Աստուծոյ զպարտութիւն վանե-  
 ցեալ անձինդ . զի ընկալցիս 'ի փո-  
 խատուեն զնորհօք թողութիւն  
 պարտուց մեղաւորին, զոր տէրն  
 արդարացոյց և հրաշավիառապէս  
 հոչակեաց, ամենապատիկ ներբո-  
 ղիւ կրկնեալ զգովեստ զղջմաննքան  
 զպարսաւանս մեղացն :

Բ . Բարդեա և գիզեա անձինդ  
 մեղապարտի բամբասանս յոքունս  
 զքոյսն խոհերս բազմամասնեայս,  
 անձն իմ կշտամբեալ յոքնախթանդ

բանիւ . զշարութիւնն , զանօրէնութիւնն , զվրիսլութիւնն , զառ'ի մարտին հանդիսէ փախուստ , զպարտութիւնն , զմոլեգնութիւնն , զամբարշտութիւնն , զապշութիւնն , ըզթմբըրութիւնն , զքունն արթնական , զառ'ի յընթացսն զնիրհումնն , զխորհուրդն օտարոտի , զբանիցն նանրութիւն , զզազրութեանն հաճութիւն , զյամենալն 'ի նմին , զփափելն Աստուծոյ ատելեացն , զանսաստուին , զանհարթութիւնն , ըզթերութիւնն , զթիւրութիւնն , ըզլուծութիւնն , զՃշդութիւնն , զանկապ արձակումնն , զծիծաղականսն , զվրնջողականսն , զկատակերգականսըն , զգայթագղականսն , զպատրողականսն , զանդէսլքաջութիւնսն , զանյարմար մարտսն , զառանց օրինի արիութիւնսն , զլսեղդմունս հոգւոյն , զտատանողականսն զերկչոտուինս , զբազմաստեղնեան ձիւղսն զրահետականս , զանսղատկառ փարաքմունսն , զգժտութիւնն , զգըժդդմութիւնսն , զանդատ ատելութիւնսըն , զմարմաջմունսն դիւրըմբու

նողականս , զփոքունցն զանկշռութիւնս , զլսոստմանցն գրժողութիւնը , զուխտիցն մոռացութիւնս , ըզնմանեացն այլակերպութիւն . զկեզծեացն քողարկութիւն , զփառամոլութեանն մորոսութիւն , զյօնիցն յաւակնութիւն , զառիբատութիւնսըն , զինքնասիրութիւննսն , զնախադահիցն աեսչութիւն , զհատուցանելն եղեռնականացն , զնոցինսն զանշահ աղճատաննսն , զվայրապարքերմունն . զընթացակցութիւննսն խորամանկութեան բանսարկութիւն , ըզբանին սերմնակաթութիւն , զվաճառումն կենացն ընդ գնոց սատակմանն , զկորուստ աւանդիցն , զհայրենեացն ծախս , զկապարանն ձգողական , զփոկով լծոյ երնջոց անխըզելի ըմբռնմամբ զանօրէնութիւնս , զյարաթաթաւ տղմաքնակութիւնս զլքումն լաւացն , զընթագրութիւնս անկարծիցն , զկնի դարձին առնոյն դարձ տաժանական , զնորոգ մտացն , զօտար խորհրդոցն , զանկայուն կամացն , զհաշման հագագին , զէութիւն շնչոյն , զեմն քան զսահման

կանոնացն դրութեան՝ զիշխանականին զամենասփիու բացարձակութիւն, և զոր չէ ճառելի և կամ դրելի և կամ պատմելի և կամ յերեսս գիմաց բերելի :

Գ. Եւ արդ զիամրդ բժշկեացիս, անձն իմ եղկելի, 'ի յայսքանեաց տիգաց խոցոտեալ, բարձեալ թողեալ այր մի տարագիր անողջանալի, ըստ մարդարեին. քանզի մի 'ի վերադրելոցդ բաւականապէս զօրէ սատակման, թող թէ այսքան դասք ըսպանողաց դժնէից դահճաց շուրջ պաշարողաց : Մանաւանդ զի ոչ այսու և թնմանագրութեամբ կշռի տարացոյց տարժանեցելոյս, այլ զոր օրինակ անթիւ բազմութիւն կայտառաց կարճաց խայթողականաց՝ 'ի ստորին մասունս ծայրից տոտնոցն զօրհասական թոյնս բերելոց, և յաման մաշկեղէն արկեալ ամփոփէ զելիցն շաւիղ կապարանին շրջափակութեամբ, ցուցանի արտաքուստ բարիոք, իսկ 'ի ներքուստ համբարք չարի և պահեստ կորստեան և կոյտ կոկծման և դործօնեայք սատակման

և մշակք մահու : Արդ այսոքիկ են  
ամբարեալքն քո անօրէնութեան  
տաժանեաց թշուառաքիրտն թո-  
շակք, անձն իմ պարտական կրկին  
սատակման . որ կամաւորաբար ըն-  
կալար՝ի քեզ, զոր թշնամին սերմա-  
նեաց՝ի վերայ ցորենոյն՝ յագարակի  
աշխարհիս . ով այր անմաքուր ամ-  
բարիշտ և ծոյլ, բնաւին ատեցեալ,  
սիրողդ մտացդ ախորժմամբ զլը-  
ցեալսն ամենայն անառակութեամբ,  
և զոր առաքեալ ցուցանէ զթիւս  
բանիցն սարսափելեացն կշտամբո-  
ղաց, աստուստ սկսետլ մինչև՝ի կա-  
տար կանոնի այնիր պայմանի, և որ  
հասեալ են, ասէ, յԱստուծոյ ի-  
րաւանցն վերայ, եթէ որք զայսպի-  
սիսն գործեն և կամ կամակից են,  
արժանի են մահու : Արդ ես ինձէն  
զիս ինքն պարտ վարկայ կրկին հա-  
տուցման կորստեան սատակման՝ի  
մահ դատապարտութեան . այլ ան-  
խայեա յիս ողորմութեամբ բարե-  
գութ, կենդանի, հզօր, կամարար,  
կարող, հնարաւոր, օրհնեալ յա-  
վիտեանս . ամէն :

## ԲԱՆ ԽԶ.

Աշխարին յա-նւո-ած իբին հեծո-նեան  
նորին հսկողի առ նոյն աղեց մազլանաց  
բանի .

Ի իսուս սրբից իսօս ընդ Աստո-ծոյ :

Ա. ԱՅԻ վլիպեալս ես յաւետ ա-  
մենապատիժ, միշտ դժնեայ վայրե-  
նաբարոյ տնձամբ անձին մահու կըշ-  
տամբիչ, արածողս զերամակս զա-  
զիրս վայրագասունս խողից արօտա-  
կանաց գարշութեան մեղաց նախատ  
վարձկանութեանց, հովիւս տածո-  
ղական զհօրանսուլուցն ամայաբնա-  
կաց 'ի վլանս հովուացն, ըստ եր-  
գոյն երգոց առ իս առակին . որ ոչ  
իսկ ծանեայ զիս երբէք գիտել, թէ  
յով և յոյր սկակեր և վասն ոյր  
գոյացայ :

Բ. ԱՀԱ 'ի յոտս տանողականս կրո-  
ղաց երկուց միակցորդ խորհրդակա-  
նաց, ըստ ձեռյ հրեշտակի կառուցար,

իբր 'ի թռիչը թեոց կրկնաբարձ բազ-  
կաց վերատանողաց յաշխարհն հայ-  
րենական հայել, ով յիմար, զիարդ  
քեղէն կորացար յերկիր, զաստեցա-  
միշտ հոգացեալ դիպուածս, ընդ  
ցիոս անապատականս համարեցար:  
Իբր զջրադ բազմաբերանեան 'ի  
յաշտանակի մարմնիդ հաստեցաւ  
դվասոյդ բոլորութիւն, զի և այսու 'ի  
յօրինակէն շնորհէ մի օտարասցիս  
զԱստուած տեսանել, և զմնացակա-  
նացն իմաստասիրել: Բանականու-  
թեանն յարդանօք կրկին Ճոխացար,  
զի զյաղթանակ բարեմասնութեանն  
որ առ քեղեղէն՝ անարդել լեզուով  
խօսեսցիս: Չեռինդ հաստմամբ յար-  
մարութեան մատանցդ շառաւիզօք՝  
զգործնականացն տնօրինել զտնտե-  
սութիւն, իբր կցորդ համացեղու-  
թեամբ ամենաբաշխ աջոյն Աստու-  
ծոյ՝ աստուած կոչեցար: Երից հա-  
րիւրոց և տասանց վեցից յօդիւք  
շաղկապեցար, յարեալ 'ի քեղընդ  
նոսին 'ի նոյն և պատշաճական մա-  
սունս չափոց ազդողականաց հինգ  
զգայութեանց, զի մի և երեւելիդ

Խ. Զ.  
նիւթականութիւն քումդ տեսութեան՝ մոտացդ դիտման անդատ եղիցի. զի ոմանք ստուարք են և զօրաւորք, և այլք փոքունք են և պիտանիք, կէսք կարծրակերտք և ազդողականք, են և գողտրականք և պատուականագոյնք, դարձեալ կարեւորք և պատկառելիք : Իսկ թարգմանութիւնք սոցին տեսութեան 'ի քեզ են նկարեալ իբր յարձանի անջնջականի անձն իմ եղկելի . որպէս զի և տարր ժամանակաց և շրունակ հետևման աւուրցն առ պըսակ ամին, իբր կանոնաւ իւիք ստհմանեալ մասամբքդ՝ անսխալեանայլելի պահեսցի :

Գ. Դարձեալ այլ օրինակ հոգեռական, որ զսիրոյն յօդուած շաղկապէ 'ի մի առ եկեղեցի, քե խորհըրդածի . իբր զի առանց բնաւից զուգամասնութեան կապակցել լըծով հաւանականաւ զվեհն ընդ փոքուն, վնասեալ է հաստուածոյն անարաատութիւն յանուն քրիստոսի ժողովելոցն որպէս 'ի հատումն և 'ի նուազութիւն միոյ յանդամոցս

անարդացս պատուաստելոցս՝ ի մարմնի, կրծատեալ իմն է յօրինուած կաղմութեան մարդոյդ քումսենե. կի զգայականի, և շրջեալ է ընտանութիւն պատկերին յանարդ փոփոխութիւն: Եւ արդ այսպիսեօք, և ևս բազմօք անզուգական հրաշակերտութեամբ եղական պատկեր Աստուծոյ՝ կշտամբեալ՝ ի սպառ ոգի իմ գերի. և թէպէտ յառաջին նմանութենէն կողոպտեալ դտար պատուիրանին յանցաւորութեամբ՝ ի դրախտին կենաց, այլ աւազանին լուսաշարդ շնորհիւն զհոգւոյն վը չումն առեալ, և նմանութիւն եւ կերպարանին. և արդ ընդէր կորուսեր զփառմն երկնաւորս, իբր նախաստեղծնն երբեմն զվեճակն երկրաւոր յԱդին դարաստանի. ընդէր փակեցեր քեղէն քեզ զերկին, և ըդմերելիցն դուռն աղևեցեր. ընդէր խառնեցեր ընդ ջրոյն մաքրութեան զախտ արտասուացդ տարժանութեան. ընդէր զլուացեալ զձորձ վերարկուին դարշելի գործովք զազրացուցեր. հիմ զեղեալ հանդերձին

մեղաց սկասումունքան անառակ վարուք քեզ արկեր . ընդէր զտանողացդ ոտից սրբութիւն ճանապարհան ժանդից աղտեղեր . ընդէր կրկնեցեր իրաւագատին զուխտազանցութիւն հին սկասուիրանին . ընդէր մերժեցար 'ի սկտղոյն շնորհաց՝ իբր զԱդամ'ի ծառոյն կենաց . ընդէր նենդեցեր քեզէն քո կամաւզանստուեր յուսոյն յարակայութիւն . ընդէր սկասոկառանք անհամարձակելիք քոյին դիմացդ նսկաստեցեր . ընդէր զինեցար ընդդէմ քո ներհակ , ով ընդունարան խելագարութեան . ընդէր որսացար 'ի ծուղակ մահու թողեալ զարահետն վստահութեան . ընդէր կարթիւպատրանաց ածար հաղորդդ մարմոյ կենդանարարին : Այլ վերստին յուսացեալ 'ի նա կարդանմա ապավինելոյս քաւիչ նորոգիչ փրկիչ կեցուցիչ և կենդանարար , ողորմածինամող մարդասէր և անօխակալ բազմագութ , օրհնեալ յաւիտեանս . ամէն :

## ԲԱՆ ԽԵ ·

Վ ԵՐԱՄԻՒՆ ՅԱՍԵԼԱ-ԱԾ ԷՐԻԻՆ ՀԵԺԱ-ԸՆ-Ա  
ՆԿՐԻՆ ՀԱԽՈՂԻ Առ-ՆՈՎՆ ԱՊՆԵՐԻ ՏԱՊԱ-ԱՆ-Ա  
ԲԱՆԵՒ ·

Ի ԻՆ-ԲԻ ԱՐԴԻՇ ԽՈՍԿ ՃՆԴ ԱՆԴ-Ճ-Ա :

Ա. ԵԿ արդ զի՞նչ գոյ ասել ամա-  
չեցելոյս յերեսաց մեծիդ ահաւո-  
րութենէ , բայց եթէ համրանալ և  
հող'ի բերան եղեալ լոել'ի սրտի ,  
ըստ մարդարէութեանն խրատու ,  
ահա'ի բարւոյն կարկառեալ'ի յոյս :  
Խսկ եթէ զիփականս շարժողութեան  
շրթանցս բացից , բռնադատեցից  
խօսել կամեցեալ , դարձեալ զնոյն  
ձայն կրկնակական եղերերդութեան  
լալեաց բազմութեան խեթ մտացա  
յառաջադրէ :

Բ. Եւ արդ ողբակից մեծ մեղա-  
ւորին անօրինելոյ կամաւ առ 'ի մահ  
զնորին գոչումն երկրորդեցից և եւ  
ընդ նմին . մեղայ տէլ մեղայ , և ան-

օրէնութեանց խմոց ինձէն վկայեմ։  
Հիւսեալ ընդ նմին զբանս յիսնե-  
րորդի սաղմոսին, անթիւս դրեմ  
զպարտուցս տակ անձինս մեղաց՝ քան  
զիւղ երկրի հողմահոս փոշոյ ընդ  
օդո ամենայն տարածեցելոյ։

Դ. Մեղայ յերկինս և առաջիքո,   
ընդ անառակ որդւոյն պատկառե-  
ցելոյ հայրենի գթոյդ վերստին դար-  
ձեալ թախանձ արկանեմ. զողոր-  
մելին ձայն աղերսանաց արտօսրա-  
ծին ողբովք գոչման ՚ի տխուր դէմս  
մատուցեալ առաջի քոյ տարածա-  
նեմ, հայր գթութեանց, Ած բոլո-  
րից, չեմ արժանի կոչիլ և ոչ բնաւին  
առ այս անուանիլ, ոչ միայն որդի,   
այլ և անպիտան ապաբան վարձ  
կան։ Ընկալ զսովեալս տարագրա-  
կան, պարտական մնասուց և զցաւ  
քաղցոյս լվկանաց նեղոյս նուաղե-  
ցելոյս՝ կենաց քո հացիւդ բժշկես-  
ցես։ Աեր ընդ առաջ քո ողորմու-  
թեամբդ ՚ի սկզբնաւորս ապաւինու-  
թեան։ զգեցո, գթած և անոխա-  
կալ, անօրինեալս մեղասլարտի զնա-  
խակապուտ հանդերձին ծածկոյթ։

աւանդակորոյս ձեռացս աղտեղեալ  
մեղօք՝ զկնիք մատանւոյն համարձա-  
կութեան ամենառատ կամօք մա-  
տուցես . զգարշասլարացս թշուա-  
ռութիւն մերկութեան ոտիցս՝ պա-  
տըսպարութեամբ աւետարանական  
ամրավերարկու օդիցս կօշկաց 'ի յո-  
ձին թիւնից միշտ ամրացուցես :  
Զգուարակդ սլարարակի եզինդ եր-  
կնայնոյ , որ է միածին Որդիդ քո  
օրհնեալ խկասէս մարդասիրու-  
թեամբ , կարօտելոյս բարեաց նուի-  
րեա . որ մատուցեալ միշտ և անսպա-  
կաս մնայ 'ի լրութեան , յարակայ  
զենեալ 'ի սպանդարանի անթիւ սե-  
ղանոց անսպառութեամբ , բոլոր  
յամենեսին և բնաւ յամենայնում,  
էութեամբ յերկինս և խկութեամբ  
'ի ստորինս , աննուաղ մարդկու-  
թեամբ և անթերի աստուածու-  
թեամբ . փշրեալ և բաշխի 'ի մասունս  
անհատս , զի զհամայնն հաւաքեսցէ  
առ 'ի նոյն մարմին իւրումն գլխոյ-  
քեզ փառք ընդ նմին , չայր ողոր-  
մութեան , յաւիտեանս . ամէն :

## ԲԱՆ ԽԸ

Ա է բարին յառ ելուած իրին հեծութեան  
նորին հսկողի առ նոյն աղլը բազմանաց  
բանի .

Ի իսրայ սրաից խօսի ընդ Ասպո-ծոյ :

Ա. ԲԱՐՁՐԵՍԼ, հզօր, անսկիզբն,  
անեղ, անբովանդակելի, աննիրհելի  
ակնդ նկատող, ծնող անքնին փա-  
ռաց միածնիդ . իրաւացուսցես զիմս  
ողորմութիւն հերքեցելոյս ընդու-  
նելութեան առ երկնայինս և առ  
երկրաւորս : Տօնեա զկեալս կորու-  
սելոյս վերնականացն պարերգու-  
թեամբ, աւետարանեա բանիւդ օրհ-  
նութեան զկենդանութիւն իմ մա-  
հացելոյս, զբարեբաստութիւն կա-  
մացդ յայտնեա, գովեալ բոլորից  
գոյից եղելոց, ստացիր անուն քեզ  
անձառ և ինձ թշուառիսնորոդ փըր-  
կութիւն, կորուսցես զգիր մուր-  
հակի մեղուցելոյս ամբաստանու-  
թեան, զվճիռ հոգւոյս մահու ջրես-

ցես կայլակօք արեան Որդւոյդ սի-  
րելոյ, վստահութիւն փրկութեան  
բարեաց արեամբ Քրիստոսի քո  
նկարեսցես, ցոյց զաքանչելիս քո  
բարեգլութեանդ 'ի ճաշ հարսա-  
նեաց քում հարազատի : Մի փա-  
կեսցես դիմելոյս առ քեզ զառա-  
գաստ սրահի կենացդ յարկի, մի  
տրոհեսցես 'ի բազմականացդ և 'ի  
բարեացդ քո զրկեսցես, մի սլա-  
հեսցես 'ի գանձարանիդ զնիւթեալ  
իմ պարառուցս անօրէնութիւն, մի  
կնքեսցես 'ի քսակ բարեացդ զզազ-  
րութեանց իմոց գարշութիւն, մի  
երկարս ինձ զվեր մեղացս 'ի յախ-  
տալից մարմնիս ծածկեսցես, մի  
զփտութիւն նեխութեան ցաւոցս  
ինձ տնկակից մահու մնացուսցես,  
այլ բարձ բանիւ քոյդ ողորմութեան  
զժանտուին ապականարար, որպէս  
զի զատեալ 'ի հիւծմանց ախտից  
առողջութեանն պատրաստեցայց  
հնարաւորեա, գլութեանցդ հայր,  
մեծ խոցուածոյս զօրեղ սպեղանիս,  
կարեւոր կործանմանս՝ բարի այցե-  
լութիւնս : Զի քո եմ, տէր ոգե-

սէր, թէ և առ մի նուագ բեւրս մեղցեմ, բայց ոչ գրեցայց համայն մեղուցեալ, տուիչ կենաց իմոց բարերար, 'ի շնորհ պարգևաց կենաց քոց ապաւինեալ. զի Ճանաչելդ ըզքեղ բովանդակ արդարութիւն է, և գիտել զգօրութիւնդ քո՝ արմատ անմահութեան, որպէս և կանխաւ խի գրեաց իմաստունն. և դարձեալ՝ տիրելդ քո, ասէ, ամենեցուն, խրնայելտայ քեղ յամենայն. և դարձեալ՝ մօտ է քեղ յորժամե կամիս կարող գտանել:

Ի. Այս Սողոմոնի յուսոյ աղերսանք իմոյս առեալ տիտ. քանիզի ոչ այլ ոք բազմամեղ որքան զնա ինձ զուգաշաւիղ. Երբեմն որդի, ապա ատելի. Երբեմն միջնորդ խաղաղութեան Աստուծոյ ժողովրդեանն, և յետոյ խտրոց որոշման բազում խոռվութեան. Երբեմն օրէնք կենաց կացեալ, և յետոյ մուրհակ մահուհաստատեալ. զերկնաւորին պաշտօն ընդունեալ, և զօտարին անուն ծանուցեալ: Անպատճառ օցտող, անկարօտ զրկող, անսովելի գող, գըր-

գեալ տրտնջող, վասփկացեալ վա-  
խրստական, սեղանանենդ սարտու-  
ցեալ անպատասխանի վնասապարտ,  
քաղցրամնոյց հայհոյիչ, զաւակ հայ-  
րատեաց, կտակարանացն մատնիչ,  
Մովսեսի չարախօս, մուացողերախ-  
տեացն, իմաստուն սիալական, ա-  
մենագետ յանցաւոր, ամօթապարտ  
զզջացեալ, տարակուսեալ աշխա-  
տող, աղաճաւոր կռապաշտեալ,  
յամրային դարձաւոր, կաղակարծ  
ընկալեալ, կասկածաւոր հաշտու-  
թիւն, յապայս յիշատակ, յերկ-  
բայս փրկութիւն, չաւատալի գիւտ,  
՚ի մասնէ մնացուած, խարդաւա-  
նեալ գերի, կիսակտուր սկրծեալ,  
կամաւոր անձնամատն, տմարդի  
յղիացեալ, բազմավրէսկ հանձա-  
րեղ: Ի յընթացս բանից երկեակ  
որոշմանց՝ ամենայն ուրեք բանս ար-  
կեալ ողբոց և ձաղանաց, մեծ պար-  
տաւ և փոքր գովեստ՝ իբր ՚ի վերայ  
ինքնագրաւ կորստականի, երգիծա-  
նութիւն խառնեալընդաշխար. բան  
նորաթելադիր բարդաւածութեան  
ամենայն հասակի, և խոտորում

ԽԸ  
նորին 'ի շրթունս բնաւից թառանչ  
թախծութեան ողորմելիս իմն աղ-  
դեալ:

Դ . Զարմանամ վհատիմ տարա-  
կուսեալ ասլշութեամբ . զի թէ նտ  
այնքան գթեաց , ինձ զի՞նչ պատա-  
հեսցէ . զիարդ անկաւ ամբարձեալն ,  
զիարդ սասանեցաւ հաստատեալն ,  
զիարդ կործանեցաւ կառուցեալն ,  
իբրօտարացաւ ծանուցեալն , զիարդ  
զակատեցաւ զաւակն ընտրութեան ,  
զիարդ սրացաւ մերձաւորն , զիարդ  
աղօտացաւ փայլեցեալն , զիարդ պա-  
տանդեցաւ աղատեալն , զիարդ անօ-  
րինեցաւ ուսուցիչն , զիարդ նուա-  
ղեցաւ հոչակեալն , զիարդ անար-  
դեցաւ փառաւորն , զիարդ փոքըր-  
կացաւ մեծատունն , զիարդ ամբա-  
րըտեցաւ բարեսկաշան , զիարդ ամ-  
բարհաւաճեցաւ ընտրողն , զիարդ  
ունայնացաւ պատարունն , զիարդ  
կտրեաց զուխտն որ ընդ բարձրե-  
լոյն : Պատկառեմ ասել , թէ և ընդ  
սանդարամետականին կապեցաւ . զի՝  
կայրնորա և կռոց , ուստի սէրն ընդ  
պատկերաց , վասն էր կամքն ընդ

Խարանաց, զիարդ ոչ յիշեցաւ յան-  
գիմանութիւնն Սամուէլի առ Սա-  
ւուղեղեալ, հմայք, ասէ, մեղք են,  
և ցաւս և աշխատութիւն ածէ թե-  
րափ 'ի վերայ. զիարդ ոչ հայրենի  
յանդիմանութիւնն, կուռք, ասէ,  
հեթանոսաց դեք և անշունք են, և  
նմաննոցալիցին պաշտօնեայք նոցա:  
Տէր միայն ածէր զնոսա, Մովսէս  
նախադրեալ յառաջտձայն ձաղա-  
նօք սաստիկս իմն ամբաստանէ. ոչ  
էրընդնոսա, ասէ, աստուածսօտա-  
րոտիս, զոր ոչ ճանաչէին հարք նո-  
ցա: Ուր է մահամատոյց այլազնեայ  
արձանն Փագովրայ, ուր տղեղն և  
անպանծալին սիդոնացւոց իգական  
ամենանզով ձուլածոյն, ուր կանա-  
ցի կերպին անդրելին խայտառակու-  
թիւն զազեր տեսակին, որով ամօ-  
թոյ մարդարէքն զանասնօրէն դի-  
մեցումն անխտրաբար յանուն չա-  
րութեան անժուժկալ դիւին ան-  
աստուածաբար ձօնեալ մոլէին:  
Տարաւ զէութիւն բարեբաստու-  
թեանն՝ որ զնախնին որսաց 'ի կո-  
րուստ, յաղթեաց մեծութիւնն ի-

մաստիցն առաւելութեան, գերեաց  
գոռողութիւնն, յիմարեցոյց փափ-  
կութիւնն, վանեաց արծաթն ծա-  
ռայեցուցիչ, յոդի դատեցաւ զայրն  
տօնելի հին զէնն կործանողին, 'ի  
դրկացն Աստուծոյ հանեալ՝ 'ի յոտո  
ստամբակին գթեցոյց, մեռոյց մեղ-  
կութիւնն, թմբրեցոյց ծուլութին,  
արբեցոյց շուայտութիւնն: Ո'վ դիւ-  
րապատիր մարմին երկրածին, որովք  
ձայնարկութեամբք զքեզ աւաղե-  
ցից · քանզի ոչ տիրապէս առ նա  
հանդիպի ընդդիմաբանութիս, այլ  
ամենից սխալողաց՝ կամաւ վրիպե-  
լց. վասն զի նովաւ է իմանալ, թէ  
անիրաւ է պարծել յիմաստս մար-  
մնոյ, եթէ ոչ Աստուծով դատեալ  
ընտրեսցի · որ զի թէ առ այս պայ-  
մանի յիմար ոք իցէ, և 'ի հաստըն  
կամս յուսասցի, ոչ ևս 'ի նորայոց  
անտի ինչ կրեսցէ :

Դ. Այլ քանզի սաստիկս և քըստ-  
մելիս ունի Սողոմոն զդարձին իւրոյ  
յիշատակարսն ինքնապարսաւն կըշ-  
տամբութեամբ, իբր մեռեալ իսկա-  
պէս համայն աշխարհիս անձնասի-

ըութեան . զոր եթէ զիսկն ոք նկատեսցէ , Ունայնութեամբքն է իմանալի . այլև 'իմասեանս քահանայիցն և 'ի գիրս Աքիայ սիլոնացւոյ , յուրումզիոյթն իւրումընթացիցն արտասուելիս իմն յեղանակէ . զուրջան , անօգուտ վաստակ , անմիտետեռումն , անշահ արշտւանք , անկայուներկք , օտարինիմաստք , ոչընչեց հոլովք , բամբասելի բերք , անյարմար վարկածք , սնուաի սերմանիք , աւազափուշնուածք , ապահանացու ստացուածք , քամահանաց տաժանմունք , ինքնամարտ կըոիւ , ընդ ոգւոյ իւրումդատ , ընդունայնաթուպ քիրտն , վնասակարփափաք , կորստական շաւիդ , վրապակ ճանապարհ , կործանական կրթութիւնք , մոլորապատիր վարժութիւնք , հանապազասխալ տեսութիւն , ակնայայրատ պչութիւն , ուունկակերտ կերպարան , ախտաբորբոք նիւթ , դժնէատեսիլ գոյն , յոքնաստիուր գեղ , յոլովամեղձուխ , շոգի ցնդելի , վաճառ մերձ 'ի յառ , տաղաւար քակտելի , ընդ-

վայր աղաղակ , անսպատճառաւոր  
ծաղք , արհամարհելի ասպարէզ ,  
անձնավաճառ գիր , սատակչական  
ելք , անսաստուած մտածմունք , սը-  
տայօդ Ճառ , զայրացուցանող զը-  
րոյցք , Եպերանաց խծբիծ , խելա-  
գարութեան խնդիր , ամօթանաց  
ցոյցք , խայտառականաց յայտնու-  
թիւնք , առակ ասլառնեացն , ապա-  
շաւանաց գործ ըմպահկանաց սլատ-  
մութիւն , հեղղացելոց օրինակ ,  
խորխորատ ծածուկ , որս խաւա-  
րային , մահագուշակ վիհ , անյա-  
տակելի անդունդք , ուղեկցութիւն  
սպանողաց , յիմարութեան բար-  
բանջմունք , գարանակալաց վայր ,  
խարխուլ յարկ , շինուած սասա-  
նեալ , կամուրջ խախտեցեալ , երե-  
ւոյթ փախչելի , խաբող շողոքորթ ,  
անոպայ մատնիչ , ընդդէմ բարձրե-  
լոյն հակառակութիւն : Զայս ամե-  
նայն մասունս բանից խոստովանա-  
կան կանոնադրութիւն , 'ի սիրտս  
բնաւիցնախասերմաննեաց ձողովողս  
կանոնադիր գարձելոց զզջման . որ-  
պէս զի մի սլարծեսցի ոք 'ի մարդ-

կանէ բամբասաւորօք զինուորեալ  
նետիւք՝ զանձն և զընկերն խոցո-  
տելով. քանզի կռապարիշտ է քո-  
ղով ծածկեալն, որ զկերպարանն  
միայն ունի, և զոչ ախորժելիս  
ստեղծչին կատարէ:

Եւ արդ նա՝ որ ոչ այնքան մե-  
ղաւ որքան զզջացաւ, մի ՚ի սպառ  
սլախարակեսցի. այլ յիշեսցի այրն  
այն ՚ի բարի, իբրև զհիմն յուսա-  
դրութեան ՚ի տէրունի ոտան դիմե-  
լոց, յորժամ հոգւովին էջ յայցե-  
լութիւն աստուածութեամբն ան-  
բաժանելեաւ՝ կենագործել զանդ  
խոստովանեալսն. զոր մեռեալքն ա-  
հակենդանեացս անտարակոյսբերին  
աւետիս: Ընդ որում մաղթեալիմ  
սպառտաւորի՝ իմաստութեանն ոչ  
ժամանելոյ, ՚ի մեղանացն մասն  
կարգեալ, բարեբանեալ մեծիդ պա-  
ղատիմ. լից զնուազդ իմ բանագրու-  
թիւն ՚ի յերջանկին հանճարեղու-  
թիւն. նիւթեսցին ներկայիս հայց  
մունք ՚ի բարգաւաճին յարգաւո-  
րութիւն՝ ՚ի գերաշխարան արքային  
աղերս. այցելութիւն խնդրոցս դի-

յի քո ընտրեցեալ վեհ արքայոր դւոյն, զոր միածնիդ օրինակեցեր : Յարեանն կցորդութենէ զքո փառակիցդ ճաշակեցաք . տուր փրկութիւն քոյոյ ծառային, ամենահնար, զօրեղ, ահաւոր, 'ի ստեղծովիդ փառս աճեցուցեալ զանքաւելի մեղացն ջնջումն : Յիշատակաւ խորհրդոց բարեաց՝ ընդ ողորմեալսն նորոգեսցես . որ ամենահամախորժաճաշակեալ բազմապաճոյճառակագրութեամբ զաստուածութիւնդ քոքարողեալ 'ի մատեան լուսազարդ կրտակի, եկեղեցւոյ ընծայեաց հետս բարութեան՝ խոստովանութեամբ մատչելառ քեղ, Հայր : Քանզի ոչ հեռի յողորմութենէ առ այս ցոյց բանի է խմանալի, թէ անյունութեանն կաթուած չէր անկեալ 'ի յեռանդն սրտին ըղձից, որ զՃեսլ զջմանն փոքր ինչ կասեաց :

Զ . Արդ 'ի յուշբերեալ զոր 'ի քեզանճառելի բարեմասնութիւնք, զդութիւնքո ողջունեսցես . որով զկոչկոճեալն 'ի բազումդարուց՝ բամբասանաց քարաճդութեամբ, երա-

նութեամբ վերարժանացո . որ յոք .  
նահոսան արտասուաց ելիւք զմէչ  
յատակի յարկին հեղեղեալ ասլա .  
րանիցն իւր խրախճանութեան  
սաստկակսկիծն ապաշաւանօք , հօրն  
կրիցն գերազանցեաց ողորմելի .  
գւոյն հեծութեամբ . զոր 'ի յաչաց  
բանիդ քո արտօսր՝ առ որ մերով  
'ի յիւրն ախտակրեաց , երկայնա .  
միտդ ներողութեամբ միացուցեալ  
խառնեսցես , գթած . և զանյարմարն  
առ նա կարծեցեալ զսազմոսին բա .  
րեբանութիւն , 'ի փառս էակցի նր .  
գւոյդ կնքելով նովաւ կեցուցես  
զնա քաղցրութեամբ ընդ աղքատա  
ժողովրդոց : Զայս պուետիկոս ոմն  
բարեշնորհ արգահատէր ընդ Սողո .  
մոնի , ամենայնիւ վարձս վարկու .  
ցեալ համակցորդ զուգաձայնու .  
թեամբ՝ իբր կենդանեօք նովաւ ընդ  
նմին վասն նորին աղերսել առ քեզ  
զոր յաւելուած կարգիդ տնտեսէ :  
Քանզի և աւստացւոյն 'ի նմանէ ըս .  
տէղձեալն բազմահրաշաւորն մար .  
գարէաճառն սլատմագրութիւն աս .  
տուածութեան արդարացուցիչ ըզ

Սողոմոնն սղորմեալ կարգէ . որ զի  
անպարսաւ է աղօթելն , քանչ չարա-  
բանելն վասն նորին :

Է . Զոր և ես մաղթեմմեծ վըս-  
տահութեամբ նմանակից այսր հե-  
ծութեան՝ և զիմն ընդ նմին ընծայել  
դոչումն . զի թէ կորուսցես զմեզ  
դատեալըստ գործոց , ոչ սղակասին  
փառք քո , զի իրաւամբք քո ճանա-  
չիս . իսկ եթէ գտցես , այնիքան բար-  
ձրանաս , որքան մեծութեանդ քում  
վայէլէ . քանիզի յաւէտ օրհնաբա-  
նելի ես դու երկրորդաւս՝ ողորմա-  
ծութեամբ , քան նախահրաման  
սասակութեամբն : Դարձիր , տէր ,  
դարձիր քաղցրութեամբ 'ի խնամս  
գթուե ձրի և ամէնառատ պարգևօք  
սիրոյ մխիթարել յաւէտ զարբա-  
մեալքս համաշաւիլ տագնապաւ  
տապոյ տոչորման անթշկականի :  
Չեռն եղեալ փրկութեան նորո-  
գեսցես վերստին , քաւեալ և պա-  
րսպարեալ 'ի մեղսակործանս խոր-  
տակմանէ : Եւ քեզ միայնոյ սկզբանդ  
և անսկզբանդ , ընդ սկզբնաւորիդ  
սկզբանց՝ սուրբ Երրորդութեանդ

և միումաստուածութեանդ փառք  
և իշխանութիւն յաւիտեանս յա-  
ւիտենից . ամէն :

## ԲԱՆ ԽԹ .

ՎՀԵՐԱԳԻՆ ՅԱ-ՆԵԼՈՒ-ՋՆ ԻՐԻՒՆ ՀԵԺ-Ա-ՄԵԱՆ  
ՆԱՐԻՆ ԿԱԽԱՂԻ ԱՌ ՆՈՅՆ ԱՊՀԵՐԱ ՏԱՂԵ-Ա-ԱՆԱԴ  
ԷԱՆԻ .

Ի ԽԱՐԱՇ ԱՐՔԻՆ Խօսի ընդ Աւագու-Ճայ :

Ա . ԵԿԱՐԴ մի տիրեսցեն անօրէ-  
նութիւնք քում պատկերիս կայսե-  
րականի արքայութեանդ վերնում,  
Աստուած բոլորից լուսոյ , մի կապ-  
տեսցէ գուոզն ապստամբ զղարդ  
վիչմանդ շնորհի 'ի քո ստեղծեալ-  
կերպէ , մի թագաւորեսցէ մեղքն  
խափանեալ՝ մարմնոյս մահացուի  
առ 'ի գրաւել զիս 'ի նոյն : Չիք իմ  
թագաւոր առ իշխել շնչոյս բաց 'ի  
քէն , Քրիստոս , որ անբռնադատ  
հնազանդեցուցանես լծոյն քաղ-  
ցրութեան , որ բառնաս զկարիս մե-

ղաց ամենակարդ բանիւ , որ ա-  
րեամբդ քո ստացար և մարմնովդ կե-  
րակրեցեր . որ կարգեալ սահմանե-  
ցեր ուխտ կենաց անփոխադրելի ,  
որ յոդի քո կնքեալ կցորդ քեզդրե-  
լով , հօր քում մատուցեր ժառան-  
դակցապէս . որ յանուն զենման  
միշտ յիշատակաւ քո չարչարանաց  
առ նոյն բարերար աղօթել համար-  
ձակեցեր , ստեղծիչ ամենից և կեանք:  
Դու ես Աստուած ամենայն հո-  
գոց , որ մեծացուցեր զայս տուրս  
շնորհաց քան զամենայն գործոց քո  
հրաշս . ոչ զերկինս իւրովքն զար-  
դուք և հրեշտակացն սլայծառու-  
թեամբք , ոչ զերկիրս և զմարդկու-  
թիւնս և որ առ սոսա են զարմանու-  
թիւնք , ոչ զսահման լայնութեան  
ծովու և որ 'ի նմա են եղելութիւնք ,  
ոչ զանդունդս աղխիւքն հանգերձ և  
որ 'ի նմա են անբաւութիւնք , ոչ  
բարձրացար յօրինմամբ այսքանեօք  
վեհիւք որչափ առ իմս կարեկցու-  
թիւն , յասելն քո սուրբ մարդա-  
րէիւն՝ քաղցրութեանց յուսոյ բա-  
րութիւն , ովէ Աստուած իբրև զիս

կարող թողուշ միշտ զմեզս և ջնջել զանօրէնութիւն։ Ահա արդ խնկեալ են բանք քո, ողորմած, և խոստովանեալբարերարութիւնք, փառաւորեալխորք խորհրդոցդ, և երկըսլագեալ զեղմունք շնորհացդ։

Բ. Արդարեւ ոչ ոք բաւէ յէիցս թարգմանել խօսիւք նիւթական լեզուի 'ի մասանց այտի քումդ դժութեանց զոր առ իս ցուցեր, յօրինիչ, քանզի և մեծ իսկ է զօրութիւն՝ զհնացեալն անդրէն նորոգել ըստ առաջնումն սպայծառութեան, քան յանգոյից ստեղծագործել։ Եւ զի ոչ է քո տկարութիւն, որ զօրութիւնդ ես ամենայնի, առ որ բան քո միայն աղղեալ՝ զլրութիւն գործոցն զլսաւորէ, ահա յարիցես փառաւոր լինել, բարեգործ, 'ի ստացուածս այս կրկին անյուսալի փրկութեանս։ զի իրաւամբք ուխտի բարձրասցի՝ հաստատուն եղեալ մեծապէս օրհնաբան աւետեաց քո ձայն 'ի քաւելոյդ շնորհ ծանուցեալ, ողորմութեան լուսովդ ուղերձեալ, քան 'ի ճանապարհ ստեղ-

ծանելոյն : Զի առ մինն արարիչ  
միայն Ճանաչիս , խոկ առ միւսն՝ ա-  
ռաջնով կոչմամբն և Երախտաւոր .  
ընդ կերպացուցանելոյն և քաւիչ ,  
ընդ նորոգելոյն և բարերար , ընդ  
հաստելոյն և ողորմած , ընդ կազ-  
մելոյն և հնարաւոր , ընդ յօրինելոյն  
և հեղ , ընդ նկարելոյն ամենազօր ,  
ընդ առաջնորդելոյն և լոյս , ընդ  
տածելոյն հովիւ , ընդ դարմանելոյն  
խնամիչ , ընդ ողջ պահելոյս բժիշկ ,  
ընդ ձեռնկալութեանն զօրավոր ,  
ընդ անսլարտութեանն թագաւոր ,  
ընդ արարչութեանն քաղցր , ընդ  
ամենատուր պարգևացն առատ , ընդ  
միշտ անսալոյն ներող , ընդ ոչ բար-  
կանալոյն անոխակալ , ընդ կարեացա-  
վակցելոյ ծածկագետ , ընդ յան-  
ձանձելոյ գթոցն ապաւէն , ընդ գե-  
րունակ գորովոյն Աստուած , ընդ  
անսպառ բարութեանն օրհնեալ  
յամենայնի :

Գ . Արդ որպես ստեղծեր մինչ  
ոչն խոկ էի , և ծանուցար ինձ գոյա-  
ցուցիչ , և այժմ զհոգի մաղթողիս  
մարմնոյս տաղաւարաւ յարդարեա-

անդրէն վերստին յանաբատու-  
 թիւն մաքուր սրբութեան նախնի  
 լինելութեանն . զի բաղմասցի առա-  
 ւել աճեցուն եղեալ յաճախ տըւ-  
 չութիւն անսահմանելի քոյդ սքան-  
 չելեաց նորոգ ներկայիս , քան զան-  
 ցելոց հնոցն ստուերականաց : Եւ  
 ընդ ճառելոյս զթիւս մեղացմ՝ որ-  
 քան մտացս թևս ընթանայ զանբե-  
 րելիսն յիշատակել , արդարացայց  
 յանուն քո հզօր , և 'ի պատմել  
 ինձէն զանձին իմոյ բիծ , և դու թող-  
 ցես զամբարշտութիւն բաղում մե-  
 ղանաց խոստովանելոյս , հզօր , ծած-  
 կատես , ամենափրկիչ . զի մի ծայ-  
 րագոյն լրութեամբ աւետեացս ,  
 դարձեալ նախնումն կարօտացայց  
 երանելով սաղմոսիւն զշնորհօք փըր-  
 կեալսն մկրտութեամբն . և փշովք  
 մեղաց յոգի խոցոտեալ , ձեռն քո  
 միսեսցի յիս առաւելապէս այժմէն  
 վերստին , ծանրս առնելով զբեռն  
 պարտեացս քան զքաղցրութի պար-  
 գեացգ , այլ աղատեա զիս օրհնա-  
 բանեալ չոգւովդ սրբով , աղաչեմ  
 զքեղ՝ տէր ամենայնի , յօրինաց մե-

ղացն և մահու : Քաւ լիցի , թէ անկցի ընդ տկարութեամբ սահմանաւ ծշմարտութեղ ծագումն իբրև ըզդրոյն օրինակ . քանզի ուր քաւուի է թագաւորեալ՝ վտարեալ են մեղք , և 'ի խրախոյս կենդանի բանիդ՝ ոչ է յուսահատութիւն , և ամբարձեալ քոյոցդ շնորհաց՝ հալածեալ են պարտիքն , և մերձ գոլով ձեռինդ Աստուծոյ՝ ոչ դոյ անհնարութիւն , այլ ամեննեին լուսաւորութիւն բովանդակապէս զօրութիւն , անպարտելի կարողութիւն : Գո է փրկութիւն , կենդանութիւն , նորոգութիւն , ողորմութիւն , միանդամայն և քաղցրութիւն , արքայութիւն , անեղծութիւն և փառքյաւիտեանս ամէն :

## ԲԱՆ Ճ.

Աւելուածին յա-նը-ած իւին հեծութեան  
նորին հսկողի առ նոյն աղերս մաղթանաց  
բանի .

Ի Խորոշ սրբից խօսէ ընդ Աստիճա :

Ա . ԱՅԻ արդ , քանզի որպէս ոչ  
է առանց Քրիստոսի Աստուծոյ  
ոգոց փրկութիւն , և ոչ առանց  
տեսման աչաց՝ առ լոյս զուարձու-  
թիւն , և կամ առանց արուսեկին  
նշուլից արևուերբէք քաղցրութիւն,  
այսպէս և ոչ առանց խոստովանու-  
թեան ծածկութիւն ևս ստգտանաց  
անձին՝ քաւութիւն : Զիզի՞նչ օդուտ  
քեզ է մաքրութիւնդ , եթէ ընդ  
փարիսեցւոյն դատեսցիս , և կամ  
զի՞նչ մաքսաւորին դովեցայց , և կամ  
ուր ասի պարսաւեալ մարդարէն Յո-  
վէլ երիցս կրկնելով զանձինն եղ-  
կութիւն , և կամ զի՞ դուցէ սրբոյն

դատաստան առ ՚ի յիշատակ աւուրն  
մեծի , և կամ ի՞րը արդեօք անմա-  
քուր իմասցի շրթամբք Եսայի՛ հե-  
ռին ՚ի գործոց տանն Իսրայէլի , և  
զիա՞րդ Աստուած պարտաւոր պաշտի  
ադամեան մարմնով՝ իմոյս կարեկ-  
ցեալ յանցաւորապէս առ Հայր ազօ-  
թել , և կամ յո՞րս թարգմանի առած  
առակին , թէ սիրտ իմաստնոյն ՚ի  
տան սգոյ , և սիրտ անմտին ՚ի տան ու-  
րախութե՛ : Զի՞ որ զսիսալելն Աղա-  
մայ անձին իւրում ոչ գրեսցէ , և ըզ-  
մեղս ամենից ինքեան ոչ համարեսցի ,  
իբր երջանիկն արքայից զհարցն , կո-  
րոյս զիւրն արդարութիւն՝ որպէս  
անախտակիր գոլքնութեանս . և ոչ  
բերկրի սիրտ առ զուարթութիւն  
երեսաց աւետեօք յուսոյն , ըստ  
ասացելոյն , եթէ ոչ յառաքելոյն  
Քրիստոսի ուսեալ՝ ամենայնիւ ահա-  
լստ Աստուծոյ տրտմեսցի :

Բ . Արդ ըղձալի է ինձ յաւետ  
աստանօր խրատն հին նորոգ ընկա-  
լեալ՝ հոգեորհանձարեղին , զորտէրն  
իսկ երկրորդեաց , երթալնստել ոչ  
յառաջին բարձին հպարտից ընդ-

ամբարշտացն նաև ըրախորհուրդ ժողովելոց, ուստի Դաւիթ և Երեմիա ուխտիւ կանոնի սահման հաստատեալ հրաժարեցուցին, այլ ընդզգացեալսն սրտիւ պատկառեալսն մեղօք՝ և 'ի դատաստանաց մեծին պակուցեալ ահիւ հատուցմանն, յետնոցն հաւասարեալ աստէն 'ի յերկրի կամաւ խոնարհութեան, ուստի բարձրեալն Աստուած պարարեալ բերկրի • որովընդ նախադասեալսն 'ի բազմականոն երանութեան համարձակեցայց, թէ ես և թէ նա հետեւեալ սովիմք : Առ որ զերծեալ 'ի բամբասանաց բանի մարդարէին, որ 'ի վէսս ոմանս ակնարկի • մի յիս, ասէ, մերձենար • մաքուր եմ, և ովզ զիս տեսանիցէ : Այլ զանկշիռն խոնարհութիւնն երջանկին Դաւթի ինձ նպաստ առեալ ասելընդ նմին, ես իբրև զանասուն համարեցայ հերքեալ 'ի զգայութենէ, և հասին չարիք ինձ շուրջանակի • և նեխեցան և փուրեցան վէրք իմ 'ի յանզգամիս անբժշկութիւն, և զայլոց ոմանց ընտրելոց 'ի յասորե-

ստանի՝ զկամաւորն կշտամբութիւն  
մեղապարտութեան անձանցն անա-  
րատից • ընդ որս և զԵզրի մեծիքա-  
հանայի զասելն՝ ես ինձէն առեալ  
բարբառիմ, թէ և ոչ զերեսս բա-  
ւական իցեմ համբառնալ՚ի վեր առ  
քեզ Աստուած :

Գ. Արդ ես Ճշգրիտ պատկեր ա-  
մենայն երկրի՝ զիմս խառնեալ ընդ  
նոցին պարտիս, և 'ի նոցայոցն զառ  
իս դառնութիւն կրկին առաւե-  
լեալ, նոքօք հեծեծեցից • թէպէտ  
և չէ ինչ պիտոյ գարշութեան գու-  
նոյ՝ դարձեալ տգեղութիւն : Ահա  
արդ մեղայ, զի անմտութեամբ գոր-  
ծեցի զոչ հաճոյսն քո բազմօք սխա-  
լեալ յանցաւորութեամբք, նայեա  
յիս, գթած, որպէս երբեմն յու-  
րացութեանն ըմբռնեալ Պետրոս,  
զի յոյժ ունայնացայ : Լուսաւորեա  
ինձ զողորմութեանդ քո Ճառա-  
գայթ, ամենեին բարերարութիւն .  
զի ընկալեալ զօրհնութիւն քո, տէր,  
արդարացացայց կեցից և մաքուր եղեց  
յանստեղծիցն քո իմոց լլկողաց :  
Չունիմ համարձակութիւն զմեղա-

սլարտ ձեռինս հաստուած առ քեզ  
տարածանել , մինչև մատուցես  
զօրհնեալդ քո զաջ՚ի նորոգութիւն  
դատապարտելոյս : Արդ յաղթեա  
վերստին իմումս յամառութեան  
քոյին հեզութեամբդ առ իս ժամա-  
նեալ մարդասիրապէս . և զամենայնն  
յամենայնի ամենայնիւ քո կարողու-  
թեամբդ՝ զառաջին չարիսն միջնով  
քըն և վերջնականօքն թողինձ , հը-  
նարաւոր անհասից Քրիստոս թա-  
գաւոր լուսոյն արդարոց :

Դ . Չեմ արժանի յիշել զանուն  
քո օրհնեալ , զի մխասակար եմբա-  
րեգործիդ մահու հարուածոց առ  
կնիքն , առ շնորհն , առ փչումն , առ  
պարգևն , առ աւանդն , առ ձիրն ,  
առ անունն , առ որդէգրութիւնն ,  
առ ոլատիւն արքայական , առ պատ-  
կերն , առ գլոշմն , առ օծումն , առ  
ճոխութիւն , առ համարձակութիւն ,  
առ ընտանութիւնն , առ կեանսն ,  
առ լոյսն , առ երանութիւնն , առ  
յոյսն , առ փառսն , առ անխոնար-  
հելիքարձրութիւն , առ պսակն անկապ-  
տելի , առ խոստմունսն ծածկեցե-

Ծ  
 լոցն, որ քեւ, տէր Քրիստոս, բազմօք  
 աւետարաննեցաւ ինձ յամառելոյս  
 իժիս և քարբիս՝ ունկնախից և լսելա-  
 փակ անլուր տկանջացս. որ միշտ  
 յառաւելութեան քումդ բարու-  
 թեան յոքնապատիկ յաւետ քան  
 զոյն չարիքն իմ յաճախեալ, ՚ի ըս-  
 պառ կործաննեցին, մերժեալ ՚ի կե-  
 նաց ընդ մահ կապեցին, ծառայ  
 կարգեալ ապականութե: Եւ արդ  
 դու միայն իրաւակչիու և ճշմարտա-  
 դատ բարերար՝ օրհնաւալդ ՚ի գլու-  
 թեան, մեղայ քեզ անօրիննեցայ ա-  
 նիրաւեցայ. վասն որոյ և եղծայ,  
 զեղծայ, յանցեայ, ամբարշտեցայ. և  
 ոչլուայ խոստովաննեալ և երկրպա-  
 գեալ գովեալ. քո բանիդ, որ դու իսկ  
 երկեցար անճառելեաւ. քո սիրովդ,  
 զոր գրելն իսկ մեծ է, և նշանակելի  
 սարսափելի: Քեզ արդարութիւն  
 և փառս և մշտնջենաւոր դովու-  
 թիւն, և ինձ պատկառեցելոյս ՚ի  
 քէն, խնամակալ, քաւութիւն և ո-  
 լորմութիւն և բժշկութիւն, օդնու-  
 թիւն և սլահպանութիւն որտի և  
 ոգւոյ, բարեբաննեալդ յամենայնի  
 յաւիտեանս. ամէն:

## ԲԱՆ ԾԱ.

Վերսագին յաւելուած իւին հնծութեան  
նորին հովոշտ առ նոյն աղւը մազմանաց  
բանի .

Ի խորոշ սըպից խօսի ընդ Ասպարծոյ :

Ա . Եւ արդ առ երկրածի՞ն ոք  
սլաղատեցայ այրս մահացու ամե-  
նապատիր , եթէ ընդունայն է ա-  
ղաղակելն . առ մահկանացու բա-  
նական , եթէ սուտիցէ փրկութիւնն  
առ յուսոյն վստահութիւն . առ  
մարդ ոք եղծական , եթէ ընդ տը-  
կարութեան բանին և նանիր է զօ-  
րութիւնն . առ իշխանոս երկրաւոր  
գահից , եթէ անցաւոր է ընդ ին-  
քեանս և իւրեանցն բարութիւն .  
առ եղբայր ոք հարազատ , եթէ  
կարօտ է կամելոյն առ անձինն ան-  
դորրութիւն . առ հայրն իմ երկրա-  
ւոր , եթէ պակասեալ են ինամա-  
կանքն ընդ աւուրց նուազութեան .

առ մայրն իմոր երկնեաց, եթէ կա-  
սեցան դթութիւնքն ընդ նահանջել  
կենդանութեն . առ թագաւորու-  
թիւնս աշխարհի արդեօք, որք զմա-  
հացուցանելն միշտարուեստաւորեն  
քան զկենագործելն . այլ առ քեզ  
բարերար Աստուածօրհնեալ'ի բար-  
ձունս, որ կենդանի ես և զկենդա-  
նութիւն տաս ամենայնի, որ և յետ  
վախճանին զօրես անեղծապէս նո-  
րոգել:

Է . Որ եթէ փախնումք 'ի քէն,  
դու զկենի ընթանաս . եթէ տկարա-  
նամք, զօրացուցանես . եթէ վրի-  
սիմք, շաւիղ դիւրութեան ուղղես .  
եթէ սկատկառիմք, քաջալերես .  
եթէ ախտանամք յանձն և 'ի մար-  
մին, բժշկես . եթէ դարշանամք մե-  
ղօք, մաքրես . եթէ ստեմք, քո  
ճշմարտութեամբդ արդարացուցա-  
նես . եթէ յանդունդսնելքինս սու-  
զեալ գլորիցիմք, յերկինս ցուցա-  
նես . եթէ 'ի կամաց մերոց ոչ դառ-  
նամք, դու դարձուցանես . եթէ  
մեղանիչեմք, ողբաս . եթէ արդա-  
րանամք, ժողովիս . եթէ ստարանամք,

սգաս . Եթէ մերձենամք , տօնես .  
Եթէ տամք , ընդունիս . Եթէ յամ-  
րանամք , Երկայնամաես . Եթէ մք  
ժխտեմք , դու առատապէս շնոր-  
հեալ ընձեռես . Եթէ լքանիմք ,  
տրտմիս . Եթէ արիանամք , խնդաս :

Գ . Որպէս հարիւրորդ Երկրորդ  
սաղմոսն օրհնաբան հրաշաւորական  
զվհատելոյս զսիրտ սփոփէ , և մեծ  
յոյսկենաց աւետարանէ առ վիրկու-  
թեան հանդէս . որ յաղթականն  
է գիւաց և տարակոյսքանսարկուին .  
որ իբր զլսացն տերունինշան բարե-  
բախտ սպանծալին սքանչելափառ ,  
անխոնարհելի բարձրութեամք լու-  
սոյ և անպարտելի վերնոյն զօրու-  
թեամք կանգնեալ է ախոյեան ան-  
վանական և անշարժական ամենայ-  
նիւ յաւիտենական ընդդէմանբարի  
բարուց բռնութեանն բելիարայ , որ  
ունի յինքեան գանձս հոգեւոր օդ-  
տից գիտողաց մտաց ընծայեալ  
զպարտումն մահու և զլուծումն մե-  
ղաց , և յոյսս կրկինս յերկուս յա-  
ւիտեանս , և զնորոգումն խոստման  
անեղծութեան արդարոցն , կանոնս

բարեհրաւէրսևենդանատուրս գըրեալս հոգւովին Աստուծոյ . որպէս ամենայն խոկ երգ սաղմոսացն մաքուր սրտից է տեսանելի կտակ կենաց մարդկան նկարեալ :

Դ . Զի թէ 'ի նախնումն տկար կերպարանն զայս աւետիս և վստահութի ընդդոգեալ ունէր՝ կործանման մահու նախսաժաման մեծ աւետագիր և կեանս երկնակրօնս վեր նակենցաղս միշտ անձաւելիս , և այն՝ ջնջական գիրն և յեղանակաւոր օրինակն , և սկաշտօնն դատապարտիչ վհատութեան յանցաւորացն , և խափանելի կտակն երկրացին , և տկար հաշտարարութիւն միջնորդացն , և թերութիւն բանից մաղթողացն : Որ զի թէ Մանասէի փրկութիւնն խոստովանելի է անդուստ վկայեալ յետ այնքանեաց մեղանաց անբժըշկականաց . որ արեամբն արդարոց ելց զեռւիրեալն մեծի թագաւորին հրաշանուն քաղաք հայրենի , ըստ մարդարէագիր անսուտ պատմութեան . որ և զմեծն խոկ տեսանողաց բազմերախտիս ձեռնկալութեան

խնամովորէնին պաշտպանութեան  
նախնակերտ յարկին տեսչութեան,  
մանկավարժ ինքեան և նախնի , մե-  
քենայիւ մահու սղոցեաց , 'ի յեր-  
կուս մասունս խղեալ դժնդակ տան-  
ջանօք մաշեաց , իբր խորհրդով ա-  
պրստամբութե զյուսոյն փրկանակ  
կտրեալ : Առ որովզքար յաւելուածն  
մոլեգնական՝ զքրէական վերնամար-  
տութիւն 'ի բարձրեալն յանդգնու-  
թիւն . Քանզի ոչ պատկառեաց եր-  
բէք զստեղծողին սկատիւ և զանուն  
յիւրաբնակ խորանէն մերժել , հա-  
լածեալ զԱստուծոյ հոգին , Բելիա-  
րայ զանձն դաւանեաց : Քանզի ըզ-  
նոյն տաճար տիրական խնկարկու-  
թեան հաստողին սահման՝ հոչակա-  
ւորն երկրի տեսարան՝ զսարսափե-  
լին ազանց սրբարան , ուր տեսիլը  
հրեշտակականիք և Աստուծային  
հրամանիք յաղթողականիք լուսաւո-  
րապէս յայտնութեամբ ազդեալ  
երևէին , զայն վայր երկնանման ա-  
հաւոր պքանչելատես՝ Քեւանայու-  
մենն քառադիմակի նախանձարկո-  
պատկերի աւելրածոյն անապատի

պաշտօնեակ գարշելի և դիւաճեն-  
մեր զոհարան պատրաստեալ կազ-  
մեաց : Զրկեալ զարքայն երկնաւոր  
ի յարքայականն կոյից, զամենա-  
հարուստն՝ ունայն ՚ի ստացուածոց  
իւրոց, զտանուտէրն՝ անհանդիսա-  
և թափառական տատանեալ, բէեղ-  
զերուղայ ձեղուն նկարեալ, և զա-  
նունն ահեղ վտարանդի արարեալ.  
գերի տարեալ զաւանդ գովելոյն,  
ողբազի զբղորմածին մասն նուազե-  
ցուցեալ . ազուեսուն փոքու ասկա-  
րանք զսրահն լուսոյ կարգեալ . և  
ընաւից ունողին և ոչ գլխոյն տաղա-  
ւար յիւրայոցն եգեալ . հատեալ  
պանկ չզօրին, բախտից հմայից զսե-  
ղանն մեծախորհոգ արեանն սըրսկ-  
ման երեւցուցեալ : Լայնեալ հետո  
բազումն ընթացելոց ՚ի գայթակ-  
ղութիւն, հռվիւ կորստեան հօտին  
սատակման, մոլորութեան բուռն  
վարդապետ, և այն՝ գիտութեամբ  
իրոնիցն օրինաց, հայր ունելով զմեծն  
Եղեկիա զնմանակիցն Դաւթի :

Ն . Այնքան ստացեալ գտմունա  
շարեաց, որ և զի՞ւսու ուծոյ ոկատիւն

որ զարքայութեան փառսընծայեաց  
նմա , հայհոյեալ և թշնամանեալ ,  
և զաղօթկերացն բազմութիւն սու-  
սերաւ մահու խովխովկեալ : Ընտանի  
գաւաճան , մերձաւոր վատնիչ , հա-  
բազատ սատակիչ , կցորդակից սպա-  
նող : Առ Աստուած ոչ գոյր դառ-  
նալ , զի ուրացեալ էր զնա . զԱբրա-  
համ ոչ էր յիշել , զի խորթացեալ  
էր 'ի նմանէ : Խսահակաւ ոչ էր աղօ-  
թել , զի նզովեալ էր 'ի նմանէ . Խս-  
րայէլիւ ոչ էր պարծել , զի տարա-  
գիր էր անուան կոչմանն մեծախոր-  
հուրդն շնորհի . զդաւթեան երդ ոչ  
էր նուագել , զի կշտամբիչ էր 'նո-  
րին . 'ի քաւարանն ոչ էր մերձենալ  
զի սղծեալ էր զնա . 'ի տապանակն  
աստուածագիծ ոչ էր ապաւինել ,  
զի ընդ գարշութեան ձուլածուին  
էր փոխանակեալ . առ Մովսէս ոչ  
էր կարդալ , զի անքաւելի էր պար-  
տիքն որ առ նտ . առ Ահարոն ոչ  
գոյր աղաչել , զի վնասապարտ էր  
առ նա . առ մերձաւոր մարդա-  
բէիցն գունդ ոչ էր դիմել , զի սպա-  
նող էր նոցա : Եւ նորա քաւու-

թիւն մեղաց , և արքայութիւն թագաւորութեան վերստին պարզեալ տուաւ . զի քեզ , բարերար , բազմացուսցես կարգեսցես գովեստա անձառս և անլռելիս 'ի յազգս տոհմից և 'ի դարս ժամանակաց , և ըզդուոն յուսոյն մտից անփակելի սլահեսցես 'ի փառս քոյդ բատձրութեան և 'ի փրկութիւն դատապարտելոյս , անմահութեանց պարգեաց տուիչ Քրիստոս , գովեալ յաւիտեանս . ամէն :

## ԲԱՆ ՃԲ.

Վէրստին յաւելուած իշխին հէծութէան նորին հոխողի առ նոյն աղելը ճաղթանաց բանի .

Ի խորոշ ուժից խօս + չնդ Աստուծու :

Ա . ՕբՀնեաւ տիրաբար 'ի քումդէութեան , անսահմանելի և անփիխադրելի իսկապէս բարի , պաշտօնինկելի և երջանկութիւն խոստու

վանելի ամենայն երկրի , երկայն  
յուսոյ ամենասպարաստ տեսու-  
թիւն , գթած ողորմած , որ ոչ պա-  
հես ոխա բազմութեան ամաց մեղա-  
նաց քթթել մի ական , որ հրաշա-  
ռորս զարմանալիս գեր քան զամե-  
նայն ազլինս նախնեացն անստհման  
առաւելութեամբ կրկին ընդ միոյ  
հաճեցար հեղուլ զողորմութեան  
վերնահոս վտակս ամենախնկաւորս  
՚ի շնորհաբաշխութեանս նորում:  
Եւ զանդուստ զմուտս լուսարանի  
ոլատուհանին անձկութեան նշու-  
զիցն ազօտականաց , չափով գիտու-  
թեանցն ըստ Սովորմոնի , և իւր իսկ  
նմին և ինձ ընդ նորին բացեր ընդար-  
ձակեցեր թշուառացելումն զառա-  
գաստն անջրպետարան ելիցն ողոր-  
մութեան ձրի սլարդեացն Աստուա-  
ծականաց . զոր ընդ մէջ իմն մաս-  
նաւորօք աւետաւոր յիշասակաց և  
՚ի հնումն զայսը տպաւորութիւնօրի-  
նակաւ նկարագրեր , զդարձարուքն  
առ իս և ես դառնամ առ ձեզ . և  
յորժամ գարձիս և հառաչեսցես  
յայնժամ կեցցես : Կա զի և զար-

շամզջին սեռութիւն գունոյն փոխարկել՝ ի ձեան պայծառութիւն, և զարանցն արեամբ ներկելոցն յեղանակել՝ ի պատահումն գեղման, ըստ Եսայեայ և Զաքարիայ, և 'ի մէջ բարկութեան դարձեալ զոյգ զողորմութի. քանիզի անապատանալ քաղաքացն Խորայէլի և դարձեալ բնակիլ, և Ճանապարհացն ամայի լինել՝ չգոյէ մարդկան և անդրէն հետեւիլ, և լքանիլ՝ ի սովոյն սգւով և դարձեալ զօրանալ ձեռամբ, և գնալ Աստուծոյ 'ի տեղի իւր զայրացմամբ և դառնալ ողորմութեամբ, ըստ ներողութեան զելսն, և 'ի մէջ սաստիցն սպառնալեացն կրկին պաշտպանութիւն, և 'ի սրախն խռովութեան յուղումն խնամոց գթութեան :

Բ. Այս մարդարէիցն ձայն խընկելի, որ զօրհնեալդ քո դալստեան զազատարարդ հրաման կանխաւ ազդէին, և զոր չէ բանիւ նիւթեղէն լեզուի ընդ թիւ արկանել վասն անբաւութեան, փոքունք են և նուազունք օրինակք և նմանութիւնք,

հինք և ժամանակաւորք առ առեւ-  
տեացդ քո յայտնութիւն և խաչիդ-  
փրկագործութիւն : Որ յամենայն  
վայրի կառուցեր զիսորանն վկայու-  
թեան արեան քո ուխտի , որք մե-  
ծաբարբառ միշտ աղաղակեն քան  
զգատակնիք մահուն Հաբելի զյալ-  
թանակ բարեաց քումդ հանդիսի ,  
կեանս կրկինս և անմահականս շնոր-  
հաց , մկրտութեան , յարութեան ,  
նորոգութեան , առ քեզ ընտանու-  
թեան , ընդ Հոգւոյդ որբոյ միու-  
թեան , քաւութեան , աղատութե-  
լուսաւորութե , մշանջենաւոր մա-  
քրութեան , խկապէս երանութե ,  
ընդ վերնայնոցն կցորդութեան , ան-  
կապուտ փառաց , 'ի շրթունս մեր  
ձայնիւ բարձրելոյն հաշտեցուցիչ  
բանից աղաճանք : Եւ զոր ահաւորն  
է ասել , կարդեմ աստանօր յիշատակ  
եղեալ մեծիդ երախտեաց , աստու-  
ած խել լինել ընտրութեամբ շնոր-  
հին , և ընդ հաստովիդ միանալ տէ-  
րունի մարմնոյդ ճաշակմամբ , և ընդ  
լուսոյդ կենաց խառնութեամբ զոր  
կատարումն երջանիկ խոստմանն ,

ըստՊատ զոսի բանին, ոչ ուներօրէննուն Այլ գու, փրկութիւն, Եկիր հայրէնիդքո հարստութեամբ, արարեր և կատարեցեր զյուսոյն յերկարածգութիւն, որ առ քեզ սկահեալ անհամառօտելի, քաւիչ ամենայնին է քեզ փառքընդհօրքում ՚ի գովեստ բարեբանութեան հոգւոյդքոսրբոյ, յաւիտեանս յաւիտենից ամեն:

## ԲԱՆ ՏՎ.

Վերստին յանելուած իրին հնձութեան նորին հսկողի առ նոյն աղեց մաղթանաց բանի.

Ի խորոշ սրբից իսօս ընդ Աստվածոց :

Ա. Տեր տեր զօրութեանց, բոլորից գոյից թագաւոր, օրհնաբանեալ ողորմութիւն, Աստուած ամենեցուն, որ յաղթես սահմանի լայնատարած ընդարձակութեան, ամենայն անբաւութեանց գու ես որ-

քանութիւն մինչ զի կարծրն քեզ  
հոսանուած է, և լոյժն քեզ պնդա-  
կազմ, և չիք քո իր անհնարաւորա-  
կան, յաղթող զօրութիւն ահեղ.  
հուրն ցող իմն է զովական, և ան-  
ձրեն բոց կիզանողական : Զ. քարն  
բաւես ցուցանել կերտարան ազգ-  
ման, և զբանականն դնես անխօս և  
անշունչարձան : Զ. պարտաւորն ողո-  
քեալ պատուական առնես, և զկար-  
ծեցեան մաքուր՝ իրաւամբք քըն-  
նեալ դատիս : Զ. մատուցեալն՝ ի մահ  
քերկրութեամբ բարեաց արձակես,  
և զամացեցեալն՝ զուարթ տեսու-  
թեամբ օծեալ դարձուցանես : Կտն-  
դնես զմատնեալն հաղբից գլորման,  
և զսասանեալն՝ 'ի վստահութիւն  
վիմիդ հաստատես : Զ. ախտացեալն  
բազմահառաչ երջանիկ կարգես, և  
զյառաջատեալն դարձեալ անդրէն  
'ի յետս նահանջես : Եւ յորժամ  
սպառին առ 'ի մէնջ բարիքն, զառա-  
ւելզարմանալիսն յայնժամ'ներգոր-  
ծես . քանիզի վասն քո դիտես թո-  
զու զմեզս և ջնջել զանօրէնութիս,  
և քառիչ լինել անիլաւութեանց և

զմեղս մեր ոչ յիշտոտակել, ըստ  
Եսայեայ և Երեմիայ :

Բ. Այլ առ շնորհ նորոգ փրկու-  
թեանս բազմօք գոհաբանութեամբ  
հետեւեալ, 'ի յաճախութիւն ան-  
բաւիցն լռեալ առ սմին իսկոյն կար-  
կեցայ . քանզի կրկնեալ զլուսոյդ  
անսպառ բարիսդ, որ 'ի քէն առ  
իմ յամառս թշուառութիւն, քոյին  
աղերսիւ առ քեզ մաղթեցից, յար-  
մարեալ գործեալ 'ի նիւթս բանիս  
դտառ ոզբերգութեան այսր մա-  
տենի, լցից թախծութեամբք և հե-  
ծեծանիօք : Այլ առեալ խառնեցից  
'ի տուողիդ հաճութիւնընդ ցաւոցն  
զդեղն, ընդ վհատութեանն զխրա-  
խոյն, ընդ յուսահատութեն զյի-  
շատակդ անուան հաստողիդ, ընդ  
տիրութեանս զսփոփանսդ, ընդ  
իմումս գառնութեան զքաղցրու-  
թիւն կենարարիդ, ընդ սլատիժօրի-  
նին զշնորհն, ընդ սլարաս անիծիցն  
զազատարար օրհնութիւնդ, ընդ  
մարմնոյ մահուն զամենայնիւ նորո-  
դութիւնդ :

Դ. Հաւատամհզօրիդ բանի, ուսո-

տի վկայեմ. լուր լոռւթեան սրտիս, տէր Յիսուս, որ հնչումն է առ քեզ մեծութեան ձայնի երկար գոչելոյ: Որ մարմնակից և պատկերակից մեր եղետը, և քահանայապետապէս անօրինակդ զօրինակին խորտակեալ զլուծ, ընդ զենման մահու անամոցն՝ բարեբանեալ մարմնոյդ նուիրմամբ անմահապէս միշտ մատուցանիս, և աննուազաբար քաւութիւն շնորհես, ոչ սակաւամեղիցն միայն, այլ և որոց հատեալ է ակնկալութիւն առ ելո կենաց: Զի՞ որքան զօրէ մարմնոց անդամոց առ մեղս կենդանութիւն, թէ և բիւրուց ամաց ունիցի յերկարաձգութիւն, յորժամ Աստուածդ բոլորեցուն վասն սորին կամաւ և յօժարութը զենումն ընկալեալ, մահու համբերես բաշխեալ՝ ի քաւութիւն: Զի՞ ոչ եթէ մսկրութեանդ աղբեկը սկարտական գոյ մահու յօր ըստ օրէ կատարին, այլ կամօք քովք Հոդոյդ գործակցութեամբ՝ ի հաջութիւն հօր և ՚ի մեր հաշտութիւն շանկ մատուցանիս: Իսկ եթէ ամե-

նիցդ Աստուած անքնին՝ խմովս վասն  
իմ առ իմ փրկութիւն, 'ի դեմս իմ,  
իբր թէ ընդ քոյդ էութեան ես իցեմ  
մարմնով սլարունակողիդ կցորդ միա-  
ցեալ. և դու, բարերար, յաղագո  
իմ 'ի յիմս կերպի փոխանակեալ  
ընդ իմում սլարտեաց, և մահ ըն-  
կալեալ անսպարտդ զմահասպարտիս  
վեասուց սլատուհաս, և 'ի յիմա-  
նուն յանցաւորապէս, որպէս թէ  
կամաւընդ քեզես կրիցեմ, բազումս  
մեռեալ և մնաս կենդանի. ոչ ու-  
րացողացն ձեռօք, այլ դաւանողացն  
հաւատովք աստուածապէս նուի-  
րեալ և 'ի մասունս անհատս բաշ-  
խեալ:

Դ. Ասէր ոմն ողբքաւոր՝ չաւա-  
տալեացն սլաշտօնատար. մեծ ինձ  
և անկշռելի առ սմին դատէր անյար-  
մարագիր անձին յուսադիր, չա-  
ւատամ զփառս և զերջանկութիւն,  
քան թէ մարտիրոսութեամբ իսկ՝  
թող թէ ուղղութեամբ իմս թշուա-  
ռութեան յանցաւոր մարմինս վախ-  
ճան ընդունել: Խոկզանճառութիւն  
խորհրդոյս այսու դիտեցի. դաւա-

նէր իսկոյն, որ զի և մաքրոցն անձինք առանց նուիրման այսր յիշատակի չեն իսկառէս կատարեալք 'ի սպառ, եթէ ոչ ընդ այս հրաշակերտութիւն մեծութեան հոգւով խառնեացին : Ապա թէ մեղաւորիս մասին կրկին մատուցար բաժին ասելով յուսայր, իբրև այն թէ ես ինքն եղեր ճշմարտիւ, գրաւեալ զիմս դաժանութիւն ընդ քում համեղութեան, պատարագեալ քոյինանիւթզանդուածոյնշխարաւդ կենաց լուսոյ : Այսու ամենայնիւ 'ի վերնատանն նախանուէր բարեշնորհութեան՝ անհնարաւոր ախտիցն ճարակ՝ զմարմին և զարիւնիւր բաշխեաց 'ի քաւութիւն, 'ի վեր կարծեցուցանէր քան զնահատակի վկայեցելոյ արեամբ կատարմամբ . յուսոյս օրինակ յարդաւորութեամբ գրեւզիս 'ի փառս, այսմ փրկանօք հաւատալի երեւեցուցանէր, քան թէ քաւելոյ և ողորմելոյ և շնորհելոյ, որչափ աստուածականիդ առ մարդ զօրութիւն, և տիրական աստուածախառն մարմնոյն կամաւորա-

կան նուիրումն առ անասնական ըս-  
պանդին մատուցումն , և անմահն  
առ մահկանացուս , լոյսն ահաւոր  
առ ստուերայինս , յաւիտենականն  
քան ղանցաւորս , բարձրեալն քան  
զերկրաւորս , անստեղծն քան զե-  
ղականս , բարին խկութեամբ քան  
զթիւրեալսընութեամբ , մանաւանդ  
զի իւր է կամելն և իւր կենագոր-  
ծելն , օրհնութեանն առիթ քան  
զանիծիցս պատճառ :

Ե . Արդ տուր խոցելոյս 'ի սիրա  
և յոգի , աղաչեմ գթած , ղառ 'ի  
յերկնուստ ընծայեալ զդեղդ կե-  
նաց . մատիր քաղցրութեամբ առ  
ախտացեալս մեղօք , քաւեա 'ի պար-  
տեաց՝ ամենակատար բաւականու-  
թիւն : Խսկ առ 'ի յինէն ոյս է ճըշ-  
մարիտ և անխաբելի կերպարան բա-  
նի , որ զի հաստիցդ ամենից 'ի սուրբս  
ընակես , և ըստ տարազու սերմանն  
և հնձելն է իրաւացի , ըստ Ճշմարիտ  
բանին Պաւղոսի , և աչացաւացն 'ի  
տապ արեւու ոչ է զօրութիւն : Այլ  
դու , բարերար հաստիչ յոչէից , յար-  
դես յաւետ խկասես համայն և

զգաւանելն զքեզ՝ բաւականառ կեն  
դանութիւն . և ոչ ես ընդ սահմա-  
նաւ փակեալ օրինի , այլ յաղթեա-  
մանաւանդ թէ խզես զկատ կանոնի ,  
և դու միայն մնաս պայման աւետեաց  
համօրէն յանցաւորաց տարակու-  
սելոց : Եւ քեզ ընդ հօր հոգւովդ  
սրբով փառք և իշխանութիւն յաւի-  
տեանս . ամէն :

## ԲԱՆ ԾԳ .

Ա ւ երագին յաւելուած էր ին հնդութեան  
նորին հսկողի առ նոյն աղերս մաղթանաց  
բանի .

Ի խորոշ սրակի խօսք ընդ Աստվածու:

Ա . Ես արդ յամենայնի առ ա-  
մենայն ակնկալութիւն . քո է ողոր-  
մութիւն , սկզբնալոյսդ աչաց աե-  
սանելեաց և որտի իմաստից Յի-  
սուս . քո է բարերարութիւն ,  
կեանք և անմահութիւն : Դարձ առ  
իս դժութեամբ , և հանդերձեսցես

դառնալ առ քեզ ինձ կրկին բեր  
կրութեամբ . զի առանց քոց կամաց  
ոչ ունիմ լինել նորոգ փոփոխեալ .  
և եթէ ոչ կամբ քո գթասցին , ոչ  
զօրեմ փրկիլ մահու պարտականս .  
և եթէ ոչ կառավարդ յարդարես  
ցես պատրաստել ինձ հետս ճանա  
պարհի՝ որ առ քեզ բերէ , վիհ է  
ինձ խորոց յաջմէ և յահեկէ :

Բ . Ահա ոչ պարծիմամենայն իրօք  
նախատեալս , ոչ պանծամ դսրո  
վեալս , ոչ խրոխանամ լքեալս , ոչ  
մեծաբանեմ պասպահձեալս , ոչ ըմ  
բոստանամ ձաղեալս , ոչ երջանկա  
նամ եղկելիս , ոչ արդարանամ ամ  
բարիշտս : Զի ոչ երբէք հարթ ըն  
թանայ երիվար առանց սանձակալի ,  
և ոչ նաւ համբառնայ հանդէսլ ա  
ռանց ուղղի , և ոչ արօր կշիռ ինչ  
գործէ առանց մաճակալի , և ոչ եր  
կուորեակը լծոցն 'ի ճահ ճեմեսցին  
առանց եզողի , ոչ ամսլ վերացուէ  
առանց հողմոյ , ոչ աստեղք ցնդին  
և կամ գումարին առանց ժամանա  
կին , ոչ արեգակն փոխաբերեալ  
շուրջանակի առանց տարրական

օդոյ, և ոչ ես նորօք հանդերձ առանց բարեգործիդ հրամանաց ակնարկութեան։ Զի դու միայն ես տուիչ կենաց բանականաց և խնամիչ կարգաց հոլովման արարածոց, և 'ի քէն է ինձ փրկութիւն, ըստ սաղմոսողին։ և դու ձայնես բարբառ խնդալից աւետեաց հնչման յականջս լսելութեան ամենայն հասակի, Եկայք 'ի հանդիստ խմբնաւին աշխատեալք, և ես մաքրեցից զձեզ 'ի սլարտեաց։ Խոկ զի՞նչ օգուտ կաշակմանէն, Եթէ դեհենին մատնեցայց։ Եւ կամ զիարդ յԱբրահամարծեցայց խորթացեալս 'ի գործոց նորին որդիս գարշութեան հօր ամովքհացւոյ, և մօր քետացւոյ կամ քանանացւոյ, ըստ մարդարէին որ առ իս յանկաւոր ձայնին։ Ժառանգս մերժելի եթովացի և ոչ սենեկին Սառայի, ըստ տեսանողին առ իս առածի, եղբայրս Շամբնի և կամ Գոմորայ, համբակս անլուաց և անսպելի՝ խակակութ պորտոյն խակութեան Ոողայ

և Աղողիքայ, ըստ Եղեկիելի կրինանախառնի կշտամբութեան :

Գ. Եւ քանզի 'ի ծուփս բազմավտանգս ալէտանջ հողմոյ սաստկապէս զզուեալ ուժդին լլկանօք 'ի սպառ տագնասպմամբ 'ի ծովին, փոխեալ ընկեցեալ 'ի վտակն վայրենական ողողիչ. առ որս զմատունս ձեռացս այսր անդր տարաբերեալ, իբր 'ի հոսանաց բռնութեանց դարնահազայր դետոց, արտաձդեալ յակամայ ընթացս ողորմագին գլորման, ջրակուլ ոդեսպառ պղտորաբութեամբ, դաժանահոտ սկախառն մամուարմատ խառնախոիւ մահաբեր երկամբք վանեալ, ըստ որոց յուղիսիցն հեղեղիցին հեղձուցեալ: Այսու առակաւ և ես եղելիս՝ խօսին և ոչ խմանամ, գոչեն և ոչ ինչ լսեմ, բարբառին և ոչ զարթնանամ, հնչեն և ոչ փոխագրիմ, փողեն և ոչ գումարիմ, վիրաւորիմ և ոչ ևս ըզդամ, իռոցն գարշութեաննմանեալ թափուր յազդմանէ բարեաց խմասից: Արդարեւ չար առաւել յաւետ խսկապէս քան զօրինակիդ ճըշ-

մարտութիւնս , ատելի և մեղադրելի և ատենին Քրիստոսի արժանապէս մատնելի :

Դ . Եւ քանզի անդառնալի ուղոյն յիշատակ աստեացս սլարտեաց զայս կտակ թողի որոց ընթեռնուն , իմովս բանիւ առ Աստուած կարդալ հանապազորդութեամբ , այս կացցէ սահման յանձնառական խոստովանութեամբ մշտնջենաւոր ձայն արկու առաջի քո , ամենակալ . զորդիրդ ընդ մարմնոյս և բանդ ընդ հոգւոյս զանսահմանելիդ միշտ թախանձեսցէ , իբր յանեղծական մաղթողէ ընկալեալ աղերս ՚ի յիմոյս ձայնէ , բարեգութ , մարդասէր , օրհնեալ յաւիտեանս . ամէն :

ԲԱՆ ՃԵ

Աշխարհին յա-էլո-ած իրին հեծութեան  
նորին հայողի տա նորն աղեց մազթանաց  
բանի .

Ե Խորհու սբանից խօսութ ընդ Աստվածութ:

Ա. Եթ վասն զի սլաշեալ ոգւոյ ս  
թեօք 'ի թիւս անբաւից ծննդոց  
մարդկան եղի 'ի կշիռս իմանալեացս  
մտաց, ոչ գտի համեմատ զօք ինձ  
պարտաւոր. և առ այս զդաւթեան  
սաղմոսին զբանն 'ի յերգ ինձ առի  
դառն կշտամբութեան գաւազանա-  
ւոր գործավար. ո՞վ յարիցէ ընդ իս  
'ի չարիս հաւասարել յանօրէնու-  
թիւնս : Եւ քանզի այս ըստ սմին  
մասին կնքեցաւ և ճշմարտեցաւ առ  
այրս մահու, և ես վկայեմ կրկին  
հաստատեալ. առ այսր իրաւունս  
գրեմ՝ ինձ միայնոյ զեղծանիլ 'ի  
սպառ, քան իմովս բանիւ բազմաց  
տարտգրիլ. թերես սովորեառ այսու

արդեւք և ինձ շնորհեսցես, շնորհողին զպարտիս իմոցն:

Ի . Եւ արդ զի՞նչքեզ աղերս հաճոյական՝ ի յայսմե՝ ի սոյն, և ծուխ անուշից ընդունելի ինկոց մատուցից, գովեալ թագաւոր երկնաւոր Քրիստոս, եթէ ոչ զառ՝ ի յինէն անիծեալսն օրհնել մաղթեմ, զկապեալսն արձակել, ազատել զդատապարտեալսն, բարեգործել զերզովեալսն, սկսակել զթշնամանեալսն սփոփիել զտրտմեցեալսն, դարմանել զլսորտակեալսն, խնամել զսարտուցեալսն, սկասապարել զնենդեալսն, զվերաւորեալսն՝ ի մարմին՝ յոդի բժշկել: Եթէ օրհնութեան բանիւ առ ոք մատուցայ, լուիցես. իսկ եթէ անիծիւք, մի հայեսցի ընդունել, գթած: Ես տառապեալս ամենաթշուառ՝ ի վերջին սպասաւորութեան մաղթանաց այսր մատենի՝ ի բովանդակ մտաց շնորհեցի իմոցն՝ փակեալառ՝ ի քէն զանիծիցն դժընդակ ըղձիցն չարաշուք ձայն. և դըժնէից նենդողացն իմոց՝ ընդ բարիսն՝ ի բոլոր սրտե՛ հաշտութեան արդա-

հատեցի, վասն որոց և ծունը պաղատանաց կրկնեցի. որչափ դու ինձ տհա յայց ելեալ առաւել ողորմեսցիս ըստ քոյդ մեծութեան, գովեալ ինամակալ, կեանքդ՝ մահացուիս, հզօրդ՝ տկարիս, ամենակարդ՝ վարանելոյս, իմաստութեանդ աղբեւը՝ յիմարիս և թմբրեցելոյս : Քանզի յաւէտ սխալեալ անկայ իբրև զովողակ մթային ոչընդելական ի հաղբս մահու անզգայապէս, չիմացայ զկորուստն, չդիտացի զորոգայթն, չաեսի զըմբռնող որսոյն ծածուկ մեքենայս, չկարծեցի զխաբումն կերպարանաց կեղծաւոր վարմին, չնկատեցի զգայթագլութին շուրջանակի, չշօշափեցի զպատանդիչ զցանցարկ կարթին, ժամանեցին ինձ չարիք, և ես ոչ կարացի ճանաչել, ըստ սաղմոսովլին :

Գ. Քանզի և որպէս իմաստակի ումեմն արտաքնոյ բարւոք թուեցաւ, չար ասել զմահ առ չիմանալոյն պատճառի, և ես վկայեմ իմուլս բանիւ. քանզի իբր զանզգայ սկաճարս անասնոց մեռանիմք և ոչ զարհու-

ըիմք, կորնչիմք և ոչ հիանամք, թազեցեալ լինիմք և ոչ խոնարհիմք, տարագրիմք և ոչ տագնապիմք, եղծանիմք և ոչ զզջանամք, մաշիմք և ոչ մտառեմք, պակասիմք և ոչ պատրաստիմք, դնամք և ոչ զգուշանամք, գերիմք և ոչ ես զգամք։ Իսկ հանգիստ ասել երջանկին Յոբայ զվախճան մարդոյ, և ես խոստովանիմ զսոյն ընդ սրբոյն, եթէ ոչ ունեի զբեռն աշխատութեան մահացուգործոց ստանձնեալ։ Մանաւանդ զի որոգայթն գաղանի և հնարագիրն աներեակի, տարր ժամանակիս յանեից, անցեալն անյայտ և ասպառնին կարծողական, ես անհամբեր և բնութիւն թերահաւատ, ստք անհաստատ և միտք ցնդեալք, կիրք հարկաւորք և բարք անժուժկալք, մարմին մեղսամակարդ և յօժարութիւն երկրասեր, դիմամարտութիւն ներհակական, բնակութիւն կաւեղէն և անձրեք ուժգնակիք, կարիք անթըւելիք և պատահարք ամենագրաւք, միտք չարախնամք և տեհնչմունք

բարիատեացք , կեանք առօրեայք և  
զմբաղք սակաւաւորք , խաբմունք  
յիմարութեան և խաղալիք տղայա-  
կանք , աշխատութիւնք ընդունայնք  
և վայելմունք երազականք , համ-  
բարք ոչնչից և պահեստք հողմոց ,  
նմանութիւնք ստուերաց և կերպա-  
րանք ծիծաղելիք : Քանզի իբրև եկն  
եհաս պատուիրանն , ըստ պաւղո-  
սեան բանին , անսկառաստ գտեալ  
զիս ինքեան , մեղքն կենդանացան  
յանդիմանեալ յարդարութեանցն ,  
և ես մահացայ կենացն և կենդանա-  
ցայ կորստեանն :

Դ . Գողացան օտարք , չարին գու-  
մարք , զստացուածս սրտիս իմաս-  
տից , ըստ գրոյն կանխաբանութեան .  
որով եկն եհաս խսկոյն աստանօր  
իմաստութեան ինձնուազանալ , ըստ  
առակողին , և առաւելով ոչ բար-  
ւոյ ցանկութիւն : Ոչ յառեցի զակն  
ոգւոյս 'ի գլուխն իմ կենաց Քրիս-  
տոս , որով ընդ ուղիղն հետեւ-  
ցաց : Քանզի կամելով ուժգինս ըն-  
թանալ ընկլայ սաստկապէս , յան-  
չափին ձգտիլ իմոյն ոչ հասի , 'ի մե-

ծագոյնն ամբառնալ՝ աստուստ գը-  
լորեցայ, յերկնային ուղւոյն ան-  
դընդոց մատնեցայ, 'ի զգուշանալն  
առաւել՝ յաւէտ խասեցայ, յան-  
արատն պահիլ՝ մանր խորտակե-  
ցայ, կարծելով ընդ ահեակն մրցիլ  
յաջն գթեցի, 'ի զերկրորդն խու-  
զել՝ զնախնին կորուսի, 'ի խնդիր  
սակաւուն՝ 'ի կարեռորացն զրկեցայ,  
'ի յուխտին պահել՝ դաշինն դրժե-  
ցի, առ սովորութեանն կտրիլ՝ կո-  
րուսիչս գտի, 'ի փոքունցն փախու-  
ցեալ՝ մեծամեծացն մատնեցայ, զոր-  
ես ինքն ինձէն ստեղծեալ՝ չարաչար  
դատախազ անձին կարգեցի : Յորոց  
փրկել զմատնեալ գերիս դու միայն  
զօրեսցես, կենաց մատուցեալ զըն-  
ծայեալս մահու զհոդիս . զի դու  
միայն, տէր Յիսուս, Ճանաչիս բա-  
րերար, անսահման փառօք ընդ հօր-  
ե հոգւոյդ սրբոյ օրհնեալ յաւ-  
տեանս յաւիտենից . ամէն :

## ԲԱՆ ՃԶ.

Վերաբին յառելուած իրին հեծութեան  
նորին հսկողի առ նոյն աղերս մազնանաց  
բանի .

Ի Խորոշ ուրախ իսուտ ընդ Աստուծոյ :

Ա . Իսկ զառիթսն մահու գե-  
պուածս գժոխարմատ ծառոյսդառ-  
նութեան պտուղք , ընտանիք թշնա-  
միք , հարազատք հակառակք , և որ-  
դիքդաւաճանողք ստորագրեցելովք  
մասամբքդ նշանակեցից՝ գրեալյա-  
նուանէ , որ են այսոքիկ :

Բ . Սիրտս նանրախորհուրդ , բե-  
րանս չարախօս , ակնս յայրատա-  
տես , ականջս վրիպալուր , ձեռնս  
մահաձիդ , երիկամունիքս անփորձ ,  
ոտնս մոլորաշաւիդ , ընթացքս աներ-  
կեւդ , հետք խոտորնակ , շունչք  
ծխախառն , գնացք խաւարային ,  
գոյութիւն լերդի վիմական , խոր-  
հուրդ ծորեալ , կամք անկայուն ,

շար անփոփոխ , բարեմասնութիւն  
սասանեալ , անձնտարագիր , աւանդ  
վաճառեալ : Գազանվիրաւոր , թրո-  
չուն նետահար , փախստական քա-  
րավէժ , ըմբոնեցեալ մշասապարտ ,  
աւազակ ծովակուր : Զինուոր նեն-  
գաւոր , մարտիկ անպատրաստ , ըս-  
ովառազէն անժուժկալ , մշակ հեղ-  
գացեալ : Ազօթական անխրախոյս  
բեմական ստորնաքարշ , քահանայ  
անկնդրուկ , օրինական աննուեր :  
Դպիր կշտամբեալ , իմաստակ խե-  
լագար , ճարտասան անջոռնի : Կերպ  
անպատկառ , դէմք անամօթ , երեսք  
լպրշեալ , գոյն անհամբոյր , տիպ  
տմարդի , գեղ ծանակեալ : Խորտիկ  
խանգարեալ , ճաշակ գարշեցեալ  
այգի գաղձնաւոր , որթ որդնահար ,  
պարտէզ փշաբեր , հասկ ուտճա-  
հալ , մեզը 'ի մկանց ճարակեալ , ան-  
պատսպար անկեալ : Սնասլարծյու-  
սահատ , անհամոզելի նզով , անհաշ-  
տական բաժանեալ , ունայնաբան  
շաղակրատ , պաճարամիտ գոռող  
անամնօրէն ապիրատ , դժոխային  
ագահ , աներասան յանդուգն : Մո-

լեզնութիւն անաստուած , ձեռ-  
նաձգութիւն սպանող , տատասկա-  
ցան Երկրագործ , Երջանկութիւն  
եղկելի , մեծութիւն վատթարեալ .  
վայելութիւն անշքեալ , կարողու-  
թիւն տկարացեալ , բարձրութիւն  
խոնարհեալ , փառաւորութիւն  
ընդունեալ , պատուիրանազանցու-  
թիւն յարակայ , սիսալանք ինքնա-  
կամ : Մատակարար կամակոր , խոր-  
հըրդակիցնենգաւոր , բարեկամհա-  
տուածեալ , հազարապետ գողամիտ ,  
մերձաւոր կծծի , բաշխող ժլատ ,  
վերատեսուչ կարկամ , ոգի անախ-  
տակիր , իղձք անսէր , բարք ատե-  
ցող , աղիք անգթականք , գնացք  
անխոհեմ , աներեւոյթք ինտուեալք ,  
ծածուեք անիծեալք , դիպուածք  
թշնամանեալք : Վաճառական վատ-  
նիչ , շահարար շուայտեալ , պաշ-  
տօնեայ արբեցող , գանձուց ոստի-  
կան Երկմիտ , պատգամաւոր բանս-  
արկու , գոնապան քնէած , աղքատ  
հպարտ , մեծատուն ժխտող : Դի-  
ւանապետ անօրէն , պահապանմատ-  
նիչ , բնակակից չարախօս , սուրհան-

դակ անժաման , թղթաբեր պարտաւոր , առաքեալխոռվարար , միջնորդ անիմաստ : Արքայ արտալած , թագաւոր թարմատար , կայսր ոգեկործան , իշխան տիրադաւ , զօրավար զրկող , դատաւոր ակնառու , ուամիկ ինքնագործ : Կախատողի ծաղը , սիրելոյ աշխար , բանագրի դսրով , յանդիմանցի դատախազութեան : Քանզի և 'ի վեհագունիցդ կոչմանց էր ուրեք արգեւք զի էի , իսկ 'ի վատթարականացդ մասանց եկն երբեմն եհաս զի եղէ : Արդ այսքան վսասակարութիւնք խարդախութեանց յաճախագունից . յորոց յոմանց խաբեցայ իբրև զյիմար , և յոմանց տիրեցայ իբրև զտկար , կամաւ մատնեալ զիս ինքն մահու :

Գ . Արդ զո՞րս 'ի վերագրելոցդ մասանց քեզ ատելեաց և խմբութաց 'ի սպաս պաշտաման քեզ ընծայեցից . զորակիսիս ապականութեամբ պարագրեալս ամենասուրբ բըդ քո մեծութեան հանդէպ կացուցից , և կամ որքանեօք երկայն մառնութեամբ համբերեսցես այս

քանեաց պարտուց , ո՞րքան ներես ,  
մրգէս լուեսցես , զիածրդ իսկ անսայ-  
ցես , ի՞բր ոչ մասնեսցես հարուա-  
ծոց գանից զարժանիս սատակման  
մահու : Արդ այսոցիկ աննշոյլ մթու-  
թեանց հոգւոց խաւարի ողորմու-  
թեամբ լուսոյ քոյ պատահեսցես  
բժշկել քաւելև կենագործել . զօ-  
րեղութիւն անվթարելի . և քեզ  
փառք յամենայնի . ամէն :

## ԲԱՆ ՃԵ.

Ակերպին յա-նլուած իւիին հեծութեան  
հարին հսկողի առ նոյն աղերս մաղթանաց  
բանի .

Ի իսորոց սրբից խօսի ընդ Աստուծոյ :

Ա . ՔՐԻՍՏՈՍ Աստուած անուն  
ահաւոր , մեծութեան տեսակ , ան-  
քնին բարձրութեան պատկեր , ան-  
սահման զօրութիւն , կերպարան  
փրկութեան լուսոյ , պաշտպան կե-  
նաց , դուռն արքայութե վերնում

հանդստեանն , Ճանապարհ հանդարտութեան , ապաւինութիւննորոգ և անտխրական երանութեան ամենակալ ինքնիշխանութիւն բոլոր էականութեան , օրհնութեան կը չումն , աւետեաց ձայն , բերկրութեան բարբառ , անմահութեան դեղ , որդի անձառ Աստուծոյ մոյ , որ ինձ անհնարին է , քեզ դիւրին է . որ ինձ անհասն է , քեզ սահմանեալ է . որ ինձ անանցն է , քեզ հպաւոր է . որ եղկելոյս ինձ ծածկեցեալն է , քումդ երանութեան մերձաւոր է . որ ինձ անկարելին է . քեզ կատարեալ է . որ ինձ անկրչուելին է , քումդ անձառութեան չափեալ է . որ ինձ յուսահատութեանն է , քեզ սփոփանաց է . որ ինձ անբժշկականն է , քեզ անվտանդելի է . որ ինձ հեծութեանն է , քեզ խնդութեան է . որ ինձ ծանունք են , քեզ թեթևագոյնք են . որ ինձ եղծեալն է , քումդ զօրեղութեան դրեցեալ է . որ ինձ կորուսեալն է , քեզ ըմբռնեալ է . որ ինձ անձառն է , քեզ համարեալ է . որ

ինձ մռայլն է , քեզ ձառագայթ է . որ ինձ անթիւն է , օրհնեալդ քում ձեռին բովանդակեալ է . որ ինձ սուկալին է , քեզ հեշտալի է . որ ինձ փախչելին է , քեզ վանելի է . որ ինձ անմատոյցն է , քեզ գիւրահերքելի է . որ ինձ մահաբերն է , քումդէականնութեան զօրութեան ընդ ոչդոյն համարեալ է :

Բ . ԱՅԼԴՈՒ , ողորմած Աստուած բոլորից տէր Յիսուս Քրիստոս . և այսմ զօրես առ ելիցն հնար՝ եթէ գթասցիս . վասն անուան փառաց մեծութեան չօրքոյ օրհնելոյ , վասն կամաց գթութեան Ոգւոյդ քոյ սըրքոյ , տես 'ի տաժանաւորս կրից յանդիմանական յայտնութիւն , և 'ի խորոց սրտի ինքնամատոյց գատախազութիւն . նայեա 'ի բնութեանս ամենասպատաղ խակութիւն , և պարգևեա բժշկութիւն վերացո և հնարաւորութիւն կորսաեանս , զերծումն բազմամասնեայ մահուս և շաւիլ կենաց ասպականելոյս , նորոգութիւն եղծմանս և մուտք յուսոյ ամբարշտելոյս : Եթէ ես զան-

նմանն ինձ կամս ցուցի, ո՞րչափ առաւելդու զբնաւորականսդքոզընտանի բարերարութիւնսդ . եթէ 'ի վշոց պառւղ ընծայեցաւ քաղցրութեան, ո՞րչափ առաւել 'ի ծառոյդ կենաց ճաշականմահութեան. եթէ ես իմոց ատելեաց ողորմութիւն մաղթեցի, դու քոյոյս զիա՞րդ ոչ կրկին մատուցես, հզօր, յաննուաղդ առատութենէ :

Դ. Արդ տես 'ի քոյդ մեծութիւն, բարձրեալ, նայեցեալ 'ի յիմս փոքրկութիւն . ընկալ զսակաւ խոստովանութիւնս անհամար մեղացս, որ զբնաւն համայն տեսանես . և որ պէս զվկմին գթել ոչ գրեցեր, և զաւազոյս փոքրու սասանել մի համարեսցիս . և իբրև զԴաւթին ընդմեղայն ասել իսկոյն անցուցեր զպատիժ սլարտուցն, և առ իմ ձայնիս հեծութիւն զնոյն գործեսցես, երկայնմտութիւն . որ տաս ամենեցուն առատապէս անաշառութեամբ որ պէս յաղթող բարի բազմիմաստ, և ոչ նախատես զյետնեալ ստրուկսուկէս ողորմած և ամենատեղծ .

ստացիր վերստին , և մի կորուսաներ  
զբուծեալս արեամբ քո , դթած :  
Զի քո է փրկութիւն , և 'ի քէն է  
քաւութիւն , և քեզ վայել է փառք  
յամենայնի յափիտեանս . ամէն :

## ԲԱՆ Ծ.Բ.

ԱՀԵՐԱԳԻՆ ՅԱՆԵԼՈՒԹՅԱՆ ՀԵԺԱՆԱԼԵԱՆ  
ԽԱՐԲԻՆ ՀԱԿԱԴԻ ԱՌ ՆԱՅԻ ԱՂԵՐԻ ՏԱՊԱԼԱՆԱՄ  
ԲԱԱՆԻ .

Ի ԽԱՐԲԻ ԱՐԳԻՆ Խօսի ընդ Ապահծու :

Ա . ՕՐՃՆԵՍԼ ԹԵՐ ՑԱ ԸՆԴ ՀՕՐ ,  
'ի կամս հաճութեան ՀՈԳԵՈՅԴ քո  
սրբոյ . և օրհնեալք ամենայն առ 'ի  
յօրհնելոյդ օրհնեցան . օրհնեալմի-  
այն ՈՐԴԻ օրհնելոյ . չիք իմթագա-  
ւոր իշխեցող շնչոյս բաց 'ի քէն ,  
Փրիստոս : Այս է օրհնութիւն Ցա-  
կոբայ , ասէ Եսայի , յորժամբ բար-  
ձից զմեղս նորա :

Բ . Արդ ողորմեաց ինձ , տեր բա-  
րեգութ , ըստ նախնիդ քո սովորու-

թեան , և օրհնեա զանօթս քո բա-  
նական , ըստ ձայնին Դաւթի և ըստ  
Սովուսի . զի բանիւդ քո փրկու-  
թեան ժամանեալ հասից քաւութե  
օրհնեալ առ ՚ի քէն : Աստուածա-  
պէս ինձ հրաշագործեա , ողորմած  
արքայ երկնաւոր , որսէս անկելոցն  
՚ի բազմաժամանակեայ մահացն  
խշտիս , ժողովելոցն ՚ի սրահին  
բեթհեղդայ : Յորոց մի էր և կրկին  
թերահաւատներիցտասանց և ութի  
միոյ ամօք ախտացեալ յօդիցն լուծ-  
մամք , որում ոչ անխայեցեր զբժշ-  
կութեանն ձեռնառութիւն , իբր  
գիտելով զանբոյժ չարութիւնն՝ որ  
նիւթեացն քեզ յաւուր մատնու-  
թեան գառն գիշերին տիրամարտու-  
թեան երախտաւորիդ , մեծիդ և  
բարերարիդ : Ու թէպէտ և կան-  
խաւ իմն զգուշացուցեր , թէ մի՛ մե-  
զանչեր , զի մի՛ կրկնեսցին կրկին  
քեզ չարիք , ոչինչ վերջացաւ լինել  
ձեռներէց սկզբնաւոր անհանբու-  
րելի գատողացն զքեզ ՚ի խացին :  
Եւ գու այնալիսւոյ անյարիր ջատուկ  
մահու ծնդեցեալ չարաշուք առն

ողորմեցար, անձառ բարութիւն, սիրալի մարդասիրութիւն, սարսափելի ներողութիւն, սոսկալի երկայնմտութիւն, անբաւելի քաղցրութիւն, փառատրելի հեզութիւն: Որ միշտ յաղթիս 'ի դթութենէ և ոչ թշնամանիս, պարտիս յողորմութէ և ոչ պարսաւիս, բռնադատիս 'ի մարդասիրութէ և ոչ անգոսնիս, հարկիս 'ի բարութենէ, և ոչ հայհոյիս, ստիպիս 'ի սիրոյ և ոչ բամբասիս: Պաղատիս դարձին իմ առ քեզ և ոչ ձանձրանաս, արագես զկնի ապերասանիս և ոչ լքանիս, ձայնես չառղիս և ոչ սրտմտիս, փութաս մեղկելոյս և ոչ խափանիս: Առ չարս ես բարի, առ ամենապարտս ես ներող, առ մեղաւորս ես քաւիչ, առ խաւարեալս ես լոյս, առ մահացեալս ես կեանք:

Դ. Այս են գիրք ամենայն հոգեշունչ օդտակարութեան, որ յաճախս ծնանին երկնաւոր սլտուղս անձառս և զարմանալիս: Ասա եինձ թշուառացելումս, օրհնեալ ամենապարգի, արդ առ զմահիճս

խշտացդ մեղաց ՚ի վայր կործան  
մանդ, և հետևեալ ժամանեայան  
դորը հանգիստ անաշխատ կենաց:  
Խզեսցես ամենակարող սուսերաւ  
բանիդ հրամանի զերիզամինդեալ  
մահազգեստս պարփակութիւն դը-  
ժոխազնեայ կապանացս, և լոյծ ինձ  
զհանգոյցս խեղդողականս ոգեպա-  
հանջ սաստկութեանս, առաքելով  
զարժանաւորս մահու յազատու-  
թիւնն վերին անանց բերկրու-  
թեանն, կենսաբեր և աստուածային  
քո բանիւդ: Մի տակաւ տակաւ աղ-  
դեսցես, և մի օր ՚ի յօր յերկարա-  
ձգեսցես, զի մի ստուար ծանրութի  
բեռանցս մեղաց տիրեսցէ թիկանցս  
ազգերաց, և կործանեալ զիս կորա-  
ցուսցէ հայել ՚ի դժոխս, և ուժ-  
գնակի գուող բռնութեամբ անպա-  
րապ հոգեսրական զինուն արա-  
րեալ մահու ծառայեցուսցէ: Այլ  
օգնեա ինձ, բարի վշտակից հեծու-  
թեան կարեացս մահու երկանց,  
առեալ յինէն զփայտ սատակմանն,  
որպէս երբեմն յուսոյ սլահակին.  
որով կառուսցես զվայելչականն

Յ. Յ. յաղթանակի արի զօրութեանն ,  
պնդապէս հաւատով յուսոյն կար-  
ծրութեան ընդ քեզ բևեռել ան-  
սայթաքելի : Եւ քեզ հօր Հոգւովդ  
սրբով փառք և իշխանութիւն յաւի-  
տեանս . ամէն :

## ԲԱՆ ԾԹ.

Ա ն ը ս տ ի ն յ ա ւ ե լ ո ւ ա ծ ի ր ի ն հ ե ծ ս ս ն ն ա ն  
ն ո ր ի ն հ ա ի ո ղ ի ս ո ւ ն ո յ ն ա ղ ե ր ս մ ա ղ լ ի ս ա ն ա յ  
բ ա ն ի ։

Ի ի ս ս ր ո յ ս ս ր ա ն ի ն օ ս տ ը ն դ Ա ս տ ո ւ ծ ո յ :

Ա . Հ ա ր ս տ ա ս և լ կ ա յ ե մ մ տ ա ց  
դ ի տ ո ւ թ ե ա մ բ՝ 'ի ք է ն ա զ դ ե ց ե ա լ  
ո գ ւ ո յ ս ի մ ա ս տ ի ւ ո ւ շ ի ւ ս տ ե ս մ ա ն , զ ի  
ը լ ձ ա լ ի ե ն ք ե զ , բ ա ր ե ր ա ր , ա ղ ա-  
չ ա ն ք մ ե ղ ա ւ ո ր ա ց ք ա ն զ լ ս ն դ ր ո ւ ա ծ ս  
ա ր դ ա ր ո ց : Զ ի մ ի ն ն զ պ ա ր տ ո ւ թ ի ւ ն  
ա ն ձ ի ն ն յ ա յ տ ն ե ա լ՝ շ ն ո ր հ ի դ ք ո-  
ս պ ա ս է , ա ռ ո ր ծ ա ն ո ւ ց ե ա լ զ բ ն ո ւ-  
թ ե ա ն ս չ ա փ , և մ ե ծ կ շ տ ա մ բ ի չ ա ս-  
տ է ն հ ա մ բ ա ր ձ ե ա լ ի ն ք ն ո գ ո ր մ ա ր-

տակից նմին իսկ ինքեան և դառն  
դորովիչ և ծածկատես դատախազ։  
Իսկ միւսն յարդիւնս բարեացն իւրոց  
նայելով, յանձին հարեալ ձեռն  
վստահութեան, մոռանայ զսահման  
բնուեն, և պարգևաց քան ողորմու-  
թեան դիտեալ ակն ունի։ Վասն  
որոյ առ մինն անթիւ են ստեղ  
ծուածք ճառից, որ զողորմութեցդ  
քո փողով բարբառոյ ազդէ։ Իսկ առ  
միւսն լուեալ են քոյդ, անքնին  
ահաւոր և ամենախնամ, ամաչեմ  
ասել՝ թէ և երկրաւորիս դործոց  
պատմութիւն զքոյդ յառաջեալ։  
Արդ արի տէր, և մի՛ զօրասցի քան  
զքոյդ աջ հողեղինի։ մի՛ կշռեսցին  
ողորմութիւնք քո ընդ ջանից մարդ-  
կան։

Է. Եւ արդ առողջքն անդամօք  
անկարօտք են բժշկութեան, և տե-  
սանողականքն աչօք չունին պէտս ա-  
ռաջնորդի, և փարթամքն ընջւռոչ  
գեգերին առ դուրս լիոցն, և ամե-  
նայնիւ յղիացեալքն ոչ սպասեն  
փշրանաց սեղանոյ հացի, և սուրբքն  
վարուք ապէնիազ են ողորմութեան։

Եւ արդ ինձ գթասցիս ողորմել .  
բարձրեալ երկնաւոր հզօր , ամե-  
նատիսուր վարանեցելոյս : Քանզի  
թէ էի իբրև զՅոք , ասէի զանձն իմ  
իբրև զնա արդար և անարատ . թէ  
էի իբրև զՄովսէս , ասէի վստահու-  
թեամբ զնորայսն , ծանիցէ տէր  
զայնոսիկ որ իւրն են . թէ էի իբրև  
զԴաւիթ , ասէի՝ արարի զիրաւունս  
և զարդարութի , և դարձեալ զմեծն  
քան զբնութիւն մարմնոյ , զմեզս թէ  
տեսանէի 'ի սրաի խմում , մի՛ լուկիցէ  
ինձ տէր . թէ էի իբրև զԵղիա .  
ասէի զանձն իմ այր աստուծոյ . թէ  
էի իբրև զԵրեմիա , զքոյդ ճշմար-  
տութիւն յանձն օրինակէի . թէ էի  
իբրև զԵղեկիա , պարծէի զբարւոքն  
և զիրաւացին՝ դնացի առաջի քո  
արդարութեամբ . թէ էի իբրև  
զՊաւղոս , ասէի զիս բնակարան  
ազդարան և ընդունարան Աստու-  
ծոյ բանին : Այլ ես անօրէնս 'ի մէջ  
դիտութեան օրինացն , ոչ միայն  
ըսւնիմ զանձն իմ քեզ ընծայել  
յարդանօք բանից իբրև զնոսա և  
զբնաւին չարս որպէս զայնոսիկ ա-

ուաջի քո յիշատակել, այլ և ոչ  
զամենուստ գոյից զբարեհոչակեալ  
անունդ հզօր ամբարշտեալս լե-  
զուով գովել: Իսկ դու առ ամենայն  
հնարս զօրաւոր՝ մատո ինձ ոգի  
փրկութեան, ձեռն այցելութեան,  
հրաման բարութեան, լոյս ողորմու-  
թեան բան նորոգութեան. պատ-  
ճառ քաւութեան, դաւազան կենաց  
օգնութեան: Զի դու ես յոյս  
ապաւինութեան, տէր Յիսուս  
Քրիստոս, օրհնեալ ընդ հօր հո-  
գւովդ սրբով յաւիտեանս յաւիտե-  
նից. ամէն:

## ԲԱՆ Կ.

ՎԵՐԱՊԻՆ ՅԱ-ԵԼ-ԱԾ ԽԵԲԻՆ ՀԵծունեան  
նորին հսկողի առ նոյն աղջրս մաղթանաց  
բանի.

Ի ԽՈՐԻՇ ԱՐԹԻՇ Խօսու ընդ Աստուծոյ:

Ա. ԵՒ արդ որպէս զի ոչ վայ-  
ելէ օրհնաբանութիւն 'ի բերան

մեղաւորի՝ 'ի ճշմարիտն առակէ  
կանխաւ իսկ ուսայ, զիա՞րդ յաւե-  
լից կրկնել զնոյն գովութիւն աղա-  
չաւորս բազմապատկառ, որ հանա-  
պաղընդունիմ անէծս 'ի սաղմոսիս  
բարեբաստութեան : Զի ի՞րք եր-  
գեցից ինձ վտանգս և արձանացու-  
ցից նախատինս, և 'ի մերկութեանս  
գրկի փուշս ընդ շուշանաց ժողո-  
վեցից . զիա՞րդ ընդ Դաւթի համար-  
ձակեցայց ասել, թէ զատամունս  
մեղաւորաց փշրեսցես . զիա՞րդ դար-  
ձեալ, թէ մի անօրէնք բնակեսցեն  
առաջի աչացքոց . զիա՞րդ, թէ դատ  
արա ինձ տէր ըստ արդարութեան  
քո, ըստ անբծութեան իմոյ որ յիս.  
զիա՞րդ, թէ կատարեսցին չարիք 'ի  
վերայ մեղաւորաց . զիա՞րդ, թէ  
խորտակեսցին բազուկք մեղաւորի  
և չարի, և զայլն որ զինի . զիա՞րդ,  
թէ տեղասցէ 'ի վերայ մեղաւորաց  
որոգայթ հուր և ծծումք . զիա՞րդ,  
թէ սատակէ տէր զըրթունս նենդա-  
ւորս և զլեզուս մեծաբանս . զիա՞րդ,  
թէ փորձեցեր զսիրտ իմ և ոչ գտեր  
անիրաւութիւն . զիա՞րդ զյաջորդն

սմին, թէ ես պահեցի զՃանապարհս  
խիստս. զիա՞րդ զևսն, թէ ես ար-  
դարութեամբ երևեցայց երեսաց  
քոց • զիա՞րդ, թէ և ես եղեց անբիծ  
ընդ նմա. զիա՞րդ զմիւսն, թէ հա-  
տուսցէ ինձ տէր ըստ արդարու-  
թեան իմում և ըստ սրբութեան  
ձեռաց իմոց. զիա՞րդ անձամբ ին-  
ձէն զստութիւն իմ ծանակեցից՝  
ասել ընդ սրբոյն, թէ լուացայց  
սրբութեամբ զձեռոս իմ. զիա՞րդ՝ ի  
մէջ նանրութեան զամբարշտացն  
աթոռս բամբասեցից. զիա՞րդ զեր-  
ջանկին պարծանս թշուառացե-  
լումս կերպաւորեցից, թէ դատ  
արա ինձ տէր՝ զի ես յանբծու-  
թեան իմում գնացի. զիա՞րդ օտարս  
՚ի բարեաց՝ գիտողիդ գաղտնեաց  
արդահատեցից, թէ մի համարիր  
ընդ ամբարիշտս զանձն իմ. զիա՞րդ  
ես ինքն գոլով զայլս անիծեցից, թէ  
տուր նոցա տէր զգործո նոցա, և ՚ի  
կարդ բանիցն համարձակեցայց :

Բ. Քանզի թէ զյետինս բանիցն  
առաջնովքն աստանօր եղից, կրկին  
ծանրանան ինձ ցաւք և յաճախես-

ցեն դառնութիւնք։ Բայց 'ի շեղեցելոցն արտասուաց՝ գոյզն մի չափեալ, բաւականացայց հանապազորդեցանդիմանութքը սաղմոսարանին ընտանի ձայնիւն, որ զպարտաւորեալս միշտ կշտամբէ . առ որս և սպառուած քառասներորդի իններորդի հատուածի բանի յանդիմանողի զիս դարշեցուցեալ, հանապազխոյտառակէ . խցեալ զբերանս 'ի փառաբանութենէ, եղկելի զանձնիմ ցուցանէ, աստուածային ձայնիւն դատախազեալ, յակնեալութենէ կենաց լքանէ, միանգամայն և վիրդս մահու ինձ իբր 'ի պատնշէ առաքէ : Քանիզի թէ չար է անէծս առնուլ յօտարէ, ապա անձամբ զանձն անիծանել կրկին չարաչար . իսկ եթէ չառնուլ նախատինք 'ի մերձաւորաց օրէնք են, ապա 'ի տեսողէն հայել զայսոսիկ, կրից արեան տաժանմուք, վիշտք աղէտից և խէթք մտաց : Բայց թէ առ խոնարհութեան անձին իւրում մատնեսցի, ջնեալ և կշտամբեալ անիծիւք 'ի լեզուէ իւրմէ, 'ի խոս-

տովանեալ և յամէնիշխան շրթանց  
բերանոյ վերնոյն օրհնեսցի . զի  
ճշգրտեալ թարգմանեաց զդարձն  
իւր առ նա՝ զհետս կենաց ոչ լքա-  
նելով . սահմանաւն սիրոյ զպար-  
տեացն արմատ կրծատեաց , ոչ  
տիրեալ 'ի խարդաւանաց չարաբա-  
նողաց . ոչխար հօտին Քրիստոսի  
գտաւ բժշկեալ՝ դիմելով 'ի յաղն  
բուժիչ աղեացն արկածից : Բայց  
ևս անբանական բարոյից է՝ ասուն  
կենդանեաց 'ի մէջ դալարոց ծաղ-  
կածին վայրից կենաձիր բանից  
թմբրութեամբ մտաց 'ի յարօտա  
մահու ճարակել :

Գ . Եւ արդ քանզի իմ է առակս  
վերջին կշտամբողական , և առ իս  
ակնարկէ զդիպուածոցն չար պա-  
տահմունս , որ ինձէն անձին նիւ-  
թեցի միշտ զեղմունս կիզանողա-  
կանս հրոյ տոչորման , հոսեալ 'ի  
յերկնուստ զդոյիւ գագաթանս ի-  
իմաստնարանի բազմակիս : Քանզի  
զիարդ 'ի յարդիւնս ինձ օդտից սաղ-  
մոսն եկեսցէ , յորժամ անպտուղ 'ի  
բազմերգութենէն լինիցիս , ոչ նը-

ւագել հոգւով, ըստ թելադրելոյն  
Պաւղոսի . զիա՞րդ ընդ մարդարէին  
ևս զտէրունին խառնեցից մեծս  
մեղաւորաց՝ նկունս պիտանեաց,  
ասելընդ սրբոյն, թէ 'ի բաց կա-  
ցէք յինէն ամենեքեան որ գործէք  
զանօրէնութիւն . զիա՞րդ ոչ ունե-  
լով'ի բազմացն պտտուիրանաց կա-  
տարեալ շնորհին և օրինին՝ բարբա-  
ռեցայց զերջանկին, որ նախ ինքն  
արար զոր մեզ կանոնեաց, թէ  
քանզի ծառայս քո սլահեցի զայս,  
և որ զհետն գան ասացեալքն . զի-  
ա՞րդ թափուրս 'ի լրութենէ իմաս-  
տից կենաց ընդ երկիւղածս տեառն  
օրհնեցից . զիա՞րդ ընդ մեծին մաղ-  
թանաց զիմս յօդեցից, թէ զմին  
ինդրեցի 'ի տեառնէ՝ զտեսիլ վայ-  
ելութեան նորա և զհրամանա-  
տրութիւն տաճարի նորա . զիա՞րդ  
'ի հրաժարելին ինձ ձեռնամխեցից.  
յորժամ լսեմ, թէ ուղղոց վայել է  
օրհնութիւն . զիա՞րդ շրթամք ի-  
մովք զանձն իմ անիծից՝ ասելով  
զկնի յոլովից առեալն, թէ երեսք  
տեառն 'ի վերայ չարագործաց՝ սա-

տակել զյիշատակս նոցայերկրէ .  
զիա՞րդ զմեւսն դարձեալ, թէ չարք  
վաղվաղակի սատակեսցին . զիա՞րդ  
զկերպարանացն իմ նմանութիւն ,  
թէ բազուկք անբարշտաց խորտա-  
կեսցին . զիա՞րդ սատակման ինձ  
պաղատեցայց , թէ ահա մեղաւորք  
կորիցեն . զիա՞րդ զբազմայածեան  
լեզուս 'ի յօրհնեալն բան միւեցից ,  
թէ ասացի պահել զՃանապարհս  
իմ, զի մի՛ մեղայց լեզուաւ իմով .  
զիա՞րդ փշովք մեղաց հեղձեալս զան-  
արատին պարծեցայց , թէ այլ զիս  
յանբծութեան իմումընկալար . զի  
ա՞րդ ես մեղաւոր և կրկին պատժա-  
ւոր զհանգունակիցն դսրովեցից  
ասլրել 'ի նոցունց , թէ 'ի մարդոյ  
մեղաւորէ նենդաւորէ փրկեա զիս  
Աստուած :

Դ . Զիա՞րդ իբր ոչ կռապաշտեալ  
անպատկառապէս պերճացայց ու-  
նայն պանծանօք ասել ընդ Դաւ-  
թի , միթէ մոռացեալ իցէ մեր զա-  
նուն ԱՅ, կամ ձգեալ զձեռս 'ի մաղ-  
թանս օտար աստուածոց . քանզի  
որ 'ի մեղս դարշութեան խոնար-

հեսցի, առաջի կայ նորին կառուցեալ առեալ 'ի պաշտօն յաւանականացն ախտարծարծիցն պոռնը կապատիր պատկերացն կերպարան՝ Աստարաայ և Քամովսայ և Մեղքոմայ արուարձանի և Թարահատայ թարմատարի, ընդ զազրոտեացն կանացեաց՝ իշանդամիցն պատկառանիք անվերարկու ծանակութիւնք: Ի՞բր ոչ պատկառեցից սովորմբ ասել ընդ նահատակին, որ զայս դիմագրաւութիւն առ բարին ունէր միշտ, թէ վասն քոյ մեռանիմք զօրհանապազ, և որ 'ի կարգին է սորին սաղմոս: Ի՞բր յիմարս յարս և վատթարս ասել ժալրհիմ, թէ բերան իմ պատմեսցէ զիմաստութիւն և սիրտս զհանձար. Ի՞բր մարդելոյզ կերպարանաւոր՝ զմարդահաճոյիցն ոսկերս ցրուել մաղթեցից. Ի՞բր զկրկին երկրորդեալսն մեծանունն բարութիւնս, թէ հաճոյ եղէց առաջի տեառն յերկրին կենդանեաց: Զիա՞րդ ունողս անբաւից մեղաց զարդարոյն առեալ կարդացից, թէ ոչ մեղք իմ և ոչ

յանցանք, առանց մեղաց ընթացայ և ուղիղ եղէ. զիարդ զիս ինքն մատնեցից կորստեան յասելս զայս բան, թէ մի՛ ողորմիր գործողացն զանօրէնութիւն. զիարդ, թէ որպէս հայի մոմ առաջի հրոյ, այնպէս և մեղաւորք յերեսաց Աստուծոյ. զիարդ գրգեալս ապականացու փափկութեամբ՝ սահմանեցից զաննմանն ինձ բան, խոնարհեցուցի պահօք զանձն իմ, և զազգակիցս նորին ընդնոյն. թէ ես 'ի նեղել նոցաքուրճ զգենուի, և իբրև զսգաւոր և զտըրառւմխոնարհ առնէի: Ո՞րպէս հանդարտեցից զնմանեացն իմ պատիժ միշտյիշատակել, թէ սակայն մրուրքարկութեանն Աստուծոյ ոչ սպառեսցի, և արբցեն 'ի նմանէ ամենայն մեղաւորք երկրի. իբրև զեսի առ սմին, թէ զամենայն եղջեւրս մեղաւորաց փշրեսցես: Զիարդ զապերախտութիւնն Յակոբայ 'ի ձառառեալ հենգնեցից, որ ընդ ստուերին զՃշմարտութիւնն ընկալեալ, մոռացայ ընդ նոսին նոցին թերութեամբ զերախտիսն Քրիստոսի առ

տուածայնովքն արուեստիւք իսա-  
վին փրկանօք, քան նոքա զզօրավա-  
րութիւնն Առվաեսի ցպոյն սքան-  
չելեօք, որ զօրինակն նկարագրէր  
տէրունական տնտեսութեանն։ Զի-  
արդ ոյարուցելոցն 'ի վերայ դիւաց  
զաղէտս ցուցից, իբր նոքա զօտարա-  
ցեղից խուժադուժ ազգացն ասե-  
լով, թէ արկին զդիակունս բա-  
րեացն որ ի մեզ՝ կուր վնասակարացն  
թոշնոց, այս է՝ այսոցն օզ այնոց。  
որպէս զանկեալ զսերմն բանին 'ի  
ճանապարհին, և զմիաբանեալ ըզ-  
կամն ընդ չարին՝ սուրբ անուա-  
նեցից, ի՞րեւ զնմանակիցն առ 'ի  
նոյն շաւիդ չարին պատերազմի՝ դու-  
պար գաղանամարտ մտացս օցտելոց  
զոր ես զօրացուցի գործակցեալ  
ճնարից բանսարկուին։ Եւ ոչ ունիմ  
աղերսել, թէ մի՛ լուեր և մի՛ դադա-  
րէր, Աստուած։ և խորհեցան 'ի  
վերայ սրբոց քոց և ասացին, զոր  
'ի կարգէ սաղմոսիս է աղօթել։  
Քանզի յոյժ պատեհագոյն է առ-  
նուլ զայսոսիկ 'ի վերայ բռնու-  
թեան մոլեկան դիւաց միշտ ճակա-

տելոց առ ներկայիս խռովութիւն ,  
և ընդ նոսին նոցին մշակոց :

Ե . Յորոց դու , տէր Քրիստոս ,  
Որդի բարձրեալ մեծիդ Աստուծոյ ,  
պահեսցես և ամրացուացես եր-  
կնային զօրուդ շրջափակութեամբ  
յամենայն ընթացից խաբողին հող-  
մոց խաչիւդ լուսոյ զմեզ պաշտպա-  
նեալ . որ զի թէ և գտցին յիս  
անօրէնութիւնք բազմօրինակք , այլ  
ոչ հայհոյութիւնք : Որ ոչ հան-  
գեար 'ի կորուստ նմանեացն իմոց  
ամբարշտելոց , այլ ամենագորով  
թախանձմամբ ընդ եղծման ջրողողի  
զազրագործաց կրկին վշտացար ,  
տաղտկալի զմահունոցագիպուածն  
քեզ գրեցեր , ասելով զզարմանա-  
լիսն լսողաց բան , ածեալ զմտաւ  
ոչ ևս յաւելից անիծանել զերկիր  
վասն գործոց մարդկան : Եւ միտ-  
թարիս մեծ իմն պարարեալ ընդ  
կեանս անմաքրից և պարտաւորաց  
սատակման . որ Երբեմն առակաւ  
դդմենւոյն զանխայելն 'ի կործանե-  
լիսն ցուցեր , ողորմած , և առ այլ  
ումեմն նեղեցար սաստիկ վտան-

գեալ ընդ յամբանալ անձրեխն առ  
ուրացողացն դարման։ Անձառելիս  
ցուցեր բարութեան տեսակս յիշա-  
տակաց տօնելիս՝ 'ի վերջին աւուրս.  
քև 'ի ձեռն առաքելոցն քոց՝  
ողջոյնս հասարակաց անհամբուրիցն  
հեռաւորաց քաղցրածաշակս հրա-  
մայեցեր։ Ահա և յիս ցողեա կեն-  
դանի զհայրենի գթութեանցդ  
զեր, զե և ես փրկեցայց քաւեալ  
ամենառատ քո այցելութեամբդ։  
Եւ քեզ ընդ հօր հոգւովդ սրբով  
փառքյաւիտեանս։ ամէն։

## ԲԱՆ ԿԱ.

Ակերպին ցաւ-նշու-ած իւին հեծու-թւան  
նորին հակոռի առ նոյն ազգութ մազնանաց  
բանի։

Ի իւրաց սրբից իսօսդ ընդ Աստվածոց։

Ա. Եկ ընդէր է ինձ ընաւն որ  
'ի սաղմոսին այնապիսեաց բանիցն 'ի  
կիր արկանել, որ 'ի նախատինս մի-

անգամայն և 'ի նզովս ինձյարակային , հանապաղ երգել իմովս տաւզօք : Քանզի զիա՞րդ արդեւք զշուք երջանկին ինձ դատապարտելոյն նմանեցուցից՝ ասելով ընդ նմին , թէ ոչ մերձեցաւ առ իս թիւրեալն սրտիւ : Զիա՞րդ զկարգադրութիւնն աանցն 'ի յայսմանէ զկնի թուելոց զարհուրեցուցչաց ընդակից կայից կանոնաց օրինաւորին՝ զինուորին և թագաւորին և մարմնական հրամանատուին , որք և երկնայնոցն են համբուրելիք ասելով , ոչ յուսահառ եղէց 'ի կենաց սլատմողս աւետեացս և նորոյս աշակերտ անմասն յամենուստ բարեկարգութեանց : Զիա՞րդ ըստ իրաւախորհ արդարոյն , ընդդէմ մեղաւորացն մահու զինեցայց առակաւ առաւօտին և սկիզբ արթնութեանն միշտ սլատրաստական լինելոյ , որ և ոչ զանդամն մարմնոյս գանեալ խրատեցի : Զիա՞րդ մասնակցեալ մեծին արութեան սատակեցից 'ի քաղաքի տեառն զանօրինեալոն , որ և ոչ զբուսեալ բիծս հոգւոյս իմոյ մեռուցի : Զի

արդ ստեցից գրողին չեցայտնելոցն, թէ զմոխիր որակէս հաց կերայ. զի արդ, որ ոչ միացուցի յիմոցս կրից կաթիլ մի պղտոր ընդ յստակ արտօսը աղբերց երդողին՝ ասեմ ընդ նմին, թէ զըմպելիս իմարտասուօք խառնեցի, և արտասուօք իմովք զանկովինս իմ թացի : Զո՞րս ինձ գրեցից մեղօք մահացեալս, յորժամ սիրողն Աստուծոյ 'ի բոլոր սրտէ վանցմունս նախնեացն իւր վարկանիցի, թէ մեղաք մեք ընդ հարս մեր՝ անօրինեցաք և յանցեաք, և որ 'ի վախճանն յանդի սաղմոս իրաւամբք առ իս, քան առ Խորայէլ : Որո՞վք յարգեցայց գասիլընդ բարիսն, յորժամ մարդկային հնարից այս դեղ սկատուեցաւ՝ որ ոչ յիս դտաւ, 'ի գարշութենէ կերակրոց 'ի մահ սովեցեալք և յաճախութենէ ճգանց 'ի հոգւոց նուաղեալք, ըստ խտրութեան ինքնօրէն կրօնից և հեթանոսաց : Զիարդ արդարութիւն իմմնայ յաւիտեանս, զոր ոչ բնաւ իսկ կատարեցի :

Բ. Եւ զիմի՛ տաղտկացայց յամեալ

'ի բանիս , 'ի համառօտել զսոյն  
 փութացայց : Զի՞նչ ունիմ ասել 'ի  
 տեղի բանիցն՝ զոր ասառւածաշունչ  
 ձայնն նուագեաց օրհներգոյն Դաւ .  
 Ծի , թէ բոլորով սրտիւ իմով խըն .  
 դրեցի զքեղ . զիարդ ընդ սմին ըզ-  
 մեծն քան զայս , թէ յամենայն Ճո-  
 նապարհէ չարաց արդելի զոտս իմ .  
 Եթր ընդ եղեալս և զայն մատուցից ,  
 թէ 'ի սրտի իմում թաքուցի զքանս  
 քո , որսկէս զի մի մեղայց քեղ : Ո՞ր  
 պէս զունայնութեանցս իթր զլրու-  
 թեանց Ճառեցից ընդ պարս մաք-  
 րոց , թէ 'ի պատուիրանաց քոց ի .  
 մացեալ , ատեցի զամենայն Ճանա-  
 պարհս չարաց : Զիարդ զհեզոյն  
 Ճշմարտութիւն իմում ստութեանս  
 մշտնջենական երդմնահարութիւն  
 կարգեցից՝ ուխտեալ ընդ հաւա-  
 տարմին , երդուայ զոր հաստատեցի  
 պահել զդատաստանս արդարու-  
 թեան քոյ : Զիարդ ինձ հրեշտակ  
 մահագոյժ անհրաժեշտ վճռի՝ զքա-  
 նին պատգամ կրկնեցից , թէ հեռի  
 է 'ի մեղաւորաց փրկութիւն : Զի-  
 արդ չարս իսկապէս՝ զքարեացն

գրեցից՝ որք ՚ի տեառնէ առնուն  
զնոյն հատուցումն՝ զայս տուն յեղը<sup>1</sup>  
յեղել, թէ բարի առնէ տէր ուղը<sup>2</sup>  
լոց սրտից : Զիա՞րդ զհամառօտն  
փոխառութիւն անաչառութեան՝  
վրիսկեցելոյս ինձ սահմանեցից, թէ  
զթիւրեալսն յափշտակութեամբ  
աանի ընդ այնոսիկ, որ դործեն  
զանօրէնութիւն : Զիա՞րդ զաստուա-  
ծաղդեստին սկանծանս ամաչեցե-  
լոյս ինձ սկատուաստեցից՝ ասել  
զնորայսն, թէ տէր՝ ոչ բարձրա-  
ցաւ սիրտ իմ և ոչ զբօսան աչք իմ,  
և որ յետ սորին սկատմին ասացեալ  
քըն : Զիա՞րդ զանծառն քան զմար-  
մին բան՝ ՚ի ցոյցս առից քաջալերու-  
թեան վհատելոց ես դանձ դեհե-  
նին, ասել ընդ օծեալն Աստուծոյ  
հոգւովի, թէ յառաջագոյն տեսեր,  
զի ոչ գոյ նենգութիւն ՚ի լեզուի  
իմում, ՚ի ոկզ ընաւորն նախաձայ-  
նեալ սաղմոսիս մինչեւ ՚ի լրումն  
աւարտման բանիս : Զիա՞րդ դասա-  
կցութեան դժնիկից մարդոց համա-  
բան այլս մահու և որդիս սատակ-  
ման բարբառիմ զբարեշնորհին,

ո՞չ ահա զատելիս քո տէր ատեցի , և  
զմնացուածն սորին կարդի : Զիարդ  
մեծաւն վստահութեամբ տօնելի  
վեհին , անձն իմե գու աշխար աշ-  
խարհի , զանդատ քո ոգի յառաջ ըն-  
ծայեալ՝ մեծացուցանես ընդ պսա-  
կելոյն , [թէ փորձեա զիս տէր և  
տես , [թէ իցեն անօրէնութիւնք 'ի  
ձեռս իմ , և զյաւելուածն որ զհետ  
սորին : Զիարդ ես գոլով՝ և յայլոց  
աղօթեմ տալրել՝ յուսացելոցն յԱս-  
տուած ձայնակցեալ , պահեա զիս  
տէր 'ի ձեռաց մեղաւորի և 'ի մար-  
դոյ չարէ : Զիարդ համբարձայց ընդ  
փառաւորեալն մաղթել Աստուծոյ  
թէ գու ես յոյս և բաժին իմ յեր-  
կրին կենդանեաց : Զիարդ իբր հան-  
դիսացեալ ընդ ճգնաւորին՝ զմրցա-  
նակի յաղթանակի թագաւորին մա-  
տուցանելով զառաւելեալն քան  
զօրինակ աղերս աղօթից , [թէ ինձ  
սպասեսցեն արդարք քո մինչև հա-  
տուցես ինձ :

Գ . Բարեբանեալ է և այս ի-  
մաստ հոգեսոր և տէրունի գործոյն  
նմանի , որ զփորձին պատկառեցոյց ,

յորժամ զամենայն արհամարհիցէ և զսկզբնապատճառն եղելոց միայն ընտրիցէ ասելով, թէ երանի ժողովրդեան, որոյ տէր Աստուածէ նոցա : Մեծ է և այս բարձրութիւն շնորհի և զգուշական համարձակութիւն լցեալ երանութեամբ, թէ սուրբքքո օրհնեացեն զքեզ : Ըղձալի է և այս ընտանութիւն մերձաւորական հոգեւոր հաղորդութեան՝ յԱստուած յուսալ և 'ի նոյն արձանանալ բանիւ սաղմոսին բերկրեալ, թէ զկամս երկիւղածացիւրոց առնէ տէր . և զկարդ բանին կատարէ, մինչեւ զողբալին և զգուարձալին աղքեսցէ, թէ պահէ տէր զամենեսեան որ սիրեն զնա, և զամենայն մեղաւորս սատակէ տէր . 'ի գլուխ լրման գրոց նուագարանաց սաղմոսիս՝ իբր թէ զօրինակն իսկ Եցոյց վերջին հատուցման արդարոց և մեղաւորաց : Զուգակցորդք են միմեանց և զկնի երգեցեալքս . զի թէ ընդունի զհեզս տէր և խոնարհ առնէ զամբարատաւանս մինչեւ յերկիր, ապա ինձ ո՞բքան եղկութիւնիք կան

առաջի . իսկ եթէ հաճի տէր ընդ  
ժողովուրդ սուրբ և բարձր առնէ  
զհեղս 'ի փրկութեան , ապա հեր-  
քեալս 'ի բարեմասնութեանց ես  
ուր հաստատեցայց . իսկ եթէ օրհ-  
նելի է Աստուած 'ի սուրբս նորա  
տիրապէս , ապա օտարս ես 'ի մաք-  
րութեանց ընդ ո՞րս դասեցայց . իսկ  
եթէ 'ի կանխերդիցն մերձ այսր ե-  
դից յիշատակարան ինձ կշտամբու-  
թեան , թէ սիրեցէք զտէր սուրբք  
նորա , զի ստուգութիւն խնդրէ  
տէր՝ և կրկին հատուցանէ ամբար-  
տաւանիցն , ապա յորո՞ւմ գնդի ես  
դտայց գերեալս 'ի գաղտնեաց  
գտողին չարեաց : Քանզի զոր օրի-  
նակ տատանին տադնապաւ տերեք  
անկոց եղեկին ծառոց շարժեալք 'ի  
հողմոց ուժդին բախելոց հոսեալք  
'ի խոնարհ , այնպէս ջանացաւ  
ջարդել զընթացից իմոց վերարձա-  
կութեան քաջաբեր ուղեշս՝ զյար-  
մարեալս ձեռամբ անեղ մշակիդ:  
Զոր հաստատեսցէս արմատացու-  
ցեալ վերստին դարձեալ նոր պաղա-  
ւորութեամբ անապականաւ , յան-

դաստան կենաց խնամոց քոց կա-  
մացդ ամենապարզեւ թագաւոր  
Քրիստոս, օրհնեալ յաւիտեանս  
ամէն :

## ԲԱՆ ԿԲ.

Աւերագին յաւելուած իրին հեծութեան  
նորին հսկողի առ նոյն աղեւս մաղթանաց  
բանի .

Ի Խորոշ սրբից իւսուծնու Ասպառ-ծոյ :

Ա. ԱՅԻ արդ ընդէլո ոչ 'ի վե-  
րագրեցեալն սաղմոս նախաձառա-  
կան և յայլ մարդարէիցն մասն ինչ  
յօդեցից : Քանզի զի՞նչ վայելումն  
իցէ կերակրոյն, եթէ անզգայեալ  
ցաւովք ուտիցեմ . և կամ զո՞ր շահ  
սաղմոսն ունիցի, եթէ ոչ 'ի միտ  
առնուցում : Քանզի նզովեմ զիս  
ինքն 'ի նոսին և ոչ խմանամ, լուա-  
ցեալ լինիմ և ոչ պայծառանամ,  
արեու ծագեալ և ոչ լուսաւորիմ,  
մեղք ճաշակեմ և ոչ քաղցրանամ,

ռետնիւ լնանիմ և ոչքչկիմ, միշտ  
կանխեմ 'ի նոյն և դատարկ երեխիմ,  
հանատաղ ձաղիմ և ոչ երբեք իրա-  
տիմ, ողոքիմ դարձեալ և ոչ զգաս-  
տանամ:

Բ. Արդարեւ մեղք և անօրէնու-  
թիւնք իմ յիս, և ես մաշիմ 'ի նո-  
սին, ըստ մարդարէին որ 'ի դիմաց  
պարտաւորացն բանի և տէրունա-  
կան առակին հին տկոցն և նոր դի-  
նւոյն : Վասն զի թէ սատակին ան-  
օրէնք և մեղաւորք 'ի միասին ըստ  
Եսայեայ ձայնին, ապա և ինձ դըժ-  
նէիս նոյն բաժին հանդերձեալ սլա-  
հի : Քանզի ասեմ զսաղմոսն, թէ  
հատուցանէ այնոցիկ՝ որ առաւել  
առնեն զամբարտաւանութիւն, և  
կցորդեմ սմին զընթերցուածն, թէ  
օր տեառն 'ի վերայ հպարտից և ամ-  
բարտաւանից, ասեմ, թէ օտար ե-  
ղեն մեղաւորք 'ի մօրէ, և որ ինչ  
կարդ սորին ցուցանէ յարեմ առ  
սմին, թէ կործանեսցին անօրէնք  
երկրի, և ամբարիշտն բարձի յեր-  
կրէ, և անիրաւք մերժեսցին 'ի  
նմանէ : Ողբք ինձ կարդացէք առ-

ձայնն , թէ զոր օրինակ վառի եղեգն 'ի կայծականց հրոյ , այնպէս այրեսցին մեղաւորք 'ի բորբոքեալ բոցոյն . լացէք առ սաղմոսն , թէ արկցես 'ի վերայ նոցա կայծակունս հրոյ . աշխարս պատմեցէք 'ի բանս աստուածեան վճռին մարդարէիւն ազդեցեալ , թէ ոչ կամիցիք լսել ինձ , սուր կերիցէ զձեզ . կոծեցարուք առ սաղմոսն , թէ մահ հովուեսցէ զնոսա . աղի արտասուս ողորմ հառաջմամբ ընդ հեծութիս իմյարմարեցէք , յորժամբարձրեալն ընդ Խորայէլի և ինձ ասասցէ բանիւ սաղմոսին , թէ ժողովուրդ իմ ոչ լուաւ ձայնի իմում . աւաղ կարդացէք թշուառացելոյս . յորժամայլ մարդարէ զնոյն գիցէ , վայ նոցա զի վազեցին զինև : Բարբառ փողեցէք 'ի սիրտ մղձկեալ նոր աղաղակի , յորժամ տեսանողն Աստուծով ամաչեցուցեալ զիս կշտամբեսցէ ընդ ապարասան տանն Յակոբայ , տեսէք արհամարհոաք՝ զարմացարուք և եղծարուք :

Դ . Ա. Յ. Դարձուսցես և ամփոփես

ցես զբարձրացեալ զսուր բարկու-  
թեան ահաւորիդ սպառնալեաց 'ի  
սարտուցելոյս յերեսաց մեծիդ , և  
խնամովք աջոյդ բարեբաշխութեան  
առ իս ժամանեալ՝ օծումն կենաց  
պարգևատրեսցես քո աղաչողիս:  
Եւ քեզ փառք յերկինս 'ի բար-  
ձունս , և 'ի մահացուաց յերկիր 'ի  
խոնարհ , 'ի սահմանս բոլոր ազանց  
և յամենայն յաւիտեանս . ամէն :

## ԲԱՆ ԿԳ.

Վ ԵՐԱԳԻՆ ՅԱՆԵԼՈՒԹԸ ԻՐԻԲՆ ՀԵծութեան  
նորին հսկողի առ նոյն աղերս մաշնանայ  
բանի .

Ի ԽԱՐՄ ՍՐԳԻ Խօս+ ընդ Ասպարծու :

Ա . ԲԱՐԵՐԱՐ և բազմագութ ,  
մարդասէր և երկայնամիտ միայն թա-  
գաւոր , ընդ Հօր քում պատուեալ  
և օրհնաբանեալ տէր ամենայնի , Որ-  
դի Աստուծոյ կենդանւոյ . անպատ-  
ճառդ միշտ իմում կորստեան , որ

կդ ամենեւին անփորձ ես 'ի չարեաց ,  
 որ ոչ կամիս զմահ մեղաւորի , որ  
 փրկութիւն են 'ի քոց կամաց ըն-  
 ծայեցեալ , որ գարձուցանես զմրրիկ  
 մեղաց 'ի յօդ քաւութեան , որ ըզ-  
 հուրբարկութեան յանձրեւ փոխար-  
 կես : Որ զյետնեալ զիմնն 'ի բարեաց՝  
 կրկնակի գոյիւ նահանջեր երկեակ  
 բնութիւն 'ի նոյն արձանի , ոչ իս-  
 կապէս ընդ անպարտն , և ոչ հա-  
 մայն ընդ պատժաւորն : Որ զլու-  
 ծութիւն ծովուն սահանաց իբր ըզ  
 կարկառս քարանց կառուցեալ յե-  
 ղանակեցեր . որ զկարծրանիւթ վէմն  
 անապատին 'ի վիժակս վտակաց հո-  
 սեալ բղիսեցեր : Որ զՅորդանանու  
 ջրոյն սրաշարժ վայրեկութիւն՝ հրա-  
 շաւոր անդրադարձութեամբ 'ի յետ-  
 նորդս հեթանոսաց լուացումն աւա-  
 զանին 'ի թիկունս առաքեցեր : Որ  
 զպատուաստեալ պարիսպ Երկիքովի ,  
 յօրինակ կործանման բռնութեանն  
 սատանայի իբր զթեթեութիւն յար-  
 դի ցնդեցեր . որ զմնասակար ջուր  
 նորին 'ի յառակ այլայլութեան առ  
 'ի բարին փոխարկութեան՝ քանիա-

նացւոցն վրկութեան խորհրդական  
աղիւն համեմեալ անուշեցեր : Որ  
զՄեւային գառնութիւն , իբր ըզ-  
մտաց անհաւանութի , կենացն փայ-  
տիւ 'ի քեզ յարմարեալ պիտանի  
արարեր : Որ զառեալն 'ի գետոյն՝  
'ի գծագրութիւն անսահմանդ քո  
հրամանի անորակիդ գունակու-  
թեան՝ 'ի նոր երանդ բոսորային  
մածեր արիւն 'ի ցամաքի : Որ զան-  
կենդան ցուս գաւազանին , 'ի  
կերպառութիւնառ 'ի զբոյդ մերով  
նկարագրիլ , այլ և յօտարազնիցն  
ընտրութիւն , 'ի տիպն ապաթոյն  
կերպիւ վիշապի նմանեալ ցուցեր :  
Որ զերջանիկ ձեռն աջոյն Մովսե-  
սի , 'ի ցոյցս տեսութեան ապագայ-  
իցս հրաշից մարդեզութեանդ քո ,  
բարձրեալ , և քեւ ախտաւոր մարմնոյս  
մաքուր լինելոյ անփոփոխ փոխա-  
տրութեամբ՝ կրկին գուշակեցեր : Որ  
յայսքանեացս շրջադրութիւն բա-  
րեինսամապէս արուեստիւ սիրոյ  
զանակնեալն գիւտ մեղաւորաց կո-  
րստականաց նշանակեցեր , օրէ  
նեալ ամենագութ :

Բ. Որ բուսուցանես յերկրէ դա-  
լարի զմեռեալն յանշնչականէն , որ  
զանշարժն իբր զընթացող կառավա-  
րես , որ յանարդ արգանդէ կոչես  
քեզ պատկերակիրս , որ տաս պա-  
տանեկաց ազօրիս ըմբոշիսնելիս , որ  
յայտս մաքուրս հերս ընծայես , որ  
զսաղարթ սեռութեան վարսից՝իձեան  
կերպարան զարմանագործես , ցու-  
ցեալ՝ թէ առ ամենայն սահման հե-  
ռաւորական յաղթող ես հզօր . որ  
փոփոխես զըրթունս բնաւորա-  
կանս . ըստ բանին Յոբայ , 'ի կամն  
հաւատարիմս : Որ սասանես զերկիր  
և զսիւնս նորին 'ի հիմանց , նշանա-  
կեալ հաստուածին գոյիւ՝ թէ գու-  
միայն մնաս անկորնչելի . որ հոլո-  
վես զտարերս իբրև զանցաւորս , և  
դարձեալ 'ի նոյնն կապես իբրև զյա-  
րակայս , յայտ արարեալ՝ թէ և առ  
մեղաց բազմութիւն դիւրապէս ու-  
նել կամ թոլուլ դոյնսլէս զօրաւոր  
իցես : Որ զարուսեկին անզգայ էու-  
թիւն իբր երասանաւ իմն դաստիա-  
րակես , երևեցուցեալ այնը իրի կեր .  
պիւ , թէ զբնութեանս չար դիմե-

ցումն յորժամ և կամիս հանգարա  
առնիցես : Որ զանբարբառ բոլորակ  
լուսնին կարդես ունայնս և պատա-  
րունս , լուսաւորեալ զպատճառն  
առ աւետիս տեսողաց՝ թէ 'ի նուա-  
զութենէ բարեաց զպարտաւորս  
մարմին դու ածես 'ի լրութիւն ա-  
ռաջնոտաեղծ հարստութեանն : Որ  
զպատկերս անխօս աստեղաց իբր ըզ-  
դասակս դոյզն հօտից տրոհես և ժո-  
ղովես , յոյս իմն կենաց առ այս  
խորհրդաբերեալ , քաղցրահայեաց  
տեսութիւն , թէ և անաղաչաւորաց  
լեզուաց կարողապէս բաւես ողոր-  
մել : Որ 'ի մէջ մահու և կենաց շա-  
ւկող վստահութեան ուղղես 'ի ծո-  
վու , վկայութիւն եղեալ հաւաս-  
տի , թէ և յանկասկածաւորն վայրի  
քեւ պաշտպանիմք անգայթագղելի .  
որ իբր զջուր կաթսայից 'ի հրոյ ե-  
ռացեալ , որպէս զմեղաց մրրիկ պըլ-  
տորեալ՝ բանիւ կամաց քոց խափու-  
ցանես : Որ հայիս յերկիր և տատա-  
նես զսա , զի անբանիւն զմուաւորս  
զգացացուցանես . որ իբր զակատ  
մի անձուկ նաւի 'ի վերայ շարժու-

թեան ալեաց՝ զանբաւ թանձրու-  
թիւն դետնսյո դպրես, որով ծա-  
նուցեալ լինիս ամենից հաստուա-  
ծոց՝ թէ իցես աներկբայելի, որ 'ի  
բան քո զօրեղ հիմնացեալ ունիս զա-  
մենայն : Որ սերմանես զարտաշնչա-  
ցեալ մարմինս յերկրի, և զնոյն ան-  
կորուստ սլահեալ կրկին կենդանա-  
ծնես, որ ապականացուս աւան-  
դեալ՝ անեղծս ստանաս, որ ընդ մա-  
հացու նիւթոյս՝ զնշխարդ կենաց  
խառնես, որ հրամանաւ ակնարկուե-  
ի խուն վայրկենի կազմեցեր՝ պա-  
տրաստ կացուցեր զանզարդութիւն-  
մենից եղանակաց : Քո է զօրութիւն  
և կարողութիւն, որ շրջանակես ըզ-  
ժամանակս ամաց հոլովման աւուրց  
յայլ նմանութիւն բարեպատեհ տե-  
սողութիւն . որ կարդաս զանմուռնչ  
սըն իբրև զկենդանիս . որ ազգես  
միայն, և նոքա ընթանան, որ միայն  
հենուս անկանես անձառ արուես-  
տիւ հնարագիտութեան մէգ և ա-  
ռաւօտ : Որ յետ նախակարդ յօրի-  
նուածոյն առաջնաստեղծ լինելու-  
թեան, արարեր զփառաւորեալսն

մեծամեծս հրաշակերտիցն հանդիսից . ըստ գրոյն երջանկութեան կանխահիացն զարմացման , այլ իմն գոյացութիւն տօնելի տեսակի անեղծ աշխարհագործութեան ևսքան զայն 'ի մարդանալդ քո , որոց ոչ գոյ թիւ :

Գ . Որ ահա զի՞ւասն մեր քեզ գրեցեր , որ զարդարութիւնն քո մեզ շնորհեցեր , որ ընդ քեզ կրեցեր ըզ հաշտութեանն մերում փրկանակ , որ ոչ երբէք լքանիս յողորմութենէ , դարձո զամբարշաեալս 'ի պաշտօն բարի երկիւղի , զթմբրեալս 'ի զդաստութիւն արթնութեան սրտի , զան մաքուրս 'ի սրբութիւն սլայծառութեան կերպարանի , զբազմաբիծ յանբծութի հանդարտական սուրբ պատկերի , զբեկեալս յողջութիւն , որ 'ի դիպմանց ոչ խորտակի , զացեալս 'ի խնդութիւն զուարթութեան անտխրելի , զյուսահատեալս 'ի սէր միաւորիչ անքակտելի , զամաչեցեալս 'ի վստահութի հաստատութեան անշարժելի , զիսաւարեալս 'ի լոյս երանութեան անմեկնելի , ըզ

մահու գերեալս 'ի կեանս որ ընդ  
եղծմամբ ոչ անկանի : Զի փառա-  
ւորեսցի անուն քո , Յիսուս , իսու-  
տովանեալ յամենայնի ընդ Հօր և  
ընդ Հոգւոյդ սրբոյ 'ի բարձունս եր-  
կինի և 'ի ստորես երկրի և 'ի բնակիչս  
նոցա , յաւիտեանս յաւիտենից .  
ամէն :

## ԲԱՆ ԿԴ.

ՎԵՐԱՓԻՆ յա-ԵԼՈ-ԱԾ կրիին հԵԺ-Ա-ՌԵԱՆ  
ՀԱՐԻՆ հԱՀԱՊԻ առ նոյն աղեցս մաղթանաց  
Բանի .

Ի ԽՈՐԾՈ սՐԳԻՇ Խօսու ընդ Ասպարծոյ :

Ա ԵՒ արդ առ ամենայն բան յա-  
մենայնի ուղիղ ես , Աստուած , իրա-  
ւամբք դատիս , արդարութեամբ  
կշռես , Ճմարտութեամբ չափես ,  
օրհնութեամբ հետևիս , բարւոք ըն-  
թանաս , ստուգութիւն սիրես , յըս-  
տակութիւն կամիս , լուսաւորու-  
թիւն համբուրես , փորձիւ յանդի-

մանես, երկայնմտութեամբ քննես. ոչ ունիս նենգութիւն և ոչ գոռոցութիւն, այլ ամենեւին հեզութիւն, հանդարտութիւն և ողորմութիւն:

Բ. Արդարացար վերին խմաստութիւն անայլայլական հօրդ հանձարոյ՝ կրկին վկայեալ անզեղը գովետիւ յորդեգրելոցն շնորհօք • ըստ բանին սրբութեան՝ որ աւետարանաւն կննաց 'ի քէն ընկալաք • որ ոչ 'ի կոծելն ողբացի, և ոչ 'ի փողելն կաքաւեցի : Ասացեր անօրինիս՝ թէ մի անօրինիր, և ես 'ի նոյն չարիս պնդեցայ . մեղաւորիս՝ թէ մի ամբառնար եղջեւը 'ի բարձունս, և ես զընդդէմսն քեզ գործեցի, և ոչ ըդգացի երբեք զաւածեալս, թէ 'ի ձեռին քո են եղջեւրք արքայութեան հպարտից ամբարձելոց . խոնարհեցուցանել և բարձրացուցանել, ըստ Ամբակումայ, Դաւթի և Զաքարիայ : Օրհնութիւն ինձ կամեցար, ողորմած, և ես անիծեալս մեծ տարագրութեամբ խոտորեցայ յարժանին ինձ մասն . սիրեցի բարկութիւն և ոչ բարութիւն, շօշա-

փեցի ըստ գրոյն զլսաւար և ոչ զլոյս,  
կենդանի ձայնիդ քո , գթած , ա-  
պառումս պատասխանեցի : Զորդնն  
անմահ ասացեր բանիւ Եսայեայ , և  
զհուրն անշէջ և զկշտամբութիւնն  
անվախճան և զտեղին յաւիտենից  
և զօրինակ նմին սոսկալի , և ես ոչ  
խմացայ ըստ սազմոսողին և ոչ մը-  
տառեցի , այլ 'ի մռայլ մտաւորա-  
կան կուրութեան գնացի : Ցուցեր  
մարդարէիւն , թէ զօրհնութիւն  
ստասցի որ զօրէնս դնէ , և ես հա-  
մառօտել զնոյն փութացայ : Արձան  
հոգեոր վիմի գրեալ մատամբ քո ,  
ոէր Յիսուս Քրիստոս , զԴաւիթ  
իւրովքն բանիւք կանգնեցեր , ասե-  
լով ինքեան ընտրութեամբն առ-  
սոյն , թէ պահեցի զօրէնս քո յա-  
մենայն ժամ , յաւիտեան . անդրա-  
դարձութեամբ բանին միջնորդեալ  
զկրկին հաստատութիւնն , թէ և  
յաւիտեանս յաւիտենից . ընդ որս  
զսորին նմանիս պարծանաց առ իմս  
խրախոյս , և ոչ զկծեցայ . Ճեպե-  
ցայ 'ի տօնս Բահաղու և ոչ Աստու-  
ծոյ . 'ի յերկուս հետս երկմտու-

թեան կրկին կաղացի կասեալ՝ ի բա-  
րեաց, ըստ Երգիծանելոյն հեղիու:  
ՈւնիմզՄովսէս իւրովքն օրինակօք  
եկեալ՝ ի մեռելոց, և զտառս մար-  
դարէիցն գրեալ՝ յոդի, և զմա-  
տեանսառաքելոցն ընդ մտացս մատն  
յեռեալ, և զտէրդ հասարակաց կը-  
տակաւն աւետեաց յարուցեալ՝ ի  
թաղմանէ անթիւ ննջեցելովք, և  
անհաւատագոյնքան զհնգեսին եղ-  
բայրակցութիւնս այնը մեծատան,  
որ է առակ իմն յարմարական, նը-  
մանեալ զգայականացն մասանց ան-  
ողորմիցն յղփացելոց, մնացի իբրև  
զսալ դարբնաց անոստ՝ յամառեալ  
քարացեալ սրտիւ, որպէս օրինակն  
է Բելիարայ, և ոչ ապաշխարեցի:

Գ. Այլ աղդեա վերստին առ սոյն  
կերպարան լքեալ կրկին ողորմու-  
թիւն բարի, ահաւոր, մարդասէր,  
խնամակալ, կենդանի, սուրբ, լու-  
սաւոր և անվախճան թագաւոր,  
զօրութեամբ պանծալի խաչիդ խոր-  
հըրդոյ, ՚ի կարծրացեալս մեղօք ան-  
բեր անդաստան, Երիկամանցս յի-  
մարութեան և անպառուղ սրտիս լը-

քութեան . զի առեալնպաստօժան՝  
դակութեան 'ի գթութենէ կամաց  
ամենակալիդ , որոտասցէ բղխեսցէ  
հոդիս , ընծայեալ աչաց վշտագնեւ-  
ցելոյս վտակս արտասուաց արբու-  
ցանողաց ինձ 'ի փրկութիւն և 'ի մա-  
քրութիւն , ևքեզ 'ի հաճութիւն ըն-  
դունելութեան , ամենասլարգեւ տէ-  
ըրդ բոլորից , փառաւորեալդ յա-  
փառենից . ամէն :

## ԲԱՆ ԿԵ .

Ա ն դ ա մ ի ն յ ա ւ ն լ ո ւ ա ծ ի բ ի ն հ ե ծ ո ւ ն է ա ն  
ն ո ր ի ն հ ա կ ո ղ ի տ ո ւ ն ո յ ն ա ղ է ը մ ա ղ լ ւ ա ն ա ղ  
բ ա ն ի .

Ի ի ս ր ո ց ս ր պ ի ց ի ս ո ւ + ը ն դ Ա ս պ ո ւ ծ ո յ :

Ա . Ե կ արդ ես նախնիս ամբա-  
րշտաց , գլուխս մեղաւորաց , պետս  
անիրաւաց , առաջինս պարտաւո-  
րաց , պատկերս յանցաւորաց , ատ-  
տիկեցիս ըստ վատթարութեան՝ այլ  
ոչ ըստ բարեբաստութեան , ահա

զանձառիցն իմոց ձառեցի, զսատ-  
 կառելիսն խայտառակեցի, զդաղո-  
 նիսն հրապարակեցի . զծածուկան  
 յայտնեցի, զթաքուցեալսն ցուցի,  
 զամիոփեալսն տարածեցի, զդառ-  
 նութեանս մաղձ ժայթքեցի, զդոր-  
 ծակցութիւն չարին մատնեցի, զամ-  
 բարեալթարախ վիրիս քամեցի, ըզ  
 խորս սլարտեաց իմոց ծանուցի, ըզ  
 սատրուակն կեղծեաց առի, զքող  
 տգեղութեանն վերացուցի, զամօ-  
 թալեացն զդեստ մերկացուցի, ըզ  
 գարշելիսն յանդիմանեցի, զմրուրն  
 մահու փսխեցի, զսլալարս հոգւոյս  
 խածուածոց քահանայապետիդ  
 Քրիստոսի բացի : Յանձինս վտանգ  
 ոչ անխայեցի, մարմնոյս օիրոյ ոչ  
 աչառեցի, զարմատն հնութեան  
 տեսիլ արարի, ընութեանս կարեաց  
 ոչ ողորմեցայ, զմիաբանութեանն  
 կապ խզեցի . զդղեակ սրտիս քան-  
 դեցի, ընդ կամացս որսոյ իբր ընդ  
 դարանակալի մահու կռուեցայ,  
 զպահեստ անյայտիցն արտաքս հա-  
 նի, զմթերիցն դանձ մեծին գու-  
 շակեցի, զդատախաղն դատաւորին

հանդէպ կացուցի , զասպառնեացն զփորձ այժմէն իսկ գտի , զդաշն կործանողին կտրեցի , զուխտն խաբովին ցրուեցի , զկատարած մարտին յաղթութեան ՚իքեղտէր Յիսուսապասաանեցի , զպատերազմին խումբ դրդուեցի , զդիմադրութիւն դիմեցմանն բանիդ Աստուծոյ յուսացյ , զխաւարասիրացն փաղանդլուսէղինացն զինուց սադրեցի :

Բ . Եւ արդ , ստեղծիչը ամենայն եղելոց Քրիստոս որդի բարձրեալդ Աստուծոյ , զպատէն դսրովեալս յայսպիսեաց բանից և զհարուածեալս յայսքանեաց գանից մի կշտամբեսցես կրկնակի դատել ՚ի մեծի աւուրն : Ահա , հզօր անքնին անձառ բարերար թագաւոր անմահ , առ այս կերպ պատկառանաց ինքնապարսաւս խոնարհութեան , որ ինձէն զանձն մեծաւ ձաղանօք յոգի դատեցի , լիյ նուագօք այսրմատենի անարգանօք ամօթոյզդէմն սատանայի , և զերեսս կերպի սլատկառեցելոյս նշանաւ խաջիդ զօրացու Միասցի ինիքդ լուսոյ ՚ի դեղտեսա-

կիս , ամրութեանդ նշան հաստա-  
տեսցի 'ի տիպ դիտակիս , երեակ  
կենացդ փայտի ձեւասցի 'ի պատկեր  
այտիս , արուեստդ հրաշից 'ի ճա-  
կատիս շուքնշանակեսցի : Մի այլայ-  
լեսցի յինէն դրոշմդ լուսապաճոյճ ,  
մի բարձցի 'ի տեսանելեացս բբաց  
ճաճանչդ օրհնութեան , մի մերժես-  
ցի 'ի գլխոյս առհաւատչեայդ վրս-  
տահութեան , մի սասանեսցի 'ի բե-  
րանոյս ամրութեան սեմոց՝ փառք  
տեառնագրութեանդ : Պահպանա-  
կըդ երկրպագելի 'ի զգայարան սրբ-  
տիս միասցի , չորիցս նիւթոց իմոյս  
գոյութեան քառաթեկիդ նշոյլ աղ  
դեսցէ , ձեռինս կարկառման փըրկ-  
չիդ իշխանութիւն օժանդակեսցէ ,  
մատուցման հաստուածոյ մատինս  
խորհրդարանդ համարձակութեան  
բարեգործեսցէ : Կ մեկնելս իմում  
մի հեռասցի սրբութիւնդ , մի լքցի  
պատիւս 'ի պատիլն պարտաւորիս ,  
մի մերժեսցի 'ի յոգւոյս անդաւա-  
ճանելիդ փրկութիւն , մի ջնջեսցին  
գիծք կենդանատուիդ 'ի քո գրե-  
ցեալս շնչոյ , մի եղծցի նկարումն

արեան զօրութեան 'ի տիրատիպ  
խորանես , ընդ իս բնակեսցէ յի-  
մում գերեզմանին . 'ի ծորել մար-  
մոյս թշուառի՝ օծումն չնորհիդ  
առ իս պահեսցի , 'ի նորոգութեանն  
տւուր սովաւ հանդիսեցայց փա-  
ռաց փեսայիդ , 'ի քոյոց այտի ծա-  
նուցայց , քոյովքդ վաստակօք պըճ-  
նեցայց , երախտեօք մեծիդ յարգե-  
ցայց , աւազանին զգեստիւ պերճա-  
ցայց՝ քաւեալ ողորմութեամբ : Մա-  
տո , բարեգութ , զվերարկուդ անա-  
պականութեան տաժանեցեալս մե-  
դօք մարմնոյս , մի յարիցէ ընդ քոյս՝  
բանսարկուին , հնացուցիչ հոգւոյս  
վատնեսցի , խաւարաբնակացն պա-  
տիրք մի ընդ իս վերերևեսցին : Օրհ-  
նեսցի անուամբ քո , գթած , վիհն  
իմ հանգստեան , ողորմութեամբ քո  
լցցի գուբն իմ գերութեան , ընդար-  
ձակեսցի քե ինձ տեղին թշուառու-  
թեան , անդորր եղիցի , խնամող .  
ինձ բանտն բարկութեան , սնուսցէ  
զիս առ յաճումն արգանդն մթու-  
թեան , յուսով քո շտեմարանեսցէ  
զիս յարկն այն անձկութեան , ձե-

ռամբքո պահեցայց 'ի խշտին տար-  
տամութեան , թեօք քո ընկալայց 'ի  
տունն տագնապի , դու , գովեալ ,  
ընդ իս 'ի սենեակն վտանգի : Աւալ-  
ինձ աստանօր 'ի թիւս հազարաց , զի  
երբեմն էի վերնային և այժմ ան-  
դընդային , երբեմն տօնելի և այժմ  
աշխարելի :

Գ . Այլ և անդ կրկին դու օր-  
հնեալ 'ի բոլորից գոյից յերկնայնոց  
և 'ի սաորնայնոց և 'ի սանդարամե-  
տականաց մեռելոց , անպարտականդ  
այս տարագրութեան : Ես վրիսե-  
ցայ , ես օտարացայ , ես յիմարե-  
ցայ , սլարտեցայ և խոտան գտայ .  
ես լքայ , կամեցայ և կործանեցայ .  
ես մոլորեցայ , ես մատնեցայ , ես  
մերժեցայ , ես խորթացայ , գերե-  
ցայ , և գայթագղեցայ . ես նղովե-  
ցայ , ես թշուառացայ , արբեցայ և  
վտոթարացայ . ես ընկլուզայ , ես  
խաբեցայ , ես անօրինեցայ , ես ա-  
պականեցայ , մահացայ և 'ի սպառ-  
եղծայ . չեք քո առ այս ինչ մատն  
չարի , որ ես միայն անփոփոխ բարի :  
Արդ կամքքո յիս , և խաւարն ինձ

ճառագայթ . Ճրագ յուսոյ քո անդ ,  
 և գիշերն վաղորդայն . մարմնոյ քո  
 հաղորդեալ , և յամօթոյն կարծեաց  
 ապրեալ : Իսկ ես ոչ գրեմ զանձն  
 իմ կենդանի վասն անփախչելի վախ  
 ճանին , դարձեալ զի ոչ վարկանիմ  
 կորուսեալ վասն աներկեան նորոգ-  
 մանն : Որ և փակեալ համարիմ ինձ  
 զելս կենացդ վասն անքառելեացն  
 պարտեաց , դարձեալ բացեալ ինձ  
 զդրախտն՝ վասն փրկութեանն ա-  
 ւետեաց . քանզի ոչ այնքան վհա-  
 տութեանն գոյժ տագնապէ , որ-  
 չափ փրկութեանդ քաջալերեալ  
 ձեռն կարկառէ : Արդ տուր , տէր ,  
 տուր ողորմութիւն , առ ամենայն  
 ձայն գոհաբանեալ , օրհնեալ յա-  
 փառանս . ամէն :

## ԲԱՆ ԿԶ.

Ա Ե Ր Ա Գ Ի Խ Ա Յ Ա Շ Ա Ջ Ի Ր Ի Բ Ի Խ Ա Յ Ա Շ Ա Ջ Ա Մ Ա Վ Ա Խ Ա Յ  
Ն Ա Ր Ի Խ Ա Յ Ա Շ Ա Ջ Ի Ր Ի Խ Ա Յ Ա Շ Ա Ջ Ի Ր Ի Խ Ա Յ Ա Շ Ա Ջ Ա Մ Ա Վ Ա Խ Ա Յ  
Է Թ Ա Խ Ի 。

Ի Խ Ա Ր Ա Յ Ա Շ Ա Ջ Ի Ր Ի Խ Ա Յ Ա Շ Ա Ջ Ա Մ Ա Վ Ա Խ Ա Յ :

Ա . Ա Ր Դ Ո Ր Ո Ք և առցէ զայս դեղ  
մաղթանաց այսր մատենի պարկեշ  
տականի սլաղատել սովաւ , եթէ 'ի  
մեղաւորաց իցէ մատուցեալն , եղէց  
և ես խմովս բանիւ կցորդեալնմա .  
իսկ եթէ յարդարոց դուցէ յառա-  
ջեալն , գտայց և ես սովիմք ընդ նմին  
ողորմեալնովաւ : Ապա թէ երջան-  
կասցի այնալիսին ինքեամք՝ ինձ միայ-  
նոյ դրեալ զեղկութիւնն , և ես ին-  
ձէն վկայեմ այսմիկ : Բայց յիշեսցէ  
նա զԱռղոմն և զբանս նորա զհո-  
գեշունչս , թէ ո՞վ ոք վստահասցի  
սիրտ սուրբ ունել , և կամ ո՞վ պար-  
ծեսցի մաքուր լինել 'ի մեղաց , և զի  
ոչ յարեաւ մարդ երկրածին ազա-

տեալ՝ ի պատասխանեաց . և ոչըն-  
տիր՝ ինքնարշաւ վազիւքն , և ոչ՝ թէ  
և ՚ի թոիչս ամբարձման թեոց բե-  
րիցի . առ որ զգոյշ լինիցի կրկին  
երկուցեալ՝ ի վիմին իսկ հաստատու-  
թեան՝ ուսեալ՝ ի Պաւղոսէ , դուցէ  
անկեալ՝ ի յերկիր՝ սահմանողի այսմ  
կանոնի իրաւադատի կշռեալ նմա-  
նեցի : Այլ առցէ զայս կշտամբու-  
թիւն մաքուրն՝ նիւթ պսակաց , առ  
՚ի չիջանել անընտրողաբար յանձե-  
ռընհամն բարձրութենէ . և պատ-  
ժապարտն՝ առիթ աղատութեան ,  
որով ամբարձեալ՝ ի կործանմանէ  
հոգեորական մահուն՝ ասլրեսցի յու-  
սով : Իսկ ինձ եղիցի պատգամն  
այս բանի արձան փորագրեալ ամե-  
նեին անեղծանելի , որ փոխանակ  
իմոյ եղկելոյս անձին մահացուի՝  
անդադար հնչմամբ հեծութեան  
լալոյ առանց լուելոյ միշտ աղաղակէ .  
լիցի և ոսկերացս քակտեցելոց՝ ի հո-  
ղապատեան շիրիմ վերարկուին՝ ան-  
մռունչ ձայնիւ զայս խոստովանել .  
հասցէ և մարմնոյս՝ ի հող լուծելոյ՝  
բարբառով իմն անաղդելեաւ ծած-

կատեսիդ զսոյն պաղատել :

Բ . Տէր գթութեանց , աղբեւը  
ողորմութեանց , պարգեք բարու-  
թեանց , Արդի բարձրելոյ տէր Յի-  
սուս Քրիստոս , ողորմեա խնայեա ,  
մարդասիրեա , նայեա 'ի վտանգս ,  
ակնարկեա 'ի բեկութիւնս . խո-  
նարհեաց 'ի թշուառութիւնս , տես  
'ի տարակոյս անձեռնհաս տագնտ-  
պիս . Հասիր հաղորդել կորստականս  
կարեաց : Ըօշափեա բժշկապէս զա-  
մենաթշուառ ախտաւորութիւնս ,  
ունկն մատուսցես քաղցրութեամբ  
ողորմագին հեծութեանս , լուր 'ի  
խորոցն անդնդոց մահուն գերեզ-  
մանի անմռնչելի հառաջմանս , մոցէ  
յականջս ամենալուր լսելեացդ ձայն  
պաղատանաց վատնեալ անդամոցս :  
Եւ վասն զի գրաւական կենդանու-  
թեանս անապական է , անխոխոխ  
լիցի և սիրոյդ քո գթութիւն . կցորդ  
լեր հեզութեամբ տաժանաւորս ար-  
կարութեան : Մեռեալ պատկերիս  
մի ոխս պահեսցես , ընդ անշունչ  
կերպարանիս մի 'ի դատքննութեան  
մոցես , մահու տանջեցելոյս մի հա-

բուածս յաւելցես, ընդ բեկեալ  
խեցեղէն անօթոյս մի ուժգնու-  
թեամբ մարտիցես, վճռաւ կոշկո-  
ջելոյս մի՛քարկութիւն կրկնեսցես,  
կործանեալ շինուածոյս մի սպատու-  
հաս մատուսցես, շանս սպանելոյ  
մի քարինս արձակեսցես, լուոյս  
ջախջախելոյ մի սաստիկս որոտաս-  
ցես, հողոյս անպատուելոյ մի իբր  
ամբարհաւածի ուժգինս մռնչես-  
ցես: Զմոխիրս մերժելի մի 'ի դատ  
ընտրութեան կոչեսցես, զփոշիս  
ցնդելի մի իբր զքո դիմամարտ գըտ-  
ցես, զտիզմս տաղտկալի մի իբր զո-  
սոխ վարկանիցիս, զգարշութիւնս  
անդոսնելի մի իբր զբոնամարտիկ  
վանեսցես, զլսէթս 'ի բաց ընկենլի  
մինիւթ գեհենին պահեսցես, զայս  
քանեաց բազմապատիկ բանից կը-  
տամբեալս մի վերստին յանդիմա-  
նեսցես:

Դ. Այս ամենաթշուառ և խա-  
ւարարգելշիրմին են ահա սրտաբեկ  
և յոքնաթախիծ արգահատութիւնք.  
Հաստատեսցէ օրհնեալդքո բան ան-  
փոփոխական լինել, ըստ սրտի ար-

գահատելոյս . քանզի և այժմ մինչ  
կենդանեօքս խօսիմ , մեռեալ եմ  
անհասիդ . որպէս 'ի կորուստ մա-  
հուն սատակման՝ ամենազօրիդ հրա-  
մանի անեղծ եմ հաւատովքս : Արդ  
աղաջեմ զքեզ , տէր Յիսուս Քրիս-  
տոս , հայեաց յիս ողորմութեամբ ,  
և մի թողացուսցես լինել տնակից  
ինձ ԲԵԼԻԱՐԱՅ . և զմահազեկոյց  
տապանին ազգումն անկենդանա-  
ւորն թնդման թշուառն թաղման՝  
աղաղակ ձայնի հառաջման լալեաց  
քեզ հաշտեցուցչաց՝ յարգեսցես  
լսել , միայն բարեգործ , հոգեսէր ,  
հզօր մարդասէր . և հոգիդ քո բարի  
ընակեսցէ ընդ իս՝ լոյս առնելով  
ինձ 'ի խաւարին : Մնասցեն ընդ իս  
կենսորար քո կրից պաշտեցեալ մա-  
սունք . զի իբր զաւանդ գանձու դիս  
պահեալ 'ի քեզ , կենաց նորոգման  
ընծայեցուսցեն . օճառք անվատնելի  
զինուց ինձ պատկանեսցին , ընդ իս  
յարակայեալ քարինք պարսից հո-  
գեսոր հնարից՝ զքարին հալածելըզ-  
գունդ : Մարտն որ առ իս , քետէր ,  
վանեսցի . զի եթէ յարիցէ 'ի վերայ

իմպատերազմել, տեսեալ զքաղաքն ունայն՝ ի զօրաց և զազդողականացն գործի ապաձայն, զքեզ աէր ունիմ մշտնջենաւոր և աննիրհելի ոլահապան :

Տ. Զ. Եթէ այժմ իսկ կանխաւ արագեալ յառաջքան զօրն կատարածի, և անշաւիղ արգելան ինձ սպատրաստեսցէ, առաքեմ զաղօթսն տէրունականս նմին գան մահու . Եթէ ՚ի վայր զիս հնարի կործանել, զծնրադրութիւն արարչին . Եթէ ՚ի մոխիր Երկրի թաւալել ձեռն բերիցէ, Երեսացն Աստուծոյ ՚ի նոյն մածուցումն զնա հերքեսցէ . Եթէ վաստակս ինձ ցաւոց նիւթեսցէ, քըրտունքն յուրաթիարեամբն զանգեալ փրկչին աշխարհի զնա խուեսցէ . Եթէ յընթացից բարեաց զշունչս իմ սպատանգեսցէ, կասլանք ամենաստեղծին զիս արձակեսցէ . Եթէ յուրացութիւն սպարգեաց լուսոյն բռնադատեսցէ, հայհոյութեանն համբերութիւն յաստուածամարտիցն՝ զնոսին ընդ նոյն կարկեսցէ . Եթէ հարուածսնետից գալանաձիգ

զինուց ինձ արձակեսցէ , կարթ հը-  
նարից աղեղան փառաց հօրն կա-  
պարծից նմին պատահեսցէ : Եթէ  
քողովլուսոյ խաւարականի մտանել  
ընդ աչս անամօթեսցի , կռփումն  
գլխոյն ձորձով պատեցեալ լրմանն  
ամենից զնա տանջեսցէ . Եթէ մոլես-  
ցի զվստահութիւն ձեռինս կապել,  
եղեգն մատուցեալ 'ի յաջ գոյա-  
ցուցին զնա չարչարեալ ըմբերա-  
նեսցէ . Եթէ ձաղանօք այպահնման զիս  
կատակեսցէ , տանելն ծաղուամենա-  
զօրին զնա հենգնեսցէ : Եթէ բըժ-  
ժանօք ինչ յուռթից կախարդելիսո-  
րամանկեսցէ , ասկտակն դիմաց հզօ-  
րին Այ զնա սաստկապէս ամաչե-  
ցուսցէ . Եթէ 'ի մուտս գիշերային  
մթութեան խաւարաւ խաբէու-  
թեան լինեալ մարտիցէ , 'ի ճառա-  
դայթից լուսոյ երևման քո , տէր ,  
խայտառակեսցի . Եթէ 'ի միջօրէա-  
կան տապոյ փորձութեանցն արե-  
գակնակէզ վատնիչ խորշակին զիս  
'ի յարմատոց խախտել կարծիցէ , 'ի  
զօրութենէ նշանիդ լուսոյ խլեալ  
գոսասցի : Եթէ 'ի փշմանն շնորհէ

ունային զիս առնել հնարաւորեսցի , թուքն զոր ընկալաւ տէրն քրովբէից ընդ մեղաւորիս զնապատկառեցուսցէ : Եթէ ժանիք խածողք ինձ ցուցանիցէ , լուռւթիւն երկնաւորին բերանոյ զնա պասլանձեցուսցէ . Եթէ խածմունս աղուականս հոգւոյս ազդէսցէ , բևեռացն հարմունք հաստովին բնաւից զնա կսկծեցուսցէ : Եթէ յընթացս անիրաւութեանց խորհրդոց զիս մոլորեցուսցէ , սևեռք ոտից անհասանելոյն զնա կապեսցէ . Եթէ հրապոյրս ինձ դժնեայս արբուսցէ , քաջախն ընդ լեզոյն խառնեալ 'ի յարբումն բարերարին զնա դառնացուսցէ : Եթէ առաջին ճաշակմամբ փայտին զիս դտցէ , սոսկալի խորհրդով խաչին ըմբռնեալ 'ի սպառ պարտաւորեսցի . Եթէ ընդվզել ընդդէմ հնազանդուե տեառն հրամանի զանձն իմ ուսուսցէ , բերումն պարանոցի անսահմանելոյն զնա կործանեսցէ . Եթէ 'ի մահս սատակման զիս վանեալ վիրաւորեսցէ , ստուար տէգ զինու միսելոյն 'ի կող ստեղծչին Աղամայ զնա հերձես-

ցէ . Եթէ երկամքը վշտաց դժու  
խականաց զիս պարփակեացէ , պա-  
տանացն կտաւ էից ունողին զնա-  
ըմբռնեացէ . Եթէ յատակս մահու-  
հայել զիս խարդախեացէ , բնակել  
կենդանւոյն 'ի վէմն մահու զնա մե-  
ռուսցէ . Եթէ խնդասցէ ընդ մարդ-  
կօրէնս իմ գայթագղութիւն , կըր-  
կին կորասցի կարկամեալ կամաւ ,  
յորժամանմահն Աստուած յարու-  
ցեալ փառօք ընդ իւր նորոգեաց  
զբնաւ մահացեալս : Եթէ ընդ լու-  
ծանել փոքր կապանաց հազարա-  
մէից բերկրեացի , դողասցի կրկնեալ  
վերստին խոկոյն ընդ վերջին շղթայս  
անզերծ տագնասպին ըմբռնման  
սաստկագունի յանվախճան տանջա-  
նարանին : Եթէ ընդ առաջին հա-  
րուածն դժուարեացի , գոյժ կորը-  
տեան յետնում սատակմանն անշէջ  
դեհենին , որ պատրաստեալն է նո-  
րաւ նորին հրեշտակաց , նմա պատ-  
մեացի , որ յաւուրն մեծի մեծին  
ատենի :

Ե . Իսկ ինձ ապաւինելոյս 'ի քեզ  
տէր Յիսուս , միայն թագաւոր ին-

քնակալզօրեղ, արարիչ Երենի և Եր-  
կրի և ամենայն զարդուն որ 'ի նմա ,  
որ գալստեանդ քոյ ակն ունիմ և ո-  
ղորմութեան փրկչիդ սպասեալ  
յուսամ . 'ի յոտս քո անկանիմ, և  
զբարշապարիդ հետս համբուրեմ,  
զպարտութիւնս խոստովանիմ և ըզ-  
մեղանս հրապարակեմ, կշտամբա-  
նաց քարամբք կոծիմ և հառաջանօք  
սրտիս տապանամ , 'ի խէթ խղճիս  
խոցոտիմ և բոցով շնչոյս ձենձերիմ,  
աղի ցողով արտասուացս այրիմ և  
երիկամանցո ազդմամբ կիզանիմ ,  
յուսակտուր օդով ցամաքիմ և դառ-  
նաշունչ հողմով շիջանիմ, թախան-  
ձանաց բանիւս Երերիմ և կողկողա-  
գին հեծութեամբ դողամ , տաժա-  
նելի կրիւք տուայտիմ և տադնապաւ  
հոգւոյս տատանիմ , 'ի կոծ մըրկաց  
ծփիմ և 'ի բախմանէ ալեաց սասա-  
նիմ , 'ի լրութենէ համբաւոյն սար-  
սեմ և յիշատակաւ ահին կորնչիմ ,  
կերպարանօք ատենին հալիմ և ըս-  
պառնալեօք մեծիդ մեռանիմ , լուր  
բազմագութ , քաւիչ , մարդասէր և  
երկայնամիտ , քաղցրութի անձառ ,

օր բարի և տիւտենչալի : Քանզի կա-  
րող ես յամենայնի և առ ելս շնչոյս  
իմոյ՝ փրկութեան մեծի . և քեզը ընդ  
հօր հոգւովդ սրբով փառք յաւի-  
տեանս . ամէն :

## ԲԱՆ ԿԵ.

ՎԵՐԻԳԻՆ յա-ԵՀՈՒ-ած իր իին հէծու-թէտն  
նորին հոկողի առ նոյն աղերս մաղթանաց  
բանի .

Ի Խորոշ սրբին խօսի ընդ Աստիճայ

Ա . Բազմ քանզի յոյժ արդար է  
բան իրաւանցն Փրիստոսի Աստու-  
ծոյ առ իս քան առ սկզբնահայրն  
չարեաց սատանայ . զի վասն նորա  
յայն սակս յայտնեցաւ , զի լուծցէ  
զգործս նորին . և վասն իմ՝ զի ըլ-  
հնացեալ պատկերս նորոգեսցէ . ա-  
ռեալ զկերպարանիս բոլոր էութիւն  
կերպին իսկութեան մեծին Աստու-  
ծոյ՝ միացոյցինքեան անշուշտ խառ-  
նութեամբ : Կորա ոչ են շնորհեալ

՚ի բազմացն , և ինձ զբովանդակն  
եհեղ տռատութեք . վասն նորա ոչ  
երբէք չարչարեալ , և վասն իմ հա-  
նապաղ սկատարագի . նա անհաղորդ  
է կենացն , և ես միշտ վայելեմ 'ի փըր-  
կութեն . նա վանեալ է խաջիւն , և  
ես զօրացեալ նշանաւն . նա հերքեալ  
'ի լուսոյն , և ես միացեալ ընդ փա-  
ռացն . նորա ոչ խոստացաւ հանդիսա  
և յերկրի . և ինձ զերկինս սեպհա-  
կանեաց . զնորայն կտրեաց զառհա-  
ւատչեայ , և զիմն առանց խզելոյ  
յարակայեաց . զնա յերամակս խո-  
զեցն արգել , և յիս ինքն զօրացաւ .  
զնա կարծաց օրինակեաց . և զիս ճա-  
ռագայթ նշանակեաց . զնա սոզնոց  
նմանեցոյց , և զիս իւրուժն անուամբ  
կնքեաց :

Բ. Իսկ ես զերախտիսն Աստուծոյ  
քի զայսքանեաց բարեաց արարո-  
ղի , և չարին զկնի միտեցայ՝ հայել  
ընդ նմին յատակս դժոխոց , ահա  
անարժանս բարեաց , անձիրս երախ-  
տեաց անընդունակս սիրոյ , տո-  
ռամբք մեղաց ձգեալս , յերիկա-  
մունս խորոց խոցեալս , քանցեալ-

ծառս արմաւենւոյ, գինիս յեղա-  
շըրջեալ, ցորեանս հեղեղեալ, մուր-  
հակս ջրեալ, վՃիռս պատառեալ,  
կնիքս այլակերսէեալ, նմանութիւնս  
փոխեալ, արկանելլիքս կիղեալ,  
ըմպանակս կորուսեալ, նաւս ըն-  
կղմեալ, մարդարիտս մանրեալ,  
ակնս պատուական սուզեալ,  
տունկս գոսացեալ, նեցուկս խորտա-  
կեալ, փայտս ամենեկին փտեալ, ման-  
րագորս աղաւաղեալ, յարկս տապա-  
լեալ, խորանս խարխալեալ, բոյսս  
արմատաքի խլեալ, ձեթս հեղեալ  
՚ի գուեհս աղբեաց, կաթնս հոսեալ  
՚ի կոյտս մոխրոց, այրս մահու ՚ի յա-  
րեաց գնդից : Քանզի միշտ խրատեալ  
ընդ Երուսաղեմի առակաւ Բաբե-  
լոնի ՚ի մարդարէիցն ձայնից անձն  
իմ ողբալի, և ոչ ինչ խրատեցեալ.  
որ աստէն անգոսնեալ եմ և անդէն  
խայտառակեալ, աստ դորովեալ և  
անդ կշտամբեալ, աստ ձաղեալ և  
անդ նախատեալ, աստ թշնամա-  
նեալ և անդ յանդիմանեալ, աս-  
տուստ ապշեալ և անդանօր լքեալ:  
Աստ հեծումն և անդ հառաջանք,

աստ կարծիս և անդ կատարած, աստ խեթ և անդ հատուցումն, աստ արկածք և անդ հանդէսք դատաստանի, ուր ոչ է բան իրաւանց և ոչ ձայն պաղատանաց, ոչ թիւք աւուրց և ոչ ելք ժամանակաց, ոչ ուղք յուսոյ և ոչ դրունք ողորմութեանց, ոչ աջ սկաշտալանութեան և ոչ ձեռն այցելութեան :

Գ. Այլ դու ապաւինութիւն, դուինքն փրկութիւն, դու այցելութիւն, դու և քաւութիւն, դու երանութիւն, քեւ բժշկութիւն, քո ողորմութիւն, միայն հզօր, կենդանի, անձառ, տէր Յիսուս Քրիստոս բարերար աստուած . օրհնեալ, օրհնեալ և դարձեալ օրհնեալ, ընդ հոգոյդ քո սրբոյ յաւէտ բարձրացեալ՝ ի փառս հայրենի իսկութեան մեծիդ յաւիտեանս յաւիտենից . ամեն :

## ԲԱՆ ԿԲ.

ՎԵՐԱՊԻՆ յառելուած իրին հեծութեան  
նորին հսկողի տռ նոյն աղջրու մազը լանց  
բանի .

Ե ԽՈՐԾ ԱՐԳԻՇ Խօսու ընդ Աւագուծու :

Ե. Ե՞ս արդ 'ի յիշատակ ահար-  
կութեան վերագրեցելոցդ՝ որք  
յաստուածուստ են սպառնալիք ինձ  
ժամանեցեալք, զիարդ դադարե-  
ցայց 'ի նորոգ ողբերգութեանց, և  
կամ որպէս զցամաքումն առցէ հե-  
ղեղք արտասուացս։ Զի եթէ զց-  
րեքվատակեան առաջս գետոցդյոր-  
դահոսան ծաւալմանցդ, որ զեդեմ  
և զերկիր առ հասարակ ոռոգանեն  
լիապէս բաւականութեամբ բաշ-  
խեալ ամենայնի, և զբղխումն ելից  
իւրեանց առ աչս իմ եղեալ, զան-  
ձինո մեղաց սաստկութեան զբոց զո-  
վացուցանելոչ բաւականասցին։ Եւ  
կամ մարգարեին որբոյ ըղձականու-

կ լ  
թիւն կրկին ինձ լցցի գլուխս ջուրց  
բազմութիւն, և ճրագարան տեսու  
թեանց կերպիս՝ աղքերց կայլակ  
մունք, զբեկման ոգւոցս չափելը զ  
վտանգ ոչ ձեռնարկեցեն. և ոչ եւ  
զերականք ջայլից համօրէն բանա  
հիւսից կանանց լաշականաց 'ի սիրտ  
և յոդի վիրաւորելոց՝ զաղէտ վտան  
գիս 'ի յերգ արկանել և կամ 'ի  
նուագս ձայնից բերել:

Բ. Իմ է օրն լինելութեան նզո  
վեալ, և ոչ Յոբայ կամ Երեմիայ.  
քանզի տօնելի է օրն նոցա, զորոց մի  
'ի նոցանէ ոչ արժէ աշխարհ, և ոչ  
տարագրելի. ապա ուրեմն զիս նկա  
տեալ եղեալ զոչ արժանիս լուսոյ և  
կամ միոյ մասնաւոր բարւոյ, զհան  
դիպումն աւուրն անիծին. յորում  
ես գտայ կորստեան որդիս և մահու  
դրացիս, մշակս մեղաց և արբանեակս  
անօրէնութեանց: Որ ոչ կացի յուխ  
տին կենաց զոր դու սահմանեցեր,  
Աստուած բարերար. ոչ գնացի 'ի  
քո սկատուիրանն կենդանական ան  
մահացուցիչ. ոչ վաստակեցի 'ի հուն  
ձրս արմտեացն, որով 'ի մուտս ձեանն

աւուրցն խռովութեան կերակրել  
սկատրաստեցայց . ոչ կառուցի ամ  
րութիւն որմոց և ոչ ձեղուն յարկայ  
ձգեցի , որով ՚ի շնչմանէ մրրկաց օդոց  
պահեցայց . ոչ համբարեցի նշխարս  
սկաշարաց ՚ի յուղին անեզրական ,  
որով զտագնատ սովորյն խմ բժշկե-  
ցից . ոչ հանդերձաւորեցի քեզ  
աղերս աղօթից , որով առաջի քո  
կալ համարձակեցայց . ոչ կազմեցի  
թոշակ փրկութեան վարուց մաք-  
րութեան , որ զնորոգութիւն ինձ  
երաշխաւորէ . ոչ ետու զընտրու-  
թեան հաշիւն ՚ի կենցաղոյս ճանա-  
պարհի՝ իմոյ մատնչին , զի ՚ի դատա-  
ւորին ձեռանէ աստէն իսկ փրծայց .  
ոչ լլութեամբ ձեռին օրհնութեան  
մատեայ յանդիման , որով օրէնսդրին  
մասնակից գտայց սրբեցեալ : Ոչ գի-  
մաց ետու զգուշութիւն և ոչ թի-  
կանց սկատսպարութիւն , ոչ աշոյս  
իմ զինուօրութիւն և ոչ ահեկիս  
պարածածկութիւն , որով ՚ի պատե-  
րազմիս վտանգէ զերծայց . զերի-  
վարս ոչ զգեցուցի զբահիւք , և ոչ  
զմարտիկս սպառազինութեամբ , ո-

կլ զՃակատն յարդարեցից : Զկա-  
նուխն ոչ կապտեցի պառւղ, և անա-  
գանին ոչ ժամանեցի, և ահա տա-  
րակուսիմ ունայն՝ ի բարեաց . մա-  
քրութեան ծաղիկ ոչ ունիմ և ոչ եւղ  
ողորմութեան, և գիշերոյն մռայլ  
աննշոյլ . ի նիրհումն մահու ննջեալ  
եմ, և տագնապ կոչողին փողոյ ստի-  
պէ . զզարդ հարսանեացն կրկին մեր-  
կացայ, և զձեթ վարուցն վերստին  
լքի, և դուռն մտին հարսանեաց տ-  
ասիկ փակի :

Գ . Եւ արդ զիա՞րդ առից մխիթա-  
րութիւն այսքանեաց վշտոց, և կամ  
ընդ որքանեաց տարակուսանաց  
խաւարի՝ լուսաւորութիւնուոյ կենաց  
խաւնեցից, և կամ ուր արդեւք ըզ-  
գարշապարս ոտին կառուցից, և  
կամ յո՞ր վստահութիւն զաշս իմյա-  
ռեցից, և զի՞նչ անդորրութիւն ծփա-  
նացս նկատեցից, և կամ յո՞ր ըզձա-  
կան դիւրութիւն ձեռն համբարձից :  
Զի եթէ ՚ի ձեղուն բարձրութեան  
եշինի, անտի անձրեւաց հուրն Առ-  
դոմայ, որպէս ասացեալէ . իսկ եթէ  
յատակ խորութեան երկրի, սա ե-

բաց զկոկորդն ըմբռնողական և ե  
 կուլզիւդան բանակօքն Աքիրոնի:  
 Եթէ յանդգնեցայց փախչել յու-  
 նողէն, գուցէ կալցի զիս վիշտապն  
 տհագին: Եթէ ընդ գաղանս ինչ  
 թափառեցայց, արագունք են խըն,  
 դրել զվրէժ ստացողին առաւել առ  
 իսք Երբեմն զԵղիսէին առ մատաղ  
 մանկունս բեթելացիս քրմորդիս:  
 Եթէ յամենատարած օդոյս պար-  
 զութիւն, այն եղեւ եգիսկացւոցն  
 խաւար շօշափելի: Եթէ 'ի թուչունս  
 բարձանց նոքա են կոչեցեալք'ի ըս-  
 պանդն զոհին բոսորայ դիսկանցն:  
 Եթէ 'ի տկարսն խիզախեցէց, վատ-  
 նիմ'ի պիծակացն, և զի՞ պիտոյ են  
 ինձ առիւծունք: Եթէ յարջոցն պա-  
 տառողաց ապրեցայց, մժիխքն ա-  
 րեան ծարաւիք ինձ պատահեցեն:  
 Եթէ յանհոգս ուրեք 'նստիցիմ,  
 մժղուկքն անարդագոյնք' իբր ցըն-  
 ցուզս հրոյ եռացման զինւ մաղես-  
 թին: Եթէ յեղջերէ միեղջերւոյ  
 փախնուցում զերծեալ, 'նկուն ճի-  
 բանք աղկաղկաց մնոցն մորմոքողաց  
 զիս կեղեքեսցեն: Եթէ 'ի սենեակս

շտեմարանաց խորչից զօղեալ ամիսու փիցիմ, տաղտկատեսակ գարշութի դորտոցն զիս զազրացուսցեն : Եթէ ՚ի վայրո ինչ անդաստանաց կացեալ զետեղեցայց, շարք շանաձանձոցն տարմից զինև պատեսցեն : Թողում ասել զիսառնիճն և զջորեակն զզօրն զօրաւոր ընդ թունաւորն թրթուրե ընդ անկենդանական երեխն, հանդերձ ջրակարծ կարկտիւն և ապականագործ եղեմամբն . որ առ աչաց տեսիլ առազէնք և նուաստագոյնք, բայց ՚ի յակնարկելն Աստուծոյ յաւետ գուռզաքար ուժգնութեամբ հարին հանին վանեցին զհողարան ամբարհաւաճութիւն Փարաւոնի բռնութեանն բուռն գաւազանին՝ յաղթող վիճակաւ . որ են կեզալարնք թաքուցելոցն կրից լկողաց անձնականացն աներեւութից եգիստացւոցն անօրէնութեանց՝ յոդի տանջողաց՝ գաղտնի միասողաց :

Դ. Այլ դու ամենազօր արարիչ բնաւից տէրդ բոլորից, ՚ի յատելիսն հանդիսացիր հերքել զնոսա . և ինձ ողորմեա կրկին դթութեամբ ձեռն

մատուցեալ վրկութեան տարա-  
կուսեցեալ կոշկոջեալ վարանեալ  
'ի մահ պարտելոյս : Զի դու միայն  
Ճանաչիս Աստուած փառաւորեալ  
միշտ ընդ Հօր Հոգւովդ սրբով յա-  
փառեանս յաւիտենից . ամէն :

## ԲԱՆ ԿԹ.

ՎԵՐԱՓԻՆ ՅԱ-ԵԼ-ԱԾ ԻՇԻԲՆ ՀԵծութեա-  
նորին հոկողի առ նոյն աղերս մաղլանա-  
բանի .

Ի Խորոշ սրբից խօսե ընդ Աստուածու :

Ա . Եհ արդ , վասն զի 'ի ձեռն մե-  
ծիդ և ամենահնար արուեստաւորիդ  
իմս եղանութեան տեառն և Աստո-  
ծոյ՝ իբր'ի քրայս ընտրուե փութոյ  
քոյ սիրոյ հանապազ եռամ և ոչ եր-  
բէք պարզիմ , միշտ խառնիմ զուգիլ  
և ոչ ևս միանամ , ահա զուր արծա-  
թագործդ երկնաւոր իմ Ճարտարա-  
պետ , 'ի սնոտիս վաստակեալ առ  
իս աշխատիս , ըստ մարդարէին յայտ

նի առակի , և չարութիւնս իմ ոչ  
հալեցաւ . զոր ինձէն մոլեալ չարա-  
չար՝ իբր զիսելագար դիւաբախ իմն  
ողորմելի յանդգնեալ անկարգս խօ-  
սիմ՝ զիմս զպարախսս աճեցուցանել,  
քան հաշտութեան հնարս ինձ այսու-  
կազմել : Եւ զի մի անընդելդիմուած  
և անկիրթ պատահումն և անհաւա-  
սար հանդիպումն՝ պատրաստութիք  
հանդերձելոց տանջանարանացն ինձ  
երևեսցին , ամենեւին անմոռաց պա-  
հեաց աստստին . ի յիմում մարմնի  
նշար մնացուածոց նախնումն անի-  
ծիցն . զոր ՚ի փոքուէ տարրէ անարդէ-  
զմեծն է ուսանել :

Բ . Քանզի խաղալն ինքնաբերա-  
կան դիւտք որովայնի՝ բոտոտք Ճա-  
պուկէ շարժողականք և աղդիաղդիք,  
որդունք աղեաց դաղտնակուրք ,  
խաղաւարտք հրակայծակէք և բիծք  
բոցակիծք և անիծք անկերպաւորք  
և երամակէք ոմանք քրանածինք զազ-  
րաթորմիք կսկծեցուցիչք և մարմա-  
ջողականք : Ասպատակք այլոց վայ-  
րենեաց , ըստ նմանութեան դիւաց  
դիշերամարտից և մեկնաղէն բարբա-

ըոս գնդից խաւարասիրաց, և գազանութեամբ քանասսար գայլոց արաբացւոց, կորակոր գնացիւքն, արջնաթոյր գունովն, կրկնապարոյր կռածագ կտցաւն, որ զօրէն ունի խայթոցաց կարձի, իբր դժնիկ փըշովք խոցոտեալ ծծեն ձգեն զարեանն խոնաւութիւն, և յանկողինս մահճաց հանգստեանն վաստակս կրից ցուցանեն : Եւ կարկոռեալ ուրուք ձեռն՝ հատուցանել զհատուցումն նոցա նոցին, վաղվաղակի զդան զվաս վանդին՝ զոր ազդեն մարդոյն . և անդէն խկոյն լերկամարմին փոքր հասական իբր թեօք իմն թռիչու արձակեն, և ըստ մարախի ձեռյ ոստուտեալ այսր անդը տարաբերին . և ըստ բազմապատիր նենդութեան բարոյից դաւող աղուեսուց՝ խորամանկեալ խուսափեն 'ի սպատուածս բազումելից, զի յերկիւղէ մահուն ապրեսցին : Եւ այնիքան չքոտի և անքատ անձամբն ոչ միայն զռամիկսն և զիսառնիճաղանճս, այլ և զթագաւորս հղօրս և ահագինս փախուցա-

Աթ  
նեն հանեն տարագրեն՝ ի դստիկոն  
յարկի տօկարանիցն բարձրութեան,  
և կամ՝ ՚ի բացի ընակեցուցանեն.  
քաջք արանց արեաց, որք իշխեցին  
ամբոխից և տիրեցին ժողովրդոց և  
առին զքաղաքս աղբաց, զպարտու-  
թիւն իւրեանց զօրաւոր ձեռինն ին-  
քեանք վկայեն, թէ քանզի ոչ կա-  
րացաք ՚ի դիմի հարկանել վեհիցն  
բռնութեան, վասն այնորիկ խոյս  
տուեալ հաստք յայս տեղի :

Գ. Եւ զի՞նչ է ինձ զփոքունց և  
զանկածից ծաղրականաց ոմանց  
գոյութեանց ՚ի կիր արկանել, որք  
զօրել և անհերքելի ջատագովք  
ինաստուածութեանն՝ յիշտակել  
ինձ զհանդերձեալն, որք ՚ի մար-  
մոյս անօրինելոյ ընծային ոլտուզք  
դառնութեան: Ընդորս և եկամուտ  
սատակչականացն ախտից գիւտք, և  
կերչացն կոյտք անողոքելիք: յորոց  
է զերծանել, քան թէ հարկաւ  
մարմնոյն վտանգի զասագայիցն սո-  
քօք իմաստասիրել. և ոչ տեղի է  
դատնել ապաստանի՝ փախստեամբ  
անկանելառնուս, այլ առանց կա-

մաց քումդ ակնարկութեւ և մարդ կային կաըք և հնարք վրխուցան։ Իսկ դու, բարերար, զամենայն ունիս բաւականապէս զկենացն հնար՝ եթէ կամեսցիս փրկել, նորոգել քաւել, բժշկել և կենագործել. և քեզ փառք յամենայնի յաւիտեանս յաւիտենից. ամէն :

## ԲԱՆ Հ.

Վէրսալին յաւելուած էրին հեծութեան նորին հոկողի առնոյն աղջու մաղլեանոց բանի .

Ի իսրոյ սրդիւ իօստ ընդ Աստուծոյ :

Ա. Ես քանզի համբարձեալ զըն թացս բանիս 'ի փոքունց աստիեր կրայնոց չհամարելոց ընդ գոյս եղելոց՝ 'ի մեծագունիցն տեսակս, ասացից զտօնելի հանդէս իրաւանց ահաւորին անաշառութեան։ Որ զի թէ մերձաւորագոյնք իցեն Աստուծոյ իբրև զնախածանօթ հայ

րապետութիւնսն , և կամ մաքրագոյնք որպէս մարդարէսն , կամ անբծագոյնք իբրև զառաքեալսն , կամ ընարելագոյնք որպէս մարտիրոսսն , եթէ ոչդու մարդասիրեացես աննուազ բարիդ և անփոփոխ ինամակալութիւնդ և անսպակաս ողորմութիւնդ , ընդունայն է ինձ փրկութիւնն առ ՚ի նոցանէ :

Է . Զի եթէ առ նոյն ինքն Աբրահամ ձայն արձակիցեմ , իբր ողորմագին առակ ընչեղին ինձ վարդապետէ , ՚ի տապոյ անտի սպազակեալ , կաթի միոյ ջրոյ ոչ բաւականանայ . քանիզի և նա փակեալ է ընդկարեօք հասարակաց անհնարութեան : Իսկ եթէ առ Մովսէս , և նա զգածեալ է տկարութեամք , որ ոչ զօրեաց առնն փրկութեան , որ զհայթայթանաց կրկուտն ՚ի պահպանութեանն աւուր ժողովէր . իսկ եթէ առ Ահարոն , և նա ինքնին իսկ կարօտացաւ մաղթողի . իսկ եթէ առ Դաւիթ , ՚ի մէջ բարեացն առաւելութեան ստգտեալ է և նա . իսկ եթէ առ Նոյ և Յոբ և Դանի

էլ, զայս Եղեկիէլ մարդարէ մեկնեաց յանուանէ իսկ յիշատակեալ զնոսա, և զայն ընդ նոսին իբր ՚ի դիմաց Աստուծոյ աղդեալ, կենդանի եմ ես ասէ տէր, թէ ոչ ապրեցուսցեն զուստերս և զդստերս իւրեանց ՚ի բարկութենէն որ հասանիցէ, բայց եթէ ինքեանք միայն ապրեսցին. իսկ եթէ առ Պետրոս վեմն հաւատոյ, ՚ի քումդ խնամոց խուն մի խիթացեալ և նա ընդ կրիւք իմն գրաւեցաւ: Թողում ասել զբազմացն գումարութիւն խոնարհեալ առ կարիս կարիս, թէ և յաւէտ երջանիկք իցեն. ընդ որս և Յովասու ոմն մարդարէի ՚ի մէջ աստուածառաքն սպասաւորութեան մարդկօրէնն գայթագղութիւն մնայ յոլովից անթարդմանելի, թէ և ՚ի դէմն իմն մեկնութեան ձեւակերպեսցի:

Գ. Եւ քանզի չափեալ սահմանեցաւ զօրութիւն փրկութ մարդկան, և ցուցան նոքա ողորմեալք բարերարիդ և զօրացեալք ամենակալիդ, կոչեցեալք պաշտպանողիդ և քաւե-

ցեալք հնարաւորիդ , շնորհեալք  
 սզատեցուցչիդ և բժշկեալք ան-  
 ախտականիդ , կենագործեալք ա-  
 նասլականիդ և լուսաւորեալք նորո-  
 դողիդ , այսուհետեւ գիտացեալ  
 զսակն որբանութեանց հողածին  
 ընութեանս , որք մւիթարեն օրի-  
 նակաւն նմանաբար հարազատապէս  
 վստահութեան յուսահատելոց , ա-  
 հա առ բեզ դիմեցից՝ որդի Ըստու-  
 ծոյ կենդանւոյ Քրիստոս օրհնեալ  
 յամենայնի : Մանաւանդ զառակն  
 ազգակից այսմ մաղթանաց աստա-  
 նօր յիշեալ , զվերագրելոցդ բան  
 վերստին արդարացուցանէ . բարի  
 է , ըստ իմաստնոյ ումեմն երջանկի ,  
 անկանել'ի ձեռս տեառն , և մի 'ի  
 ձեռս մարդկան . զի որպէս մեծու-  
 թիւն նորա . և ողորմութիւն նորին:  
 Եւ այս բան թէ և զԴաւթին իմն  
 գծագրէր , որ զերեքմասնեան հա-  
 րուածն աստուածեան առաջի ե-  
 ղեալ՝ ընտրեաց ինքնին կամաւորա-  
 բար զգատակնիք մահուն սատակ-  
 ման՝ իբր զկենդանի Քրիստոսի հա-  
 ւատոցն յաճախութիւն , բան զեր-

կուսն ևս այլ փոքրկունս՝ որք տան  
ջենն և ոչ ողորմին . սակայն և իմն  
օրինակութիւն բանիս պատկերի Ճա-  
ռակեցելոյ հնարս կենաց կորու-  
սեալս անձին՝ ոչ է այլայլեալյար  
մարութենէ . զի ոչ եթէ զփրկեալսն  
նուաստացուցանեմ'ի մատենի այսր  
ողբերգութեան՝ առանց որոց ոչ  
է մատչել առ տեր , այլ զփրկողին  
անուն պսակեմ , և զշնորհ նորին  
առ ամենեսին բարեհոչակեմ , և  
զընաւին բարձունսն 'ի թռիչս վա-  
րուցխոսառվանիմբանիս պայմանաւ  
յաւէտ կարօտեալ ողորմութեանն  
դեղոյ :

Դ . Ահա դու կեանք , դու փրկու-  
թիւն , դու բժշկութիւն , դու ան-  
մահութիւն , դու երանութիւն ,  
դու լուսաւորութիւն . արա ինձ  
անդորր 'ի մեղացս աշխատութեանց  
զի և քեզ լիցի հանգիստ 'ի մշտա-  
դատս հեծութեանց՝ ձանձրացու-  
ցիս թախանձանաց . որ ոչ այլ ի-  
ւիք , քան թէ փրկութեամբ մարդ-  
կան պարարիս , օրհնեալ յաւի-  
տեանս . ամեն :

## ԲԱՆ ՀԱ

Ալեքսանդրին յա-էլո-ած իւիխն հեծո-թեան  
նորին հսկողի առ նոյն աղեցս մազթանաց  
բանի .

Ի իսուս սրբից իսուս ընդ Աստվածու :

Ա. Ես քանզի երջանիկքն և փա-  
ռաւորեալք սրբոյն պարք, յորոց  
ոմանք գոյզն ինչ գթեցին և յաճա-  
խագոյնս հաստատեցան, փոքունս  
սասանեցան, և մեծագոյն վառ-  
մամբ նշուլից հոգւոյն մաքրու-  
թեամբ լուսաւորեցան . յորոց մինն  
զլանդուածոյն յայտնէ զհասարա-  
կաստեղծն տկարութիւն, իսկ միւսն  
զգերազանցն քան զբնութեանն օ-  
րէնս, վարս և առաքինութիւնս  
հրեշտակականս : Եւ արդ նոքա որ  
օրհնեալքն են յամէնիշխան բերա-  
նոյ աստուածութեան հօրն Քրիս-  
տոսի, ընտրեալքն տօնեալքն ին-  
կեալքն և բարեբանեալքն, իբրի

զանդամն Քրիստոսի պաշտեցեալք ,  
և իբրև զօթեվանս Հոգւոյն սրբոյ  
յարդարեալք , յորս չիք ինչ նշմա-  
րանք և կամ գիւտք խաւարի , այլ  
ամենեւին անկեղծութիւն և լուսաւոր  
արդարութիւն , և որքան մարթ է  
զմարդն Աստուծոյ՝ Աստուծոյ նմա-  
նեցուցանել : Երեսք սլարդք և  
անպատկառելիք , կրօնիք բարձունք  
և անխոնարհելիք , կեանիք զգաստք  
և անստդտանելիք , սլաշտոն առ  
Աստուած կարծը և անփոխարկելի ,  
ընթացք արիականք և անկասելիք ,  
Ճշմարառութիւնն միատարր և անցըն-  
դելի , դիմագրաւութիւնն զօրեղ և  
անհերքելի , տեսաւորութիւնն պայ-  
ծառ և անապշելի , իմաստասիրու-  
թիւնն վերնական և անկոխելի ,  
պատկեր մաքուր և անաղարտելի :  
Չորոց կերպարանս և զյիշատակս  
անուանցն աղաչել՝ Աստուած իսկ  
վարդապետեաց , և նոքօք հաճու-  
թիւն ՚ի մէջ իուովութեան արար-  
չիդ բան լուսաւորեաց :

Յ . Այլ եւ անպիտանս յամենայ-  
նի , և որքան բան զօրէ պարաս-

ւեալո, որ մինչ դեռ արթունս եմ՝  
նիրհեմ, մինչ դեռ զգաստ երևիմ՝  
թմբրիմ, 'ի բարեպաշտելս խմում  
գայթադղիմ, մինչ դեռ աղօթեմս՝  
և վրիալիմ, 'ի յընթանալս խմում և  
կասիմ, յարդարանալս խմում մեղան-  
ցեմ, 'ի խաղաղանալս խմում ամբո-  
խիմ, մինչ դեռ արշաւեմս՝ առ 'ի  
յետոյսն հակամիտեմ, 'ի չուելն ի-  
մումընդ կրունկն դառնամ։ Ընդ  
լուսոյն մասին և խաւար յարեմ,  
ընդքաղցրութեանն ճաշակ՝ օշինդր  
խառնեմ, ընդ կրուզ քարեացն՝ չա-  
րիս հիւսեմ, ընդ կանգնելն և կրկին  
դլրիմ։ Ծաղկիմ և ոչ սլտղաբե-  
րիմ, ասեմն ոչառնեմ, խոստանամ  
և ոչ կատարեմ, ուխտեմ և ոչ վճա-  
րեմ, կարկառեմ և անդրէն ամփո-  
փեմ, ցուցանեմ և ոչ ընծայեմ։  
մերձեցուցաննեմ և ոչ մատուցաննեմ։  
Ի ճարակել խոցուածոյս անդրէն  
վիրաւորիմ, 'ի հաշտեցուցանելն՝  
վերստին խռովեմ, զուր հանդիսա-  
նամ և իրաւամբք սպարտաւորիմ,  
դրիմ և խսկոյն եղծանիմ, նաւեմ և  
'ի գիծն թուլանամ, սկսանիմ և 'ի

հանգիստն ոչ ժամանեմ։ Կարդիմ  
և գարձեալ սասանիմ, ընանիմ, և  
կրկին հեղում։ շարունակիմ աստ  
և անդ՝ 'ի ստորեւ հոսիմ, բարդիմ  
և անդէն տոչորիմ։ Հիմն արկա  
նեմև ոչ գլխաւորեմ, սակաւ վաս  
տակիմ և բեւրս վատնեմ, դոյզն  
դանձեմև անթիւս սպառեմ, զայլ  
խրատեմ և ես ինքն անփորձ եմ,  
միշտ ուսանիմ և երբէք 'ի ճշմար  
տութիւն դիտութե ոչ հասանեմ։  
Զշիջեալ չարիսն նոյնչափ արծար  
ծեմ, սուղինչքաջալերիմ և առա  
ւելապէս լքանիմ, լարիմ և իսկ և  
իսկ առ նմին մեղիկիմ, զայս կարկա  
տեմ և զայն պատառեմ, խլեմ զե  
զիձն և տատասկ անկեմ։ Ընդ ամ  
բառնալն և այսրէն բերիմ, մտեմ  
'ի բոյնն աղաւնի և անտուստ ադ  
ուաւ ելանեմ, դամ սակաւ մի սպի  
տակ և որանիամ դառնամ բնաւին  
ուեցեալ, ասեմ զիսքեզ դաւանել  
և սպանողին նուիրիմ, ընդ յանդի  
ման լինելն և թիկունս դարձուցա  
նեմ։ Մաքրիմ և այլ մրճոտիմ, լուա  
նիմ և նովին զազրանամ, կերպարա

նիմ զԴաւթին և դործք զՍաւու  
զայն կատարեմ, շրթամբք ճշմար  
տեմ և ստեմ երիկամամբք, աջովս  
մատակարսրեմ և ահեակ կողմամբս  
աւերեմ: Ընդ երկրագործութեցու<sup>թ</sup>  
րենոյն որոմն սերմանեմ, 'ի բար  
ձրագոյն խմաստիցն 'ի վայր իջեալ,  
ես ինքն գտանիմ: Հրեշտականամ  
յերեսս և 'ի խորհուրդս գիւանամ,  
'ի յոտս հաստատիմ և 'ի միտս տա  
տանիմ, սուտ ձևանամ և իրօք խո  
տորիմ, կեղծաւորիմ արդար և ար  
դեամբք ամբարշտեմ: Դասիմ 'ի  
պարս հեղոց և ընդ այսս կաքաւեմ,  
'ի մարդկանէ դովիմ և 'ի տեսողեղ  
պարսաւիմ, 'ի հողածնելոցս երա  
նիմ և յորդւոցն լուսոյ աւաղիմ, հա  
ճոյանամյետին ռամկին և թագա  
ւորիդ մեծի յաչաց ելանեմ: Զա  
տեանն դատաւորին թողեալ, խառ  
նակրօնիցն աղերսեմ. հերքեալ 'ի  
վեհիցն, սոսկակ անացն սպրդիմ.  
մարմնովս արտաքուստ սլՃնիմ, և  
անձամբս երինիւ ճային ճանաչիմ.  
հսկաւորիմ դաշն հաստատել, և  
ուխտակորոյս արտաքս մերժիմ:

Այսօր մաքուր հոգեկիր և վաղիւ  
մոլի խելադար . զտէրունի պա-  
տուէրն լքեալ , թելադրութե օձին  
հետևիմ . արիանամ զօրապէս , և  
վատթարագոյնս ընկըկիմ . զծան-  
րութիւն աւուրն բառնամ , և 'ի  
ժամ վարձուն անմասն ելանեմ . 'ի  
բացուստ ճոռոմն խօսիմ , և 'ի պա-  
տասխանութեանն պահու պապան-  
ձեալ կարկիմ . 'Եյելս արևուն հա-  
րուստ երևիմ , և ընդ երեկս ունայն  
գեղերիմ : Յաթուս ծերոց բազ-  
մեալ , և խելայեղից կցորդիմ . ննջեմ  
խեթիւ , և արհաւրօք զարհուրեալ  
զարթնում : Զանդաստանս կամացս  
չարաչարս հերկեմ , փոյթ խնամով  
'ի չարիս , միշտ անառակ որդիս ,  
անդարձ տարադրեալս , անզ ղջա-  
կան զառածեալս , անմիսիթար  
տրտմեալս , ինքնագրաւ գերեալս ,  
մահու և ասլականութեան ծա-  
ռայեալս , անողոքելի տանջեալս ,  
անփրկելի մատնեցեալս , անպա-  
տուաստելի հատուածեալս , ան-  
արծարծելի շիջուցեալս , անկազ-  
դուրելի խորտակեալս , անհանդեր

ձելի կործանեալս : Եւ եթէ սկարտ  
է զսաստիկն աստանօր ասել անօրի  
նեալս անձին նախատինս , ահա  
գրեմ գրեմ և ոչ անխայեմ զիսովիւս  
նիւթեալ գեհենին : Ստացուածս  
նախանձու նորոյս Ադամայ Երկնայ  
նոյ , որպէս և Կայէնն առաջին  
հնոյն և հողեղինին . որ ունիմ ըզ-  
բնաւն աստուստ 'ի յանձին զնշա-  
նակ ամբաստանութեանս , ոչ ըզ-  
նչոյս տուրեառութիւն , այլ զբա-  
նիցս կշտամբութիւն :

\* . Եւ արդ ուր իցեն փրկու-  
թիւնքն , ուր սկզբնահայրն հաւա-  
սոց 'ի յուստհատութեանն վայրի  
զանդութեանն իմ չարիս կրկնէ ,  
մեծն մարդարէից քարամբք բանից  
կոշկոճէ , արին բարեփառ աշտէին  
նիզակաւ 'ի մահ սատակէ , սլատկեր  
ճշմարտին ընդ Աքարու համայնիւ  
ջնջէ , աստուածարեալն վեհից՝ յա-  
րագողացն վրիժուց մատնէ , մար-  
դարէածին տեսանողն՝ ընդ ամառե-  
կացւոյն առաջի տեառն սպանանէ ,  
նախանձաւորն Աստուծոյ Երկնա-  
տեղաց բոցովն վատնէ , սառւերին

լրումն և նորոյս սկիզբն՝ հեծանոցին,  
ընարութեամբ հոսէ , պետն առա-  
քելոց ընդ Սափիրայի ՚ի կենաց զը-  
րաւէ , զարմանալին քննութեամբ  
հոգւոյն՝ բուրումն ինձ մահու ընդ  
կենացն քարողիսառնէ : Արդ անա-  
չառք և ինձ կահառք երջանկացն ,  
և ուժգնութեան հրամանի վերնոյն  
արի սպառազէնք . ընդ հրեշտակացն  
և մարդիկ , ընդ ախեզերաց երկրի  
և տարերք , ընդ անզգայիցն և շար-  
ժողականիք , որովք դատեալ միշտ  
լինիմ տուժիւք լվանաց յօրինակ և  
յիշատակ սոսկալեացն ասպագայից .  
իբր հողմով փոթորկի ալեաց յաւէտ  
մըրկեալ կենացս վստահութիւն ,  
մնայ անկայուն ՚ի հաստատու-  
թեանց : Զօր ելծէ ոք իմաստու-  
թեամբ ՚ի քնին առեալ խուզեսցէ  
զլուղակացն բազմատեսիլ զանազա-  
նութիւն , զմանունս փոքունս ընդ  
մեծամեծացն դասեալ , որ առանց  
թուոյ և քանակութեան համարոյ  
թինդս առեալ անբաւերամոցեռան  
զեռան սլանան ՚ի մարմնիս ծովու-  
վկայեսցէ և հաստատեսցէ ճշմա-

ըիտ լինել զասացելոցս բանադրութիւն :

Դ . Այլ դու ինքն օրհնաբանեալ  
անմահ թագաւոր բարի երկնաւոր  
մարդասէր Քրիստոս , Աստուծոյ  
կենդանւոյ միածին որդի , հզօր  
բարձրեալ անքնին անձառ քաւիչ  
ահաւոր , սաստեա 'ի ձմեռն ամ-  
բոխեալ ալեաց ոգւոյս ծփանաց ,  
արձանացո զծաւալս մոլեգին շարժ-  
ման սրտիս խռովութեան , ընդու-  
նեա 'ի սանձս կապոյ երասանաց  
ըմբռնման զցնդեալ մտացս վայրա-  
գութիւն : Եղիցի խաղաղութիւն  
հրամանաւ մեծիդ ամենավարան  
բոյս սաստնման , ստատկեա խա-  
փանեա զբազմագլխեան անդամն  
ուրուականս գաղտնեաց ամօթոյս  
երկրակենցալս հինից : Գրեսցես  
ազօթս մշտամատոյցս զայս նորըն-  
ծայ տառ ողորմազերս թախծագին  
ձայնի ողբերգարկութեան այսր մա-  
տենի . հան 'ի խորոց մահուս անդըն-  
դոց չքնաղ ապրեցեալընդ մարդա-  
րէին փրկելոյ . ընկալ զիսոստովա-  
նութիւն անձնադտա բանիս 'ի հոտ

անուշից . շնորհեա միսիթար դառ  
նութեան վշտաց ուժգին հեծու  
թեան յուսահասելոյս : Եւքեզընդ  
հօր , հոգւովդ սրբով փառք պատիւ  
և իշխանութիւն յաւիտեանս . ամէն :

## ԲԱՆ ՀԲ .

Վէրապին յաւելուած իւին հէծութէա  
նորին հսկողի առ նոյն աղջրո մաղլանայ  
բանի .

Ի իւրու սրբից իւօս + ընդ Ասպաթու :

Ա . ԱՅԼ ահա ձեզ ասեմ , ովե  
կեղեցիք միանձանց և աշակերտու  
թիւնք կրօնաստանաց , որք մերկա  
մարմին մատանցդ ձեռօք առ  
ակնկալութիւն յուսոյն պարզեաց  
բարեացն անբաւից տեառն զինուու  
րեալք , որոց զայս սեղան հանդեր  
ձանաց խորտկաց բանից ընծայեցու  
ցի , ընկալարուք զայս աւանդու  
թիւն խոստովանութեան ՚ի շի  
նուած փրկութե հոգւոց : Ծանե

րուք սովիմք զմարմնոյս պարտութիւն, յիշեցէք զմարդարէականն ընդ առաքելականին առեալ մեղ՚ի խրատ, զի՞ մի՛ պարծեսցի ամենայն մարմին առաջի Աստուծոյ, և զոչ ոք է արդարն և ոչ մի՛: Զտէրունականն մի՛ մոռանայք, 'ի կատարածն իսկ պատուիրանին գոգչեք զձեղ ծառայս անսպիտանս . մի՛ եղիցի լինել ձեղ որսք խաբողին . զգուշացարուք և գրոյն, թէ կերակուրք նորաընտիրքն : Քանզի և ես իսկ, որ զայս նուազութիւն մասնաւոր պըտզոյ ձեղ ջամբեցուցի, վկայեալ զանձնէ կամաւորական ստգտանք բիւր բամբասանաց անբժշկական մեղանաց, 'ի սկզբնահայրն սկսեալ մինչև 'ի սպառումն ծննդոց նորա՝ կամայականն յանձնառութեամբ հաստեցի Եղիզես ամենայնիդ պարտական չարեաց :

Բ. Լուայ յումեմնէ ոչ պարտաւորէ, և ոչ հաճեցայ, 'ի յասելն նորա անյարմարագէս առ այն, որոյ առաջի ոչ է արդարանալ մարմնոյ երկրածնի, թէ ոչ երբէք շնացայ,

ոչ սլոռնկեցայ և ոչ զաշխարհիս  
ինչ համբուրեցի ճաշակս մահու:  
Այլ ոչ ընդհատ ինչ յանօրէնութե-  
նէ . թողցէ նմա տէր Աստուած  
զայսոսիկ . թէ և Ճշմարտիւ իսկ  
գրեցաւ , ոչ ընթացաւ , որքան թէ  
գթեաց , 'ի յասել զանյարմարսն 'ի  
դիմաց ժողովրդեանն Խարայէլի  
բանիւ Զաքարիայ , օրհնեալ տէր ,  
և մեծացաք . որ է փարիսեցւոյն  
ձայնի կերպարանի : Բայց ես քանզի  
գիտողին Աստուծոյ մատնեալ եմ  
դատաստանի , որ զկիրս աներեւու-  
թիցն մտաց 'ի կշիռս եղեալ՝ հա-  
մարի դատել զիս նոքօք ամենիրաւ  
հատուցմամբք , ոչ կերպարանե-  
ցայց տեսողին , ոչ կեղծաւորեցայց  
քննողին , ոչ ստեցից զոք գործե-  
ցեալսն նկատողին , ոչ խաբէու-  
թեամբ ընդ միտ ինչ մտից մեծին ,  
ոչ 'ի տեսիլ բարւոյ ցովիութեան  
զքարս քողարկեցից , ոչ 'ի սլատկեր  
ընտանի զասլիկարս երբէք յարդե-  
ցից , ոչ խենեշացայց 'ի զարդ օտա-  
րոտի , ոչ սլՃնեցայց այլով պայ-  
ծառութեամբ , ոչ սկաճուճանս յար-

մարեցից տգեղութեանս դեղոյ : Ոչ  
ոք մեղաւոր իբրև զիս , ոչ ոք անօ-  
րէն , ոչ ոք ամբարիշտ , ոչ ոք անի-  
րաւ , ոչ ոք չարագործ , ոչ ոք վրի-  
պեալ , ոչ ոք սխալեալ , ոչ ոք մոլե-  
գնեալ , ոչ ոք խարդախեալ , ոչ ոք  
շաղախեալ , ոչ ոք ամաչեցեալ , ոչ  
ոք դատապարաեալ , ես միայն եմ և  
այլ ոչ ոք , ես ամենայնն և յիս ամե-  
նեցուն : Ոչ հեթանոսք , զի ոչ գի-  
տէին . ոչ հրեայք , քանզի կուրտ-  
ցան . ոչ տգետք և խառնիճաղանջք ,  
քանզի յիմարք էին խմաստից : Պետ  
վարժից կոչեցայ յանձինս դատա-  
խազ . ռաբբի ռաբբի անուանեցայ ,  
և զգովեստն առ Աստուած Եղծի .  
բարի ասացայ առ Եղկութեան ժա-  
ռանգութիւն . սուրբ վկայեցայ 'ի  
մարդկանէ , որ Եմանմաքուր առա-  
ջի Աստուծոյ . արդար դաւանեցայ  
ամենայն իրօք ամբարիշտս . հեշա-  
ցայ 'ի գովեստ մարդկան , զի ծաղը  
Եղեց յատենին Քրիստոսի . յաւա-  
զանէ կոչեցայ Արթուն , և ես 'ի  
քուն մահու ննջեցի . 'ի փրկու-  
թեանն աւուր Հսկող յորջորջեցայ ,

բայց զգդաստութեան աչս կափուցի : Ահա դատաստան, ահա յանդիմանութի, ահա նոր կշտամբանք և հին դատապարտութիւն, ահա ամօթ դիմաց և տագնապ հոգւոյ, ահա խնդիրք փոքունց և կշեռք մեծամեծաց :

Դ. Այլդու միայն տէր Աստուած մարդասէր, անոխակալ և երկայնամիտ, համարեաց մեղապարտս անձին ընդ վերջին սկարտաւորութեան աւուրն ահաւորի զայս կոկծեցուցանող ինքնաբանական նախատինս : Մի լուայց՝ ի քէն զայսոսիկ, գթած, փոխանակ զի ես ինձէն անձինս գլորեցի : Արդ բարձցես և վերացուցես զպահ պարտաւորութեան կանոնիս ընդ քեզ կապելոյս տենչանք հոգւոյս : Հան զնախատինս պատկառանաց խայտառակութեանս, ծածկեա աջովդ կարողութեան ըլտոգեղ տեսակ մարմնոյս մերկութե, մատո հանգստեան զթուպեալս ուժդին մեղացս բեռամբք, կարգեա ինձսահման հետոց բարութեան առելս կենացդ, պահեա յիշատակ ինձ

ովորմութեան և զկնի մահու կեանք  
ամենելին , օրհնեալ յերկինս և գո-  
վեալ յերկրի , բարեբանեալ միշտ  
յամենայնի՝ յաւիտեանս յաւիտե-  
նից . ամէն :

## ԲԱՆ ՀՊ.

Ա է բարին յա- է լո- ած ի ը ի ի ն հ է ծ - թ է ա ն  
նորին հո ի ո ղ ի տ ո ն ո յ ն ա ղ ւ ը մ ա ղ լ ա ն ա յ  
բ ա ն ի .

Ի ի ս ր ո յ ս ս պ ի շ ի ս ա ս + ը ն դ Ա ս պ ս ծ ո յ :

Ա . Յ ա գ ս ե ս ը ա ր ձ ր ե ա լ հ զ օ ր  
ա հ ա ւ ո ր , օ րհնե ա լ դ մ ի ա յ ն տ է ր  
Յ ի ս ո ւ ս Ք ր ի ս տ ո ս , ք ո է փ ո խ ա ր  
կ ե լ յ ա ն ա կ ն կ ա լ ս կ ե ն ա ց յ ո ւ ս ա հ ա  
տ ո ւ թ ե ա ն զ ս ա տ ա կ ի չ ա ն է ծ ս ա ռ  
կ ե ց ո ւ ց ա ն ո ղ օ րհն ո ւ թ ի ւ ն ս , զ պ ա ր  
ս ա ւ ա ն ս վ հ ա տ ո ւ թ ե ա ն ա ռ զ ո ւ ա ր  
թ ա յ ո ւ ց ի չ գ ո վ ո ւ թ ի ւ ն , ը ն դ ա մ օ  
թ ո յ ն՝ հ ա մ ա ր ձ ա կ ո ւ թ ի ւ ն , ը ն դ պ ա տ  
կ ա ռ ա ն ա ց ն՝ պ ա տ ի ւ , ը ն դ տ ա ր ա  
դ ր ո ւ թ ե ա ն ն՝ յ ո յ ս բ ա ր ո ւ թ ե ա ն , ը ն դ

բաժանմանն ակնկալութիւն միութեան , ընդ սպառնականացն բանից՝ ողոքական սփոփանս , ընդ մի անգամ դատապարտութեանն կրկին աղատութիւն :

Բ . Ողորմեա , տէր , մահու մեղապարտիս յաւուր արձակման շընչոյս կենդանութեան , մինչ աչացս ողորմագին հայեցուածս 'ի բարձունս կողկողիցի , զբազմարկածեան ուղւոյն զանզերծ ընթացիցն զանփախչելին ճանապարհ յաչս բերելով մտացս տեսմամբ ամենայնիւ վրտանգեալ . և 'ի յերդ ընակութեան յարկիս նկատեալ յելիցն շաւիղ , թշուառացեալ կիսամեռութեամբ , դիմօք այլայլութեան , տատանմամբ մատանցս , կարկամ հառաջմամբ , նուաղհեծութեամբ , նրբական ձայնիւ , յոդի թախծութեան յոքնամասնեայ տարակուսանաց՝ 'ի խորոցս աներևսութիւց զդործեցելոցս ողբալով հառաջեմ : Կարող ես , բարեգութ , և անդ հրաշագործել յաւեղօրեղութեամբ ասելով , թէ ողջ եղիջեր յոդւոյդ խորտակմանէ , և

կամ թողեալ լիցին քեզ մեղանք քո .  
 կամ թէ երթ 'ի խաղաղութիւն սըր-  
 բեալ 'ի մեղաց : Եւ զոր յայնմժա-  
 մուռ չամանեցից պաղատել, այսօր  
 ընկալցիս մարդասիրասկէս , ով եր-  
 կայնամիտ բազմաշնորհ ամենակե-  
 ցոց : Յորժամ, որ այժմս բանապա-  
 ճոյՃ խրոխտաձայն սիգացող բար-  
 ձրապարանոց , անկեալ դնիմդի ան-  
 կենդան , կարկեալ 'ի խօսից , կաշ-  
 կանդեալ ձեռօք , լքեալ անդամօք ,  
 խփեալ շրթամբք, կափուցեալ աչօք ,  
 տախտակ անշարժուն , կոճղ կիսայ-  
 րեաց , արձան անզգայ , պատկեր  
 անբարբառ , գոյութիւն անշունչ ,  
 ողորմելի տեսիլ , աշխարելի կեր-  
 պարան , ողբալի օրինակ , եղկելի  
 դէմք , արտասուելի նմանութիւն ,  
 լւեցեալ լեզու , ցամաքեալ խոտ ,  
 թօթափեալ ծաղիկ , ծորեալ գեղ .  
 շիջեալ ղամբար , դատարկ կոկորդ ,  
 խոպանացեալ օիրտ , աղխեալ ազ-  
 դարան , սպառեալ աղբեւր , թալ-  
 կացեալ մարմին , ժողխեալ որովայն ,  
 քակտեալ տաղաւար , կոտորեալ  
 ոստք , բաժանեալ յօդք , հատեալ

ծառ , սղոցեալ արմատ , թո-  
 ղեալ տուն , հնձեալ արտ , ստորա-  
 խուզեալ բոյս , օտարացեալ բարե-  
 կամ , մոռացեալ սկահեստ , թա-  
 ղեալ գարշութի . մերժեալ տտելի ,  
 բարձեալ խէթ , անարգեալ կմախք ,  
 և իբր զանավիտան առ ուն կոխեալ :  
 Կարօտեալ այլոց մաղթանաց , որք  
 դհաւատոց թշուառիս ձայնիւ նը-  
 ւագեալ աղերս հառաջման , ցողով  
 արտասուաց բարերարիդ գթու-  
 թեան 'ի բարձունս տարածանեն :  
 Զառքեզ գարձն յեղանակեն ար-  
 դահատելով , զոր օրհնեմ . զնշան  
 խաչիդ փրկուե , զոր երկրոսկագեմ .  
 զյարութեանն ճշմարտութիւն , ո-  
 րումհաւատամ . զփառացդքոյայտ-  
 նութիւն , զոր փառաւորեմ , զդա-  
 տաստանիդ ահաւորութիւն , զոր  
 խոստովանիմ . զբանիցդ յանգխա-  
 նութիւն , յորմէ զարհուրիմ . զհո-  
 գւոյդ սրբոյ ինձ ուղեկցութիւն , զոր  
 սկաշտեմ . զօծմանդ տեառնադրու-  
 թիւն , զոր և համբուրեմ . զթագա-  
 ւորելն ընդ քեզ , տէր Յիսուս , ո-  
 րում պաղատիմ : Արդ լքաւ մեր-

ժեցաւ բարձաւ տրոհեցաւ ի ախեաւ  
սրացաւ տեղի ետ կցորդութիւն զու-  
գութեան կենցաղոյս կենդանու-  
թեան , և յոյսդ որ 'ի քէն պարզե՞  
մնացական և անջնջական յիշատա-  
կարան պահեցաւ :

\* . Տես ովորմութեամբ 'ի տա-  
րակուսանս վտանգելոյս , միայն բա-  
րեգութ փառաբանեալ որդի Աս-  
տուծոյ , քաւել բժշկել կենագոր-  
ծել պաշտպանել նորոգել նկարել  
կանգնել հաստատել . վերստին ըս-  
տեղծագործել յերջանիկն անարա-  
տութիւն . քո է կարողութիւն ,  
քո է փրկութիւն , քո ովորմու-  
թիւն . չիք քո անկարութիւն , այլ  
ամեննեին զօրութիւն , բարձրութիւն ,  
իշխանութիւն , անվախճան թագա-  
ւորութիւն , իսկութիւն , ինքնու-  
թիւն , ամենատեղի բացարձակու-  
թիւն , բարերարութիւն , լուսաւո-  
րութիւն , փառաւորեալ տիրապէս ,  
անպակաս և անյաւելուած , խնկեալ  
խորհրդով անթարդմանելեաւ յԵր-  
բորդութեանդ սրբում , գոհաբա-  
նեալ յաւետ և ևս առ ամին 'ի նոյն

պաշտօն հաւասարութեան միապատիւ զուգականութեան , երեկ և այսօր և յաւիտենից յաւիտեանս . ամեն :

## ԲԱՆ ՀՊ.

ՎԵՐԱՊԵՏԻՆ ՅԱ-ՑՈՒ-ԱԾ ԽԵԼԻՆ ՀԵծութեան  
ՆՈՐԻՆ հայուղի առ նոյն աղեցս մաշվառեաց  
բանի .

Ի ԽՈՐՉ ԱՐԴԻՇ ԽՈՍՀ ՃՆԴ ԱԿՄԱ-ԾԱ:

Ա . ԱՐՔԱՅ ԵՐԿՆԱԿՈՐ , տէր բոլորեցուն , առ ամենայն բան յամենայնի միշտ Երկայնամիտ , Աստուծոյ կենդանւոյ անքնին որդի : Ահա անդէ ողորմելն իսկապէս , յորումհատաւ ակնկալութիւն վաստակոյն . անդէ բարեգործելն , յորումտեսութիւն իմաստիցն խափանեցաւ . յայնմժամու է մարդասիրելն , յորումտկարութեանն վատանդ պաշարեալ տիրեաց ներքոյ և արտաքոյ . անդանօր է բժշկութիւն աստուա-

ծային քոյ ձեռինդ , յորժամ բնաւ  
անդամոցն տեղի ետ կենդանու-  
թիւնն . այն վայր է այցելութեան ,  
յորում ելք հնարից ոչ գոյ . այն է  
քո մեծութիւն , յորժամ զյուսա-  
հատութեան վերն ողջացուցանես .  
այն է հարազատ քումդ ազգակցու-  
թեան , եթէ յանակնկալն ժամու  
արուեստաւորեսցես փրկութիւն .  
այն է հանդիսաբան քում յաղթա-  
նակի , եթէ զիւակեալն մուտս կե-  
նաց 'ի սպառումն շնչոյս բացցես .  
այն են քո շնորհք վայելչականք ,  
եթէ զչարեացս իմոց մոռացեալ՝ ըզ-  
բարեացդ քո յիշեսցես : Յայամ ես  
անոխակալ , եթէ ապախտաւորիս  
ընդ Երախտաւորացն խնամարկես-  
ցես . 'ի սոսին ծանեալ դիտացից՝  
եթէ նայեցար 'ի նուեր բանիս  
նախնի գթութեամբդ , եթէ զսովո-  
րութիւն չարեացս բարձցես :

Բ . Յաղագս այսորիկ հիւսին բանք  
և եղանակին նուագերգութիւնք ,  
յորժամ տերն բարի՝ չարն ծառայի  
զբարեգործացն պարգևեսցէ . որ  
մինչ իրաւամբք մնասցէ բանտի , նա

յարքոյական առարանս զնա հան  
գուսցէ . մինչ հրաւիրեալ է՝ ՚ի գուբ  
տղմոյ , ՚նա ՚ի բազմականս ամենա  
պատիկս գահուց գրգեցուցանիցէ .  
մինչ բրելոյ զաշն դիտեսցէ , ՚նա ՚ի  
բարձրութիւն բերկրութեան հայե-  
ցուցանիցէ . մինչ ծայրատութեան  
մատանցն սպասէ , ՚նա մատանի  
համարձակութեան մատուցանիցէ .  
մինչ հայի հարուածոց գանից , ՚նա  
գթոց գիրկս արեանիցէ . մինչ պա-  
տրաստեալ յուսայ կորստեան , ՚նա  
երեելի տեսողաց բազմաց առնիցէ .  
մինչ ակն ունի սատակման մահու-  
նա ընդ կենացն և փառս ընծայե-  
ցուցէ . մինչ հատման գլխոյն նայես-  
ցի , ՚նա զնոյն պսակաւ սրայծառա-  
ցույանիցէ : Այս պտուղք օրհնու-  
թեան , գթած , սքանչելարմատ  
քում շառաւիղաց . այս արգասիք  
կենաց արարչականդ քո հրամանաց-  
այս իղձք խորհրդոց խոստովանեալդ  
քո տենչանաց . այս ՚նշոյլք լուսոյ  
ամենասփիուդ ճառագայթից . այս  
ախորժութիւնն ճաշակաց բարեքա-  
նեալդ քո քաղցրութեան :

Գ. Քո միայնոյ են այսոքիկ, տէր.  
 'ի քէն ազգեցաւ գրել ինձ զառին .  
 ահա զքոյսդ յատուկ աղերս աղա-  
 չեմ, օրհնեալ, 'ի քոյոց այտի պար-  
 գևեալ շնորհեա. բաց, տէր, զգանձս  
 քո բարիս, ըստ աղերսանաց առա-  
 կին: Մի՛ իսառնեսցես 'ի համբարս  
 բարեացդ քոց 'ի չարեացն իմոց. մի  
 շտեմարաննեսցես զատելիսն քո՝ որ  
 են օխութիւնք և ցասմունք, ընդ  
 սիրելիսն քո՝ որ են գթութիւնք և  
 ողորմութիւնք. մի պահեսցես 'ի  
 ստացուածս քո պաշտելիս զանա-  
 խորժելիսն քո՝ որ են մթութիւնք  
 և դաժանութիւնք, և զիմ վասե-  
 լիքն՝ որ են մեղք և թշուառութիւնք:  
 Մի գրեսցես աջովդ օրհնութեան  
 'ի մատենիդ կենաց զմուրհակ պար-  
 տոցիմոցս անիծից, այլզանհնարա-  
 սորսն ինձ համարեալ՝ մեծացուս-  
 ցես կրկին առաւել զանուն քո տէր  
 'ի նոսին, ցուցանել զգոյն ինձ դիւ-  
 րինս և հեշտականագոյնս: Ըատ  
 են իմ պարտիքս և անդրքան զթիւ,  
 այլ ոչ այնքան հրաշալիք իբրև զքո  
 զողորմութիւնդ. բաղում են մեղան-

քըս, այլ յաւետ են նուազեալ ա-  
ռաջի քոյդ ներողութեան. յաճախ  
են չարութիւնքս, այլ յաղթական  
են համայնից, հզօր ամենակալ, քոյդ  
մարդասիրութիւն. ինձ են անհա-  
մար խմոյս անձին բիծք, այլ քեզ  
յոյժ գրաւեալ են ընդ սահմանաւ:  
Աչ են այնքան զօրաւորք առ կեն-  
դանութիւն զէնք մեղանաց պատ-  
կառեցելոյս պտղաբերութեան, որ-  
քան յիշատակ մահու կենդանւոյդ  
առ վանումն կործանովին բռնու-  
թեան: Զի՞նչ ազգեսցէ փոքր խա-  
ւար՝ աւուրդ Աստուծոյ, զիա՞րդ  
բաւեսցէ գոյզն ինչ աղջամուղջ մե-  
ծիդ ճաւագայթից, զիա՞րդ համ-  
բարձցի կշռեսցի ընդ խաչի քո կրից՝  
խակութիւն հեշտութեան մարմնոյս  
ակարութեան: Զի՞նչ երևեսցի յաշ  
ամենակալիդ քոյ առատութեան՝  
կոյսք մեղանաց ամենայն տիեզերաց-  
ահա կոշտ մի հողոյ գիւրափխրելի  
՚ի կարծրութենէ բախման վանե-  
ցեալ, իբր զսլզակակ անձրեսոյ բազ-  
մազեղ հոսմամբ քո կամացդ չքա-  
ցեալ պայթեալ անդստին: Զի՞նչ

պիտոյ Են քում զօրութեանդ ամե-  
նահնարդ կարողութեան ժամանա-  
կաց առաւելութիւն առ յանցուա-  
ծոց իմոց քաւութիւն . ոչ քթթել  
մի ական , ոչ խուն մի տեսութիւն  
ածանցական , ոչ սակաւ մի նայե-  
ցուած փայլական , ոչ կիսամասնեայ  
յամբութիւն , ոչ վութացելոց ոտից  
յեղեղումն , ոչ յելից բարձրութենէ  
միոյ կանգնոյ կաթի անկելոյ , ոչ  
գիծ մի չափոյ մտաց հետեւցելոյ ,  
ոչ նշուղից արագութիւն , ոչ շնչոյ  
տուրեւառութիւն , ոչնույն յայսմ յան-  
դոյ և յանտպաւորական նմանու-  
թենէ անձեւ օրինակաց յաւէտ ան-  
կայից՝ այնիքան առժամայնք կամ  
հարևաննցիկք , որքան եղծմունք ,  
ցնդմունք և հալմունք մեղացս սառա-  
մանեաց պահեստի՝ քումդ զօրու-  
թեան , Ած ամենայնի տէր Յա Քրիս-  
տոս , Որդի անքնին կենդանւոյդ  
Աստուծոյ : Որ տաս պարգևես արե  
քաղցրութեան՝ չարաց ընդ բարիս ,  
և անձրեւես երկաքանչիւրոցն անա-  
շառապէս . կշռես սահմանես իրա-  
ւամբք և զլտանդս կրիցն հաւա-

սարաբար . որոց մեծ է հանգիստն  
առ ակնկալութիւն պարզեին , փոքր  
խթանաւ փորձութեան զսակաւու-  
թիւն պարտուցն աստէն վճարես .  
իսկ որ զերկիր ընտրեցին , ներես  
ողորմութեամբ , տալով և սոցա-  
դարման ընդ նոցա՝ միշտ առ քեզ  
դարձին սպասես : Եւ քեզ փառք  
ամենազօրիդ առ ամենայն հրաշա-  
դործութիւն բարեխնամող երկայն-  
մառութեան , օրհնեալ յաւիտեանս .  
ամեն :

## ԲԱՆ ՀԵ ·

Դարձնեաւ առա նմին իր ինստուտին եւ  
իրարժութիւն ասպառ-ծայրին հագուշ  
ազդեցիւալ, յուր ինը յառաջելոցն առան  
մասն կառաւ առանութիւն՝ առ ամենայն  
լուսաւորութիւն է իշխեաց դաստիա-  
րական մշկնարկն է դիմու ասպառնօք։ Ե-  
րա առ առ շնչառիան անի-թիշխեան շո-շանի է-  
րանուուր իշքաղաքութիւն անձառնելի :

Ա. Արդ ընկղմեալ զմայլեալ  
և 'ի սպառ ծածկեալ 'ի յանձա-  
ռութենէ առաւելութեան բազմա-  
մանեայ յաճախութեան մեծիդ-  
երախտեաց, որ ամենառատ լրմամբ  
աննուազելեաւ յաջմէ և յահեկէ՝  
'ի դիմաց և 'ի թիկանց համբարեալ  
կան անբաւութիւնք :

Բ. Մատուցանեմընծայեմ գար  
ձեալ աստանօր աւանդ գովեստի  
դաւանման ձևալրտականի : Զի որ

պէս Երքեմն հերձուածականնին չա-  
րափառութեամբ ամենապատիրն  
խաբեութեամբնենդողին կարթիւն  
հատուածեալ՝ ի բաց հերքեցայ՝ ե-  
լեալ՝ ի գրախտէն . արդ միաւորա-  
կանաւս այսու ուղիղ անբժու-  
թեամբ՝ ի յաւանդ իսկապէս շնորհի  
անդրէն միւս անդամ համբարձեալ  
սովումբ՝ ի թռիչս թեոցն լուսոյ  
ահա յերկինս ժամանեցից հետե-  
ւեալ:

Գ. Այլ քանզի յարգանդէն՝ յո-  
րումյղացայ հոգեսոր երկամբք ծնի-  
ցեալ, զմեծ և զերջանիկ դշոյ ան-  
արատ՝ ամենից կուսից իսկուհի՝ ըզ-  
պանծալի մայրն իմ գովելի պարտ  
է կանոնաւ սահմանի բանի արձա-  
նագրել յայսմ մատենի, զի ծանիցի  
ցուցցի և այլոց ևս ապադայիցն ազ-  
գաց պատմեսցի որբանութի փառաց  
խնկելոյն, արժանապէս պաշտմամբ  
սպատուեալ իբր մաքուր մարմին,  
ընդ դիսոյ մարդեղութեան բանին  
Աստուծոյ, ի յիշատակ ճառիս հա-  
ւատոյ Երրորդութեանն դաւանու-  
թեան : Եւ արդ՝ ի յայս օրինակ

հոգենկար պատկերի բանի, որ  
զսորանէս լուսոյ յարմարի, ընկալ  
զիս, դժած օրհնեալ, քաւեցեալ և  
սրբեալ 'ի սմին : Հան սովաւ 'ի  
հոգւոյս զնախատինս մեղացս, ան-  
մեղս և անբիծս ընդ հովանեաւ սո-  
րին բազմեցո, յաւել զտկարս 'ի  
տունն Դաւթի, և անդուստ փո-  
խեալ 'ի տունդ Աստուծոյ, ըստ  
մարդարէին ձայնի՝ որ 'ի քեզ Յի-  
սուս ակնարկի : Մի՛ սոսկ զմախցն,  
և մի անօգուստ զելլիցն հետեւութիւն  
արասցես . մի՛ զհաւատոյս ջերմու-  
թիւն ցուրտ համարեսցիս, և մի՛  
զհամբոյր ողջունիս անկարգ ինչ  
վարկանիցիս, մի՛ զպաշտօնն ապա-  
շնորհ դրեսցես և մի՛ զերկրպագու-  
թիւն անխորհուրդ լքցես . մի՛ ան-  
պառազ լիցի տեսականութիւն պատ-  
կերին, և մի աննշոյլ կերպարանին  
սքանչելութիւն, մի՛ անհուր ողջա-  
կիզին սպանդ մոռասցի, և մի՛ պա-  
տարագ ուխտի այս ճառի՝ արտաքոյ  
ցրեսցի . մի՛ ճաշակդ լուսոյ ինձ  
մահու լիցի, և մի՛ բաժակքո կողիցդ  
արեան 'ի դապապարտութիւն ե-  
ղիցի :

Դ . Ազաշեմ զքեզ , աեր Յիսուս  
միդյէութենէդ , որովզգիտութիւն  
հօրքոյ և հոգւոյդ սրբոյ Ճաշակեալ  
ծանեաք . քանզի 'ի քէն իսկ վար-  
դապետեալ զամենապարգիւ կարգու-  
եկեղեցւոյ , և 'ի սմին աղօթանուէր  
լուսարան կենաց փրկութեան բա-  
րեաց , տարածեալ զսիրտս ձեռաց  
համբարձմամբ զայս կնդրուկ բանի  
բնակողիդ 'ի սմա տիրողիդ բնաւից  
երեքսրբենիդ մատուցեալ յաւէժ  
ընծայեցուցանեմք այսու բարբա-  
ռովբարեշնորհութեան :

Առ ու 'ի Նիկույն ստորման նշան բան ,  
այւ ի՞ն իսուրկուծութիւն առաջուն-  
ծային առանդութեան :

Ե . Փառաւորեմք վերաձայնեալ  
նուագօք օրհնութեան երգոց 'ի  
հաւատ պաշտաման բանի զբարե-  
հրաման պատճառն եղելոց զնորոր-  
դութիւնն անսկիզբն՝ անհամեմատ  
բարձրութեամբ անհասական խոր-  
հըրդոց և անըմբունելի իմաստից ,  
անզննելի զգայութեանց և անիբե-

չե եղելոց, քանակութիւն վեր-  
նականն երկնի և անսահման ներք-  
նային խորոց, ըսութիւն սպառմանց  
և նախագրութիւն սկզբանց. մի յե-  
րից անշփոթ կերպից, և երիս՝ 'ի  
միոյ անհատուածելի իսկութեանց,  
'ի վերքան զմտաց անարդելութիւն  
յարածգեալ ամենայն ուրեք բովան-  
դակ : Անփոփոխ բարի, անսասա-  
նելի ուղղութիւն, անխառն կեր-  
պարան սիրոյ, մեծութիւն անյա-  
ջորդ . բարձրութիւն անխոնարհե-  
լի, անվասնելի տեսականութիւն,  
բարերարութիւն անհուազելի, կամք-  
կայուն, հրաման կենգանի, ակն-  
արկութիւն փրկչական, երանու-  
թիւն ճշմարիտ, ակնկալութիւն  
հաւասարի, խոստումն անստելի, ա-  
ւանդ արդասաւոր, ստոյգ աւե-  
տիս, վերամբարձութիւն անձեռն-  
արկելի :

Զ. Մի հայր միայնոյ Որդւոյ՝  
միական հոգւովն պատուեալ, ա-  
մենահարուստ բարութեամբ ամե-  
նեին ունայն 'ի չարէ, օրհնաձայն գո-  
հաբանութեամբ անքնին ներբովե-  
դովեալ:

Է . Մին բարձրեալ ահաւոր  
անուն՝ համապատիւն կցորդու-  
թեանց , անպատումն ազգականու-  
թեանց , եռալուսեանն զուդակցու-  
թեանց , անյաւելուածն լրականու-  
թեանց , ինքնիշխան կամաւորու-  
թեանը սկատուասիրեալ առ չայրն  
չանդունատիպ՝ գործակցութեամբ  
հոգւոյն սրբութեան խոնարհեալ  
իջեալ 'ի յերկնից , աննուազ դոլով  
ընտանի փառացն , հաճեցաւ մտա-  
նել յարդանդ մայրենի Աստուա-  
ծածին կուսին մաքրութե . յորում  
աճեցոյց զբոյսն օրհնութեան 'ի  
լուսասահման անդաստանին ան-  
արատութեան . ընդ ամենակատարն  
էութեան համասնեալ յանանջըր-  
պետ միականութիւն , թափանձա-  
կան խառնութեամբ յաստուածու-  
թեանն ոգի բաղկացոյց զգոյութիւն  
չնչոյս հրաշապէս : Որով անստամ-  
բակելի երասանաւ սանձաց կրթու-  
թեան զստահակութիւնս իմ հան-  
դարտեցոյց . և կամաւ ընծայեալ  
խաչին՝ ամբարձաւ ծաղիկն պաղոյն  
կենաց 'ի ծայրս լրութեան անմա-

հականն տնկոյ . 'ի մահ վիրաւորեցաւ՝ աստուածութեանն անընդմիջելի 'իմերասերն մարմնոյ , որով կենսացոյց զգործին պարտեաց , արարչութեանն խսկութեան 'ի նմին յաւէտ անբաժանօրէն ընդ նիւթական մարմնոյն վշտացեալ : Իջեալ 'ի վայրս խաւարային դժոխոց , եհան զկապուտն իւրաստեղծ 'ի կապանաց օցտողին . և իբր 'ի նիրհմանէ քնոյ զարթուցեալ , յինքննահանջեալ զգիմեցումն մահու , կանդնեցաւ կենդանացաւ աստուածապէս ելեալ 'ի յերկրէ հացն կենաց և հովուն հօտից բանաւորականաց : Հաւատարիմ եղեւ յաշխարհի , և երևեցեալ նոյնութեամբ տմենեին աննուազելի , որպէս եկն համայն , և համբարձաւ բովանդակ . բազմեցաւ նստաւ 'ի գերունակն գահոյս նտիւնականին պարզութեան արարչական վիաւաւորութեամբ : Զորխոսառվանիմք Աստուած բարերար և տէր բոլորից , որ գատի զամենայն երկիրարդար ընտրութեամբ յաւուրըն մեծի . որ ինքն է սկիզբն և ինքն

կատարած, նոյն առաջին և նոյն առյապայ. անսպակաս բովանդակութեամբ թագաւորեալ 'ի ըոյս անմատոյց :

Է. • Օրհնաբանեմք ընդ Հօր և Արդւոյ և զանբաժանելի բղխումն նոցին՝ փառակից Հոգւոյն տէրութեան. որ ստեղծ զբնաւս և կենդանածնէ զամենայն, որ անդստին իսկ 'ի բնե համապարփակ մթութեան աշխարհակալն միգի շրջէր նկարէր և կերսկարանէր ամենունակ ջուրբքն անբաւութեան երկրատարածն ծովու 'ի կատարումն արդեան խորհրդոյս՝ զսուրբ աւազանն լուսոյ: Նախ արար և այժմ գործէ, գոյացոյց և մէշտ կատարէ արուեստս, սքանչելիս, նախատեսութիւնս սրբամնելոց, ազդմունս ասասուածօրէնս, զօրութիւնս զարմանաւորս, մարդարէս, առաքեալս, վարդապետս վարժովս կրթութեան հանձարոյ: Զսրբարարն մատուցման արեանն Քրիստոսի յարդարեաց, քաւութիւն անձանց, տո ողջութիւնս մարմնոց, ըստ նմա-

չե նութեան Քրիստոսի ողորմութե  
 հրամայեաց : Մկրտեաց և գեր  
 քան զջուր , ինքեան միայն բաւա-  
 կանութեամբ նորոգեաց լուսաւո-  
 րեաց . հանապազ նովին բարեգոր-  
 ծութեամբ զօրանայ : Վկայեաց  
 միածնին աստուածութեանն 'ի հո-  
 սանսն Յորդանանու , օրինակաւ  
 տեսութեան ամպոյ ցուցաւ ձայ-  
 նիւ Հօր 'ի Երինն թափօրական : Ի  
 նոյն տիպ նմանութեան հովանի  
 եղել յակոբեան տոհմին 'ի յելան Ե-  
 գիապասի . յուղեգնացութիւն զօ-  
 րավարութեանն Մովսեսի՝ հողմով  
 սաստկութեան զՓարաւոն ընկըլ-  
 մեաց : Քահանայս կատարագործէ ,  
 իմաստունս կազմէ , թագաւորս զօ-  
 րացուցանէ , քաւութիւնս ընձեռէ ,  
 կեանս շնորհէ մահացելոց 'ի նորո-  
 գութիւն յարութեանն : Նոյն ինքնէ  
 օծումն մարդացելոյն Աստուծոյ .  
 մշտնջենաւոր հաւասարութեամբ  
 ընդ Հօր Երկրապագեալ 'ի պատիւ-  
 մեծութեան Որդւոյ , անսահման  
 փառաւորութեամբ օրհնեալ յաւի-  
 տեանս . ամեն :

Ասացնեալ վասն էինընշոյ, ընդունէմ մա-  
նինշոյ-ոցն, որ նո պուինիտ :

Թ. Դաւաննեմք 'ի հաւատ ուղիղ  
և անխոտորնակ անբժութեան համ-  
բուրիւշընց ողջունեալ զկառու-  
ցեալս խորան յանշնչական արձա-  
նաց՝ աստուածային բնակութեան  
եկեղեցւոյ շինուածոյ. որ գերա-  
զանց գտաւ և երկնի ամենազարդ  
բաձրութեամք, որ 'ի նոցին խոկյա-  
ռաքելականացն դասուց հիմնեցաւ,  
յաշակերտաց վերնոյն խնկեցաւ, 'ի  
սպասաւորաց բանին սլաշտեցաւ:  
Սկիզբն առեալ կենացս այս գան-  
ձու 'ի վերնայարկն սրահէ, խորհըր-  
դակատարն վայրէ, զոր չոգին Աս-  
տուծոյ լոյց, փայլեցուցեալ 'ի նը-  
մա զօրութիւն յաւուր մեծի պեն-  
տակոստէին. նախ զտունն բարետե-  
սիլ յօրինակ սրբութեան կատար-  
ման շնորհի այսր եկեղեցւոյ կան-  
խամեծար առաւելութեան, յո-  
րում ապա և 'ի նմին բնակչացն

տուաւ լուսանորոգ բարեփառու-  
 թիւն։ Ուստի արիւն հզօրին Աստու-  
 ծոյ բաշխեալ մատուցանի՝ յաւէտ  
 քան զչաբելին մահու գուժարկու ,  
 մեծաւ բարբառով ձայնի բերկրու-  
 թեան կենդանութիւն անմահու-  
 թեան 'ի սմա ազդելով։ Քանզի ոչ  
 է կար զօրութեան ուրուք ընդ եր-  
 կնաւ յանդիման արեգական'ի սպա-  
 սաւորութիւն խորհրդոյ այսր ահա-  
 ւորութեան ձեռնարկել, եթէ ոչ  
 ընդ թևոք սորին պահեսցի . նա զի  
 ոչ երկնիւք բաւականանայ այս նը-  
 ւէր տէրունի մարմնոյ , եթէ ոչ զայս  
 ձեզուն օրհնութեան ծածկոյթ ու-  
 նիցի . վասն զի մահու անիծիւք հեր-  
 քի այր ըստ օրինին , որ արտաքոյ  
 խորանի այս վկայութե զաստուա-  
 ծային պատարադն մատուցանէ .  
 մանաւանդ զի պարտաւոր արեան  
 կոչեսցի , որ ոչ զանձինն օրինակ ա-  
 րիւն յայս նուիրան ընծայեցուսցէ :  
 Մի 'ի սմա լուացումն 'ի մահն Քրիս-  
 տոսի , զի մի յանդէտս անարգեալ  
 աստուածութիւնն՝ 'ի ծանուցե-  
 լումն զնախնին կրեսցէ . մի ձեռնա-

դրութիւն՝ ի սկատիւ օծութեան լու-  
սոյն, զի մի յանքծութիւնն խաբէ-  
ութիւն խառնեսցի. մի և շնորհօք  
քան թէ ապաշխարութեամբ քա-  
ւութիւն, զի մի ճշմարտութիւնն  
կերպարանօք խորամանկեսցի. մի  
յընտրութիւնն ապառնի՝ հաւատ,  
զի մի սպառնալիք հատուցմանն զը-  
րոյցս ինչ օտար համբաւոյ գրեսցի.  
մի երկաքանչիւրոց գոյութեանց մե-  
րոց իրաւամբք կշտամբութիւն, զի  
մի կիսամասնեայ առ մարդն ներքին  
և առ արտաքին՝ չարի և կամբարոյ  
փոխարութիւնն կարծիցի յանմահ  
զօրութիւն արքայական որդեգրու-  
թեանն, զի ընդելութեամբ երկրայ-  
նովս առաւելութիւն վերնումն թա-  
գաւորութեան յայտնապէս ճշմար-  
տեսցի. մի յոյս կենդանութեան  
առ անեղծութիւնն սրբոց, զի ան-  
երկեւանութիւն խոստացելոցն ՚ի  
միաս ունկնդրացն ծանուցեալ հա-  
ւատասցի :

Ֆ. Այս դշխոյ պաշտելի անշնչա-  
կան եկեղեցի տայ կեանս և մահու-  
իշլէ, ըստ օրինակի աղամեան պըտ-

լոյն յարմարապես ճաշակելի . գե-  
րազանց քան զբանականս յանշըն-  
չութեանն հրաշագործէ . մինչ զի  
կատարումն ընձեռէ և նորոգ հաս-  
տատէ , վերստին նկարեալ 'ի մեղըդ-  
կերպարանն փառաց լուսոյ : Գը-  
րեալ ևս է տեսակ մեծութե վեր-  
նումն կամարին սկզբնաւոր յառա-  
ջակառոյց քան զբնակիչս հոգեղի-  
նացն 'ի նմա զօրութեանց : Նոր իմն  
ընծայէ թոխիչս մարմնոց ընդ թե-  
թեռութիւնս հոգւոց , ոլատուակա-  
նին հարստութեամբ զանարդն յար-  
գաւորեալ : Ոչ ինքնակիր մեղք զադ-  
րանայ , եթէ ոչ 'ի մարդոց չարաց  
և կամ յանհաւատից կոխիցի : Տիալ  
իմն է զարմանաւոր յաղթող իմաս-  
տից մերս տեսութեանց . անբանն 'ի  
բանաւորէն կառուցեալ , նմին օժան-  
դակեալ իբր վեհագոյնն յաւետ  
նուաստի : Մեծ է քան զմարդ , որ-  
քան ընտրելոյն Մովսեսի ցուսն  
յաղթողական . առաւել քան զբա-  
նաւոր , որքան զԱհարովն գաւա-  
զանն խորհրդական ծաղկեցեալ .  
դերազանց քան զմբաւաւոր , որ-

չափ զԵղիսս և զԵղիսէոս գԵտա-  
հերձ մաշկեակն սքանչելահրա-  
փայլեալ արուեստիւ : Օգնութիւն  
պարգևէ կրկին ամենակատար սըր-  
բասնեալ ձեռաց մաքրաբար , քան  
թէ զինապէս . մարմին նիւթա-  
կան քարի և հողոյ , գոյակից հարա-  
զատ զգայականաց և սրբոց : Իբր ըզ-  
վէմնանմահ կենդանի՝ի կործանումն  
է և 'ի կանգնումն . ոռկ զգատաւորն  
ամենից հոգւոց հանդիսանայ հրա-  
շապէս աղդմամբ յանէծս և յօրհ-  
նութիւնս . իբրեւ տեսող աներեւու-  
թից զոմն հրապարակէ և զոմն տա-  
ծէ . առ ինքն կոչէ յանուանէ իբր  
զտիրող հրամանատար էիցս : Իբրը  
լեառն յաւիտենական անհարուա-  
ծելի է 'ի գիմամարտից . ըմբռնէ զհո-  
գեւորսիբր զհնարագըութիւն մեծին  
արուեստի . անմեղս և անվրիպու-  
թիւնս ըստ Քրիստոսի հետոցնըն-  
թանայ , բարձր Ճոխութեամբ ան-  
պատկառաբար համարձակապէս զօ-  
րէն գովելոյ գլուխ ամբառնայ :

ԺԱ. Այնքան մեծ ունի սրբութիւ-  
նինչ զի զորս ըստ պատկերի Աստու-

չԵ Եղեն, կանոնաւ խտրէ : Յետ  
յոգունց ընտրութեանց փորձից թէ  
համարձակեսցի մարդ ոք սխալեալ  
՚ի գաւիթս նորին մասնել ոչ պըլ-  
ծի, այլ ընդ անպատճաստիցն թէ-  
թէ թեանց գժուարի . ոչ նզովի, այլ  
տեղի տայ ոչ գիտողացն զշնորհին  
զբափ . ոչ լքանի ինքեամբ ոլարտա-  
ւոր իւրովն գաեալ, այլ ՚ի մերոց  
գործոց խրթնանայ . ոչ թողացու-  
ցանէ երկիցս մատչել յըմբռնումն  
ոտիցն կենդանատուաց, ըստ տիրա-  
կան անձառ խորհրդոյն . ոչ կրկին  
յաւուր զնոյն ցուցանէ, զի մի անըն-  
տրաբար նուիրանն խայտառակեսցի:  
Վշտակցէ կարեաց զօրապէս իբր  
անախտակիր ապահանութեանց որ  
՚ի մեզ շարժմանց . առանց բարբա-  
ռոյ տիրապէս հրամանաւ գատի :

ԺԲ . Կա զի և տապան իմն է մա-  
քրական, կրկին երջանկական, ՚ի  
հեղձմանէ կենցաղոյս ալեաց պահա-  
պան . ոչ բազմէք անբանիւք գաղա-  
նաց դասուք և սակաւ մարդկամբ,  
այլ ընդ երկրայնոցս և զվերինսն յին-  
քըն հաւաքէ . ոչ յալիս խռովու-

թեան բերի, այլ ՚ի բարձրութիւնն  
երկնի համբառնայ: Իբր զաշակերտ  
հրահանգեալ հոգւոյն Աստուծոյ  
փախչի ՚ի նենդութենէ. ոչ ՚ի բողք  
մահու մարմնոյ հարուածոց, այլ ՚ի  
կենացն աւետիսըմբոնեալածէ. ոչ  
՚սոյիւ ձեռն արկեալ գործի, այլ  
հաստողին հրամանաւ շինի. ոչ Առվ  
սէս ընդ բեսելիէլ, այլ միածինն  
Աստուծոյ հոգւովն սրբով զսա  
հանդերձէ. ոչ յարաշարժ հանաւ  
պազափոխ, այլ մշտակառոյց հիմամբ  
անսասանելեաւ զսա հտատատէ:  
Դարձեալ իբր զտապանակն անխօս  
փայտեղէն մածեալ տախտակօք ա.  
ռանց զդայութեան տեսողակա-  
նաց մեզ առաջնորդէ. որպէս կեր-  
պարան անքանակ կին յառաջ հե-  
տեւեալ՝ ՚ի հանդերձանս լուսոյն կե-  
նաց տեղի պատրաստէ: Ընդ Ողիկի  
անտուստ սատակէ, եթէ ոչ խաչա-  
պէս յոգի բերիցի. սպանանէ վատ-  
նեալ վաղվաղակի առժամայն, եթէ  
անասնայինն լծակցութեամբ եր-  
կրասիրաբար գետնակոխ սայլիւք՝  
իբր զանօթ ինչ ձեռնազնին բար-

ձեալտանիցի : Ոչ լեզուաւ մարմնոյ,  
 այլ բանիւ հրեշտակաց խօսի , ոչ ուն  
 կան գոյականութիւն , և արագա-  
 պէս մտառեալլսէ . ոչ ձայն կերպա-  
 ւորական բարբառոյ , և զպատգամն  
 գործոցն Յիսուսի համօրէն ազանց  
 պատմեալ հոչակէ . ոչ խաղալեաց  
 շարժականութիւն , և աստուածայ-  
 նով իմն կենդանութեան հագա-  
 դաւ աղդէ : Ոչ ոսկերաց և ջլաց  
 յօդուած , և երկուք հաղարօք կան-  
 դնօք լայնութեամբ՝ իբր զգունդն  
 անհամար բարձրեալն Աստուծոյ  
 զկենդանական զօրուն գումարտակ  
 հերքայական վառեալ ամբոխին ,  
 և այժմ ընդ նոսին իբր զանմա-  
 քուրս՝ իսրբութենէ՝ զոմանսախտիւ  
 մեղանաց ջեռեալս հատուածեալ  
 յինքենէ հեռի , ուղեկցէ ապրեցե-  
 լոցն 'ի տաժանաւոր աղիւսարկու-  
 թեանցն : 'Նոյն իսկ էութիւնն Աս-  
 տուծոյ մարմին եղելոյ՝ անուամբ  
 այս վիմի նշանակեցաւ , պատառ-  
 մամբ կողին զբնաւս արբուցեալ:  
 Ոչ արեան երակաց ընթացք , այլ  
 լուսոյ վերնոյն շառաւիլք թափան-

ցանց միութեամբ զսոյն կենդանաց  
ցուցեալնորոգ պաշտպանէ . ոչ Սո-  
վոմոն կամ Զորաբաբէլ մահկանա-  
ցուաց ոստիկանութիւն , այլամենից  
ունողին իմաստ զսա գծագրէ . ոչ  
աննուիրական հասարակաճաշակ  
իւղովառ՝ի Յակոբայ պարարի , այլ  
ահաւորին արեամբ և փառօք մեծին  
օծանի : Ոչ տուն Երկրային նիւթոյ՝  
քան թէ մարմին Երկնային լուսոյ  
Աստուծոյ զսորին որդիս կնքեալ  
ձեռնագրէ . ոչ կենցաղոյս յերկրէ  
յղացմունս , այլ արքայութեանն  
Երկնից ժառանգս կրթէ . զ'ի ծոց  
իւր գրգեալն գոգոյն Աբրահամու-  
ընծայեցուցանէ : Փեսայ հարսնու-  
թեան սորա որդին Աստուծոյ կեն-  
դանւոյ , օրիորդք խնձոյից հայրա-  
սլետացն գումարք : Սոյն ինքն մա-  
ռացումն առնէ այսակիր բարձանցն  
կուամոլութեան , զի զերկնայնոյն  
Աստուծոյ ունի զծանիօթութիւն .  
օտարութիւն է ամենայնիւ դիցնդրո-  
շելոց , զի՝ի համօրէն քարինս սորա  
քը իստոս Երկրպագի . քակտումն  
է յայտնաստէս ուրուական ըլձիցն

անտառաց, զի՞ ի բնաւից մայրից աշխարհի նմանութեամբ կենացն փայտի ի սմատէրն նուիրի. խորտակումն է համայն դիւապատիր յուռթիցն արձանաց, զի քարն գովեալ կարկեհան ակամըք և վիմօք կենդանեօք այսրէն հաստատի :

ԺԴ . Այս յարկ չքնաղ և աստուածընկալազատ է միանդամայն ի յամենուստ ծառայութենէ, ոչ օրինակ վերնոյն Սիոնի, քան թէ Ճըմարտութիւննմին ճանաչի. ոչկուպաշտութեանն կապաւ բագին և կամ լծով օրինին տեղի պարտաւորութեան, այլ տէրունի բարերարութեանն պարգևարանի մէնջ համբուրի : Ոչ սասանի երբէք յայլ իմն կերպարան ձեռյ փոխարկեալ, այլ ի նոյն շուք փառաց մեծապէս ընդարձակի . սոյն ինքն և երկին երկնի յերկրի լուսապայծառ կերպիւ հըսչակի : Որպէս չէ առանց հօրն Ք.րիստոսի, և ոչ առանց այսր մօր արդանդի յոգի կատարիլ : Անտուն շրջի անբովանդակելին, եթէ ոչ ի սմին տան տաղաւարեսցի . ոչ ունի տեղի

գլխոյն հանդստեան տէրն բոլորից ,  
եթէ ոչ 'ի յայս կայարան կենաց  
մտեալ ագանիցի : Քան 'ի կամար  
վերնայինն երկնի՝ 'ի յայս հիւթա-  
ւոր բնակութիւն առաւել պարծի .  
անբաւութիւն աստուածեան լու-  
սոյն , որպէս զգէմս մարդարէին և  
զօրինակս սորին ծածկեցին , որպէս  
փախեան 'ի փառաց երեսաց նորին ,  
և նմաննութեան սորուն՝ որ 'ի տա-  
ճարին՝ ոչ հանդարտեցին , 'ի տօն  
հանդիսի մեծի գովեստի , և 'ի բանա-  
կանացս դասուց խմբեալ նուագի .  
աստ օրհնի կրկին բաղձանօք , քան 'ի  
դրախտն վայելչական :

ԺԴ. Այս մայր հոգեւոր երկնաւոր  
լուսաւոր , քան թէ երկրաւոր շըն-  
չաւոր մարմնաւոր , զիս գգուեաց  
որդի . կաթն ստեանց սորա արիւնն  
Քրիստոսի : Եթէ աստուածածնին  
խկ պատկեր զսոյն ոք գրեսցէ , ոչ  
անօրինի : Իբր զնշան խաչին փրկու-  
թեան զօրութիւնս զարմանազանս  
և արուեստս բազմօրինակս կատա-  
րեալ հրաշագործէ . բեմ ահաւորին  
ատենի՝ 'ի սմա հաստատեալ տեսա-

նի . սովոր խորթաբարոյիցն հեր-  
ձուածողաց մոլեգնածառ բերանք  
կարկին : Ունի և քարինս իմն իմա-  
նալիս և բանաւորականս , որովզգտ-  
զանամիտս անմաքուրս բացուստ 'ի  
բաց հալածեալ տարագրէ : Ծնանի  
և աստուածս ոմանսեղականս՝ պատ-  
կերս մաքուրս միոյն Աստուծոյ  
Քրիստոսի : Ունի և զդիրն իւբ ընդ-  
արևելս՝ 'ի տեղի խոստման ընակու-  
թեանն մերոյ առաջնոյ . ձեռամբ իմն  
ցուցանէ յայտնապէս զգալստեանն  
Աստուծոյ շաւիղ , զփայլականն ա-  
ռակ տիրական 'ի դէմս բերեալ մեզ  
վարդապետէ , զփրկութիւնն 'ի յե-  
լից անտի ծագման արուսեկին  
քրիստոսեան երևմանն 'ի վերջնում  
աւուրն արարածոց երկրի թարգմա-  
նէ : Ցաւս հալածէ , ախտաժէտս  
բժշկէ , դիւաց բռնութեանց զօրէ :  
Արգանդ որովայնի սորին աւազանն  
կենդանարար . 'ի պար հարսանեաց  
սորա դասք առաքելոցն : Այնքան  
ճոխացաւ բարդաւաճեալ երանու-  
թեամբ , մինչ զի նոյն ինքն փրկչին  
անուամբ վայելսապէս յորջորջեցաւ .

տիրամօրն լուսոյ կոչմամբ՝ 'ի մերձա-  
ւորաց միածնին ձայնեալ կնքեցաւ:  
Ծպիելոց մեղաւորացնաւահանգիստ  
հանգարտութեան, խրախճանարան  
վերնոցն դասուց, բժշկարան ան-  
սխալելի տարակուսեալ սկարտաւո-  
րաց: Երրորդութիւնն անպատճում  
'ի սմա փառաւորի օրհնեալ յամե-  
նայնի:

ԺԵ. Խակ եթէ ոք ձեռն չարու-  
թեան 'ի վերինն արքայութիւնն  
յանդգնաբար համբառնայցէ, և  
գիւտ ինչ մարմնաւոր և կամ հնարք  
մարդկային և կամ արուեստ եր-  
կրակենցաղզսահմանեալաւանդու-  
թիւնս առ ձեռակերտս եկեղեցի  
վարկանիցի, և ոչ սլարդե առաւել  
կենաց և ակնկալութիւն ասաուա-  
ծային և չոգւոյն սրբոյ յայտնեալ  
լուսանորոգ նախագրութիւն, և ե-  
րախստեաց բարձրելոյն ամենատուր  
լիականութիւն, և կամաց արարովին  
խնկաւորեալ խորհրդարան, և առա-  
քելոց ձեռինն աջոյ բարեհանձար  
հիմնարկութիւն, և միանգամայն ա-  
սել դուռն երկնից և քաղաք ԱՅ

կենդանւոյ և մայր կենդանեաց ա-  
ղատ՝ ի պարտեաց և ճշգրիտ տեսակ  
կերպի երեակիս բանականի , իմա-  
նալին՝ խորհուրդ հոգւոյս , և շօշա-  
փելին՝ պատկեր մարմնոյս , և սրբու-  
թեցնանդ անձառից գերազանցեալ  
նոր սրբութիւն , և քրիստոսեանն  
նշանաւ պայծառապարծ պսակե-  
ցեալ , զայնալիսի ոչ խոստովանողսն  
մերժէ յերեսաց իւրոց չայրն ամե-  
նակալ՝ ի ձեռն բանին իւրոյ էակցի .  
բարձեալ՝ ի նմանէ և զաւանդ շնորհի  
հոգւոյն փառակցի , փակեսցէ ըզ-  
դուոն կենացս այս առադաստի  
յանդիման նորին : Իսկ մեք զորս  
գրեցաք՝ սմին և վկայեմք , հաւատա-  
ցեալ որում կարգեցաքս , յանուն  
և ՚ի փառս ամենակալ Երրորդու-  
թեանն և միում աստուածութեն ,  
յաւիտեանս յաւիտենից . ամէն :

Այն իմ հաւատք յԵՇՈՇԱՆԻ-ՆՆ , և այս  
՚ի մայրն իմ լուսատիւու խուսպովանն էուլ դաւ-  
առնուաթիւն :

## ԲԱՆ ՀԶ.

ՎԵՐԱԿԻՆ ՅԱՆԵԼՈՒԹԸ ԽԵՂԻՆ ՀԵծութեան  
ՆՈՐԻՆ հսկողի առ նոյն աղերս մաղթանաց  
բանի.

Ի ԽԱՐՄ սրգի խօստ ընդ Աստուծոյ:

Ա. ԱՍՏՈՒԾԸ ողորմած, բազմա-  
գութ, հզօր, ահաւոր, մարդասէր,  
օրհնեալ, կենդանի, անձառ որ ոչ  
ելանէ երբէք ըստ բան քո իր անձեռ-  
նարկելի, որ և մտաց է անհնարաւոր.  
քո է հատուցանել պտուղ քաղցրու-  
թեան ընդ փշոց խստութեան, ըս-  
կըզբնահայրդ այսմնորոգ և զարմա-  
նաւոր կանոնաց կենաց. քանզի բա-  
րի առնել ատելոյն և աղօթս 'ի վե-  
րայ հալածչին, և փրկութիւն հայ-  
ցել խոցողին, և սպանողին ներումն  
խնդրել 'ի քէն ընծայեցաւ պտուղս  
այս հրաշխց. որոյ քաղցրութիւնն  
անձառ է քան զօրինակ և բարեբա-  
նեալ կամաց քոց ախորժելիք և դո-

վեալ շրթանց քոց ճաշակելիք . հոդի  
երեսաց և զօրութիւն գեղոյ մերոյ  
տէր Քրիստոս օրհնեալ 'ի բարձունս :  
Այլ մարդք Երկրածինք և ամենա-  
վրէպք՝ և բարեմատոյց ձեռաց չարիս  
դարձուցին . իսկ դու լոյս և տուիչ  
լուսոյ ոչ լսես անէծս, ոչ ախորժես  
չար, ոչ կամիս կորուստ, ոչ ըղձա-  
նաս մահ, ոչ յուղիս 'ի խռովու-  
թենէ, ոչ տիրիս 'ի ցասմանէ, ոչ  
հարկիս 'ի բարկութենէ, ոչ մթա-  
նաս 'ի սիրոյ, ոչ այլայլիս 'ի դթու-  
թենէ, ոչ փոփոխիս 'ի բարութենէ,  
ոչ թիկանց շրջումն և ոչ երեսաց  
անդրադարձութիւն, այլ ամենեին  
լուսաւորութիւն և նկատումն փըր-  
կութեան :

Բ . Եթէ քաւեսցես, կարող ես .  
Եթէ բժշկես, զօրաւոր ես . Եթէ  
կենդանացուցանես, բաւական ես .  
Եթէ շնորհես, առատ ես . Եթէ ող-  
ջացուցանես, հնարաւոր ես . Եթէ  
պարգևես, ամենալի ես . Եթէ ար-  
դարացուցանես, ամենարուեստ ես .  
Եթէ միսիթարես, ամենիշխան ես .  
Եթէ նորոգես, ամենակալ ես . Եթէ

հրաշագործեսցես, ամենաթագաւոր ես. Եթէ վերստին հաստատես, արարիչ ես. Եթէ կրկին գոյացուցանես, Աստուած ես. Եթէ հոգասընդ մեր, ամենատէր ես. Եթէ կորզես 'ի մեղաց, այցելու ես. Եթէ չարժանեացս ընձեռես, օրհնեալ ես. Եթէ յորսովէն զերծուսցես, փրկիչ ես. Եթէ զեղցես 'ի քոյոցդ 'ի մեզ, հարուստ ես. Եթէ նախքան 'ի մէնջ խնդրեն դու կարկառեսցես, անկարօտ ես. Եթէ լայնես նեղութեանս, անդորրիչ ես. Եթէ զվերջացեալս կոչես, խնամակալ ես. Եթէ զսասանեալս հաստատես, վէմ ես. Թէ պասքելոյս արբուցանիցես, աղբեւր ես. Թէ զծածկեալսն երևեցուցանես, լոյս ես. Թէ զօդտակարսն իմ ծանուցանես, բարի ես. Թէ զբիծսն անտես առնիցես, երկայնամիտ ես. Թէ ընդ փոքուս 'ի դատ ոչ մտանիցես, բարձրեալ ես. Թէ ծառայիս ձեռն մատուցես, ստացող ես. Թէ աջովդքո պաշտպանեսցես, յանձանձիչ ես. Թէ վհատելոյս գարմանմատուս.

ցես, կերակրիչ ես. թէ զանգէտու պարարեսցես, վարդապետ ես. թէ զդիմեալս առ քեզ ընկալցիս, ապաւէն ես:

Գ. Եւ արդ քո են այսոքիկ, տէր ողորմութեան, ոչ միայն գրեալ, այլ կատարեալև գլւաւորեալ, նախնի նահատակդ համբերութեան վը կայից, որ վասն իմոյ փրկութեան հանգիսացար զօրապէս յասպարիսի ճակատուն, զի կակլեսցես զկարծր բռնութիւն մարմնոյս դուռզութե վարժմամբ կրթութեան չարչարանացն վտանգի. և յանապարտակիրդ մարմին չափեալ զբնութեանս մերում զտաժանականն տագնապ տուժի, զի զդթութիւնդ որ առ մեզ՝ արդեամբը ցուցցես 'ի քեզ օրինակեալ, օրհնեալ յաւիտեանս. ամէն :

## ԲԱՆ ՀԵ ·

Աւելացնին յա-նը-ած իւին հեծութեան  
նորին հոկողի առ նոյն աղեցս մաղթանաց  
բանին :

Ի խորսոց սրբից իւօստ ընդ Աստուծոյ :

Ա . ԵԿ.քանզիօր է օրհնաբանեալ  
և լուսանորոգ կշուռթեան երկուց  
ընտրութեանց արարածոցո սասա-  
նութեանց՝ յեղանակելոյ յայլ իմն  
էութիւն երկնակենցաղ անփոխա-  
դրելի , ամբարձելոցն խոնարհու-  
թեան և կործանելոցս վերբերու-  
թեան , սարսափելի ուրբաթու մե-  
ծի ողասեքիս , յորում եկն եհաս  
ժամ բարեպատեհ դրելինձ զայս  
նուագ ձայնի հեծութեան զուար-  
ճախառն երկիւղիւ , ահա ըղձալի  
համարիմ ասել աստանօր 'ի քոյոց  
այտի՝ զոր ընդ իմ կրեցեր , Աս-  
տուած բոլորից :

Բ . Կացեր յատենի քում ստեղ-

ծուածոյն խմովս կերպիւ, ոչխօսեցար տուիչդ բանի, ոչ բարբառեցար հաստիչդ լեզուի, ոչ ձայն արձակեցեր սասանիչդ երկրի, ոչ մռնչեցեր ամենազդեցիկ փողդ մեծութե, ոչ երախտեօքնքոյանդիմանեցեր և ոչ չարեօք նոցին ըմբերանեցեր, ոչ մատնեցեր ամօթոյ զմատնիչսնզքեզ տանջանաց մահու, ոչ 'ի կասլելն զքեզ դիմադարձեցեր և ոչ յապտակելն դժուարեցար, ոչ 'ի թքնուլն թշնամանեցեր և ոչ ընդ կոփելն երբէք խռովեցար, ոչ ընդ կատակելն սրտմուեցար և ոչ ընդ խաղարկանելն երեսս փոխեցեր։ Մերկացուցին զզգեստ սպատմուձանին իբրև 'ի տկարէ, և դարձեալ ադուցին իբր անփրկանաւոր ըմբռնեցելոյ։ Եթէ ոչ էր արբեալ կրկնակիքացախ զանգեալ ընդ լեզոյ, ոչ էր հեղեալ մաղձն իմ մթերեալ նախնի դառնութեանն. Ճաշակեաց վհատութեամբ և արդել անդէն տարակուսանօք, առին մոլեգնաբար և դարձեալ մատուցին անսպատկառապէս։ Գանիւ հարուածոց

յետին անարդութեան՝ ի մէջ խառնիձաղանջն ամբոխի դատապարտեցին, ծունը կրկնեցին նախատանաց և պսակ եղին արհամարհութեան :

Գ. Ոչ ետուն հանգիստ կենդանարարիդ, եթէ ոչ զգործի մահուն կրել քեզ պատրաստեցին. ընկալար իբր երկայնամիտ, առեր իբրև զհեզ, բարձեր որպէս համբերող, ըստանձնեալ իբր զպարտական զփայտն վշտաց. որպէս զծաղիկշուշանաց հովտաց՝ ուսով բերեալ զղէնն կենաց, զի յարհաւրաց դիշերայնոց զիւրակերտս դահաւորակս մարմնեղէն դոյութեանս սլահովանեսցէ՝ ի դատապարտութեանն վայրի իբր՝ ի խրախճան խնջոյից : Հանին արտաքս իբր զողջակէզ, կախեցին իբր զխոյն Սաբեկայ ձգեալ զեղջերացն, տարածեցին՝ ի սեղան խաչին իբր զպատարագ, բևեռեցին որպէս չարագործ, պնդեցին իբր զապստամբ, զխաղաղութիւնդ երկնաւոր իբր զաւազակ, զանկապուտ մեծութիւնդ իբր զտառա-

պեալ, զառ՝ ի քրովքեկից սլաշտեցեալդ իբր զքամահեալ, զսահմանդիենաց իբր զարժանաւոր սատակման մահու, զաւետարանիս նկարիչ իբր զհայհոյիչ օրինին, զտէր և զկատարումն մարգարէից իբր զհամառօտիչ գրեցելոցն, զՃառագայթըդ փառաց և զկնիք անքնին խորհրդոցդ հօր իբր զներհակ ծնողիդ կամաց, զօրհնեալդ իսկապէս իբր զտարագրեալ, զկապոյ օրինին լուծիչդ իբր զայր՝ ի նզովս գրեալ, զհուրդ ծախիչ իբր զհերքեալ իմն կալանաւոր, զահաւորդ երկնի և երկրի իբր զհաւաստի պատժաւոր, զ՝ ի լոյս անմատոյց ծածկեալդ իբր զհողածին ըմբռնեալ:

Դ. ԱՌ Քաղցրութիւնդ և երկայնամիտ բարերարութիւնդ ողորմածիդ գթութեան, որ վասն պախտաւոր և անօրինեալ ծառայիս տէրդ բոլորից զայս ամենայն կամաւորապէս և հաւանողական հաճութեամբ՝ կատարեալ մարմնոյդ միութեամբ՝ ի քեզ ընկալար, և մինչեւ՝ ի քնարան շիրմին տապանի

անսպակաս ՚ի լրութենէ ամբողջ  
նոյնութեան Աստուած անքնին՝  
զնոյն կրեալ նախատինս անձառ  
համբերութեան, յարեար կենդանի  
ինքնիշխան բարձրութեամբ յուսոյ,  
աննուազ մարմնով և անթերի աս-  
տուածութեամբ։ Օրհնեալ փա-  
ռօք, գովեալ գթութեամբ, բարե-  
բանեալ միշտ ողորմութեամբ, յա-  
ւիտեանս յաւիտենից։ ամէն։

## ԲԱՆ ՀԵ.

Աւրագին յանելուած իւին հնծութեան  
նորին հակողի առ նոյն աղերս մաղթառ  
բանի։

Ի խորոշ սբաից խօսի ընդ Աստուծոյ։

Ա. Ես արդ անկեալ յերեսս հո-  
ղանիւթ կերպիւս, ՚ի վայր խոնար-  
հեալ ծնրադրական երկրպագու-  
թեամբ զբարեգործիդ ողորմածու-  
թեան զկենդանարար ուսս համբու-  
րեմ, զայս օրինակ մաղթանաց մե-  
ծիդ ընծայեցուցեալ։

Ի . Աղաչեմ զքեղ , միայն խնամակալ , մարդասէր , գթած , կեցուցիչ , հզօր , այցելու , պաշտպան , մի ունայնասցի վաստակք աշխատութեան փրկականդ կրից մարդացելոյդ վասն իմ Աստուծոյ , մի սոսկ եղիցի քրտանցն կաթուած խառնեցեալ արեամբ 'ի մատնութեանն աւուր գիշերին . մի լիցի ստուերացեալ լուսոյդ երախտիս զոր ձրի և առանց փրկանաց թշուառացելումս ինձ պարգևեցեր . մի ջնջեսցին շնորհացդ աւետիս , զոր կողից քոց կայլակք նորոգեցին . մի անշահ եղիցին կրիցդ պառւղք , զոր կարօտութեանս իմում մատուցեր . մի պարծեսցի բանսարկուն վանեալ՝ զքոստացեալս իւրացուցանել . ահայաղթեսցես կամօքքո ըզձից չարին , վերստին ապշեսցի մի անդամ զարհուրեալն , կրկին պարտեսցի 'ի սպառ դատեցեալն . մի անխայեր զազատարարդ քո բան , որ զստեղծեալս քո քեզ ընծայեալ՝ վերըստին առ քեզ դարձուցանէ : Զանձառն արարեր բարերարութիւն

յանակները ժամուն յուսահա-  
տութեան , յորժամ բնաւ իսկ  
կտրեալ և օտարացեալ էր կենդա-  
նութեանն շարժողութիւն . մեռար  
անմահդ և զմահացեալս նորոգե-  
ցեր . եթէ զկանոն համաձեռնութեան  
օրինին փոխեցեր . արդ զդիւրինն և  
զհեշտականն և զես հնարաւորն մի  
արգելցես , սկզբնաձիր ողորմածու-  
թեան բարեգութ օրհնեալ և երկայ-  
նամիտ թագաւոր : Աղդեա բանիւդ  
ամենազօրաւ , որ զգոյութիւն լու-  
սոյն ստեղծեր 'ի նախնումն աւուր  
և վազվաղակի փոփոխեալ դասայց 'ի  
լաւ անդր . և փոխանակ զի ես ոչ  
խնդրեցի հետեւել լուսոյդ , դուելցես  
ինձ յայց՝ Ճառագայթ ծագման հայ-  
րենի կերպիդ , և կոչեցայց առաջի  
քո ծառայս վնասապարա՝ ողորմեալ  
շնորհեալ առ 'ի քէն . ոչ է ժամա-  
նակ յերկարաձգուե առ 'ի զպարա-  
սըն հատուցանել , ահա շնորհեա-  
ինձ տառապելոյս զերեսս քո՝ լոյսդ  
'ի խաւարի սրախց վհատելոց : Ար-  
գել և կնքեա զընթացմունս ելիցն  
որ միշտ զեղուն բարիքն հոսեալ 'ի

յուշոյս իմ տեսութենէ . պահեա  
ինձ զշնորհ ամենապայծառ գան-  
ձուցդ մնացականաց, որով պատուա-  
կան գտեալ՝ քո անուանեցայց .  
պաշտպանեալ 'ի քէն, անսահման  
բարի :

Գ. Ահա ողորմեա ինձ, գթած,  
աղաչեմ զքեզ ողորմեա ինձ, հզօր .  
կրկին ողորմեա : Մի փոխարկեր  
երկունս ցաւոց ընդ չարեաց իմոց,  
բարիդ ամենեին . մի բառնար 'ի  
վտանգելոյս զառ 'ի քէն պարգե-  
տալդ շնորհ, մի կասպտեր զփչումն  
ամէնօրհնեալդ հոգւոյ, միլուծաներ  
զինկեալ զկնիք արքունական պատ-  
կերիդ : Մի յայտնեսցին փուշք մե-  
ղանացս 'ի սրբութիւնս մտացս . մի  
սզեր զկապ միութեան զընդ քեզ  
սիրոյն պնդութեան, մի մերժեսցես  
զարուեստ զօրութել լեզուոյս յար-  
մարութեան, մի պակասեցուցաներ  
զաջողուած աջոյս առ 'ի զլուսոյդ  
մասունս բաշխել : Մի գրեր 'ի  
դպրութեան կենաց մատենիդ զմա-  
հուն պարտիս, մի պահեր, մի ինձ  
համարիր, մի յիշեցուցաներ, մի ա-

մաչեցուցաներ, մի նախատեր, մի  
ոտն հարկաներ, մի արձանացուցա-  
ներ զմեղկութեանցն, մի ամբարեր  
զկորստեանցն, մի իբր գտեալ իմն  
ամբաստաներ։ Մի յարուսցես ընդ  
իս զծառն անիծից, մի արձակեր 'ի  
յիս զսաղարթ մխասուցն, մի ընձիւ-  
ղեր զծաղիկ մեղացս, մի բերցես  
ընդ առաջ զնամակ պարապւցս, մի  
արտաքերեր զէութիւն պտղոյն։  
Մի թուեսցես 'ի ճիւզս երկրա-  
ստեղծ մատանցդ զդիւտս գործոցս։  
մի մատուցես բան ընդդէմ ահեղ  
զանօրէնութիւս իմ յիշատակել, մի  
մատնեսցես իմոցս կամաց զաւանդս  
հոգւոյս վարել 'ի գերութե, մի աս-  
տէն զիս փառաւորեր՝ զի անտանօր  
դատապարտեսցես, մի նուազու-  
թեամբ այսրանցաւորի զյաւիտենա-  
կան բարիսն տուժեր, մի 'ի սակա-  
ւում այսմժամանակի զանվախճա-  
նելի զփառսն չափեր, մի ընդ հոլ-  
տիս վշտաց հեծութեան զանախ-  
տական զկեանսդ գրաւեր, մի ընդ  
ստուերի այսր մթութեան զանճա-  
ռելիդ լոյս փոխանակեր, մի զերա-

ՀԵ  
սանակ մտացս լքցես՝ ըստ արտու-  
ղի հետո հետևել, մի զկամուրջկեն-  
ցաղոյս գրեսցես ինձ հանգստեան  
բաւականութիւն . մի զհովիտ հան-  
ճարոյս ստուերական սպահեր 'ի  
հանդերձեալսն ինձ հրասպարակել:  
Եթէ ամբարես զառանց համարոյ  
գործոցս իմ չարիս, մեռայց կեն-  
դանւոյն, եթէ շտեմարանես 'ի  
սրաի , աստատին կիզեալ անեոց  
այրեցայց . եթէ քննեսցես զանօրէ-  
նութիւնս, առանց յանդիման քեզ  
լինելոյ 'ի սպառ հալեցայց . եթէ  
տնկակից ինձ թողցես զմեզսն, 'ի  
նոսին վատնեալ մաշեցայց :

Դ. Ալնարկեա, միշտ զօրեղ ամե-  
նակարող, փախնուշ չարութեանցս  
որ յիս, զի բարիդ քո եկեալ փոխա-  
նորդեսցէ . հրամայեա, գթած,  
ինամակալ, գովեալ, լոյս անշեջտ  
նելի, զօրութեամբ անսահմանե-  
լեաւ, զի նոր հաստատեսցի գոյու-  
թիւն ընութեանս մարմնեղէն յար-  
կի անդամոցս . յորում հանգուցեալ  
անլքանելի բնակեսցես բազմեալ  
ախորժ տենչանիօք՝ միութեամբ հո-

գւոյս իմ ընդ քեզ զապականութեա  
մեղացս մերժեալ 'ի սպառ՝ յանա-  
րատութիւն զիս պատրաստեսցես  
ամենակեցոյց թագաւոր անմահ  
տէր Յիսուս Քրիստոս, օրհնեալ  
յաւիտեանս. ամէն:

## ԲԱՆ ՀԹ.

ՎԵՐԿԻՒՆ ՅԱ-ԵԼ-ԱԾ ԻՇԻՆ. ԿԵԾ-Ա-Ը-Ա-  
Ն-Ո-Ր-Ի-Ն հակողի առ նոյն աղերս մաղթանաց  
բանի.

Ի ԽՈՐԻՉ ԱՐԴԻՇ Խօստ ընդ Աստիճայ:

Ա. ՅԻՇԵՍ տէր, տէր գթու-  
թեց, սիրողդ իրաւանց, Աստուած  
Ճշմարիտ. նայեա վերստին 'ի ընու-  
թեանս կերպարան միշտ սխալական.  
զննեա ինձ դարձեալ զամէնընթաց  
տարածմունս ելից արեանս շարժո-  
ղութեան. բժշկապէս մատիր տե-  
սանել, զի մարդ եմ հաստատեալ  
մտօք խակութեան թերի խորհրդոց  
յայն ինչ, զոր դու իսկ վկայեցեր

տեսողդ ոչէից՝ միայն գու անմասն ստութեան խաւարի։ Ապա իրաւունս է գրել ինձ ընդ մեղուցեալսն մարդկօրէն վրիսկանաց սխալմամբ պարտեալ կրկին իբր զերկրածին մահացու մարմին, քան բանիդքում սուտ երևել։ Քանիզի արդարեւ գիտակ իտկ էս, թէ չար է արարն և ընդաբոյս չարութիւնն մեր, և ոչ փոփոխին խորհուրդք մեր, յաւիտեան, ըստ հոգեհանձար իմաստնոյն կանխազեկոյց առակի։

Բ. Թեթևացո զաստկութիւն տանջանացն, որ պատրաստեալ և մնայ ինձ՝ արկանել զորդիս գեհենին զարդ մահուն յաւիտենականի։ բարձ զամօթոյս ուարտիս, որ պահեալ է յայտնեալ թշուառականիս յետին ատենին յանդիմանութեան։ Խրատ խաղաղութեան յառաջապարդեւ ողորմութեամբ քո ընծայեցո. զի մի անտանելիքն ահաւորութեան ՚ի ցոյցս ինձ եկեալ կերպարաննեսցին, անյոյս ապշութիւն ընդ կենաց զղջման առաջի կարգեալ, դատաստանն ահաւոր, ան-

կաշառ և անխարելի դատաւորն, ամօթև սոսկալի, կշտամբանքն սարսափելի, յանդիմանութիւնն անփախչելի, տագնասն անձողոպրելի, սղակուցումն անխրախուսելի, դողումն անվճարելի, լալումն անսփոփելի, կրծումն ատամանցն անբժշկելի, ասղականութիւն անողանալի, անէծքն սարսափելի աստուածային քո բանիդ, փակումն դթոյն և արդելումն ողորմութեանն : Որ ընդ դալարելն երկնի և ընդ երկրի դղոդելն ընդ կարծրութիւն յատակիս, ըստ կուտակելոյ կոհակաց խռովութեան ծովու իբր փախստեան կերտ ցուցանելով, մի զմիոյ հետս խափանեն կասեալյերկոցունց . և տատանեալ սասանեալ լայնատարած գեանոյս թանձրութեան ՚ի հիմանց անտի, ընդ ուժգնակի բախման թնդելոյ ներքնային խորոց հարթէ զլերինս, և հալեալ հրդեհին ընութիւնք վիմաց և ամենայն տարերաց դոյից այլայլին երկինք յանեղծ փոփոխութիւն, և յեղանակին արարածք տա-

ըերօք իւրովք 'ի նորոգ նմանութեած  
 ծածկութեք գործոցս հրատարա-  
 կին և աներեւոյթք կրից մեր յայտնին .  
 վարք կրօնից ներգործեցելոց 'ի մար-  
 մինս մեր նկարին . թագաւոր երկնից  
 յատենի նստի , վՃիռ հատուցմանն  
 'ի ձեռին իւրում : Ահա վայ ինձ  
 եւթնիցս անգամ կրկին եղկու-  
 թեամբ , ըստ չափոյ կշռութեած այսր  
 համարոյ , որ զանբաւութիւնս թը-  
 ւոց պարագրէ : Զի՞նչ գործեցից  
 ողբալիս հոգի յայնմ մեծի աւուր  
 զտանգի . քանզի սաստիկ է յիշա-  
 տակն իսկ յառաջեալ քան զհանդի-  
 պումին . զոր ոմն մարդարէ զօրինա-  
 կին նմանութիւն 'ի գէմս բերելով ,  
 զՃեալ տագնապի անզերծ փախըս-  
 տեանն նշանակէ ասելոնի . զոր օ-  
 րինակ եթէ փախնուցու ոք 'ի ձե-  
 ռաց առիւծու և պատահեսցէ նմա-  
 արջ , և փախնուցու յերեսաց ար-  
 ջոյն և մատանիցէ 'ի տուն և յեցուս-  
 ցէ զՃեռն իւր 'ի յորմ , և խածանիցէ  
 վնա օձ . և դարձեալ կրկին սաստ-  
 կացուցանէ առ նոյն կերպարան  
 իրի զտեսիլն քստմնելի . ոչ տպա-

քէն, ասէ, խաւար է օր տեառն, օր խաւարոյ և մթոյ, օր ամպոյ և մառախղոյ:

Գ. Յորժամ հրեշտակն պահպանողական կենակից հզօր ոստիկան իրաւամբք ամբաստանեսցէ, և հատուցանողն ահաւոր արդարութք յանդիմանեսցէ, սպասաւորք թագաւորին առանց խնայելոյ խուճապեն, զոմանս ՚ի կեանս հրաւիրեն և զոմանս յամօթն դատապարտեն. կիսոց դէմս լցեալս ծաղու ցուցանեն, և ինձ ահարկուս և քստմնելիս երեւցուցանեն. ոմանց պսակս լուսապաճոյՃս մատուցանեն, և այլոց կորուստ մահու բողոքեն. արդարոցն ձայն աւետեաց, և ինձ գոյժանվախճան վշտաց: Յորժամ առբարիսն՝ մահու յաղթութիւն ՚ի սպառ մեռանի, և ինձ չարագործիս կըկին յարակայի. ուր դրանն բախելուինչ աղդիցէ, վՃար եղեալ գթութեանն առ իս: Յորժամ դպրութիւնք հրաշիցն զարմանալեաց, որ են ծածկեալքնյայժմուց հաստրակաց վարուցն տեսակք

մարդկացին ընութես գործոց յա-  
ղագս որոյ եղեն գոյութիւնք ամե-  
նայն էից, յիւրաքանչիւր մարմինս  
անպակաս գրութեամբ իսկոյն երե-  
փն. և խորութիւնք անձառիցն կըն-  
քեցելոց յիմաստից աստեացս առա-  
ջի աչաց մերոց կերպարանին: Ուր  
այժմ շահավաճառութիւնք ողբոց  
և արտասուաց զերկինս գրաւեն, և  
անդ իբր զապաժաման ընդունայ-  
նութիւնք արհամարհեալք Լքա-  
նին. հառաջմունք հեծութեան ոչ  
կանիսաւ աստի առաքեալ, չէ Եր-  
բեք գտանել անգէն. ողորմութիւնք  
ճշդով սերմանեալ, ոչ պայծառ  
վառմամբ գնան առաջի: Ուր տա-  
պանն նախայանցիցն և կտակարանն  
տիրանսարգիցն և նշանն ահաւոր  
այժմուցս՝ յանդիման եղեալ մեծա-  
ձայնս դատախազեն. յորում սոս-  
կալի վայրի ոմն զուխտն կցորդու-  
թեան հայրենի և ոմն զլսորանն  
վկայութեան անտեսիցն և ոմն զա-  
րիւն մեծին Աստուծոյ ամբաստան  
իմն իրաւացի առաջի իմ տարածա-  
նեն: Զտանիջանարանս բազմա-

պատիկս անձամբ անձին աստեն իսկ  
պատրաստեցի, զիարդ մխիթարեց  
յայց համառօտեալս յուսոյ. զի  
եթէ զօրքն լուսոյ՝ դասուք արդարոցն,  
որ փառաւորեալքն են երանութեամբ,  
սարսեն դողալով, ոչ  
բաւեն բերել զահաւոր տեսիլ երեսաց  
մեծ դատաստանին, ես եղիկելիս՝  
աւանդակորոյս սատակման  
որդիս ուր երեւեցայց. որ ոչ միայն  
չեմ պսակելոց, այլև պատուհամն  
իմ անտանելի և կորուստն անսալառելի:

Դ. Այլ արագեա, ամենասպարգեց  
զօրութիւն անձառ, ձեռն փրկութեան՝ի կորուստ գերելոյս. զի օգնեալ՝ի քէն՝ դարձայց միւս անդամ՝  
'ի դրանց դժոխոց, ամենասպատրաստ  
հանդերձեալ ամենելին անվտանգելի  
պրծեալ՝ի պատժոց. աստանօր  
տեսեալ մտացս իմաստիւ զապատճիցն դիպուածս, բաւականացեալ՝ի լուր երկիւղին՝ի տագնապէտանջանաց՝ ահին համբաւով, կամքքոն բարեաց զերծեալ ապրեցայց. և  
մի մատնեցայց կորեանցն առիւծոց,

որք ինդրեն 'ի քէն զիս 'ի կերակուր՝  
ծախել ատամամբքն դազանութեան  
զի զորովայն մահուն լցուցեալ  
զաստուստ պարարեալս անդ ձգեալ  
հալեն , ուր անսպառ պահի մնա-  
ցուած մթերիցն 'ի ծախումն յա-  
փակենից : Զի դու միայն բաւես  
կորզել 'ի ժանեաց սատակման 'ի  
կեանս և յերանութիւն , բնաւից ա-  
պաւէն թագաւոր լուսոյ տէր Յի-  
սուս Քն , օրհնեալ յաւիտեանս .  
ամէն :

## ԲԱՆ Զ .

Վերսալին յանելուած իրին հեծութեան  
նորին հսկողի առ նոյն աղջըս մաղթանաց  
բանի .

Ի իսորոշ սրբից իւսու ընդ Աստուծու :

Ա . Ետ արդ 'ի վերայ այսքանեաց  
յուսահատութեանց և ահարկու  
սրտաբեկութեանց , պակուցանողա-  
կան սաստկութեանց աստուածայ-

ին բարկութեանց , տագնասլեալ  
ոգւով թախծութեան ՚ի սպառ ,  
աղացեմ զքեզ սուրբ Աստուածա-  
ծին . հրեշտակ ՚ի մարդկանէ , մար-  
մնատեսիլ քերովքէ , երկնաւոր ար-  
քայուհի , անխառն իբրև զօդ , մա-  
քուր որպէս լոյս , անշաղախ ըստ  
նմանութեան պատկերի արուսեկին  
բարձրութեան , գերազանց քան  
զբնակութիւն անկոխելին սրբու-  
թեանց , երանաւոր խոստմանն տե-  
ղի , Եղեմ շնչական , ծառ կենացն  
անմահից բոցեղէն սրովն պարունա-  
կեալ , ՚ի բարձրեալն հօրէ զօրացեալ  
և հովանացեալ , հանգստեամբ չո-  
դւոյն հանգերձեալ և մաքրագոր-  
ծեալ , բնակութեամբ Որդւոյն յար-  
դարեալ և տաղաւարեալ . միածինն  
չօր և քեզ անդրանիկ , որդիքո ծնըն-  
դեամբ և տէր արարչութեամբ . ընդ  
անաղտ մաքրութեանդ և անբիծ բա-  
րի , ընդ անարատ սրբութեանդ և  
ինամակալ բարեխօս : Ընկալ զմազ-  
թանս այսր աղերսանաց քում գա-  
ւանովիս , և մատո ընծայեա ընդ  
սմին խառնեալ զբանն իմ նախնի

մեծիդ ներբողի՝ իքոյդ պաղատանս . հիւսեա միացո զմեղուցելոյս դառն հեծութիւն ընդ քումդ երջանիկ և խնկաւորեալ հայցուածոց , տունկդ կենաց պաղոյն օրհնութեան . զի ՚ի քէն միշտ օգնեալ և բարեգործեալ , և ՚ի մաքրական քո ծնելութիւնդ ապաւինեալ և լուսաւորեալ , կեցից Քրիստոսի որդւոյքոյ և տեառն :

Բ . Օժանդակեա թեոցդ աղօթիւք , խոստովանեալ մայրդ կենդանեաց , և ելիցն իմ յերկրէս հովտէ , առանց լվանաց հետեւել ՚ի կեանս օթելանացդ պատրաստութեան , զի թեթևասցի կատարածն իմ ինձ ծանրացելոյս , անօրէնութեամբ : Արացես տօն ինձ բերկութեան զօրն իմ տագնապի , ողջացուցիչ երկանցն Եւայի . բարեխօսեա խնդրեա աղացեա . զի ըստ անձառելի մաքրութեանդ և ահա զբանիդ հաւատամ զընդունելութիւն : Արտասուօք օգնեա վտանգեցելոյս , գովեալդ ՚ի կանայս . ծունը խոնարհեցո առ իմ հաշտութիւն , ծնողդ Աստուծոյ ընդ իմում

Թշուառիս հոգա , խորան բարձրելոյն . ձեռն տուր անկելոյս , տաճար երկնային . փառաւորեա զորդիդ քո 'ի քեզ՝ աստուածօրէն ինձ հրաշագործել քաւութիւն և ողորմութիւն , աղախին Աստուծոյ և մայր բարձրասցի սկատիւ քո ինև և ցուցցի փրկութիւն իմքե :

Գ . Եթէ զիս գտցես՝ տիրամայր , թէ ինձ ողորմեսցիս՝ սրբուհի , թէ զկորուսեալս շահեսցիս՝ անարատ , թէ զշարթուցեալս յանձանձեսցես՝ երջանիկ , թէ զամաչեցեալս յառաջ մատուցես՝ բարեշնորհ , թէ յուսահատելոյսինձմիջնորդեսցես՝ միշտ սուրբ կոյս , թէ զմերժեալս ընտանեցուցես՝ մեծարեալդ Աստուծոյ , թէ յիս ցուցցես զդթածութիւն՝ լուծիչդ անիծից , թէ զծփեալս հաստատեսցես՝ հանդիստ , թէ 'ի խուվութեանցս յուզմանց փոխեսցես զիս՝ խաղաղաբար , թէ վրիպելոյս ինձ հնարաւորեսցես՝ դովեալ , թէ վասն իմ մացես 'ի հանդէս՝ մահոնահանջիչ , թէ զդառնութիւնս իմ անուշեսցես՝ քաղցրութիւն , թէ

զբաժանմանն իմ խարոյ քակտեսցես՝ հաշտութիւն, թէ զանմաքրութիւնս իմ բարձցես՝ եղծման ընդունիչ, թէ զմատնեալս մահու փըրկեսցես՝ կենդանի լոյս, թէ զլալեացս ձայն հատցես՝ բերկրութիւն, թէ զլուորտակեալս կազդուրեսցես՝ գեղ կենաց, թէ 'ի կործանեալս յիս ակնարկեսցես՝ հոգելից, թէ ողորմութեամբ ինձ սպատահեսցես՝ կտակ նուիրեալ։ Օրհնեալդմիայն 'ի շրթունս անբիծո լեզուացերջանկաց։ ահա կաթիլ մի կաթինքումդ կուսութեան յանձն իմանձրեեալ՝ կենաց ինձ զօրէ, մայրդբարձրելոյտեառն Յիսուսիարարչին երկնի և բնաւին երկրի, զոր անձաւապէս ծնար բովանդակ մարմնովն և համայն աստուածութեամբն, որ փառաւորեալն է ընդ չօր և չոգոյն սրբոյ էութեամբ և անքննութեամբ մերոյին բնութեամբս միացել, ամենայն և յամենայնում, մի յԵրրորդութենէն. նմա փառք յաւիտենից յաւիտեանս, ամէն :

## ԲԱՆ ԶԱ.

ՎԵՐԱՊԵՏԻՆ ՅԱ-ՆԵԼՈՒ-ՄԾ ԻՐ ԻԻՆ ՀԱՃԱ-ՌԵ-ԱՆ  
ՆԱՐԻՆ ՀԱԽԱԴՐԻ Առ ՆԱՅՆ ԱՊԵՐԻ ՏԱՊԱ-ՑԱՆ-ԱԴ  
ԲԱՆԻ .

Ի ԽԱՐԻՉ ԱՐԳԻՇ ԽՈՍԿ ընդ Աստուծոյ :

Ա . ԸՆԴ Աստուածածնին մաղ-  
թանաց՝ ահա և զվերնոցն անմահ  
հրեշտակացն լուսակերպից զաղերս  
հայցուածոց, որ վասն իմ գոչեն  
առանց լոելոյ հանապազորդեան  
արգահատութեամբ մաքուր բերա-  
նոց, ընկալքարեգութ . որք են բա-  
րեք բարեգործեալք 'ի բարերարեդ  
անկիրթք չարեաց, հաստեալք յա-  
մէնիշխան հրամանաց էիդ, զօրու-  
թիւնք հզօրք ակնարկութեան բար-  
ձրելոյդ, սուրբք, մաքուրք, անա-  
րատք, օրհնեալք . վայելքականիք,  
յաղթողք և անապարտելիք, և ըստ  
ընթացից տեսութեան մաաց արա-  
գունիք :

Բ. Որք և սլովակորոյս տնկոյ թը-  
ղենւոյն եռամեանն դատարկու-  
թեամբ, որ զբնաւ յաւիտեանս պա-  
րունակէ ժամանակն՝ զանցեալն ընդ  
ներկայիս և ընդ ապառնւոյն, յա-  
մայր յամրութեամբն յերկարա-  
ձգելոյ, յայդի աշխարհիս արմատա-  
ցելոյ, սին սաղարթիւն պաճուճե-  
լոյ՝ զրկեալ՝ ի պտղոց, որ է ճշգրիտ  
պատկեր թշուառ մարդկութեանս,  
սոքա բարեխօսք, հանդերձիչք, այլ  
և խնամակալք. որ գեգերին հանա-  
պազ առ մեզ՝ ընդ մերում կրիցս  
կարեկցելով, բարեմասնութեանն  
մեր սպասեն. և յաւիտենականն  
կենդանութեամբ փրկութեանն մեր  
աղօթեն՝ զայս բան ասելով, զդործս  
ձեռացքոց մի անտես առներ: Քան-  
զի արդարեւ մեր են այս աղաջանք  
՚ի բարերարէդ Աստուծոյ վասն մեր  
կարգեալ առ նոսա. զի նոքա բանիւ  
են ստեղծեալ, և մեք ձեռօք ներ-  
դործեալ: Որք և գալոց են ընդ միա-  
ծնիդ վկայք սոսկալի դատաստանին  
հատուցման, ճշմարտաբան դատա-  
խազք յանցաւորութեան երկրայ.

նոցս . յահաւորին ատենի յայտ-  
նիչք իրաւամբք զմատակարարու-  
թիւնն որ առ մեզ . որ և անդանօր  
կարեկցեն աղջեալ հառաջմամբ  
զմշտանուերն նուագ ձայնի , ողոր-  
մեա՝ գուստեղծեր , մի կորուսաներ :

Գ . Արդ ընդ գոհաբանութեան  
ձայնիցն խնդրուածոց անմահակա-  
նացն վեհից՝ և 'ի մեր հեծութիւնս  
հոտոտեսցիս , բնաւից արարիչ , որ  
յաղթես գթութեամբք քո վերնոցն  
և ստորնայնոցս . քանզի քո է բարե-  
բարելդ առ մեզ և առ նոսին : Արդ  
վամն բարեզարդութեան անախտա-  
կանացն , հրաշատեսիլ հրակերպիցն ,  
անշաղախ մաքրոցն , անմեղիցն , բո-  
ցանիւթիցն , հոգեղինացն և անվա-  
նելեացն , ամէնաճեցուն առաւե-  
լութեամբ 'ի բարձրն ընտրականու-  
թիւն գերափայլ յաճախ գիտու-  
թեամբ՝ անցուրտ ջերմութեամբ ջե-  
ռուցանողք ինքնաբուն տապովն առ-  
տուածսիրութեան ըստ ինքեանցըլդ  
մերս սառնասեր սրախցս անբորբոք  
շիջումն , այրիլ անաղօտ 'ի մեծախոր  
հուրդ սրբում սեղանիս՝ որ 'ի խո-

րանիս , առանց նիրհելոյ և դանդա-  
ղանաց սպասել հրամանաց երանա-  
կանաց կեցուցիչ կամաց տմենա-  
ստեղծիդ , քրովբէօրէն տռաքինու-  
թեամբ յԱստուած միացեալք ան-  
բաժանելի : Որք երկնաւոր պետու-  
թիւնք են մեծք , և զինուորութիւնք  
անբիծք , ահաւորք , երկնաւորիդ  
Աստուածոյ աղատաղնեայ պաշտօ-  
նեայք , 'ի յամսկոյդ լուսոյ ցոլք նը-  
շուղից :

Դ . Որովք և ինձ մեղաւորիս հո-  
գեղինի մարդասիրեսցես ողորմել ,  
Յիսուս , աղաչանօք իմոյն հրեշտա-  
կի , դարձուցանելով զիս , տէր , 'ի  
բարիդ քո հետս լուսոյ . զի զաւանդ  
հոգւոյս խմաղաղանութեան , զոր  
հաւատացեր նմին տեսչութեան ,  
զընկալեալն 'ի քէն 'ի կենցաղ աս-  
տեացս՝ ուրախութեամբ սրտիւ յիս  
բերկրեալ , անմեղադրելի առ 'ի քէն  
օրհնեալ խնդալից դիմաց զուար-  
չութեամբ քեզ , արքայ բարձրու-  
թեան փառաց անհասից , 'ի խրախ-  
ճանս կենդանախումբո բերկրեցե-  
լոյն պարուց մատուցեալ ընծայե-

ցուսցէ , գովեալ ողորմած : Եւքեզ  
անքնին ընդ հօր անհասի՝ թուա-  
կցութեամբ հոգւոյդ անձառի  
վայելէ փառք պատիւ և երկրապա-  
գութիւն , յաւիտեանս յաւիտե-  
նից . ամէն :

## ԲԱՆ ԶԲ.

Վերաբին յա-նըստած իրին հնծութեան  
նորին հոկողի առ նոյն աղերս մաղթանաց  
բանի .

Ի իսուս սրբից իօսու ընդ Աստիճայ :

Ա . Տէր Աստուած բարերար ,  
բազմապարգև թագաւոր , կենաց  
պատսպարան , լուսոյ կերպարան ,  
լայնատարր հանգստարան . որ յա-  
ղագս մեղուցելոյս եկեալ մարմնա-  
ցար , գործեցեր զանպատումն և  
հանդերձեցեր զհրաշալիսն , մինչեւ  
կատարեցեր զառեցեալն ընդ ամե-  
նալիր աստուածութեանդ :

Բ . Արդ վասն առաքելոցն սրբոց

յերկնաստեղծքո ձեռացդ ձեռնա-  
դրելոց և Հոգւովդ սրբով օծելոց ,  
զորոց զգովեստն արժանաւորու-  
թեանըստ իմումկարի՝ առ 'ի փառա-  
քո , տէր ամենայնի , յայլումբանի  
պաշտեցի , և ինձ ողորմեսցիս յիշա-  
տակաւ սիրոյ նոցին ընտրութեան :  
Շաւիլ ինձ ելից նոքօք հանդերձես-  
ցես յերանութիւնն փափաքելի .  
ձայն բարի հովուութեան նոցին 'ի  
յողջոյն ինձ կենաց քաղցր լուիցի :  
Մասն կալայց 'ի յանեղծութիւն  
փրկութեան տօնեցեալ յուսոյն՝  
ընդ առաջնորդացն կենաց , սկըզ-  
բնաշնորհիցն պատուոյս , փառաւո-  
րեալն դասուց , գետոցն բանակա-  
նաց , աւետարանչացն բարձանց ,  
իշխանացն պանծալեաց , լուսապայ-  
ծառ թագիւ սկզնելոցն , 'ի զարդ-  
անկապուտ զօրութեան շնորհին  
պայծառացելոց , իւղով զուար-  
թութեան տիրական լուսոյն կատա-  
րելոց :

Գ. Ընդ աշակերտաց մեծիդ հրա-  
մանի բարձրեալդ Աստուծոյ Քրիս-  
տոսի՝ և մարտիրոսացն ընտրելոց

նահատակութեամբ , որք մահացու և վշտաչարչարն մարմնով , վտանգաւոր և ամենակիրն անդամօք , երկրաւորական և հողազանդուածն ընութեամբ մարտուցեալընդ տարր գոյից ամենայն նիւթից՝ պսակեցան բարձրացան և կենդանացան հոգեպէս . արխաբար ելեալք 'ի յերկրէ , ըստ մարդարէին , վկայք ճշմարիտք ամենափորձն մահու , իմանալեացն անտեսիցն և ծածկելոց աներկելոյն աստեն նկատիչք . աշակերտք առաքելոցն և չարչարակիցք նոցին . որ հաւասարեալ գործովք ընդ նոսին , կատարեալ լրմամբ անազակասելեաւ սկարեն 'ի խրախճանս անկէտն երանութեան . որոց հաճոյական և ընդունական մաղթանօք , արխւնընծայ վաստականուեր քրտնակնդրուկ աղերսիցն յարդմամբ՝ ընկալզիս նորոգ ըստ նոցին մասին անեղծ փըրկութեամբ 'ի քեզ արձանացեալ :

Դ . Ընդ խաղացեալսն հուրք և սուսերք արեամբ ներկելոցն , և ճըգնաւորացն սրբոց հարցն միանձանց

և քեզ հետեւելոցն , որդի Աստուծոյ ,  
անպարտելի քաջութեամբ և անպա-  
տիր զգաստութեամբ , ընդ դժնեայ  
գուղղի մարմնոյս բռնութեան ա-  
րիապէս մարտուցեալ , սովորմբ վանե-  
ցին զանմարմնն ԲԵԼԻԱՐ , և մշտա-  
մարտ հանդիսիւ յասպարիսի կեն-  
ցաղոյս առանց զգուանաց ծանրա-  
բեռնութեան ՚ի լայնածաւալ ծփա-  
նաց աշխարհիս ծովու տապանա-  
կու մարմնոյս թանձրութեան զթե-  
թեութիւն հոգւոցն թռուցեալ ՚ի  
նաւահանգիստն կենաց հասին . և  
իբր սիրողք վերնում վիճակին ա-  
ռանց յետնոցն մտածութեան , ըզ-  
թագն յաղթութեան համարձակա-  
պէս սկայծառ Ճոխութեամբ սլք-  
նեալ իսկապէս ՚ի գլուխ կապեցին .  
վասն նոցին արժանաւոր մաղթա-  
նաց և նուիրական հայցուածոց և  
զիս զմեղաւորս ՚ի սկատժականաց  
ընկալ ընդ նոսին :

Ե . Եւ ահա խառնեալ զանմա-  
քուրս բան ընդ նախագրեալ Երջան-  
կացն փառատրական աղերսարկու-  
թիւն , որ վասն իմ գոչեն քեզ ՚ի հա-

Ճութիւն, և ես ընդ նոսին իբր դառ  
նութիւն եղեալ ընդ քաղցու, կամ  
տատառկ ընդ ողորկութեան, տգե-  
ղութիւնընդ վայելըութեան և տիղմ  
ընդ գեղեցկութեան մարդարտի,  
կամհողընդյատակութեան ոսկւոյ,  
և կամքարինս անարդս ընդ պայ-  
ծառութեան արծաթոյ, բացասու-  
թիւն ընդ ճշմարտութեան, կամ  
աւազինչ ատամնառուընդ կակղու-  
թեան զանգուածոյ հացի • արդ  
լուր, հզօր, հնարաւոր, գովեալ,  
զնոցայն վասն իմել զիմս ընդ նոսին  
՚ի նոցին գովեստ, ՚ի փրկութիւն  
իմել ՚ի փառսքո, ամենագութ, բա-  
րերար, օրհնեալ, Երկայնամիտ, կա-  
րող, անքնին, անձառ, անեղծ և  
անստեղծ : Քո են պարգեք, քո են  
շնորհք • դու սկիզբն և պատճառ  
բարեաց ամենայնի : Ոչ ես դատա-  
պարտիչ, այլ ազատիչ • ոչ ես կո-  
րուսիչ, այլ գտիչ • ոչ ես մահացու-  
ցիչ, այլ կեցուցիչ • ոչ ես տարա-  
գրիչ, այլ ժողովիչ • ոչ ես մատնիչ,  
այլ ապրեցուցիչ • ոչ ես ընկղմիչ,  
այլ վերածիչ • ոչ ես դլորիչ, այլ

կանդնիչ . ոչ ես անիծիչ , այլօրհնիչ . ոչ ես վրիժառու , այլ շնորհիչ . ոչ ես թշուտառացուցիչ , այլ միմիթարիչ : Ոչ եղծանես , այլ գրես . ոչ սասանես , այլ հաստատես . ոչ ոտն հարկանես , այլ սփոփես . ոչ պատճառոյդես մահու , այլ հնարս խնդրես կենաց . ոչ ես 'ի կամս շարժեալ սատակման , այլ 'ի փրկութիւն ողորմութեան : Ոչ մոռանաս զայցելութիւն , ոչ լքանես զբարի , ոչ արգելուս զգմութիւն , ոչ բերես վՃիռ կորստեան , այլ կտակ աղատութեան : Ոչ թշնամանիս յաւատութեանց , ոչ բամբասիս 'ի շնորհաց , ոչ հայհոյիս 'ի պարզեաց , ոչնախատիս 'ի ձրի ձրից , ոչ անդոսնիս յերկայնմոռութեանց , ոչ եպերիս 'ի ներութեանց , ոչ բանսարկիս 'ի բարութեանց , ոչ անսպատուիս 'ի քաղցրութեանց , ոչ քամահիս 'ի հեղուէց , ոչ առաքին այսոցիկ տըրտնջմունիք , այլ անլուելի գոհաբանութիւնիք : Բարձ զմեղս իմ , հզօրոյծ զանէծս իմ , օրհնեալ . քաւեալ պարտիս իմ , ողորմած . ջնջեա

զյանցանս իմ, գթած . մատո մատն  
այցելութեան , և անդստին իսկ կա-  
տարեցայց . զի՞նչքեզ , տէր . քան  
զսոսին դիւրագոյն , և կամ զի՞նչ ինձ  
պարտաւորիս կարեորագոյն : Այլ  
կենդանագրեա , բարեինամ , քոյի-  
նաստեղծ պատկերիս փշումն կրկին  
՚իշունչնորոգմանլուսաւորութեան  
մաքրական շնորհի զամենամեղս ոգի  
պաշտպանեալ :

Զ . Մի ածեր , ողորմած , ինձ օր-  
տարաժամ'ի համառօտաս երբի՝ ան-  
թոշակ ապաձեռնութեամբ ընդ ան-  
կատար ուղին հետևել . մի մատու-  
ցաներ բաժակ դառնութեան ՚ի  
ժամժարաւու . մի փակեր , գթած ,  
իմ հանդէպ զյաջողուած հոգեոր-  
օգտիս , և մի իբր յանկարծագէպ  
հինից ասպատակ գիշեր մահուն ինձ  
պատահեսցէ . մի տապ տօթոյն յան-  
պատրաստ պահուն զարմատս հա-  
տեալ ցամաքեցուսցէ , և մի լուսնա-  
կան դիալուածք հասեալ գաղտնեօք  
խասեսցեն , մի պահեսցի ինձ սառն  
մեղացս , և մի հոսանք ուղիւց կեն-  
ցաղոյս զիս ողողեսցեն : Մի հան-

դիստն մահ բերիցէ , և մի ննջումնի  
՚ի սատակումն յառաջեսցէ . մի  
քունն ինձ կորուստ լիցի , և մի նիր-  
հումն ապականութիւն գործեսցէ .  
մի վախճանն անյարմար ՚ի վերայ  
իմ արշաւեսցէ , և մի շնչոյս վերար-  
ձակութիւն ըմբռնեալ ՚ի խոնարհ  
լրցի :

Ե . Դու ես տէր , դու գթած ,  
դու բարերար , դու երկայնամիտ ,  
դու ամենակարող , առ ամենայն բան  
անհասութեան անձառ զօրաւոր ,  
քաւել փրկել կենագործել լուսա-  
ւորել , վերստին հաստատել , ՚ի ժա-  
նեաց կերչաց գազանաց և կամ յա-  
տամանց վիշապաց ՚ի կեանս կորզել .  
՚ի խորոց անդնդոց ՚ի լոյս բերկու-  
թեան ածել , և ՚ի հեղձմանէ ծփա-  
նաց մեղաց ընդ արդարս երջանկաց  
փառօք բաղմեցուցանել : Ամենայն  
ոգիքեղ ակնկալեալ յուսով սսլասէ ,  
կարօտեալ քումդ շնորհաց , եթէ  
երկնայինք և եթէ երկրաւորք , եթէ  
անկածն մեղօք և եթէ ամբարձեալն  
արդարութեամբ , եթէ տէր և եթէ  
ծառայ , եթէ տիկին և եթէ աղա-

խին . և 'ի ձեռին քո է շունչ կեն .  
դահական բոլորեցուն : Եւ քեզընդ  
Հօր և Հոգւոյդ սրբոյ փառք յաւի-  
տեանս յաւիտենից . ամեն :

## ԲԱՆ ԶԳ .

Վերսալին յա-նը-ած իւ իին հեծուննեան  
նորին հակողի առանոցն աղեւս մաղթանաց  
բանի .

Ի Խորոշ սրբից իսօն + ընդ Ասպառծոյ :

Ա . Բարօքնեաւ անքնին , զօրու-  
թիւն ահեղ , տէր արարածոց , թա-  
գաւոր երկնի , ստեղծիչ հրեշտա-  
կաց , գոյարան մտաց , հաստիչ հրե-  
ղինաց , պետ բարի հոգւոց , աջ ա-  
պաւինութեան , անդորրութիւն  
հանդսաւեան , տեսարան լուսաւո-  
րութեան , սլայծառութիւն բեր-  
կրութեան , Ճանապարհ երանու-  
թեան , սլատճառ կենդանութեան,  
առիթ բանաւորութեան , փրկու-  
թիւն առանց չարութեան , առաջ

նորդ խաղաղութեան , պարիսպ  
սմբութեան , սպառուար սլահսկա-  
նութեան , ցանկ բոցոյ մեծի օրհ-  
նութեան , սահման անոխակալու-  
թեան , յիշեա յայսմ ողբերդու-  
թեան մատենիքանիս խոսառվանու-  
թեան և զոր 'ի մարդկային ազնէ  
թշնամիս մեր' 'ի բարի , և արա կա-  
տարեա նոցին քաւութիւն և ողոր-  
մութիւն : Մի՛ բարկասցիս նոցա  
վասն իմ , աէր , իբրև զսուքըս բամ-  
բասողաց՝ առյաճախ սիրոյդ որյիս,  
այլ որպէս զչարս կշտամբողաց և  
իրաւամբքնախատողաց՝ ներեայան-  
ցանաց նոցա : Եւ արդ մատուցեալ  
երկաքանչիւրոցս առաջիքո , արգա-  
րադատ , ոմանիք առ մեզ իխասակա-  
րագոյնիք սակաւուք , թերես և յի-  
րաւի բամբասելոցս , և ես առքեզ ,  
ամենասպարգես , անթիւս և անկշռե-  
լիս բազմօրինակ ուխտազանցու-  
թիւնս :

Բ . Արդյիշեա զքո մեծութիւնդ ,  
աէր , նայեցեալ 'ի յիմն անարդու-  
թիւն . և ընդ խնդրելս իմ 'ի քէն  
բարի իմոցն ատելեաց , և դու առ

քոյս ըստ քում մեծութեանդ ան-  
ձառելիս հրաշագործեսցես : Այ-  
սատակեսցես զիմսն խածանողսն ,  
այլ փոփոխեսցես . Խլեալ վխոտանա-  
բարս երկրաւորս , զբարիսն արմա-  
տացուսցես և յիս և 'ի նոսին : Աա-  
նաւանդ զի դու լոյս ես և յոյս , և  
ես խաւար և յիմար . դու իսկու-  
թեամբ բարի գովելի , և ես համայ-  
նիւն չար ապիկար . դու տէր ստո-  
րիցս և երկնից , և ես անիշխան շնչոյս  
և հոգւոյս . դու բարձրեալ 'ի կարեաց  
զատեալ , և ես տաժանաւոր և վտան-  
գաւոր . դու 'ի վերքան զկիրս երկրիս ,  
և ես կաւ անարգութեան դարշու-  
թեան . դու ըստ մարգարեին մնաս  
յաւիտեան յանբաւ բարձրութեան ,  
և ես միշտ կորհնչիմ ըստ նորին բա-  
նին . 'ի քեզ ոչ է մթութիւն կամ  
նենգութիւն , և ես բաւանգակն իսկ  
իցեմ՝ որ զաւանդն իմ ոչ պահի-  
ցեմ : Հան զիս 'ի բանտէս , արձա-  
կեա 'ի կապանացս , զերծ 'ի շղթայ-  
իցս , փրկեա 'ի խեղդմանէս , ազա-  
տեա 'ի տագնապէս , բակտեա 'ի  
յերկաթիցս , լոյծ 'ի սպաշարմանցս ,

արագսեայերկմտութեանցս, սփո-  
փեա 'ի տիսրութեանցս, հանդո 'ի  
նեղութեանցս, փարատեա 'ի վը-  
տացս, հանդարտեա 'ի խռովու-  
թեանցս, ապաքինեա 'ի լալոյս,  
մերժեա 'ի հեծութեանցս, հեռա-  
ցո 'ի յողբոցս, կազդուրեա 'ի կա-  
կանմանցս: Աստուածողորմութեան  
և սլարդեատու քաղցրութեան, մի  
զգրաւեալս արեամբ հզօրիդ անտես  
արարեալ ընդ վայր կորուսաներ.  
կանգնեա զհասեալս յափն մահու  
'ի բազմավտանդ հիւանդութենէս:

Գ. Ահա բարդեցան կուտեցան  
շրջանակք ամացս ընդունայնութե,  
յորմէհետէ յայտնեցեալ ցուցայ  
յոչպէտս երևեալ, 'ի յանդաստանէ  
մօրն իմոյ սենեկի փուշս դժնկի մե-  
ղաց շառաւիղի. մի լինիր ինձ խայ-  
թոց խոցոտիչ՝ որպէս անդ տոհմին  
Յուդայի, և կամզաւակին Եփրեմի:  
Եւ քանզի բուսուցեալ տնկեցի յո-  
գիս փոխանակ ցորենոյն բարեսեր-  
մութեան խոտս խայթողականս ինք-  
նաթոյնս ընդարմացուցիչս, ըստ  
գրոյն բանի՝ որ երէցն է քան զաւե-

տիսն , զիամրդ ոչ կոչեցից զանձն  
խմ գարշելի անդաստան անիծաբեր  
փշովք մեղաց հեղձեալ : Ոչ սերմա-  
նեցի արդարութիւն , ըստ բանին  
նվաեայ , և զիամրդ հնձեցից և ժողո-  
վեցից զկենաց պտուղն : Անկաւ ըս-  
տինք կուսութեան անձինս մաքրու-  
թեան , ըստ մարդարեին բանի՝ որ  
առ խօրայէլ , կարող ես տէր 'ի նոյնն  
հաստատէլ : Լայնեցի ընդարձակե-  
ցի ըստ մոլեկան բարուցն Յուդայի  
զանկողին կամացս՝ դիւացն հոմա-  
նեաց , 'ի ձեռսքո է ամփոփել դար-  
ձեալ 'ի նոյն զբաստութիւն : Եթէ  
մարմնապէսն կցորդութիւն ընդ տե-  
սանողին անարատ դործեաց զպոռ-  
նիկն , իսկ դու Փրկութիւն հոգե-  
սկէս միացեալ 'ի յիս՝ կրկին մաքրես-  
ցես . Եթէ արեգակնս այս անկեն-  
դան ստեղծեալ առ 'ի քէն Երկրիս  
մատակարար , և զկարակումն մօրից  
ցամաքէ և զտհաս պտուղս հասու-  
ցանէ , իսկ ստացողդ ամենից հոգիդ  
Աստուծոյ որբան զօրեսցես զտիզմ  
չարեաց ազտոյ և զթարախ սլղծու-  
թեան մեղաց մթերից իսկոյն սպա-

ուել։ Վասն այսր կանխաւ իսկ  
ժամանեցի հայցել առ ՚ի քէն  
բարի՝ ատելեացն իմոց ՚ի կարդ  
այս բանի, զի զհելքեալ վեա-  
սակարս պարտուց մահու յամենա-  
խնամ աչաց հզօրիդ մի մերժեսցես,  
օրհնեալ գթութիւն։ արդ կենա-  
գործեա զիս զամենամեղս անդամօք  
մարմնոյս ընդ բնութեան հոգւոյս  
խորհել միշտ զքոյսդ։ Իսկ բարե-  
գործացն ինդրելբարիս, բնութեան  
են օրէնք՝ անբոնադատ կրիցն յա-  
րակցապէս առ սոյն բերումն։ Քան-  
զի արդարեւ առ միդ այդ պատուէր  
ամենայն հասակ զօրանայ, իսկ միւ-  
սոյդ երկրորդի առաջնովդ ինամով  
հանդիպել՝ աստուածականիդ է նը-  
մանութիւն։ յաղադս այսր իրինախ-  
նի դասեցի զթշնամեացն իմոց աղեր-  
սանս քան զերախտաւորացն բարիս։

Դ. Եւ արդ յիշեա զնոսա կրկին  
ընդ միոյ, որ ՚ի քո անուն բարձրա-  
ցեալ զանարժանս զիս ընկալան։ և  
տուր նոցա, տէր ամէնառատ բարե-  
բար և անոխակալ, վարձս արդարոյ  
և մարդարէի, թէ և ես յաւէտ թա-

փուր իցեմ յարժանեաց, ըստ հա-  
 ւատոց նոցա և առ յոյս նոցին ակն-  
 կալութեան, որ առ պարտաւոր  
 գերիս ողջամիտ կամք ակնարկեն,  
 որպէս թէ 'ի մասանցդ քո կեցուց-  
 չաց 'ի պահպանարան հոգւոյս ծած-  
 կութի լիովունիցիմ: Եւ զպատժա-  
 ւորս անամփոփելի 'ի քոց տեսու-  
 թեանց և յանխաբելի 'ի յուղիղ կըշ-  
 ուութեանց՝ քաղցր գթութեամբդ  
 անսահմանելեաւ մերձեցեալ առ իս  
 մաքուր արասցես, անխայտառակե-  
 լի պահելով 'ի տիեզերական յան-  
 դիմանութեանն: Եւ որպէս չուք  
 իմն վայելչական գնել ախորժեն ինձ  
 անարժանիս սիրելիքն քո վասն քո,  
 նայեցեալ 'ի կրօնս զգեստուս բա-  
 րեկերպութեան, չգիտելով զբիծս  
 գաղտնեացն՝ երջանիկ կարդան եղ-  
 կելոյս, և դու հնարաւոր ամենա-  
 սլարդե օրհնեալ մարդասէր՝ առ  
 բնաւսուղորմած վասնամենաթշուա-  
 ռիս հեծութեան հաշտեաց ընդ-  
 հոսա ըստ հաւատոց նոցա: ընծայ-  
 եալ նոցին մատո պարգևեա զան-  
 եղծ մեծութիւնդ և զանթառա-

մելի զոգսակդյահաւոր աւուրն յետնում հատուցմանն ամենափորձ ընարութեանն :

Ե . Զի դու ես գրաւ փրկութեան մեծութեան անվատնելի և անծախ գանձուց սարկիս և սովեցելոյս , 'ի վաճառ վերնային շահու օդառութեան՝ բանիւդ որ 'իքէն՝ յարգեալ Ճոխանամք : Կառո ինձ սահման ջրոյ հանգստեան . արձանացո , անփոփիս , սկատրաստական վստահութիւն . կարգեա , օրհնաբանեալ , անկաղակարծ յուսոյ ամրութիւն , տուր , ամենախնամ դու , անաչառ պաշտպանութիւն , սասանեցելոյս բարեաց անդորրութիւն , տարակուսելոյս լուսոյ ապաւինութիւն . աշխարելոյս մեծ երջանկութիւն , վրհատելոյս կենաց օդնութիւն , լքելոյս անդայթագղելի օժանդակութիւն , նահանջելոյս անսայթաքվերընթացութիւն : Զի քո է բնաւդ և 'ի քէն է ամենայնդ , և 'ի ձեռն քո բաշխին հաւաստութիւնք պիտանացուաց համայնից կենաց . քեզ վայելէ փառք յաւիտեանս յաւիտենից . ամէն :

ԲԱՆ 29.

Ա կը սպիտակ քառակուսի կեղծ կեց ու լեռ  
Նորին հայոց առ նոր առ լուս մազ լաւագ  
Բարեկ.

## Ե ԽԱՐՔՈՂ ԱՐԳԻԼԻՇ ԽԱԾԱՒ ԲՆԴ ԱՀԱՊԱ-ՃԱՅ :

Ա . ԱրքաՅ Երկնաւոր , թագաւոր բարձրեալ , տէր բոլորից , ամենից ակնկալութիւն , ստեղծող տեսականաց , հաստիչ իմանալեաց , պատճառ Եղանութեանց , կազմիչ հանդերձելոց , տուիչ լուսոյ , առիթ առաւօտու , պատրաստիչ վազորդայնի , Երևեցուցիչ Երեկորի , տարրիչ խաւարի , արուեստաւոր բարեհնար , իմաստութեան գործոնեայ , քաւարան օրհնեալ , հալիչ մեղանաց , հալածիչ ցաւոց , քակտիչ գառնութեանց , պահպանարան հանգստեան , հնարքնիրհման , յարմարիչ քնոյ , պարգևիչ ննջման , շնչոյ յարակարգութիւն , զգայու-

թեան տևողութիւն , ցրիչ ցնորից ,  
յեղանակիչ անրջոց , փոխարկու-  
թիւն զարհութմանց , այլայլութիւն  
տիրութեանց , խափանիչ խիթմանց .  
ընդարձակիչ կարծեաց , համագրու-  
թիւն ծփմանց , ահագնութիւն  
խարդախմանց , հարուածիչ դիւաց ,  
փախուցիչ ախտից , ընկղմիչ դայ-  
թագղութեանց :

Յ . Պաշտպանեա Երկնաստեղծ  
ձեռամբդ , զօրացո բարձրացեալ քո  
աջովդ , ամփոփեա ամենակալդ  
թեօք , ծածկեա աստուածեան խը-  
նամօքդ , ամրացո վերակացութեամբ  
վերնայնոցդ , շուրջանակի սլարլո-  
պեա գումարտակօքդ անմահից , 'ի  
յամենուստ պարփակեա կցորդու-  
թեամբ հրեշտակացդ , վանեա զընդ-  
դիմամարտն իմ զինուորութեամբ  
զուարթնոցդ , պատսպարեա զսա-  
սանեալո՝ Աստուածածնիդ մաղթա-  
նօք , զբանակս անդրանկացդ բարե-  
կարդեա ինձ պահապան : Բաց ընդ  
աշացս դիմաց և զմտացս իմտեսա-  
նելիս , զդաստ արա ընդ ոգւոցս և  
զժաներաբեռն կրիցս դանդաղու-

թիւն , վերացո տէր 'ի զդայու .  
թեանցս զմածեալս յիմարութիւն .  
բարձ , միայն բարեգործ , զպատ .  
րուակիս թանձրութիւն : Ընդ սկզբ  
բան բերմանս լուսոյ՝ զողորմութիւն  
քո ծագեա , ընդ ելից արեւուն՝ ար .  
դարութեան արեգակնդ 'ի յանձ  
կութիւն սրտիս մոցէ . Ճառագայթ  
քո փառացդ 'ի յիմաստիցս խորհըր .  
դանոց ջահեսցի , խաչեդ տեառնա .  
գրութիւն ընդ շունչո և ընդ մարմինս  
համասփիու տարածեոցի : Յանձն  
առնեմ քեզ յաւուրս զքո յարմա .  
րեալ տաղաւարս սպահանաւ ո .  
գւոյս՝ որ 'ի սմին : Զի դու ես Առ  
տուած անքնին , առ ամենեսին բա .  
ւական և յամենայնում քովանդակ .  
օրհնեալ յաւիտեանս . ամէն :

## ԲԱՆ ԶԵ ·

Ա լ ե ր ս ա բ ի ն յ ա ս - է լ ս - ա ծ ի ր ի ի ն հ ե ծ - մ ե ա ն  
ն ո ր ի ն հ ա կ ո ղ ի ս ա ս ն ո յ ն ա ղ ւ ը ր ս մ ա ղ լ մ ա ն ա ց  
բ ա ն ի ։

Ի ի ս ո ր ս ս ս ր պ ի ն ի ս ո ս + ը ն դ Ա ս պ ս - ծ ո յ :

Ա . Ի ս կ ա ր դ վ ա ս ն զ ի ա ր թ ն ա ս  
կ ա ն ն մ ե ր զ ո ւ ա ր թ ո ւ թ ի ւ ն ք ե զ ն ը ն  
ջ ո ւ մ ն ի մ ն է հ ա մ ա ր ե ա լ , ի ս կ 'ի խ ո ր  
թ մ բ ը ր ո ւ թ ի ւ ն լ ո ւ ե լ ն՝ վ ա ս ն ո ւ զ ի զ հ ա  
ւ ա տ ո յ ն 'ի ք ե զ՝ ա ն թ ա ր թ ա փ բ ա ց ո ւ  
թ ի ւ ն ա չ ա ց , ո ւ զ զ ե ա հ ո դ ւ ո յ դ ք ո  
ի մ ա ս տ ո ւ թ ե ա մ բ զ յ ա ջ ո զ ո ւ ա ծ ձ ե  
ս ի ն ս գ ո ր ծ ո յ ը ն դ հ ե ծ ո ւ թ ե ա ն ձ ա յ  
ն ի ս մ ա ղ թ ա ն ա ց : Զ օ ր ա ց ո , տ է ր , 'ի  
հ ա ն դ է ս բ ա ր ի ճ գ ն ա ւ ո ր ա կ ա ն ա ր ի  
վ ա ս տ ա կ ո յ , կ ց ո ր դ լ ե ր կ ա ր ե ա ց ս  
տ կ ա ր ո ւ թ ե ա ն , թ ե թ ե ս կ ա ց ո զ ա շ  
խ ա ս ո ւ թ ե ա ն ս ա յ ս ս կ ի զ ը ն . ա ր ա  
գ ե ա , մ ի շ տ կ ա ր ո դ , զ յ ա ռ ա ջ ա դ ր ե ա լ  
ձ ե ռ ա կ ե ր ս ս , գ ի ւ ր ա ւ ո ր ս ը ն թ ա ց ո  
'ի յ ա ւ ա ր տ ո ւ մ ն լ ը մ ա ն ն : Ի վ ա խ Ճ ա ն

իրին բերկութեամբ զիս հասո, ժաման կացուսցես՝ ի հանդիպումն յուսոյն, կցորդ լեռ ուղւոյն ճանապարհիս ընթացից, 'ի թռիչս ամբարձման վութացուսցես յօդտակարն, ընդաշմէ իսմ լիցիս 'ի վտանգի ծանրութեանն, զձայն քո լուո 'ի յանձկութեանն պահու, ձեռամբ քո կեցո 'ի կորստեանն ժամու, մատամբ քո ազդեա 'ի սահմանին անձկութեան, հարթեա զիստրոց ամենաչար խափանմանն, հոգեվինին առաքմամբ ըստ Ամբակումայ ինձ հնարեա, բան ինձ շնորհեա 'ի յատենի բազմութեան, խմասութիւն յիս տնկեա 'ի հանդիպմանքննութեան։ Ամպով կամաց քոց հովանացիր հրաշապէս, հանդարտեցո փայտիւդ կենաց ըզծովուս մրրիկ, սանձեա զաստեաց կենցաղոյս պատկեր քոյին հրամանաւդ. քանզի թէ աստ ողորմութիւն քո, տէր, կամեսցի, այս լուծութիւն կոհակաց կարծր է քանզից. և թէ 'ի ցամաքի անտես առնիցես, իբր զանկայուն՝ պնդութիւն յատակիս 'ի ներքոյ աստիսեալ սասանի։

Բ. Արդ ընկալ, Յիսուս, զպա-  
ղատանացս ձեռնարկութիւնքեղ՝ի  
հաճութիւն, և արա ինձ զամենա-  
կարծն գայթագութիւն մեծ վրա-  
տահութիւն: Որպէս 'ի ջրահեղձոյց  
ամենակործանն դարու, որք 'ի հարթ  
տարածման գետնի առանց Երկիւղի  
յանհոգս կէին, յողորմութենէդ  
ամայի մնացեալ կորուսան, իսկ ընդ  
հովանաւոր մածուածով լաստիւն  
յոդնատատան հիմանն հայթայթա-  
նօք յանուն գթածիդ յեցեալ պա-  
հեցան. ընդ որս և զաղաչողս մշտա-  
տատան 'ի նաւահանգիստն խաղա-  
ղութեան մարդասիրապէս սլրծեալ  
ապրեցո. Վարձս 'ի քոյոցդ ընդ իս  
բերելով հոգեւոր շահից, զստորա-  
բերսայս ստուարութիւն պարտուցս  
լքեալ բանիդ առակաւ, 'ի քեղ տէր  
անկայց միացեալ 'ի սպառ անբաժա-  
նելի, օրհնեալ յամենայնի: Եւ կը-  
ցորդելով այսմ մաղթանաց հոգե-  
ղէնքն ամենամաքուրք ընդ հողեղի-  
նացն մարտիրոսաց, որք ջրով և  
հրով փորձեցան, և յելից զերծ-  
մանն ընդ մեր խնդրեցին, և մեղ

յիշատակ թողին օդնութեան , ա-  
սասցեն ընդ մեզ համաբանաբար  
զուգամասնութեամբ՝ եղիցի եղիցի :

## ԲԱՆ ԶՀ.

Վէ բարին յառելուած իրին հէծութեան  
նորին հոկողի առ նոյն աղջու մաղթահայ  
բանի .

Ի Խորոշ սրբից խօսի ընդ Ասպառեցոյ :

Ա. Ընդ այսօք հառաջանաց թախ-  
ծութեան ողբոց ՚ի բազմաց կեր-  
սլիւ շարակարգելոց , և ամենից հո-  
գւոց ողորմեա , գովեալ և երկայ-  
նամիտ թագաւոր : Կա և այնոցիկ  
առաւել որոց հատեալ է ակնկա-  
լութիւն փրկութեան կենաց . որք  
ննջեցին անպատճաստաբար շիջեալ  
լապաւրօք իւղոյն պակասութեան :  
Ահա յիշեա , տէր իմ գթութեան ,  
և ՚ի յայս ևս պատճառ իրաւունս  
ինձ գրեա : Քանզի թէ և ՚ի փառս  
ահաւորութեան սքանչելեաց մե-

ծիդ՝ հակառակօքն հանգերձեցեր  
 զկազմած մարդոյս, զոմն ծանր և  
 զոմն թեթև, զմին զով և զմբւմն  
 հրային, զի դիմադրութե՛ի հակա-  
 ռակացն հարթ պահեցեալ՝ արդար  
 կոչեսցուք հաւատարիմ հաւասա-  
 րութեամբն. և 'ի յայտմ'ի դատման  
 առաքինութեան վերաբերեալընդ  
 ամբարձելոյն, զխոնարհութիւնն առ  
 կաւն դիտման անմոռաց պահեալ՝  
 պսակ ընկացուք ճգնաւորական :  
 Եյլ քանզի յայտմ կանոնէ ուխտի  
 վրիպեցուք, և անասնաբար սահեց-  
 մամբ ըստ հողոյն զիջման ընդ եր-  
 կիր մածաք, այլ ոմն ախտիւ և այլ  
 ոմն անդթութե՛, միւս մասն մոլու-  
 թե՛ ամենաբաղձ կերակրոց իբր գա-  
 զան մշտաբոյծ յարակայ կապեալ  
 ընդ բնութե՛ : Իսկ 'ի քառիցս ոմն  
 անըմբոնելի և անողոքելի սլացմամբ  
 'ի բաց ոստուցեալ՝ վայրենապէս  
 ամբարտաւանէ . եթէ ջեռնումք  
 տապով սիրոյն որ 'ի քեզ՝ նշխարաւ  
 բոցոյն որ 'ի մեզ, ցուրտն առըն-  
 թեր կենակից նմին զնոյն կասեցու-  
 ցեալ, բարւոյն ընդիջէ . եթէ օդա-

կանաւն հրեշտակայնովն յառիցիմք  
'ի քեզ, ծանրութիւն թանձրու  
անդրանիկ նիւթօյս այս հողոյ ՚ի  
ստորև բարչեալ խափանե :

Բ. Եւ արդ յամենուստ պար-  
տեալ ե 'ի սպառ լքեալ՝ իբր զատի-  
կար հաշմեալ հերքեցայ կորեայ վա-  
նեցայ, վասնեալ 'ի բազմաց 'ի մահ  
դրաւեցայ. վասնորոյ 'ի սկարգեա-  
կանէն զրկեցեալ՝ յողորմութեանն  
կողմ նայիմ, և սկատկառեալ դի-  
մօք համայնից ունողս զբնաւից ա-  
զերսաբանեմ զմեռելոցն՝ քեզ կեն-  
դանեաց. քանզի կարող ես յաւէտ  
հնարիւք և կորստականացն ըստ իս-  
մեռելոցն. ամենայն ինչ քեզ զօ-  
րելի է. նա զի և ընդ անակար կա-  
րելոյդ և կամելդ է ախորժելի :

Գ. Արդ այսց երկուց բարդա-  
ւաճ շնորհաց նորոգչաց առ մի-  
մեանս եկեալ՝ կարելն ընդ կամելն,  
բարձեալ եղիցի և յուսահատու-  
թեանն վհատութիւն ազգաց մեղա-  
ւորաց. և ժամանեալ հասցէ աւե-  
տեացդ լոյս հոգւոց բժշկութեան  
քումդ հրամանի, աեր ամենայնի.  
օրհնեալ յաւիտեանս. ամէն :

## ԲԱՆ ԶԵ ·

Վ ԵՐԱԳԻՆ ՅԱՆ-ԷԼՈ-ԱԾ ԽԵԽԻՆ ՀԵծո-ՇԵԱՆ  
ՆԱՐԻՆ ՀԱԽՈՂԻ ԱՆ ՆԱՅԻՆ ԱՊԵՐԱ ՄԱՂԱԿԱՆ-ԱԴ  
ՔԱՆԻ ·

Ի ԽՈՉՐՈՅ ԱՐԴԻՇ ԽՈՉԱ+ ԸՆԴ ԱՆԳԻ-Ճ-Ի :

Ա . ԵՒ արդ քանզի ՚ի գլուխ  
կտտարման հասեալ սակաւամաս  
նեայ կտակի այսը ողբերգութեան,  
արա , տէր , վախճան գաղարման  
առնուլ ընդ այսց քանից մաղթա  
նաց ինքնանախատս կշտամբութե  
և որ յիս կրին չար սովորութիւնք :  
Որ քեզէն կարգեցեր սահման աւե  
տեաց ակնկալութեան գատապար  
տելոյս՝ ասելով, ոչ են կամք առա  
ջի չօր իմոյ եթէ կորնչիցի մի ոք ՚ի  
փոքրկանցո . և դարձեալ, այս են  
կամք չօր իմոյ զի զամենեսին ինձ  
յանձն արարեալսն ոչ կորուսից :

Բ . Ահա օրհնեալ ես ՚ի գթու  
թեան, բարեբանեալ միշտ ՚ի քաղ-

ցրութեն, խոստովանեալ յերկային-  
մըտութեան, ծանուցեալ 'ի յայց-  
ելութեան, քարոզեալ տէր 'ի փըր-  
կութեան, ներբողեալ դու յառա-  
տութեան, սկատուեցեալ 'ի պաշտ-  
պանութեան, փառաւորեալ ես 'ի  
փրկութեան, երկրպագեալ յան-  
բաւ բարձրութեան, պաշտեցեալ  
'ի յանքննութեան, դովեցեալ մի-  
ային 'ի յաղթութեան, վերաձայ-  
նեալ 'ի մեծ զօրթութեան, խնկա-  
ւորեալ յողորմածութեան, համ-  
բուրեցեալ յանձառ հեղութեան  
հաշակեցեալ 'ի խոնարհութեան :  
Ընդ քեզ և ծնողդ քո երկնաւոր  
Աստուածդ բոլորից միմիթարու-  
թեան . ըստ որում հոգիդ քո սուրբ  
բարութեան, որ զանկեալ զգրաստ  
թշնամոյն և զգայթագղեալ մարդն  
անբանութեամբ՝ կանոնեցեր ոչ  
անտես առնել : Որոյ երախտիս հզօ-  
րիդ 'ի յիս և առաքինութիւն մեծիդ  
'ի բարձունս տօնեալ անդադար յան-  
վախճան փառաբանողաց . որովք  
զայս ձայն աղերսական յարգեալ  
ընկալցիս մարտիրոսացն պաղատա-

նօք ՚ի հոտ հաճութեան բուրման անուշից : Եւ այսու փրկանօք հսշա արար բանի՝ զնախնեացն պարտ և զաներևոյթ վէրս միջնովքն և վէրջնովքն մահացուցանողօքն զանձն և զմարմին բժշկեա , ամենակարող , զներքինս և զարտաքինս , զտիւլքն և զդիծքն և զխարանս հարուածոցն . բարձեալ և մաքրեալ գեղովք ողորմուեղ զկտեալ խածուածս բազմագունիս , որք գարշելիս ընդ ախորժելեացն քեզ ցուցանեն զեռւթիւն ընութեանս :

Գ . Եւ եթէ հասից յամս ծերութեան քեւ առաջնորդեալ արժանիս մահու , մի թողցես զտկարութիւնս , մի անարդեր զալիսն . մի կորացուսցես զկործանեալն , մի զիջուսցես զիքեալն , մի վայրաբերեր զխոնարհեալն , մի շնչման հողմոյ մատներ զառկայծեալն , մի ընդպահկեսցես զդեղեեալն , մի անվերակուառներ զսառուցեալն , մի անդարման լիցիտագնապեալն , մի առանց տածելոյ յարկն խարխալեալ , մի անպատիւ պատկերն հնացեալ , մի պարար-

տութիւնն անհամեալ . մի շուք  
շնորհին անարդեալ , մի հնութիւն  
քամահեալ , մի նաւ հոգւոյս ալէկո-  
ծեալ , մի երկարութիւնյուսոյն կա-  
րեցեալ , մի լար շաւեղին խղեալ ,  
մի ուշ իմաստին բարձեալ , մի գոյ-  
ին կազմած զեղծեալ , մի ամբարձ-  
մանն թեք փետաեալ , մի զուար-  
թութիւն գեղոյն տգեղեալ , մի  
ճաճանիչ նշուլին քաղեալ , մի պա-  
տուհանք աշացս փակեալ , մի լու-  
սաւորութիւն նորին խափանեալ ,  
մի պատկերն խօսուն անկեալ : Ահա  
աղաչեմ զքեզ , բարեգութ , ամե-  
նայն սրբովք ուաղատիմ , լուր սոցին  
ինձ կանխսաւ , զի զանագանն մի մո-  
ռասցիս : Դու առաջնորդեցեր ինձ  
ըստ սաղմոսողին և ասլրեցուցեր .  
Հան , տէր , ընդ երդողին և 'ի կար-  
ծեացն կասկածանաց , յորմէ երկին-  
չիմ : Խսկ ես չեմ արժանի 'ի քէն և  
ոչ հասարակական կերակրոյն վար-  
ձու , այլ դու կարող ես սովորաբար  
և առ զլացողս բարեգործել : Վո են  
զարմանալիք անձառից բարեաց ,  
միայն հրաշագործ առ ամենայն

երկայնմտութիւն , ընդ հօր և հոգոյդ սրբոյ օրհնեալ հանապազ յաւիտեանսյաւիտենից . ամէն :

## ԲԱՆ ԶԷ.

Անձուակին յանելուած իրին հեծութիւնն արին հոկողի առնոյն աղերս մաղթանաց բանի .

Ի խորոշ սրբից խօսի ընդ Աստվածոյ :

Ա . Եկ արդ ջուր կամաց և կաթ արտասուաց՝ բեկութեամբ հոգւոյս մտացս լքմամբ՝ խորտակմամբ սրբափս հեղեալ առաջի , զմարդարէին յիշեցուցանեմ զարամաթացւոյն Սամուելի . զոր առեալ է հեղ՚ի սկառառակէ յանդիմանքո , ամենատես , առ ժողովրդեանն օրինակութիւն զանձն արկանելոյ խոստովանութեամբ և հնազանդութեամբ կենդանարարդ գարշապարաց :

Բ . Եւ արդ ընկալ զայս հիւսուածքանի աղիսղորմ հեծեծանաց , և

Հոտոտեսցիս յայս նուեր բանի ան-  
արիւն զոհի , թագաւոր երկնի .  
և օրհնեալ սրբեա զտառ մատենի  
ոյսը ողբերգութեան , և գրեալ  
դրոշմեսցես յարձան յաւիտեանընդ  
հաճոյականացն սպասաւորութիս :  
Կացցէ առաջի քո մշտնջենա-  
ւոր , և յիշատակեսցի 'ի լսելիսդ  
քո հանապազ , բարբառեսցի շըր-  
թամբք ընտրելոց քոց , և խօսեսցի  
բերանովք հրեշտակաց քոց . տա-  
րածեսցի հանդէալ աթոռոյ քոյ . և  
ընծայեսցի 'ի սրահ սրբութեան քոյ .  
խնկեսցի 'ի տաճար անուան քոյ , և  
բուրեսցի 'ի սեղան փառաց քոց .  
սլահեսցի 'ի գանձարանի քում , և  
համբարեսցի 'ի ստացուածս քո :  
Պատմեսցի 'ի յականնջս աղդաց , և  
քարոզեսցի 'ի լուր ժողովրդոց . նկա-  
րեսցի 'ի գրունս իմաստից , և տպա-  
ւորեսցի 'ի սեամս զգայութեանց .  
իբր կէնդանեօք զիմս սլատմեսցէ  
խոստովանեալ զանօրէնութիւն . և  
թէպէտ վախճան ընկալայց իբր զմա-  
հացու , այլ յարակայութեամբ բա-  
նի այսը սովերի գրեցայց կենդանի :

Մնացէ սա անեղծ ՚ի կամս քո ,  
տէր , ինձ պատժապարտիս համբար-  
ձեալ միշտ անդուլ դատիչ , անաչառ  
կշտամբիչ , անպատկառ յանդիմա-  
նիչ , անանխայելի դորովիչ , անողո-  
քելի պարսաւիչ , անհամբոյր ծանա-  
կիչ , անմարդասիրելի մատնիչ , ան-  
փրկելի տանջիչ , անկաշառ կառա-  
փիչ , անխնամելի յայտնիչ , ապա-  
ռում հրապարակիչ , աշխարհալուր  
բողոքիչ : Փողով մեծութեան ազգ-  
ման առանց լոռութեան և կամ  
դադարման զիմոցս պարտեացս խոս-  
տովանեսցի :

Գ . Սոյն գիր իմովս ձայնիւ  
թըր զիս ընդ իմ աղաղակեսցէ ,  
տարածեսցէ զծածկեալսն , հոչա-  
կեսցէ զդաղտնիսն , կականեսցէ  
զկատարածն , հնչեսցէ զմոռա-  
ցեալսն , յայտնեսցէ զաներեռյթմն ,  
բարբառեսցէ զբարուրմն , քարո-  
զեսցէ զխորոցն , պատմեսցէ զմե-  
ղացն , մերկացուսցէ զանտեսիցն ,  
յուցցէ զկերպարանս թաքուցելոցն :  
Ըօշափեսցին սովառ որսքն , դացին  
դայթադղութիւնքն , յանդիմանես-

ցին անձառքի, քամեսցին չարեացն  
մնացուածքն : Եւ թագաւորեսցեն  
կեանիքդ շնորհաց ողորմութեանքո,  
Քրիստոս, 'ի դանձս պահեստի ու  
կերացն ցամաքելոց .որով'ի ժամա-  
նակս կենդանականս սկզբնաւոր  
լուսոյ մտի գարնայնոյն նորոգման  
աւուրն պայծառութեան քոյովդ  
ցողովյոգի աճեցեալ այսու փրկու-  
թեամբ անմահականաւ, և անցա-  
մաքելի վերամբարձութեամբ շառա-  
ւիզս ձգեալ իմանալեացն բարեաց՝  
դարձեալ դալարացայց և կրկին  
ծաղկեցայց ըստ քոյինաշունչ գրոյն  
յուսադրութեան : Եւ քեզ միայ-  
նոյ փրկողի և Հոգւոյդ քում Հօր  
խսկակցի, միասնական տէրութեանդ  
և անձառնորդութեանդ խորհու-  
դական գովեստիւ փառք և երկրապա-  
գութիւն յաւիտեանս . ամէն :

## ԲԱՆ ԶԹ.

Վերսալին յառնելու-ած իրին հնձութեան  
Նորին հսկողի առ նոյն առջը մաղթանաց  
բանի .

Ի խորոշ սրտից խօսի ընդ Աստվածու :

ԱՍՏՈՒՄԾ և տէր , կեանք և արա-  
րիչ , ողորմած , գթած , լոյս , եր-  
կայնամիտ , անոխակալ , մարդասէր ,  
ամենագութ , սլարդեատու , փրկիչ ,  
օրհնեալ , բարեբանեալ : Դարան ամ-  
րութեան , պատսպարան վստա-  
հութեան , առանց նենդութեան  
բարի , առանց խաւարի ճառա-  
գայթ , քաւիչ մեղաց , ողջա-  
ցուցիչ միրաց , անհասանելեաց  
հնարք , անմատչելեաց հպաւոր ,  
անյուսութեան ելք , անունքո խոս-  
տովանեալ Աստուծոյ որդի . և չոր-  
քո ընդքեզ հզօրի և ահաւորի , և  
չոգւոյդ ամենակալի և ընդքեզ եր-  
կըրսպագելոյ՝ փառք և պաշտօն գո-  
հաբանութեան յաւիտեանս . ամէն :

## ԲԱՆ Դ.

ՎՀԵՐԱԳԻՆ ՅԱՆՑԼՈՒՄ ԻՐԻԻՆ հԵԺՈՒՑԱՆ  
ՆԱՐԻՆ հԱԽԱՂԻ առ նոյն աղերս մաղլԱռնաց  
բանի .

Ի ԷՐՐԵՇ ԱՐՔԻՇ Խօստ ը՛Դ Ասունծոյ :

Ա. ԲԱՐԵԲԱՆԵԱԼ Աստուած եր-  
կնաւոր , միայն արարիչ , տէր ամե-  
նակալ , մեծութիւն ահեղ , գթու-  
թիւն օրհնաբանելի , ողորմութիւն եր-  
կըլսկագելի , խնամակալութիւն  
պաշտելի , մարդասիրութիւն տօ-  
նելի , պահպանութիւն խնկելի ,  
բարձրեալ անքնին , մերձաւոր կամ  
արար , ասլաւէն անկասկածելի ,  
մսիթար սրտից , փարատիչ վշտաց ,  
ապաքինիչ ցաւոց , սպառումն վշ-  
տութեանց , բարձումն պարտեաց ,  
փոխարկիչ կարեաց , կարգաւորիչ  
կրից , յարմարիչ բանից , սանձարկու-  
լեզուի , զրջագրութիւն շնչոյ , կա-

ցուցիչ հագաղի , ամփոփիչ խոր հըրդոց, կըթարան կամաց, արձանաշցուցիչ յուղմանց , հանդարտութիւն մրրկաց, խաղաղութիւն ծփանաց , որ ունիս զթեոց ամէնընթաց իշխանականիս , և իմաստութեամբ նուաճեալ առքեղ դարձուցանես :

Բ . Գոհաբանեալ միշտ երախտաւոր , որ հեղութեամբ անհպարտութեան երկայնամուեալ հանդչիս տենչանօք անձառ հրաշխւրյանձինս սրբոց : Յագաւոր էից համայնից . ամենայնիւ ծանուցեալ գթած . սկզբնահայր և նախաշաւիղ սիրոյն ընթացից . Ճանապարհ կենաց , որ առաջնորդես քաղցրութեամբ դիմելոյս 'ի լոյսդ վերին : Չեռնկալու մեծ վստահութեան , որ ոչ թողացուցանես գայթագվելոյս 'ի վայր կործանել . յուսոյ կերպարան , ճըշմարիտ առհաւասարչիւ աղաջողաց մատանց յայտնի երեւեալ . ապաւինութիւն հանդստեան , որ ոչ երբեք մատնես վաանդի դատապարտութեան : Ազատութիւն շնորհածիր , որ ասս լիապես առանց փո-

խատրութեան վրկանաց . առա-  
տութիւն աննախանձելի , որ քոյին  
փառառութեամբ զանարդ նիւթ  
հողոյս ճոխացուցանես : Պայծա-  
ռութիւն անստուեր , որ ճառա-  
գայթիւք ահեղբարձրութեան պա-  
րածածկեալ զթշուառս՝ կրկինքար-  
դաւաճ առնես : Քաւիչ մեղանաց  
բազմաց , որ զհերքեալս 'ի փըր-  
կութենէ առաջնոնին պայծառու-  
թը նորոգեալ՝ վերստին վայելքա-  
ցուցանես : Հնարաւոր դիւրահաս  
առ ամենայն անբաւգերամբարձու-  
թիւն յաւէտ յառաջեալ , ելք վը-  
տահութեան առ խոստացելոցն  
վայելս . Երանութիւն ահձկալի , յոր  
զկենդանութիւն շնչոյս լքանենէն է  
ախորժելի , զի զքեզ դտից՝ կեն-  
դանի : Կամբ անփոխագրելի առ  
'ի քաւութիւն դերւոյս զօրացեալ  
ամենագովելի . անսխալելի դեղ  
կենաց , որ և մեռելոց բնաւին եղ-  
ծելոց առնես զսքանչելիս : Ամենա-  
ստեղծ աներկբայելի , որ զհուրբ  
կիզեալն և զհողմով հոսեալն և  
զժանեօք դաղանաց ծախեալն 'ի

Քթթելական նովին հիւթականութեամբ անպակաս յարուցանես : Անհաւասար համարձակութիւն , յորում աստուածօրէն պանծանօք պարծելն է իրաւացի :

Գ . Հայեաց , տէր , յերկնից զուարթ քաղցրութէ յամենակործան վտանգնեղելոյս , և արա անդորր հանգստական դիւրաւոր ՚ի բազմատագնապս հեծութենէ : Եւ զյարուցեալ գումարս սասակչացն , եթէ սպառազէնք այսական դըժնեայ հնարաւորութէ բուռն մարտակցաց պատկանեալ զինուք , եթէ մեղաց տգեղ և քո ատելի կերպարանք , եթէ ցաւոց և ախտից վառնիչ և կորստական նշմարանք , մերժեսցես հանցես հատցես խափանեսցես և հալածեսցես հեռի սահմանաւ ՚ի սպառ տարագրեալ անդարձ որոշմամբ վերսախին կորստեանն . և կտռուսցես կացուսցես նպատակ կենաց և ամուր մահարձան զնշան խաչիդ ասկաւինելոյս ՚ի քեզ փրկութիւն : Եւ յայսմ անպարտ և անպատիր և անվանելի արուեստից

ահաւորիդ մեծութե լուծցին որու-  
գայթքն գաղտնածածուկ սատա-  
նայականք, կապտեսցին մեքենաքն,  
վատնեսցին գայթակղութքն, խայ-  
տառակեսցին հաղբիցն դրութք,  
յայտնեսցին երևոյթք որսոյն, գտցին  
նենդողին ծուղակք, վերասցին վար-  
մին վերարկուք, տոչորեսցին որու-  
մանցն բոյսք, նզովեսցին բռնաւորին  
չարաբանութք, կարեսցի լար խաբե-  
ռոթեան'ի մահ որսողին, պարսես-  
ցին պատրողին բանսարկութիւնք,  
պակասեսցին զէնք զբարտողին,  
անկցին սուսերք մահաբերին, սու-  
զեսցին սադրողին պատրաստութք,  
արձակեսցին տոռունք տագնապո-  
ղին: Այլայլեսցին սուտ կերպարանք  
կեղծաւորին, սատակեսցին խրոխ-  
տականացն խիստ յարձակմունք,  
ցրուեսցին կցորդութիւնք կերչացն,  
բաժանեսցին ազննք աւազակացն,  
քայքայեսցին բոյլք բարբարոսացն,  
քանդեսցին ամրոցք ապստամբո-  
ղացն, արդելցին ամնզրոսկ յան-  
դրդնելոցն, փարատեսցին փորձողին  
անձրեք, հալեսցի և ցամաքեսցի

կղեամն աղանդաւորին : Խորտակեսցի եղջեւը գուռզին , մանրեսցին ամբառնալիք դրօշիցն կերպարանաց , Փշրեսցին ամբարհաւաճութիւնք հպարտացելոցն , նահանջեսցին դիմեցմունք Ճակատելոցն , քակտեսցին միաբանութիւնք զօրացն Բելիարայ՝ թէ անմարմինք և եթէ մարմնաւորք , փախիցեն ընդ նոյն Ճանապարհ 'ի մի շառղաց հետոց յեւթն տարակոյս . 'ի դուքն ինձ փորեալ ինքեանք ընկՃեսցին : Յեղանակեսցին ձմերունք ձանձրացուցչին , հատցի կապի կցորդութեան մշտաջան աւազակին , նողկասցի մտացս կայից համբոյր շողոքորթին , ընդմիջեալ մեկնեսցին նետաձգութիւնք նեղչին , կացցէ 'ի սասանման նաւ խարդախողին , խլեսցին յարմատոց անտի ատամունք խածանովին :

Դ . Վասն փայտիդ օքհնութեան կենաց՝ յորում սլրկեցար Աստուածդ անըմբոնելի , յիշատակաւքեւացդ՝ որով 'ի գործի մահուն մածուցար արարիչդ երկնի և երկրի ,

արեամբդ տէրունականաւ՝ որովը  
վլշասն մեծ կարթիւ ածեալ որսա-  
ցար, լեզոյն դառնութեամբ՝ զոր  
արքեալ, զգեղատութիւն կորուսչին  
արտաքս հեղեր, պատմաբանութիւն  
ըղձական ճառիւք կրիցն սարսափե-  
լեաց՝ որով զլբբութիւն հակառակո-  
վին ըմբերանեալ ամաչեցուցեր, ա-  
նուամբդ անհասականաւ ամենայ-  
նիւ անթարգմանելոյդ՝ յորմէ դո-  
զան և դատապարտին սոսկացեալ սա-  
ստիկ սարսափմամբ բնութիւն ամենայն  
երեսութիւն և աներեսութիւն. Եղիցին  
այս ամենայն պարգեք շնորհացիոս-  
առվանելոյս 'ի պաշտպանութիւն,  
'ի բժշկութիւն և 'ի քառութիւն:  
Եւ մահաբեր դառնաթոյն օձին՝ և  
որ 'ի նմա ազգեաց տիեզերագաւ-  
չարութիւնն, 'ի սատակումն եղիցի  
նորին. նոյն ինքն 'ի կորուստ և յան-  
բըժշկական հարուած տանջանացն  
սովաւ մասնեսցի, կապեսցի և ըմ-  
բըռնեսցի: Եղիցի ողորմութիւն ըս-  
տեղծողիդ ընդ իս, և շունչ ոգւոյս  
իմընդ քեզ անբաժանօրէն կապաւ  
միացեալ 'ի մի:

Եւ որ ոք ընթերցցի զայս աղերս ձայնի մաղթանաց գուման աղօթից հայցման ծերոյ և տղայոյ, կուսի և երիտասարդի, և եթէ յաղախնաց ոք պաղատեսցի աստուածսիրաբար, հաւասարապէս անաչառութեամբ ընկալցին 'ի քէն մասն երանութեան պարտուց ազատութեան, հաստեալ վերստին յանարատութիւննորոգ մաքրութեան, նկարեալ դարձեալ զքոյդ կերպարան անփոփոխելի: Ահա տիրապէս հնարաւոր, զօրեղ, անպատում, անհաս, անխմանալի, տեսցես աստանօր 'ի հառաջանս կողկողանաց այսր հեծութեան, որ 'ի բոլորից շրթանց ընծայեալ քեղ մատուցանի, վասն հօր քո երկնաւորի և բարերարի, և հոգւոյդ սրբոյ փառակցի և կենդանատուի, Աստուածածնիդ բարեխօսութեամբ և խնդրուածովք ամենայն սրբոց: Զի դու ստեղծեր զամենայն, և 'ի քէն եղեն ամենայնք, և դու տիրես ամենայնի. և քեղ փառք յամենեցունց, միդ յիսկութենէ անժամանակ Երրորդութեղ,

զուգակցապէս փառաւորեալ յանը<sup>1</sup>  
բաւս, և յաւիտենից յաւիտեանս .  
ամէն :

## ԲԱՆ ԴԱ.

Վէրսախին յա-էլուած իրին հեծութեան  
նորին հոկողի առ նոյն ազէրս մաղթանաց  
բանի .

Ի Խորոշ սրբից խօսէ ընդ Ասպածոյ :

Ա. Տէր տէր գթութեանց և Աս-  
տուած ողորմութեանց, անուն մե-  
ծութեան, ձայն ահաւորութեան,  
կոչումն սաստկութեան, լուր անհա-  
սութեան, բարբառ գողութեան,  
հնչումն հիացման, յուսագրութիւն  
բարերարութեան ամէնողորմքաղ-  
ցրութեան . յորմէ երկուցեալ սա-  
սանին ամենայն բնութիւնք եղելոց  
՚ի քո սպառնալեաց ահիդ պակուց-  
ման, սաւառնին սերոբէք, ամփո-  
փին քերոբէք, պարուրին սլարք լու-  
սակերալիցն, երկնչին հիացմամբ բո-

լոր պետութիւնք վերնոցն, նոյնք  
ցնծան գողութեամբ մեծաւ 'ի մի  
նաւակաստիս բերկրութեան, զար-  
հուրին դեք, ընկրկին չարութեանցն  
գունդք, սլակասին խաւարասիրացն  
հոդիք, անդնդոց մատնին հրեշտակք  
օտարին : Կապին նշանաւ խաչին  
յարձակմունք դիմամարտին, փա-  
կին 'ի ստորին բանտիքինաւոր ամա-  
ղեկացիքն, անխզելի հանգուցիւք  
պաշտրին խումքք հակառակորդին,  
արգելին անզերծ զընդանաւ մահա-  
զինացն կաճառք, պնդին 'ի մետաղ  
ահեղ հրամանիդ այսականացն գու-  
մարք, սլաղանձին կարկեալընդդի-  
մաբանիցն դասակցութիւնք, սլա-  
րաւանդին հիւծմամբ կորստեան ան-  
երևութիցն ժողովք, անլոյծ շըզ-  
թայիւքնեղինառաքելութիւնք Դե-  
րաքրիստոսին :

Բ. Ահա կարկառեմ մատամեք ձե-  
սինս զտեառնագրութիւն նշանիդ  
'ի ժամ գիշերիս, որ ոչ մթանաս  
խաւարաւ անդիտութե, ամենեին  
տեսականութիւն, քան թէ 'ի լոյս  
անմատոյց հանգուցեալ բնակես :

Ընկալ զաղաչողս վտանգաւոր գո-  
հաբան ընդ պահպանութեք թևոց  
հզօրիդ, փրկեա 'ի ցնորից եկամուտ  
պղտորութեանց . սուրբ արա զղգայ-  
արան հայելեաց սրտիս նկատմանց,  
ամրացո փայտիւդ կենաց 'ի տիրա-  
կան անրջոց, արեամբ քո սրսկեա  
զշրջարկութիւնս կայիցս, զհետս  
ելումտիցն կաթուածով կենարար  
կողիդ գծադրեա, երդոցն պահպա-  
նարան քառակերպիդ ձևակերպու-  
թիւն եղիցի, հանդէպ տեսութեան  
աչացս ամբարձման փրկականդ քո  
կրից խորհուրդ առդիցի. ընդ բարա-  
ւոր յարկիս չարչարանաց քոց գոր-  
ծի հաստիցի, զծառոյդ օրհութեան  
հաւատք յուսոյ իմոյ կախեսցի: Ար-  
գել, տէր, սովաւ զսատակիչն հո-  
գւոց, մացէ անխափան պաշտպանն  
լուսոյ, և ընդ սաստիկ ծանրութեան  
ցաւոցս և զբեռն պարտեացս թե-  
թևացո, զոր 'ի լռարանի մոտացս ամ-  
փոփման մահճացս անկողնի ուշա-  
բերեալ զյուսահատութեց դառն  
պազոցն՝ խօստովանիմ ամենագի-  
տիդ զանհամար մասունս գործոց

չարաչար անօրէնութեանցս :

Գ. Հանգո զվաստակեալս 'ի բազմածուփս աշխատութենէ , բարձրագնապ տարակուսանաց ոգւոյս կործանման , զդառնութիւնն ընդ վշտացն , զհեծութին ընդ կարեացն , զանձկութին ընդ թշուառութեցն , զհառաչմունսն ընդ խորտակմանցն , զբեկութիւնսն ընդ ապշութեանցն , զթմբրութիւնսն ընդ շրտմանցն , զարբեցութիւնն ընդ յիմարութեցն , զթերամտութին ընդ խելագարութեանցն , զսառումն սիրոյն և զհրային ջերմութիւն աղուական ախտին : Օժանդակ լեռ տկարութեան բազմատիսուրս տարտամութեան , բարեգործ աջովդ շնորհի , ձեռամբդնորոգի , մատամբդ կենսաբաշխի , փառօքդ մշտափայլի , յարակայութեամբդ անեղծի , երեսօքդ զուարթականի , խկութեամբ էիդ սլաշտելի , բաձրութեամբդ երկրագագելի : Հատո զքարաչար հեծութիւն կորբատականս խեղդման , զնոր գիւտ չարին , զհին խարդախութիբանսարկուին , զօտար ազգեցմունս 'ի մահ

կրթողին, զանյարմարական երեսոյթս  
հանասկազորդեան եղեռնագործին,  
զառ աչս հնարադրութիւնն դժըն-  
դակ դիւին, զողոքական բոցաշնչու-  
թիւն ձգող կախարդին։ Պահեա 'ի  
տեղւոջ հանգստեան մեռօրինակ  
այսր դադարման յաներեսոյթ մտա-  
ծութեանց, 'ի մասնաւոր սխալու-  
թեանց, 'ի մեծագոյն դայթագլու-  
թեանց, 'ի փոքրագոյն ոտնառու-  
թեանց, 'ի խաբեքայ չար ձանձրու-  
թեանց։ Հեռացո զանհանդէս մտա-  
ծութին 'ի զգայութեանց ծառայիս  
յանցաւորի, զկիրս բասրելիս, ըզ-  
վարս թշնամանելիս, զդիպուածս  
սպատկառելիս, զհետս վրիստելիս,  
զպատիրս ձաղելիս, զլսորհուրդս  
անգոսնելիս, զաւելաբանութիւնս  
նշկահելիս։ Անսխալ հոգւով և ան-  
շաղախ մարմնով զաստաւինեալս 'ի  
քեզ հանդերձեա, 'ի շնչմանէ հող  
մոց, 'ի զարկմանէ բռնութեանց, 'ի  
բախմանէ փոթորկաց, 'ի յոստմանէ  
մրրկաց, 'ի յարձակմանէ դազանաց։  
Ի կափման աչացս հայեցուած սրախ  
մի ստուերասցի, այլ զուարթասցի

պայծառասցի վայելչասցի՝ ընդքեզ  
փայլեսցի, տեր Յիսուս Քրիստոս,  
ըստաւոր վառմամբ անշխանելեաւ:  
Բանիւ քո սրբեա զողատսպարանս  
բազմականիս՝ ի խորամանկութեանց,  
՚ի զբաղմանց, ՚ի քո ատելի յիշատա-  
կաց, ՚ի վերնամարտ մտածմանց, ՚ի  
քրէական մորոսութեանց, ՚ի տիրա-  
նենդ անշնորհութեց, յաստուած-  
ընդդէմհերձուածութեանց: Գըն-  
դիւք վերնայնոցդ վերակացու ինձ  
լիցիս, սկետութեամբք, իշխանու-  
թեամբք զօրաւորօքն անյաղթակա-  
նաց մաքուր մատակարարաց սուրբ  
աստուածութեանդ. առաքեալքն  
աւետեաց աւետարանաւն, մար-  
դարէքն կտակարանօքն, մաղթանք  
երջանկացն ՚ի կատարածի աւուրն  
ընծայեալ: Որովք նիրհեցից եր-  
կիւղիւ ըստ քեզ տրտմութեամբ,  
և զարթեայց շնորհօք քո կրկին ու-  
րախութեամբ. Եթէ վհատութեամբ  
ննջեցից, յարեայց դարձեալ հոգեսո-  
րական բերկրութեամբ, եթէ ընկող-  
մնեցայց մեղանօք, կանգնեցայց վե-  
րըստին զատեալ ՚ի խղճէ անազտ  
անբժութեամբ:

Դ. Լուր խնդրուածոց ամենահառաջայնիս հեծութեան, միայն բազմագութ, բարեխօսութեամբ սրբոյ Աստուածածնիդ և ամենայն արդարոց և նահատակաց ընտրելոց: Եւ քեզ փառք յամենեցունց իմովս դոչմամբ վերառաքեցեալ սրբովք զուարթնոցն անմահականաց դասուց, 'ի կովեստ Հօր քոյ աստուծոյ մերոյ և Հոգւոյդ սրբոյ բնաւից հաստովի և նորոգովի, յաւիտեանս յաւիտենից: ամէն:

## ԲԱՆ ԴԲ.

Ի ժայդն Երջանիկ բարեբարութեան ծամահարին խորհրդածութեան: աղաւանս Երեսու ընդ կերպարանս թարգմանութեանն:

Ա. ԳուշանսՄ զքէն, բարեգութ, միայն մարդասէր, արարիչ Երկնի և Երկրի, Որդի Աստուծոյ կենդանւոյ, այնինչզարթուցեալ անձկութեամբ սիրոյ քոյ յիշատակի 'ի լութիւն

հնչման փայտիդ հրաւիրման։ Որով  
բախեալ զձայնարձակութեանցն  
զազդողարան, սթափեցաք կանգնե-  
ցաք, 'ի վեր յարուցեալ 'ի մեռօրի-  
նակսթմբանէ. ուստիիբը կոչմամբ  
սփոփանաց բանի բերեալ ձգեցաք  
'ի ժամ պաշտաման օրհնաբանու-  
թեան, յանդիման լինել քեզ  
ուրախութիամբ հանդէս հատուց-  
մանս բեմի :

Բ. Ահա փա՛ռք քեզ, անսահման  
և անբովանդակելի զօրութիւն, որ  
այսքանեօք հնարաւորութեամբընդ  
փրկութեան խմում հոգացար. գո-  
հաբանեալ անեղծ խկութիւն, որ  
կերպարանեցեր հրաշխեք աստատին  
զհանդերձելոցննմանութիւն, հան-  
դարա գործեաւ վայելչականաւ  
փայտի անօթոյ առ քունս անյարիր  
սաստիկս որոտացեր. որպէս թէ ընդ  
ծուլութեանս դանդաղութիւն ըզ-  
յանդիմանութիւն խրատուդ խառ-  
նեցեր, 'ի հայրենի սիրոյդ հեղու-  
թիւն զուժգնութիւն ճայթմանն  
յարեցեր. յընդոստ զարկուած եր-  
կուց միջնորդաց՝ մարդասիրապէս

քաղցր անձրևեցեր . ոչ մեղմութք  
մեղմական վանդիւնիրհմամբ ընկըլը  
մեցեր . և ոչ անխնամաբար ահաւո-  
րութեամբ զտառապեալ հոգիս  
զարհուրեցուցեր : Ծնրագրական  
երկրպագութիւն ստեղծչիդ բոլորից ,  
որ այժմէն ցուցեր համայնշայտնա-  
սլէս , զօրինակ ահեղ բարբառոյն  
մեծի աւուրն յարութե , կենդանա-  
ցուցեր 'ի գագարմանէ գժոխական  
անբանութե , 'ի խնդիր ելեալ կոչե-  
ցեր զպակասամիտս 'ի գինիդ ուրա-  
խութեան . արարերզայն լինել հան-  
դերձիչ անարատ հարսինն առ սէր  
փեսայիդ . երկուցեր փոքր այսին թա-  
նաւ զապարասանին զվիթխարու-  
թիւն , լուծ սառւար կրթութեան  
ստամբակին ուսոյ զայս իր գործե-  
ցեր , վարապան վանիչ չարախօսին  
կղակաց եղեալ կազմեցեր : Փառա-  
ւորեալ յաւետ անբաւ բարձրու-  
թիւն մեծիդ Աստուծոյ , որ փոխար-  
կեցեր զփայտին սլարտիս յազատու-  
թիւն շնորհիդ կենաց . խմաստնացու-  
ցեր վերստին դարձեալ զյիմարս ցըն-  
դեալ՝ հոգեորական հանձարովդ .

կարկառ կուճմամբ զանբժշկութիւն հարուածոց օձին առանց մոռացման միշտ թարգմանեցեր, ընդ Երրորդութեանդ գծագրութիւն զկապն երեքկին իմ վնասակարին՝ ի կատարածին սովլիմբ կրկնեցեր:

Գ. Գովեստ ներբողից բուրմամբ խնկոց վերառաքեմ քեզ, ամենախնամ, զի՞ ստապատիր կողյն բազմ աստուածութենէ առաւել յաճախագունիք որսացար զանձն իմ պարտաւոր՝ ի քո Երկրապատութիւն, խրոխտ և ահարկու նուիրեալ փայտիւս զՃշմարտութիւնն քարոզեցեր, մեծացուցեր այսր պատճառաւ պատշաճականաւ զնոր աւետարանութեանդ պատիւ: Սոյն ինքն աղաղակ բարձրութեան գոչման սպառազինութեանդ քո, արքայ պետութեանց կայսերաց Երկրի տէր Քրիստոս. նշան խրախութեան աւարտման հանդիսի մարտի քո, Յիսուս, յորում իմանալին Փարաւոն կապեալ ըմբռնեցաւ, կռիփիչ հանապազրդեան գլխոյ գագաթան հպարտացեալ չարագործին՝ շերտս այս

տաշեցեալ։ Սովաւ գումարին՝ ի պատերազմի որդիք Սիոնի ընդդեմ աշխարհակալին խաւարի։ տուն իմն ասառածաւանդ կրթութեան կարգեալ՝ ի հեռուստ այս գրօշուածիւղեալ՝ առանց հնանալոյ և կամ խափանման, նշանակիչ ժամանակի ասլադայիցն հատուցման՝ ի բացուստ անդր ծանուցմամբն, ազդակից հանդունանման կենացն փայտի՝ որ ՚ի դրախտիդ Աստուծոյ, կոչարանքարոք հաւաքման փոյթ ընթացիւք՝ ի յարկն օրհնութեան, պատկեր տեսակի տնկոյն գիտութեան՝ ի կարգընարութեան բարւոյն և չարի, յիշատակ մեծ տեսոնագրութեան յերեսս կերպիս հոգւովդ սրբով զնշան խաչիդ, նախազեկոյց աւետամատոյց փառաց գալստեան՝ ի դշխոյն պահեալ սուրբ թագաւորիդ, յորդորիչ քաջալերական մաքրապարիցն խրախնձանութեան, անախտական սիրարկու անձնահամբոյրն կցորդութե շքեղաշուք քողընծայ ամենածին կուսին թագուհւոյ, յարդարիչ ծածուկ պՃնութեան՝ որ ՚ի հո-

դին է վայելութիւն , նմանութիւն  
պատգամին Սինայ , որ 'ի տէրու-  
նեացն արտաքս առաքիւր . միշտ օ-  
րիորդ պանծալի անշաղախ որդւոց  
մայր անարատից՝ սովաւ փառազար-  
դէր :

Դ . Գերագոյն քան զԵրիքովին  
փողովին եղթեւրեայ զբանութիւնն  
ԲԵԼՅԱՐՍՅ սովաւ հարթեալ տա-  
պալեցեր , քարինս արձակեցեր  
պարսիւս այս փայտեայ՝ ընդդէմ  
Գողիաթու , գայիսոն նորոգ կա-  
ռուցեր վկայ ահարկու կործան-  
մանն սատանայի , զ'ի խոր աճեցեալ  
արմատս մեղացն մեքենայիւս այսու  
խլեցեր , զմոռացեալ գործոցս իմ  
պարտիս՝ այսր երախտեօք ընդ իս  
կասկեցեր : Զոր եթէ այլ իմն ձայն  
բանիդ Աստուծոյ տնուանեմնա-  
խասլատում եկաւորութեանն , ոչ  
սխալեմ քան թէ Ճշմարտեմ . 'ի  
տկար ամանս այս նիւթոյ հոգեկրի՝  
մեծութիւն գործոցդ Յիսուս առա-  
ւելապէս պատմեալ հոչակի . բիւրա-  
ւոր օգնականութիւնս վերնասլար-  
դիս և քոյինասուրս 'ի յայսմ անսլա-

տըսպար ապաւինութենէ Երկրա-  
կանաց զարմանագրեցեր :

Ե . Խոստովանեալ անունդ ան-  
քնին մարդասիրիդ բարեխնամու-  
թեան , խնկեալ խորհրդով սրբա-  
մամութեան անդժագրելի կեր-  
պարան լուսոյ , որ կրկնածիր նշա-  
նաւս այսունետս արձակեցեր հե-  
ռաձիգս ձայնատրականս օդաչուս  
և յարմարաթռիչս ունողս յինքեան  
հոգի կենդանի , որով անսխալ հան-  
գիսկմամբ զնպատակն խաւարային  
ազեղնաւորին գաղտնութեան յա-  
ւէտ կործանմամբ . ՚ի յեսս ընկճե-  
ցեր : Եթր զպատնեցս ամրաբերձ բեր-  
դամարտութեան կանգնաւորս ան-  
վայրարկելիս՝ ասառւստանդանօրըզ  
կտեալ դիպուածս այս փայտի զարկ-  
ման հրեշտակ կամարար թշնամ-  
ւոյններհակ վերյուղարկեցեր : Բա-  
նիւ հրամանի մեծիդ ակնարկու-  
թեան , օծութեամբ շնորհիդ ա-  
րեամբ քո խառնեալ՝ զայս եղջեկ  
խեթեկիչ մոլի գուռղին եթր զիսացիդ  
փրկանակ յեսանեալ սրեցեր : Ի  
մեծ ազդմանէ այսը աղաղակի գեր

քան 'ի վերնոցն քանդեալ վերացաւ  
գրանդն ամրութեան կամաց ան-  
վայելուչ և ամէներկըստ խենեցու-  
թեան կարծամտին , ընդ հրեական  
սրտին խմաստից և ստուերական  
տանն կործանութեան :

Զ . Փառաբանութիւն.քեզ վերըն-  
ծայեմ, անմահ թագաւոր , զոր ա-  
րարեր և հաստատեցեր աջովդ քո  
հզօր , աղաչեմ զքեզ , կրկին ներ-  
գործեա : Խնցուցեր սովաւ հեր-  
քեալ առ 'ի մէնչ զիսէթ դժնդակ  
խորամանկութեան բանսարկութին .  
զտաժանական տապ մեղաց , զհողին  
դառնութեան շնչման խաբողին ,  
զտարր արկածից մահու երկիւզի .  
զառ 'ի յօդից ցնդմանէ վիասակար  
բերմունս տիրեցուցիչս , զայսա-  
խառն հեծեծութիւնս թալկացու-  
ցիչս : Ցըուեա վերստին քոյինազէն  
հեծանաւս՝օժանդակեալ թեօք նշա-  
նիդ՝ զտմզս հրածինս , զորոտմունս  
կարկտաբերս , զցաւադին ցոլմունս  
հրախաւար կեղծաւորութեան փրչ-  
ման բազմոտանի վիշտովին , զտուր  
ստակման , զՃակատամարտ դիմեց-

ման, պյարուցելոցն 'ի վերայ վայրեանական խորհրդոց զգիւացն կաքաւս։ Յորմէ զարհուրին յայսմ իրէ փոքուէ՝ տեղի տուեալ մեծաւ դողութեամբ, կիրթ իմն ծանօթութեամբ յայտնի գիտացեալ, թէ յայս ազգձայնի յառնէ տէր 'ի գատաստան։ Եւ խրախուսին յոդի արութեամբ զրահեալ պնդապէս սուսերաւ հոգւոյն Աստուածարեալմարտիկը ամենայն 'ի ձև կանոնի այսր յիշատակի, որ զամենափորձ հրոյն ընտրութենէ գոչմամբ անկերպագրելեաւ համօրէն ազանց քարոզէ, 'ի յօրինաւոր ասալարէզ երջանկաբար նահատակութեան։

Է. Հարաւ ահա փող աւագափող, համբարձաւ սովաւ Աստուածօրհնութեամբ, պատմեցաւ սովիմբ ամենայն երկրի, հնչեաց 'ի լսելիս բաժանման հեթանոսաց, ձայն պահապանաց մեծին զօրացաւ, ըստըանին Եսայեայ, և 'ի նոյն բարբառ առհասարակ ցնծասցուք։ Ցնդեցան ջրոյն առակաւ 'ի ձեռն սորին թըշնամիք խաչին, անպատուեցաւ ձա-

շակն սպազոյ առաջին փայտին, ոռ  
նեցաւ նիւթս այս խորհրդական  
կենաց անուանեալ, անարգեցաւ  
երկաթ առ ՚ի պէտս սպասերազմի,  
իբր զսրբութիւն տեառն ՚ի սանձս ե  
րիվարին մեծին նշանի այս փայտ  
կենաձայն յարմարագրեցաւ, ամ  
փոփեցաւ օծեալս ցպով հովուին  
երկնայնոյ սուր իշխանութե մարդ  
կային ձեռին : Ոչ գծեաց ՚ի քար  
տաճարին մուրճ ինչ գործողի . իսկ  
յաստուածակերտս խորան փայտս  
այս նուիրեալընդ խաչին թեոց սը  
լացեալ զօրէ : Ոչ ՚ի գլուխս ամսոցն  
և կամ յեւթնիցս եւթներորդս յո  
քելինիցն՝ յանկեան ուրեք խափան  
մամբ փողէ, այլընդ ծագս տիեզե  
րաց և ընդ ծիրս եզերաց՝ ՚ի ծոցս  
ջուրց բազմութեան ծովուց և կըզ  
զեաց նոցայաճախ սաստկութեամբ  
անարգել ճայթմամբ իմն աստուա  
ծայնով հնչեցեալ աւետարանէ : Կո  
տորեցան սուսերք սատակողին այս  
փայտի ցուցմամբ, յանօդտակարէ  
անտի մեզ փոխաձեւալ ՚ի խոփս և ՚ի  
մանգաղս :

Ը . Ոչ արձագանք արձանաց 'ի խորոց ինչ գանչութենէ խիստս առաքեցեալ, և ոչ դժնդակապէս ըստ խմաստակի ումեմն օտարի զօդ վերաւորեալ, ոչ անախորժ սրութեամբ ընդ ունկն մտեալ և ոչ զաման ուղղոյն անկամակութեամբ չար թնդեցուցեալ, ոչ ոսկերցն փուշ խրտուցման յանձն բուսուցեալ և ոչ մտացն այլայլ ապշութիւն առաջի արկեալ, ոչ զանգակ նիւթոյ պղնձոյ դանդաշեցուցեալ և ոչքար ընդ վիրդս սալի առանց քաղցրութեան առ նոյն զարկուցեալ : Պարփակարան անխորտակելի նորոյս Սիունի , մի սա 'ի սպասուցն կաղմուածոց արարչաւանդիցն դլսաւորաց , զոր եկեղեցականիքս քրիստոնէից ընդ զետականացն զգուշաւորապէս բարձեալ յանձանձեն . օրինակ ձայնի հրեշտակին , զոր առակողին բան՝ հաւուն կոչմամբ այսու տեսակաւ զայն տպաւորեաց . նոր դործի շնորհի նուագարանաց աւետարանին՝ զարթուցիչ հոգւոյն առ մեզ, քան առ օրհնաբանութիւն

սաղմոսարանին՝ ՚ի վերայ Եղիսէին։  
Սկզբնապար նախընթացութեան  
աղեյարմար ջութակաց բարետաւիդ  
ողբերգարկութեանց՝ բարացուցա-  
կան բամբռան բառացի բարառ-  
նութեանց։ օրինիդ նորոգ այլ իմն  
տեսակաւ առեալ մեզ ընդ հնոյն  
փոխանորդութեամբ, ոչ հեթանոս-  
օրէն ուրուածայն հնչման և կամ  
հրեաբար խակախորհութեան, զոր  
մարդարէն տերամբ ազդեցոյց՝ ՚ի  
բաց արա յինէն, այլ զսա սիրեաց և  
կրկին պատուեաց մաքրական տած-  
մամբ ահարկու դիւաց և ամենայն  
չար պատահարաց։

Թ. Եւ արդ ընկալայ օրհնաբա-  
նութը յարդեալ գովեստիւ զայս  
տուր սրբութեան՝ ինձ պահպանու-  
թիւն և քո փառատրութիւն, քո  
պաշտօն և խմգոհութիւն, անաղանդ  
արուեստ բարձրութեան արարչա-  
կան փառաւորութեանդ։ Այսցե-  
ձայնդ այդ աստուածարեալ ընդ  
պատուաստ յօդիցս շաղկասլու-  
թեան, հանել՝ ՚ի հոգւոյս զպատիրա-  
դիւաց և զմուտս անիծից և մեղաց

ապականութեան : Արասցես լինել  
զայս իր նշանակիչ ջնար ջահաւո-  
րական , անջրելի նամակ , ջատա-  
գով անխափանական տէրունական  
տնօրինականացդ : Ահա պարգևեա  
սովաւ , բարեգութ , աղաչեմ , հզօր ,  
կըկին մեզ շնորհեա պահպանու-  
թիւն՝ ի դիմամարտից յաներեոյթ  
և յերեւելի : Ընձեռեա մեզ , ձեռն  
ամենալի , որ բանաս և մատուցանես  
պատրաստաբար բաշխմամբ՝ ի մա-  
սունս բազմապիսիս , օդոցքաղցրու-  
թիւն , անձրեւաց շայեկանութիւն :  
Պակասեսցինքոյովհրամանաւայսու-  
բարբառովհովմտապախառն , շըն-  
չումն ցաւաբեր , յարձակմունք հի-  
նից չար խարդախութեան . սովաւ  
խափանեսցին ամենայն դիմամար-  
տութիւնք զինուրութեանց դըժ-  
նեայ մատնչին , հալեսցին հատցին  
և մեռցին յերջանիկ ձայնէ օծեալս  
այս փայտէ որդն և ուտիչ , և ամե-  
նայն նմանիք սոցին , որ՝ ի մերոց մե-  
ղաց զօրացեալ ընդ մեզ պատերազ-  
մին : Արմատացո մեզ սովաւ տունկ  
երանութեան զյուսոյդ՝ ի քեզ մեծ

պաշտպանութիւն, սաեղծիչ բոլորից, տէր արարածոց, զայս ծառ Սաբեկայ, որ ունի կախեալ՝ ի գիտակ ոստոցն զաւանդ սուրբ նորոգ այժմու փրկութեանս ծաղկեալքե, Քրիստոս, 'ի պառւղ կենաց անմահականաց : Փախիցեն յանհուն հեռաստան խորին խաւարի՝ այսր փայտի փառաւորելոյ բարեզեկոյց ձայնարձակութեամբ՝ նեսարք ներհակք ստապատիրն ստորնականաց բազմաձեռնեան խարդաւանողաց : Մերժեսցին սովաւ՝ ի յանդոց պըաղատոհմական արօրադրութեց մերոց սահմանաց և՝ ի քո մշակեալ կենդանի երկրէ՝ վէրք վատնիչք և հոյլք մորմոքեցուցիչք . կտրեսցին սովաւ յաւելուածք կրկնատգեղեանվայելու պատահմանց՝ 'ի հնարից չարին 'ի մեղյայտնելոց . իսկապէս վանեսցի սովաւ, որք յերկաքանչիւրոց բնութեցս մերոց վերերեկին ինքնաստեղծութիւնք մերձաւոր դաւաճանողաց, յումեմն օտարին վրիպակ մտածմունս, և յայլումն դարշոյութիւնք անմաքուր զեռնոցն ա-

պականողաց : Փրկեա , տէր Յիսուս ,  
աղաչեմ զքեղ , փրկեա , բարերար .  
կարկառեա առ իս զաջդ ամենա  
գով , և օգնեալ ինձ սովաւ՝ զերծո  
զիս յամենեցունց ընդդիմացողաց :

Ժ . Խառնեսցի միասցի հրաման  
քո 'ի սոյն՝ առ 'ի փոխարկել զա-  
դամանդեայ սիրաս յիմարեալ՝ 'ի  
քոյին բանիդ արդիւնատրութիւն .  
հարցես միսեսցես զայսնեցուկ հրա-  
շեց քումդ սքանչելեաց 'ի սիրաս  
ծորեալս և յոգիս լքեալս , և հաս-  
տատեսցես կազմեալ սկնդապէս 'ի  
կայումն ուղիղ անսասանելի . իսկ  
զանընդուստն կակղացուսցես զարթ-  
նուլ և զգաստ լինել յոգի հեզու-  
թեան աստուածաւանդ քո պա-  
տուիրանիդ , որպէս զՊաւղոսն և  
զՄատթէոսն : Յիշեցո , մարդասէր ,  
պատուեալս այս փայտիւ զերախ-  
տիս խաջիդ , որով զանձառւն ներ-  
գործեցէր . բարձ յինէն , կեցուցիչ ,  
զվաճնդ պարտեացս պանծալիլծա-  
կօք ամբառնալեաց նոր տապանա-  
կիդ : Բացցին կամօք քո , հզօր , 'ի  
յայս ձայն կենաց՝ լսելիք որտից

յամառեցելոց . լուիցեն յայս մեծի  
բարութեան 'ի քումդ ակնարկու-  
թիւն՝ ակտնջք խլից . պարզեսցին 'ի  
ձեռն սորին լեզուք համրացելոց .  
լուսաւորեսցին 'ի սոյն տեսարանք  
աչաց , հայել մաքրապէս 'ի քեզ պը-  
չուցեալ անայլայլաբար . զզջասցին  
դարձցին կազդուրեալ կամք յափ-  
րացելոց . ընձեռեալ տացես , տէր  
տագնապելոյս անձրեւ արտասուաց :  
Եղիցի.քեւ սա մեզլուր ցնծութեան ,  
ձայնուրախութեան , բարբառ բեր  
կրութեան , նուագ հանգստեան ,  
նիւթ երանութե , պատճառ փրր-  
կութեան , առիթքաւութեան , մեր  
ժումն վշտաց , խզումն խեղդմանց ,  
ընդարձակութիւննեղութեց . համա-  
ռօտումն խեթմանց , հալածումն  
հեծութեանց , թեթեռութիւն թա-  
ռաչմանց , յապահովութիւն կա-  
րեաց , կարգագրութիւն կրից , սփո-  
փութիւն վհատմանց , բժշկութիւն  
ցաւոց , տեականութիւն հեղդու-  
թեանց , ուշագրութիւն անտեսիցն :

ԺԱ . Ի յայս կամուրջ ցանկալի  
անխոտոր և անխոտորնակ , և 'ի վեր-

նաշաւիղ բարձրաբերձ սրբահետ  
սանդուղ երկնաչու, առ հայր քո  
օրհնաբան ահաւոր անուն ձգեալ  
մատուցես, բարերար, Հոգւոյդ  
առաջնորդութեամբ միանալ՚իքեզ  
անընդմիջելի. որով և սրբոյ միոյ  
միայնոյ և միասնական տէրութեանդ  
և անեղծ արարչութեանդ՚ի կեն-  
դանեաց և յանշնչականաց հաստե-  
լոց վայելչական գոհութեամբ փառք  
և իշխանութիւն յաւիտեանս յա-  
ւիտենից. ամէն :

## ԲԱՆ ՂԻ.

Աշօթ+ թարգմանօրէն+ վասն որբալոյս իւ-  
ղոյն Սէ-ռոնի :

Ա. Սնկրբ ահաւոր անուն բար-  
ձրեալ անսպատում, անձկութեան  
փափաք յարախորժելի, 'ի սրբեր-  
գենիցն փառատրողաց միշտ սրբա-  
բանեալ բնակեալդ՚ի սրբում, լի և  
ամենազեղուն բարութեամբ առա-  
տաձեռն աննուազելի, լոյս բարի և

ծագումն գովելի , Երկրագետեալ  
փառաւորութիւն , ահեղև անզննե-  
լի , ամէն և յամենայնում : Այսու-  
բանիւ դաշամբք յուսոյ ուխտ ընդ  
քեզ միութեան՝ հզօր , այո , ամէն ,  
ալէլուիայ . գովեալ թագաւոր հա-  
նուրց , Աստուած բոլորից , ստեղ-  
ծիչ գոյից և տէր կամարար , միայն  
առիթ պատճառաւորաց , փրկիչ  
և օծեալ մշտապաշտելի :

Բ . Ուստի մեկնապէս թարգմա-  
նեալ 'ի մեզ զայս գանձ անվաճառ  
և հարստութիւն անփոխադրելի ,  
Յիսուս Քրիստոս արքայ Երկնա-  
ւոր , որում դողութեամբ մեծաւ  
սպասեն անմահականացն ահեղից  
լուսաբերան բոցաշնչութիւնք , կըր-  
կնեալ քեզ յօժարութեամբ 'ի հա-  
ճութենէ անխոտոր մտաց , ծունք  
գոհութեան ստեղծող էութեանց ,  
որ են 'ի տեսման և 'ի ծածկու-  
թեան : Որ Եսդ և էիր միայն բովան-  
դակ ամենեին անպակասելի , առեր  
զմերս իսկապէս համայն , զի 'ի լու-  
թենէ քումմէ լցուսցես . օրհնեալ  
բարեբանեալ , ծանուցեալ յաւեա-

միշտ անքննութեամբ ողորմութք  
մեզ՝ի փրկութիւն , 'ի փառս և 'ի  
գովեստ անձառ բարձրութեան ա-  
հաւորիդ բարերարութեան : Սկըզ-  
բնաձիր օծմանս շնորհի մեծախոր-  
հուրդ հրաշազարդութեան . քան-  
զի լոյս քո մեզ ծանուցեալ ձառա-  
գայթ անհաս . ծագումն անսահ-  
ման , արեգակն անտչառասփիռ ,  
աստղսահմանիչերկակշիռ տարրու-  
թեանց , ճրագ ոտից և լոյս հետե-  
մանց , որով 'ի ցոյցս իմաստից եկեալ  
տեսութեամբ բանիս այսյարմարու-  
թեան , տօնեմբ սպարերգութք հրեշ-  
տակօրէն յստակամսաբար փրկ-  
չավայելուչ կնդրկաւ խնկեալ զպար-  
գեաբաշխ առատատրութիւն ամէն  
իմաստիդ յեւդ զուարթ անբիծ  
դաւանման : Քանզի 'ի սկզբան անդ  
կապտեցելոյ ողորմելի տիրականու-  
թեամբ 'ի փչմանէ բարձրագոյն շը-  
նորհին՝ հայրն իմ սկզբնատեղծ՝ և  
հնացեալ յաւետ մեղացն գերմամբ  
'ի մահ գրաւեցաւ , կապեալ ընդ  
եղծման առականութեան անզերծ  
հանդուցիւ , 'ի ծառոյն սպատճա-

ռաւորեալ յանկումն անյարիր ամե-  
նակործան գլորման , հերքեալ 'ի  
լուսոյ՝ այսր խաւարին վայրի մատ-  
նեցաւ . իսկ դու , գթած տէր ողոր-  
մութեան , քանիզի յաւետ քան ըզ-  
նոյն ծանեար զոր ստեղծեր , և զի  
չեխցի ակնկալութեամբ չեկաց յոր  
ինչ էրն , որով անկարողանայր իս-  
կապէս տեսանել 'ի լոյսն վերին ան-  
մատոյց գերակայութեան անսահ-  
մանելոյդ , ոչ մշտափայլ յարակայ  
վառմամբ անազօտելի տարածանե-  
ցեր , այլ գիշերայնոյն ոտնալսկիրծ-  
մթին արհաւրաց ձեռնկալութիւն  
ձիթոյ՝ շարամանութեամբ նիւթոյ  
պատրուգի ընդ նոյն զանգելոյ՝ յօ-  
րինակ քո անախտ միութեամբ ընդ  
մեզ խառնելոյ՝ մարդասիրասլէս հիւ-  
սեալ կազմեցեր . զի որ 'ի ստուերս  
մահու տարագրեալ գտաք՝ կանխա-  
կօրուստ տնկոնքն պարտեաց , 'ի պատ-  
ճառ իրին ազգակցաւ պտղոյն ջա-  
հաւորեցեալ հաւատոյն վառմամբ՝  
'ի նոյնն գարձցուք խնկաւորութիւն .  
որսլէս և փայտիւն մահու՝ մածմամբ  
քո 'ի նա՝ ածեալ մածուցեր զմեզ .

առակաւ մեծի խորհրդոյն միաւուրեալ՝ի փայտն կենաց :

Գ. Եւ արդ որպէս ոչ է օր լրմամբ առանց գիշերոյ, և ոչ տնօրէնութիւն յարկի առանց ձիթոյ պիտոյից խնդրոյ. քանզի իբր օրինակն հասարակային ոչնուիրաւոր՝ զմարմնաւոր աշաց տեսութիւն լուսաւոր առնէ, նոյնալէս և մաքրեալն քոյինաշունչ շնորհին ընտրութեամբ անխմանալեաւ զաներեւոյթ հոգիս միութեամբ՝ի մեզ անտեսիդ հրաշափառապէս սկայծառացուցանէ : Զի որպէս յիշումն լուսարանի սուրբ աւազանին լուացմամբ մարմնոյն զանձինն հաւատամբ առնուլ սրբութիւն, սոյնալէս 'ի յօծումն իւղոյն սկարարեալ յուսով՝ զհոգւոյն զօրութիւն սովումը և 'ի սոյն համարիմբ ունել ամենայնիւ աներկմտելի : Եւ որպէս հրամանդ տէրունական օրհնաբանելի զքաւութիւն մեղաց ախտացելոցն նախավճռէիր, իսկ ոչ հաւատ ունողացն առ այն՝ բժշկութիւն հրաշալի յանդիմանակաց անդուստ առ նմին մարմնոյն տեսաւ

կի հաւատարիմ վկայ անդարձիցն հաստատէիր , սոյնպէս եւզս այս փրկութեան լուսով կատարեալ՝ հեղեալ 'ի մեզ օծանէ զարտաքին խորանս . իսկ զներքին մարգս աներևակ ծածկապէս մտեալ՝ նոր կենդանածնէ :

Դ . Պատկեր սպանծալի այս զանդուած նիւթոյ արարցիդ երկնի . քանզի որք զիւղոյն կրեցին օդութիւն՝ որ յողորմութենէն շահընծայութիւն , և դու 'ի դովեսաքեզ զայս բան սահմանեալ , թէ ողորմած եմ ես տէր . քանզի որպէս սիրոյն անուան կցորդիս Աստուած , նոյնպէս 'ի մասնէ և այսու զիջեալ դժագրիս՝ ըստ տնտեսութեանն որ առ մեզ : Վեհագոյն մեծութեան խորհրդոյ յարմարաւոր դիմակերպութիւն այս ճարպ սպարարտութեան երկրի թանձրութեան հողանիւթ գոյականութեան . զի որպէս սոյն մասն 'ի կենդանւոյն ոչ 'ի կերակուր հրամայիւր անդ ըստ օրինին . այլ արարչութեանդ բոլորովին պատուղ որոշեւր , նոյն նմանու-

թեամբ ևս և աստանոր իբր զզօրու-  
թիւն՝ տեառն մատչելի յայս աւանդ  
հաճութեան էիդ Աստուծոյ վայել  
չապէս տուեալ նուիրի , հոգւոյս  
հարազատ զուգաճանասլարհ , ա-  
րարողիդ պահեալ ուխտեալ .քան-  
զի ոչ շունչ արեան և ոչ ձենձեր  
ինչ զուարթութեան օրինակ հո-  
գւոյս խմոյ և կարոյս ընդ անդսմա-  
թիւս մսոյն ծախոի , այլ արքայու-  
թեանդ վերնում վիճակի տերունա-  
կան բազմականին ձօնեցեալ Ճաշակ՝  
այս նիւթ ջահաւորական մշտաբոր-  
բոք անազօտելի :

Ե . Ոչ էր մատչելի 'ի նախագա-  
հութիւն արու անդրանիկ դատիչ  
քննողաց , եթէ ոչ օծմամբ ինչ նը-  
շանակէր . ոչ քահանայութիւն 'ի  
յանկոխելին տեղի ձեռնարկէր , եթէ  
ոչ այսու կատարեալ լինէր : Յակոք  
զքարն պատկէր Վիմին , 'ի խոր-  
հուրդ երկար՝ խորանին ընտրու-  
թեան , օծմամբն տպաւորեալ կէր-  
պացոյց . առ որ զիջումն անճառ  
բարձրելոյդ տեսուք սանդղոցն յար-  
մարութեան , և զիս 'ի վեր տանեւ

շին անդուղեկցութեամբն , զար-  
 ձանն իւղեալ կառոյց նպատակ 'ի  
 ցոյցս ապառնեացն յիշատակի : Ա-  
 հարոնեանքահանայութեանն պայ-  
 ծառութիւն հրամանաւ մեծիդ Աս-  
 տուծոյ օծմամբն Ճոխանայր . որով  
 'ի գլխոյ անտի 'ի մօրուսն զեղեալ  
 գերափառիւղոյն զարմանազանկեն-  
 դանսգրութիւն՝ ըստ սաղմոսովին ,  
 զփառաց նախնւոյն առակեր զան-  
 դրադարձութիւն , և զշնորհիդ կե-  
 նաց սրբութեան ընդ մեզ խառնու-  
 թիւն : Թագաւորութիւն ոչ էր  
 պանծալի անդանօր պատկերաւն  
 ստեղծագործիդ , եթէ ոչ եղջերք  
 իւղոյն օրհնութեան ձեռնադրեալ՝  
 պսակաւ պճնութեան թագին յա-  
 նունքո , Քրիստոս , գլուխ ամբառ-  
 նայր : Եւ զիամրդ զնախնին վեհից  
 մոռացայ , զծառայն մեծիդ և ըզ-  
 կերպարանն անպարագրելոյդ . ո՞չ  
 ահա Մելքիսեդեկ յօրինակ Ճշմար-  
 տիդ ահաւորութեան 'ի ձիթաս-  
 տանեաց լերինն , ուր յետոյ ոտք  
 մարմնացելոյդ Աստուծոյ զետե-  
 ղեալ կացին , 'ի վերնոց անտի հրեշ-

տակաց՝ ի պաղոց տեղւոյն իւղեցաւ։  
ուստի շիրմի սկզբնահօրն պաշտպան  
եպիսկոպոսական արքայապատիւ  
Ճոխութեամբ՝ ի քէն հանդերձեալ  
նստաւ, մինչեւ յայտնեցար երեւեալ  
լրմամբ համայն իսկութիւն ադա-  
մային կենագործութեանդ :

Զ. Եւ արդ, քանզի քո են շնորհք  
և քեզ վայելեն գոհաբանութիւնք,  
օրհնաբանեալ որդի Աստուծոյ, գու-  
ինքն յարմարեա բարենշմար ապա-  
ւորութեամբ զաղաչանս իւղաւո-  
րականս խնկապատարս զմռսալիրս  
պատճառ քեզ փառաց, և ինձ մե-  
ղապարտիս առիթ բժշկութեան։  
մատո, տէր Յիսուս, վիրացս ան-  
երեւութից զայս ձէթ լուսանիւթ, և  
արկ՝ ի սոյն խարանս խոցոյ մահա-  
ցուի զկաթուած օրհնութեան իւ-  
ղոյդ փրկութեան անապակ գինեաւ  
սիրոյդ, միութեամբ արարչականաւ  
պատսպարեալ սկատանօք խնամոց։  
զի յիշատակարանս թարգմանիօրէնս  
բանիս մաղթանաց՝ վայելչական իմն  
յարմարութեամբ՝ ի թես հոգւոյդ  
զկարգ իւր գոցէ։ Ի վերայ Դաւ-

թի հոգի քո , բարձրեալ , յայնմ օրէ  
խաղաց , յորմէ օծութեամբն նուի-  
րեցաւ . Սաւուղ յայր յայլե 'ի մար-  
դարէս ոմանս անդուստ իսկ գրե-  
ցաւ , յորժամ օծումն ժամանեցաւ  
գագաթան նորին . արքայութիւնն  
ասորեստանեայց օծմամբն գրաւեալ  
մատուցաւ 'ի կցորդութիւն տանն  
խրայէլի . կայսերս ոմանս նշանա-  
ւորս վեհս և երեելիս 'ի խժականաց  
բարքարոս ազգաց եւզս այս կեն-  
սացնցուղցողովանձրեեալ՝ իբր կար-  
թիւ որսացաւ 'ի յընտանութիւն  
հպատակութեան մեծիդ Աստու-  
ծոյ . բանն որ առ կիւրոս երկնա-  
ւորին պատուասիրութեան՝ զօ-  
ծեալն ձայննմին մեծ վարկաւ . ձայն  
սաղմոսողին գերքան զմարդարէու-  
թիւն զօծեալն անուն նախայարմա-  
րեաց , կանոնափակ ընդ միջարկու-  
թեամբ պատուէր աւանդեալ , մի  
մերձենայք և մի մեղանչէք . առ  
չեղիաս առաքելութիւն աստուա-  
ծային հրամանատրութեանն , նշա-  
նակ իմն հանելոյ 'ի պաշտամանէ ան-  
տի բահաղու , զօծելութիւնն 'ի Քո-

ըեր ազդեաց Յեռւայ և Ազայէլի :  
Իւղ թափեալ անուն փեսայիդ 'ի  
հոգելից բանից իմաստնոյն վերա-  
վկայեալ կանխաւ իսկ գրեցաւ . որ-  
պէս զի հոգին , Աստուծոյ յաւետ  
պատկեր և նշանակիչ , զ'ի փոքուս  
զմեծդ կերսկադրութիւն քեւ նկա-  
րագրեալ՝ ընդ քեզ միասցուք առ-  
մամբ քո շնորհիդ :

Ե . Եւ զի՞ ևս երկարս պատուած-  
օրէնս բացականագոյնս գծագրա-  
կանս և առակաւորս շարագրեցից  
առաջի վերնոյդ և ահաւորիդ մաղ-  
թողական բանաստեղծութիս . տէրդ  
և կենդանարարդ՝ արարիչդ երկնի  
և երկրի 'ի յօծմանէ անտի սկսար  
քարոզել զաւետարանն արքայու-  
թեան , վկայեալ անդուստ 'ի Յով  
հաննէ՝ օծեալ և գառն Աստուծոյ  
բարձող մեղաց աշխարհի : Զի թէ-  
պէտ ընդ օծմանն օրհնութեան հո-  
գին էր քեզ իսկաբար լրմամբ և աս-  
տուածութեանն խառնութիւն բո-  
վանդակապէս , այլ անունն պաշտի  
խորհրդեամբ շնորհին հրաշափա-  
ռապէս ազդելոյ 'ի սուրբոն . զի զըս-

աղրկութիւն ադամեան մարմնոյն մե-  
ծանալ յաւէտ այսու յորջորջմամբ  
պատրաստ արասցես : Բացեալ զա-  
ռածս մարդարէութեանն Եսայեայ՝  
դու ինքն աստուածութիւնդ մար-  
դացեալ ընթերցար . հաւատարիմ  
առնել զբան ծառայից քոց , տէր .  
և իբրև ծանուցեալ եղեր օծութքն՝ի  
կարգ անդ բանին , թէ հոգի տեառն  
՚ի վերայ իմ՝ որով և օծ իսկ զիս ,  
ապա փակեցեր ՚ի հանդիտափառն  
օծելութենէ զորքանութիւն երկա-  
քանչիւրոցն յայտ արարեալ խտրո-  
ցաւ սահմանի՝ ընդարձակ հեռա-  
ւորութեամբ մեծաւ կնքեցեր , ըզ-  
մերս կաթուածով ինչ շնորհազար-  
դեալ , և զքոյդ իսկութեամբ ընդ  
հօր և ընդ հոգւոյդ հաւասարու-  
թեամբ թարգմանեալ : Ի նախա-  
ծանօթ մերակերպութեանն ողան-  
ծալի իմն գովեստիւ՝ օծեալն կոչ-  
մամբ ՚ի հրեշտակացդ փառատրո-  
ղաց արարածոց երկրի ծանուցար :  
Զոր մարդարէն կանխաւ գուշա-  
կեաց զ՚ի Յորդանան , և յընարեւուն  
էառն թաբօրական հայրենի ձայնիդ

եկաւորութիւն . թէ որ պատմէ 'ի  
մէջ մարդկան զօծեալիւր . զոր սաղ-  
մոսին ձայն կանխաւ սպատմէ՝ հզօ-  
րիդ փառաց զայս պատիւ առ 'ի  
զառեալդ ձեռնադրելոյ . օծ զքեզ  
Աստուած՝ Աստուածքո իւղովու-  
րախութեան :

Ը . Հոգիերեսաց մերոցտէր Քրիս-  
տոս . որ է օծեալ անունդ իսկոյն .  
որով զիշումն կենդանութեան 'ի  
դէմս մեր լոյս բարերարութեամբ  
քո ազդեցեր . իմաստութեամբ ու-  
մեմն երջանկի՝ մարդասիրութիւն  
խոստովանելի , ասելով առ ոմն , թէ  
եդ վկայութի առաջի տեառն օծե-  
լոյն . զնոր աւետեացս վկայելով ,  
թէ կօշիկս անդամ ոչ առի յամե-  
նայն մաեղեաց : Երդոցն երդ իւղե-  
փեցական գինի զԱստուծով ծանու-  
ցեալ զլսորհուրդն 'ի գովեստ հար-  
սին սուրբ եկեղեցւոյս՝ զմուռս ա-  
ռաքինութեան հանդերձ ամենայն  
առաջին իւղովն . և ևս զմուռս և  
կնիդրուկ մաքրութեան վարուց ա-  
մենայն փոշեաց անուշից իւղովքն  
զանդեալ՝ անդստին և այսր յառա-

ջաբերեաց : Դանիէլ զկենսատու մա-  
 հուքո , Քրիստոս թագաւոր Երկնի ,  
 'ի վեր քան զօրինակ կոչումն ձայնի  
 զայս անուանագրեալվկայեացյայտ-  
 նի , թէ զկնի վաթսուն և ինն եւթ-  
 ներորդացն սպանցի օծեալն , և օ-  
 ծեալառաջնորդ զքեզ յորջորջեաց :  
 Ճրագակիր աշտանակն Զաքարիայ  
 Աղդովայ՝ որ 'ի Բարեքեայ իւղոյն  
 բարեբաշխ բացատրութեամբ 'ի մա-  
 սունս եւթանց առաջադրութեանց  
 գնդիցն վառելոց՝ 'ի ջահէ անտի զօ-  
 րութեամբ անեկամտաբար վիճա-  
 կաւորեալ , զ'ի քոյդ լրութենէ 'ի  
 մեզ փրկութիւն և օծելութիւն գե-  
 րաբնապէս նախազեկուցեր : Զոր  
 ըստ օրինին անդուստ գուշակմամբ  
 'ի խորանին որ 'ի տաճարին՝ ամէն-  
 ընդել իմն կրթութեամբ սովորա-  
 բար մատուցեալլինէր , պանք բա-  
 ղարջընծայք և նաշիհք իւղովք խառ-  
 նեցեալք , և զուարակք եղանց իւղ-  
 արկեալք , և տիրական անուամբ  
 ձայնեցեալք , և հաւուց ոմանց թա-  
 թաւմամբ յազգակից Ճարապին 'ի  
 յարիւն , այսր խորհրդոյ առձեռն

տեսակը և նշանակիչք յարմարականքը, միածին ծնունդ օրհնաբանեալ մեծիդ Աստուծոյ . միայն դու օծեալ նորոգ և զարմանալի ինքնութեամբ համայն էութեամբ իսկապէս լրմամբ ամենայնիւ անպակասելի :

Յ. Եւ զի՞ւս իցէ բազմապատիկս նշանակել առ այս մեծ խորհուրդ անհասանելի , և ոչ ճաշակել զքեզ, քաղցրութիւն . իմանալ քեւ զայս թէ զի՞նչ իցէ եւղն, եթէ ոչ զտիրութիւնն ՚ի փայտն պարտեաց սովորմբ բժշկեալ, ըստ սաղմոսողին, զուարթ գործեսցես . և զի՞նչ պարարտութիւնն, եթէ ոչ զկերակուրն մահու սովաւ մոռասցուք լցեալ ՚ի սմանէ . և զի՞նչ օծութիւնն, եթէ ոչ զմոխրոյն թշուառ տեսութիւնն ՚ի ձեռն սորին փոխարկեսցուք ՚ի պայծառութիւն յաւէժ ուրախութեան, անուամբ քո փրկեալ յոդի զօրութեան՝ հօր անուանեսցուք . և զի՞նչ արդեւք մարդարէին հոգեսոր ըղձականութիւն ամենատենչ բաղձանացն իցէ իմանալ, որոյ ծերու-

թիւնն առակի ՚ի ձեթ պարարտու-  
թեան , և կամ օծանելն իւղով զգըլ-  
խոյն վերամբարձութիւն , եթէ ոչ  
զի՞ն խարդախութիւն սգոյն սաստ-  
կութեան ՚ի մահ կործանմանն կե-  
նագործեալ գեղովս այս կենաց՝  
պատսպարեալ օժանդակեացես . և  
զի՞նչ ճրագին լուսաւորելոյ շնոր-  
հակալութիւն , եթէ ոչ ՚ի մէջ իմն  
անյուսութեան մեղացն միգի և կռա-  
պաշտութեանն խաւարի՝ կերպակ-  
ցապէս միութեամբ ՚ի յիս Եմմա-  
նուէլ . և կամ զի՞նչ մարդարէն  
աստուածաբանեալ ՚ի սփոփանս  
լուարթարարս օրհնութե՝ նշանակ  
յայտնի վայելքապէս ոմանց աւետէ,  
օծցին իւղով ՚ի մըրոյ սլարզելոյ . և  
կամ իմաստունն ՚ի գիմաց հարսինն  
ասէ օրիորդացն , հաստատեցէք զիս  
իւղով և գեղեցկազարդ խնծորով  
յարկեալ ծածկեցէք , և ՚ի պարտէզ  
իւղենեաց տածեալ գրդեցէք , եթէ  
ոչ այսր ահա ընտրական նիւթիւ-  
հոգւովդքո լցեալ ՚ի սոյն լոյս տես-  
յուք զանիմանալիդ ՚ի մեղբարձրու-  
թիւն գովեալ : Եւ արդքեզ , միայն

ինամակալ, պատճառ բարի բնաւից եղելոց, ձեռն համբառնամտարածմամբ բաղկացս, Երիկամանցադործակցութեամբ, սրտիս հեծութեամբ, լեզուիս և շրթանցս ձայնարկութեամբ։ Լուր ողորմութեալէր, պաղատանացս խնդրուածոցառքեղկարդալոյս։ Հնորհաւորեալայսու պարգևօք՝ գոհաբանութիւնքեղ վերնծայեմ, հզօր ահաւորբարձրեալ անքնին, անփակ փափաքմամբ միշտ համբուրեցեալ, սուրբ սուրբ և միսյն միշտ սուրբ, օրհնեալ հանապազ յաւէժ անդադար երգածայնութեալ։ Ընձեռեա առաւելբարերարութիւն՝ ի սոլառ վրիպելոյս։ տուր յոյսքաղցրութեան՝ ոչ մասին միոյ մատուցման լուսոյ արժանաւոր ինչ հանդիպելոյս, լայնելքեւ, բարի, զնըըութիւն ծածուկ խորհրդոյս, գրգութիւնն խառնեալ ընդ աղերս՝ ասել ընդ Դաւթի, ընկալաք Աստուած զողորմութիւնքո, և զծածուկս գաղտնեացդ անտեսից՝ իմաստութեամբ քով յայտնի արարեր։

Ժ. Եւ արդ մեծութիւն քեզ, ամենակալառատաձեռն աննուազելի, ամենափոյթ առ ՚ի գթութիւն, մըշտայօժար ՚ի բժշկութիւն, զի միացուցեր խառնեցեր ընդ մերձաւոր հիւրագիւտ ընտանի նիւթոյս ըզհրաշս անձառս քումդ սբանչելեաց սհաւորութեան: Քանզի զոր երկին ամենայն բարձանց՝ երկրիս լայնութեամբ և անդնդոց ներքնոց խորութեամբ՝ ծովուց բազմութեամբ ոչ զօրէ տանել, այլ իբր զդոյզն ՚ի մեծէ բերի, ՚ի փոքր գոյս տեսականեցեր զօրութեամբ՝ սահմանեալ ճշմարտապէս անհրապուրելի . զի մի նորոգ իմն երևելով յայլ էութենէ՝ առ աչս հարեւանցի երեականութիւն ինչ վարկանիցի, վիրատրել քան թէ բժշկել անընտրաբար զկարծիս մտաց: Քանզի որպէս մարմին քեզ հաւաստապէս, օրհնաբանեալ որդի Աստուծոյ, իսկութիւն և ոչ օրինակ ՚ի յարդեանցն ցորենոյ արարչասպէս միշտ հանդերձեցեր, և կայլակ կողիդ զարիւն խաղողոյ, և արդանդ կենաց հոգեոր

ծննդեանն զառատութիւն ջուրց  
յոլովութեան , նոյնպէս և զհոգի  
անմահիդ փշման սովաւ և 'ի սոյն  
արդիւնատրեցեր . երկունք կենաց՝  
որոյ կերպարան յառաջ եկելոյն և  
ոչ հեթանոսութեամբ է փոխարկու-  
թիւն , որպէսոչ տեառնագրութեան  
խաչական փայտի ինչ երկրորդու-  
թիւն . նստելոցս յերկրի խաւարի  
ըստնմանութեանքո , տէր , ծագե-  
ցեր : Քանզի յայս կերպարան շը-  
նորհի զանպակաս լրութիւն անհա-  
սիդ յայտնեալ աշխարհի լուսաւո-  
րեցեր , զի մի տնանկն կարօտասցի և  
մի ընչեղն բարձրամտեսցէ , ըստօդոյ  
հաւասար բաշխման և լուսոյ արե-  
գական տարածման և ջրական վտա-  
կաց զեղման . զի հաւասարապէս  
բաշխիւր երկրածնաց մանանային  
զուգամասնութեամբ՝ փոքունցն ո-  
ռաւելքան մեծամեծացն :

ԺԱ . Իսկ այս նիւթոյ տեսաւ-  
րութիւն խորին խորհրդոյ և 'ի  
բնուստ անդուստ հրաշապէս ունի  
զթարգմանութիւն . որպէս զի ոչ  
երկմիտ ինչ շութափութեամբ ան-

հաստատապէս զաեղի փոխէ , և  
ոչ նենգողաբար զբնակութիւն ին-  
քեան լքանէ . քանզի ոչ վերջնակա-  
նօք աճառովք հերքի , և ոչ յընդ-  
դիմակցէ ումեքէ ողողեալ արտաքս  
ելանէ : Վասն զի որպէս պատահու-  
մըն գունոյ յէութիւն մարմնոյ ան-  
փոփոխ իմն և անհրաժեշտ , որ գո-  
լովն գոյացուցանէ և ոչ գոլովն ա-  
պականէ , այսպիսեաւ իմն յարմա-  
րութեամբ իւղոյս զօրութիւն ան-  
դըստին 'ի յիւրոց անտի կերպարան  
զառեալն ունողի միասնական զու-  
գութեամբ ընդ մեզ իսկ կցորդեցեր,  
տէր Յիսուս Քրիստոս , ընդ իրին  
գոյի և զօրինակն լծակցելով . քան-  
զի զանիմանալին տեսութեան աչաց  
և մտաց ըղձից 'ի գէմս բերեալ կեր-  
պաւորեցեր , 'ի պազոց երկրի Ճըն-  
շեալ մզելով զարմանալեօք հրա-  
շագործութեամբ մատակարարիլ  
մեզ պատրաստեցեր : Մանաւանդ  
ոչ զի յոլովնց խառնից 'ի մի եկե-  
լոց խմբակցութենէ զանազան ծազ-  
կանց , ըստ հնոյն և ստուերին բազ-  
մաբուրեան այլայլութենէ , զայս

եւդ օծութեան հրամանատրեցեր .  
 այլ իբր զօրինակ փոխեալ զայն առ  
 այս՝ դու ինքն խառնեցար 'ի սոյն  
 մաքրութիւն վերնալոյս ձիթոյ : Որ  
 թէսլէտ անձառ են համեղութիւնք  
 քումդ անուշութեան , և ընդ օրի-  
 նակաց իրիք ոչ համեմատի , այլ ծա-  
 զիկ գաշաի և շուշան հովտաց և նար-  
 դոս ընտիր և եղեգնախունկ խառ-  
 նեալ հալուեիւ , յարմարութեամբ  
 հոտոյ.քրքմոյ՝ փթթեալ ողկուզոյ և  
 աղնիւ գինւոյ , ոչ սոսկ քան թէ  
 իւզոյ միութեամբ պատշաճապէս  
 օրինակեցար փառաւորեալ անունդ  
 անքնին , որ զամենայն ընուս , և յի-  
 րի իմեքէ ամենելին ոչ կարօտանաս :  
 Ուստի ոչ շփոթելովք 'ի հակառա-  
 կաց բռնադատութեց բաժանեալ  
 կամաց մեկին առակի , այլ 'ի սի-  
 րոյ հաւանութենէ աստուծապէս  
 'ի մէնջ սկարարիս , վասն մեր ըստ  
 մեզ առ ամենայն վայելչական նմա-  
 նութիւն օրինակեցեալ . առ որս  
 ըստ բարի և հուր չեռուցիչ , տապ  
 սիրոյ առանց մասին ինչ շնչման  
 անդթական սառնացրառութեան այս

զանգուած նիւթոյ կաթուածոյ ձի-  
թոյ մաքուր մտաց տեսեալ իմանի,  
որով յիրաւի սովաւ 'ի յԱստուած է  
միանալի : Ընդ Սողոմոնի օծելոյ որ-  
դեգրեցելոյ Աստուծոյ երգեմ բե-  
րանով հարսինն երկնաւոր փեսայ-  
ից, բարեբան գոհաբանութիւն,  
համբուրեալ 'ի յիղձս մտաց զհոտ  
իւղոցքոց քան զամենայն խունկս, և  
իբր զբանս կենացյաւիտենականաց  
ունողի, ըստ հոգելից բանի իմաս-  
տնոյն և աստուածաբան աւետա-  
րանչին, զհետ քո 'ի հոտ իւղոցքոց  
ընթասցուքլուացեալզերեսսջուրբք  
կենաց • որ 'ի վեր է քան զերկին  
օդոյս այսորիկ, և օծեալ զգլուխս  
անախտական իւղովդ երկնայնով  
յանդիման եղէց քեզ ուրախու-  
թեամբ, զուարթապէս և ոչ տիրա-  
բար :

ԺԲ • Այս եւղինկելի պաշտելի  
և երանելի, ոչ սոսկ օծումն ուղղոյս  
սենեկի, և կամ հերաց վարսից գա-  
գաթան նպաստ ինչ մատուցանի,  
եթէ ոչ տէրունական կենսատու-  
խաչիւդ տեառնագրեսցի: Սոյն եւղ

զարմանահրաշ օրհնութեան լուսոյ  
զհրեայն և զխուժն՝ զհնդիկն և զբար-  
բարոսն՝ զսկիւթացին և զելլենացին՝  
զդուժն դժնէաբար և զարհաւրա-  
տեսակ շանագլուխն սոսկավիթխար,  
զտէրն ազատ և զստրուկն ծառայ-  
ածին՝ քրիստոսեան արարեալ, ա-  
նուամբ քո կնքէ, և Հոգւոյդ սրբոյ  
ընծայէ, և Հօրդ Երկնաւորի հարա-  
զատ որդի հաստատէ : Բազմօրինակ  
են սովլաւ արուեստից տեսմունք  
յարմարեցեալք նախ նիւթոյն, ա-  
պա զօրութեանն : Քանիզի իբր ա-  
նօթ փայտեղէն մինչ չե օծեալիցէ՝  
գիւրաբար հերձի և անօդուտ ե-  
ղեալ անսկատուի, նոյնպէս և մարդ  
ոչ իւղեալ սովաւ՝ հեշտեաւխորտա-  
կի, և մեկուսի եղեալ առ ՚ի քէն՝ ոչ  
լուսաւորի : Մատն սա քո, Յիսուս,  
որով զհրաշալիսն զարմանագրես.  
Քանիզի իբր անդժելի կազմութեամբ  
կարծր պահպանակաւ՝ ամենա-  
պատրաստն շրջարկութեամբ պաշտ-  
պանեալ ծածկէ յայլագունակ  
խրթնի եկամտից . մինչ զի այսու  
մաքրութեամբ թաթաւեալն՝ ի սմա

ոչ ներկի արեամբ , և ոչ տխրատեսակ երփնիւ այլայլի : Կա զի և թափանցանց իմն խառնութեամբ հոգեպէս ընդ թանձրութիւն մերոյս գոյութեան մտեալ անցանէ . զի թէ անէծք սաղմոսողին ձիթոյ առակաւ ընդ ոսկերս չարին համայնիւ բաշխի , ո՞րչափ ևս հոգիդ սոյն ճարպով լուսոյ զաներևոյթ ներքնոյն տեսակս կենագործեալ ողջացուցանէ , ազդումն տուեալ 'ի խորոց անտի շնչման հագագին՝ մինչև 'ի սպառուած ծայրիցն եղերաց ըզբնաւն ընկղմէ զյիշատակ մարմնոյ մահուն արկածից . քանզի կենդանական զօրութիւնքո միշտ ահաւոր, տէր Յիսուս Քրիստոս, 'ի սմինխառնեցեալ ընդ սոյն իսկ բնակէ :

ԺԳ . Այս օծումն բարետեսիլ և առ բռնամարտիկ մերկամրցանակ ըմբիշս իբր զօրաւոր հնարից կերպարան ճգնաւորական անըմբունելի ձեռաց ներհակին օրինօք սլաշտի, գիւաց և ախտից հզօր ահարկու : Քանզի յոքնապաճոյն պՃնութիւն բանին Եղեկիէլի առ իմանալին Փա-

բաւոն, հենգնաւոր առակագրութեամբ ողբականօք շարայարմարեալ, յորժամ եղեր, ասէ, և հանդերձեցար ընդ օծելոյ քերովքէին, ուր արձանիքն հրեղէնք հաստատեալ կառուցան: Օրհնաբանեալ ահաւորութիւն ամենավայր ձեռնկալութեան, որ միշտ անձառ. ես բանից և գերազանցեալ քննութեց, որ աւետարանաւն կենաց խնկիս յարակայ իբր նորածին օծեալ 'ի քաղաքէ Դաւթի, և 'ի քահանայապետին հարցմանէ, դու ես օծեալն որդի օրհնելոյն, և յերանաւորն դաւանութենէ Պետրոսի օծեալ միայն որդի Աստուծոյ կենդանւոյ, և յապահաւատ քննողացն, եթէ դու ես օծեալն, ասեն, ասամեզ համարձակ. և 'ի կանոնականացն քոց հաւատամբ յօծեալդ ուսուցիչ և տէր տմի. և Հերովդէս յառաջքան զսոյն զօծեալդ անուն յայտնապէս հարցեալ. և զիարդ գրեն, դու իսկ ասացեր, զօծեալն Աստուծոյ զտէրն Դաւթի զանկիզքն որդի՝ ժամանակաւ որդի:

Քանզի տյսպէս ընկալաք վայելչա-  
բար զայս թարգմանեցեալ, որ 'ի  
մեղքերի ծայրն կատարման խոր-  
հրդական կոչմանն՝ վիճակքրիստո-  
նէից նախապատութեան :

ԺԴ. Այնքան ունի ահաւորու-  
թիւն միանգամայն և սրբութիւն  
իւղաւորական խնկաւորութիւն սոս-  
կալի անունս օծութեան, մինչ զի  
որպէս ոչ է համարձակել ուրուք  
յերկրայնոցս աստուած անուանիլ՝  
այլ աստուածային, նոյնպէս ոչ բերէ  
մարմին զՔրիստոսդ անուն անձին  
համարել, այլ զՔրիստոնեայն . ան-  
տանելի նախնւոյն մեծութեան մը-  
կըստչին՝ ջուրը զհոգին հրաւիրողին.  
Քանզի չեմես, ասէ, օծեալն, այլ  
առաքեալ առաջի նորա : Սովաւ  
շնչին, որպէս բանն ազդէ աւե-  
տարանչին Մարկոսի, առաքելա-  
կանացն լծակցութիւնք, իբր ազ-  
դակից հարազատ ձեռինդ Աստու-  
ծոյ՝ այսու վարեցեալք . քանզի իւ-  
ղով օծանէին և առանց մարդկային  
հնարից անուամբքո բժշկէին : Վասն  
զի որպէս խաւար 'ի լուսոյ և ցաւ-

յառողջութեալ, գիշեր ՚ի տունշենէ և  
մահ ՚ի կենաց, այսպէս և ՚ի սոյն իրէ  
տիրապարգևէ ամենայն չարին երեւ-  
ոյթք մերժին խափանին և բնաւին  
ամփոփին։ Քանզի որպէս ճանձք  
զազիրք և փոքր զեռունք սարդից և  
ունկնամախից իբր' ի դեղոց մահույայս  
նիւթոյ սպառեալ պակասին, սոյն  
պէս լրութեամբ շնորհի օրհնութեալ  
սոյն եւլ զօրացեալ՝ զայսս վանէ  
և զմուրհակս չարեաց ջրէ և զվճիռ  
մահու սպատառէ։ Ոչ է աւազան  
կատարեալ՝ առանց օծման օժան-  
դակութեան։ Եթէ աւազակացն  
մահու խոցման զմարդն առաջին,  
այս դեղ փրկութեան մատուցեալ  
տուաւ։ Եթէ անձարակ վիրացն  
Յակոբայ և Խորայէլի, սոյն իր պա-  
տուական յիշատակեցաւ։ այս իւղոյ  
փափաքեալ Դաւիթ՝ իբր ձիթենի  
ստղալից ՚ի տանն Աստուծոյ յու-  
սով յարակայի, լքեալ զթլփատու-  
թին՝ անդստին զմկրտութեանս շնորհ  
գուշակէ։ Եւ զի՞ է ինձ զայսմանէ  
ճառել և համայնին կարծել հասա-  
նել, որ և ոչ վերինքն զօրնն ձեռն-

արկութեամբ ինչքանի զսոյն խոր-  
հուրդ՝ ի մասնաւորէ ինչ ձարելով  
նշանակել, թողում ասել՝ թէ յիս-  
կութենէ :

ԺԵ • Փառքքեղ միշտ և յամենայ-  
նի, անմահ թագաւոր, 'ի յայժ-  
մու երգեցեալ օրհնաբանութեանս,  
զոր արարեր և կատարեցեր առ իս,  
բարեխնամ գթած և երկայնա-  
միտ, հարուստ և առատ ամենայաղ-  
թող . անդստին 'ի հարցն գծա-  
դրելով զօրինակն՝ մինչեւ 'ի լուսին  
ածեր զիսկութիւն ճշմարտապէս :  
Դու լոյս իսկ բնութեամբ և արե-  
գակն մշտապայծառ, և զաշակեր-  
տացն գաս լոյս անուանեցեր,  
որով զարարածս ամենայն երկրի  
ճառագայթիւք երջանիկ շնորհի  
նոցին լցուցեր : Ընկալար զեւզն ա-  
նուշութեան յումեմնէ 'ի յոտս՝ յօ-  
րինակ ընդունելութեան մաղթա-  
նաց առ քեզ, և 'ի միւսմէ պոռնկէ  
'ի գլուխ՝ նշանակ սիրոյ գթու-  
թեանդ առ մեզ . մշտափափաքբաղ-  
ձանօք անսահմանելիդ 'ի սոյն հոտո-  
տեալ, մինչ զի ուխտիւ անփոխա-

գրելեաւ օրէնս յարակայս օրհնաբանելիս՝ քոյինահրաման պատուէրս կենաց ընդ համօրէն աշխարհ քարոզել զսակաւածեռն իւղոյն յարգաւորութիւն, զարմանս հրաշից լսողացն առ ապառնեացն յուսագրութիւն։ Դուք օծութիւն ունիք զսրբոյն՝ ասաց երջանիկն առաքելութեանց, մեկնեալ զխորհուրդն որ 'ի մեզ զեղեալ յառաւելութենէ կենդանարարիդ անպակաս բովանդակութեան։ Ուստի յաւետ իմն յարմարաւոր և հանգունատիւպ առ 'ի մասնաւորն նմանութիւն լուսոյդ և հոգւոյդ սրբոյ՝ այս կաթուածօրհնութեան 'ի վերնոյդ բարեբասաութեանց անսպառաբար սրսկեցեալ 'ի մեզ, և ասի լոյս իբր զնախաթիւ գոլստեղծուածոց և արարչութեանդ պատկերակից, որով զխաւար մթութեան մեղաց հալծես. իսկ հուր, զի յամենայն տարր արարածոց հաւասարապէս ունի զուգութիւն ըստ էականին կշիռ բաշխութեան, ծածուկ և յայտնի, լուեալ և ծանուցեալ. և եթէ ոչ

ընդհարցի 'ի հակառակէն , ոչ յինքնասաստ յօժարմութենէ բաղձայ բորբոքիլ : 'Դարձեալ և օծումն , զի արքայաբար որդեգրեալ ընդ քեզ 'ի ժառանգութիւն հօրդ մատուցես . ողորմութեանդ ազգակցաւնկարեալ 'ի մեղ անեղծանելի՝ 'ի հանդերձեալ փառսն փայլեսցուք . դարձեալ և հոգի , զի մաքրեալ զարկածս խաբէութեանն՝ որ 'ի բանսարկուին ներգործութենէ , նորոդ փոփոխմամբ հոգւով և ճշմարտութք հօրդ երկնաւորի երկլապագեսցուք , բեեռեալ ընդ քեզ յուաոյն հաւատովք , ամենապարգեւ :

Ժ 2 . Ահա արդարեւյաւէտ իսկապէս եւզս այս լուսապատար խնկալիր՝ վերնականիդ սիրոյ տեսութիւն : Վասն որոյ և Պաւղոս իսկ սպատշաճ վարկաւ 'ի Ճառ գոհաբանութեանն՝ ասելով յայտնի , որ օծ զմեզ ձեւք հանդերձ 'ի Քրիստոս Յիսուս Աստուած է , որ և կնքեաց զմեզ և ետ զաւհաւատչեայ հոգւոյն 'ի սիրտս մեր . և դարձեալ՝ մի , ասէ , տրտմեցուցանէք զհոգին սուրբ Աստուածոյ ,

որով կնքեցարուք յաւուրն փրկու-  
թեան : Պատկառելի և անվանելի  
օծութեանս յորջորջութիւն՝ իբր ՚ի  
նորումն յաւէտ քան ՚ի հնումն .  
Քանզի բանն դաւթեան սաղմոսին  
զտիրական տնօրինականացդ սկըզ-  
բնաւոր կրիցդ խորհուրդ՝ ճշմարտա-  
բար վերասահմանէ , ժողովեցան  
կուտեցան իշխանք ժողովրդոց վասն  
տեառն և վասն օծելոյ նորա : Մար-  
դարեութիւն մեծ տպաւորեալ զան-  
սրբելի արեանդ պարտիս հրէա-  
խումբ չար մոլեգնութեանն՝ որ ՚ի  
տէրդ յանդգնութիւն , ովէ որ ձգի-  
ցէ զձեռն իւր յօծեալն տեառն և քա-  
ւեսցի . քանզի թէ և յաղգայնոյն  
սպանաւ Սաւուղ , այլոչ ՚ի սպառ  
մերժեցան յամօթ և ՚ի նախատինս  
աղդաց օտարաց , մինչեւ արեանդ Աս-  
տուծոյ հաղորդեալ դտան : Գրա-  
ւական մեծ յիշատակի ապագայիցն  
ժառանգութեան աղօթանուէր ա-  
զերսարկութիւն ասել սաղմոսիւն ,  
վասն Դաւթի սիրելոյ քոյ մի դար-  
ձուցաներ զերեսս քոյօծելոյ քում-  
մէ . և դարձեալ , նայեա և տես յե-

րեսս օծելոյ քոյ, և արա ողորմութիւն ընդ օծելոյ քոյ :

ԺԵ · ԶԵՌԻՆ ՔՈ, ՓՐԻՍՏՈՍ, ԵՐԿՐՈՊԱԳԵՎԱԼ ԱՎԱՐԳՆԱՏՐՈՒԹԻՒՆ ԱՅՍ  
ՀԻւթ լուսակիր, քանզի ոչ այլ մեծ  
բարձրութիւն յարքայութեանն Ճո-  
խութենէ ասէ մարգարէն 'ի դի-  
մաց քոց, տէր, քան թէ գտի զԴա-  
վիթ ծառայ իմեւ իւղով սրբով իմով  
օծի զնա : Ուստի կիրթ իմն յիշա-  
տակաւ զքոյդ համբուրեալ լուսոյ  
օծութիւն, տէր Յիսուս Փրիստոս,  
ծանիցուք զքեզ անփոփոխ մշտնջե-  
նաւորութիւն, թէ դու ես ամե-  
նայն և յամենայնի միայն թագաւոր  
թագաւորութեանց, և Ճշմարիա  
օծեալ իւղելոց, փառաբանեալ  
երկրոպագութեամբ երէկ և այսօր:  
Քանզի զոր օրինակ պատրոյդ թա-  
ցեալ 'ի Ճարպում ոչ երևեցուցանէ  
ինչ նշոյլ՝ մինչև հուրբ լուցեալ վա-  
ռիլի, սոյնակէս և այս օծութիւն  
լուսոյ առ 'ի մեզ հեղեալ 'ի հան-  
գերձեալսն ջահաւորի : Այս է կեր-  
պարանին մեկնաւոր բացերեսութիւն  
'ի նախնեացն և այսը բերեալ բա-

ըենչան իմն յարմարութեամբ՝ հրա-  
շապայծառ երանգաւ գունեալ:

ԺԼ. Արդ այսոցիկ պատճառ վե-  
րագոյն մասանց կեցուցչաց աստուա-  
ծականաց արարչութեղ հարազատաց,  
առանց որոյ ոչ է գրիւ քրիստո-  
սեան, և ոչ նազովրեցի անուա-  
նիւ, և ոչ յիշատակիւ յորդիս Յու-  
դայի, և կամ խրախոյս բառնալյա-  
նուն Աստուծոյ Յակոբայ, այս հիւ-  
թականութիւն օրհնութեան ձի-  
թոյս, յորում սուրբ Երրորդու-  
թիւնդ խառնեցեալ միաւորի, Ճա-  
ռագայթ շնորհաց, շուք մերոց դի-  
մաց, նկարագրութիւն երեսաց, բա-  
րեձեռութիւն պատահմանց, լուսա-  
ւորութիւն աչաց, տեառնագրու-  
թիւն բբաց, վայելչութիւն այտից,  
զարդ կերպարանաց, պահպանա-  
րան շրթանց, հանդերձիչ կրօնից,  
յարմարիչվարուց, շաղկապ հաւաք-  
մանց, զօրութիւն անձանց, ուժգ-  
նութիւն դիմեցմանց, խափանիչ  
յուռթից, քակտիչ հմայեկաց, նա-  
հանջիչ ձեռնածուաց, խայտառա-  
կիչ կախարդաց, դտիչ աղանդից,

բռնախոյեան դիւաց , փարատիչ  
ցաւոց , կատարիչ կնքեցելոց , աեն-  
շանք Երախայից , անզնին արտա-  
քնոց , հիացումն հեթանոսաց , նա-  
խանձարկու անհաւատից , մերկա-  
ցուցիչ գաղոնեաց , յարգանք յետ-  
նոց , փառք ստրկաց , պՃնումն կա-  
նանց , աՃեցումն տղայոց , հրՃուանք  
ծերոց , ձեռնադրիչ նուիրելոց ,  
զգուշութիւն մաքրոց , պսակ թա-  
գաւորաց , Ճոխութիւն արքայից ,  
յառաջադրութիւն կայսերաց :  
Քանզի զոր օրինակ աման ինչ կըն-  
քեալ՝ նշանակիչ իմն է ներքնայնոցն  
մեծագնութեան , նոյնալէս բար-  
ձրութիւն շնորհին 'ի մեզ սովաւ-  
ծած կեցեալ յանունքո , Աստուած-  
տէր Յիսուս Քրիստոս , վայելչա-  
կան իմն տեսակաւ ծանուցեալ  
նշանակի : Լսկ անունն իսկոյն ան-  
դըստին 'ի նոյն յորջորջեալ կոչմամբ  
ըստ հոգելից արանց իմաստնոց՝ որ  
յեգիսկացւոց անտի սկսեալ , 'ի  
դէմս ածելով զիրին կերպարան՝  
ահաւոր խորհրդոյ պատկեր :

Ապիս արքաւսյան Տ-ղոյն Մի-ռոնի :

ԺԹ. Քանզի միռոնս այս օրհնաւ  
բանեալ, զոր մարգարէն կանխաւ  
լոյս աչաց գրեթէ զսոյն աղերսեալ  
խնդրէր, ըստ քերթութեանն բառի  
որ ըստ խտրութեանն Հոմերոնի,  
թարդմաննեալ իմանի, ինձ մայր •  
այսինքն է՝ առ ՚ի յինքն ձգող զմերս  
բնութիւն զօրապէս, և կայուն հաս-  
տատել չքնաղ փոփոխմամբ զջուրց  
լուծականութիւն առ աւազանին  
լուսաւորութիւն. և իբրև զդեղ մա-  
ծուցիչ կաթին՝ ՚ի նոյն ինքն յեղա-  
նակել զցնդեալս իմ վայրագութիւն  
և զաղբերց հեղեղեալ մշտահոսու-  
թիւն : Իսկ մառնամուտ՝ որ և այս  
միւռոն, ըստ այլում բառի ցուցա-  
նի. այս ինքն է մթին, որ և խաւար-  
չուտ գոլ և ծածկեցեալ կամանտե-  
սական . որ և սոյն կոչումն դիմա-  
ռութեան չէ օտարացեղ . քանզի  
արդարեւ յիրէ անտի անունն նշա-  
նակի. վասն չի անքնին է այս խո-  
րութիւն յաւէտ քան զամենայն

սրբութիւն սրբոց : Զի ոչ եթէ  
ջրոյ օրինակաւ զաղտ ինչ լուանայ ,  
և կամ հացի բնութեամբ զսիրան  
հաստատէ . այլ նորոգ իմն յարմա-  
րութեամբ 'ի մասունս ազդողակա-  
նացն տնօրինապէս տեառնագրի .  
սակայն անհասութեամբն վերնա-  
կանաւ և զանունն ունի անքնին :  
Քանզի որպէս Աստուած իսկ և իսկ  
'ի լոյս անմատոյց ասի , իսկ անսահ-  
ման փառաւորութեամբն յեղանա-  
կաւ իմն անբաւութեան 'ի խաւար  
անզնին ծածկեալ խմանի , փակեալ  
արտաքուստ 'ի ձեռնարկութեանց  
մերոց խմաստից , նոյնպէս և այս  
ծորումն լուսոյ 'ի լեզուաց ոմանց  
ճարտարաց 'ի ճահ ճեմութեանց  
դրականապէս անուանադրութը  
մուայլ առձայնի , վասն ոչ զօրելոյ  
երկրածին բնութեան զիսկն դիտե-  
լոյ : Իսկ զերկաքանչլւրս աստուա-  
ծականացն անդստին յինքեան հա-  
րըստաբար տիրապէս ունի . քանզի  
'ի կոչումն անուան բարձրելոյն նմա-  
նակերպեալ՝ կրկին մեծանայ եւզս-  
այս նուիրեալ ամենաբուրեան ազ-

նիւ կնդրկաւ . վասն զի Աստուած  
մեր հուր ծախիչ է ըստ Մովսեսի ,  
և դարձեալ լոյս է ըստ Յովհաննու .  
ուստի և Եսայի ճշմարտապէս  
զսոյն ակնարկէ , եղիցե , ասէ , լոյսն  
Խրայէլի 'ի հուր :

Ի . Դարձեալ այլիմն կերպացու-  
ցանելով զբանս առ 'ի նոյն պատ-  
կեր յայտնութեան իրի . վասն զի  
ոչ մոռանամ զիմն նողկութիւն՝ որ 'ի  
գթութենէ մեծիդքաղցրացաւ՝ վե-  
րըստին գովեստիւ օրհնել . քանզի  
Մեռայ , որ է դառնութիւն , այս  
ինքն նշանակիմն յարմարական չար-  
չարաւոր կրից տաժանմանց , որ և  
միւռոն սառւգաբանեալ մեկնապէս  
ըստ մեզ՝ մեռելութեան ազգակա-  
նութիւն : Քանզի այսու օծմամբ  
հոգեօրականաւ խզեալ կամ հա-  
տեալ 'ի սնուտիասէր մահակերպա-  
րան տաղտկազազրական հեշտու-  
թեանց հակառակովի և կամ զար-  
կուած վերածածկութեան մընար-  
հեստ ուժգնաբարբառ . խրոխտա-  
հնչական կազմուածոյ թմբկիս գոր-  
ծականութե ջրացիր իմն դիջութիւ

Դանվայելուց թուլադաշնակեալ՝ 'ի  
ստորև կորստեան քարշէ զօրինակ  
մերս գոյութեան, կասլիմքյուսով  
վերստին դարձեալ ընդ անձառ  
խորհրդոյ խաչի քո, Քրիստոս,  
միրտեալք 'ի մահ կենդանւոյդ՝ ան-  
վախճան կենացդ սովաւ հաղորդիմք  
'ի քեզ իսկ Աստուած համայնիւ  
խրախուսեալ 'ի սպառ ամենեին ան-  
հատուածելի:

Իս • Այս եւզ զդրօշեալն քառա-  
կուսեան յանուն քո, Յիսուս, նշա-  
նի բարձրելոյդ հաւասար հաստէ.  
Հնորհ ընձեռեալ զուգափառ և  
նմանատիպ արեան կեցուցչիդ նոյն  
անվանելի փառօք սպակեալ մեծա-  
ցուցանէ: Փայտ անուանի իւղոյ օրհ  
նութեան, ըստ մարդարէին կան-  
խաձայնութեան, զ'ի հասարակաց  
կազմեցեալ բուսոց անտառաց զօ-  
րապէս ուղղեալ՝ 'ի խակութենէ  
չարին արկածից և օտար կարծեաց  
'ի ստեղծողդ վերաբերեալ առ նոյն  
նիւթս կենաց հասուն ներդործէ:  
Զ'ի և որ 'ի մեզ մաիցն պատուհա-  
նաց մշտաբացիկ թափանցանցու-

թիւնք, յանուն մեծութեան ահաւորիդ զօրութեան՝ ի խոհական իմն համեստութիւն քեւ տեառնագրեցեալ առ ՚ի յըղձակերտ օթեվան հոգւոյդ՝ անազդելի պատրանաց չարին խաւարահողմ խարդախողին, այսու լուսով զսպեալ ամփոփիմք՝ ի նուագ գոհութեան երեկորեան պաշտաման ընդ երկնայնոցն դամբարաց՝ առ օրինակ վառման շնորհիդ որ ՚ի մեզ. ՚ի սոյն յիշատակ փրկութեան բարեացն սովաւ անկեցեալ ծագի, և ծաղկաւէտ եղեալ սլտղածնի, ՚ի սպաս ընթրեացն պատրաստութեան յետնում գիշերի ՚ի մեծիդ գալստեան. ահա զայս լոյս ճրագի համարեալ ՚ի կիր արկանեմք:

Ի՞ն. • Դարձեալ ըստ գծադրացն գումարութե քսան և չորիցն շարագրութեան՝ որ յալփափեաց անտի վերաթուի մինչեւ ՚ի քսան երորդ երկրորդն կարգի, յորում զայս խորհուրդ խորութե անտուստ թարգմանեալ՝ ճաշակ հեշտալի որոց հաղորդեն ջամբել պատրաստեմք:

ամենակազմյարմարութեամբ. քանզի յութսներորդէ անտի գրոյ ՚ի չորեքհարիւրն փոխաբերեալ՝ ստուդաբանօրէն քննութեամբ ընդ ձիթոյն անուան նիւթ ճշմարտագրի. որ է կերպարան արդեան խըմորոյ յինքն բերողի զղանգուածն զօրեղապէս. որ ոչ սակաւն ՚ի յոլովէն պարագայի, քան թէ ՚ի նոյն իրն դարձուցեալ, ըստ աւետարանական առակին, զամենայն առ ինքն վերաբերեալ աճեցուն առնէ:

Ի՞՞. Սոյն եւղ հեղութեան միշտ համբարձման և խոնարհութեան օրինակ և նմանութիւն, առ ոմն կակուղ պատառաւ մատուցեալ ջամբի, հարթակիու և բարեյարմար բանի կերպարան՝ խկ համայնից լուծականած հոսանուտ և ստորածորելի նիւթից գերափառ վերացնական հրաշափառ խորհրդոյ պատկեր. քանզի և յաման ինչ մորթոյ արկեալ՝ ոչ ըստ գինւոյ ձեռոյ և կամ ջրոյ թացութեան մեղկէ, այլ ի սահման պատշաճին պահէ: Այս պէս ընկալեալ զքոյոցդ բարեաց

անհաւասար առաւելութիւն որդի  
Աստուծոյ կենդանւայ, զսրբանուէր  
այս օծելութիւն 'ի ճակատ գի-  
մացս արեամբքո գրեմք, և 'ի բնու-  
թիւն շնչոյս հոգւովքո տպաւորեմք  
հաւատացեալ խորհրդով մտացս.  
Եթէ յաւէտ յայտնեսցի նորոգ փայ-  
լեցեալ բազմաճաճանչ ծայրարձա-  
կութեամբ 'ի տարածումն յոդ-  
նատեսիլ զարմանահրաշ ընդարձա-  
կութեան պտուղ իւղոյ ընծայեալ  
զլոյս 'ի փառս ապառնեացն հան-  
գերձելոցն : Այս Ճարալ հոգեոր-  
երջանիկ և վերնանշոյլ 'ի դէմս ե-  
րեսաց իմս պատկերի՝ քումդ նշա-  
նաւ ջահաւորեսցի :

Ի՞՞ . Եւ քանզի իբր անհաս ոչ  
ըմբռնական այս մեծ զօրութիւն  
արագ սլացմամբ 'ի թես թեթես  
մտաց պայմանի, անդրքան զկարծիս  
ուշոյ իմաստից անհուն հետևման  
անհետ փախստեան՝ լայն իմն միջո-  
ցաւ 'ի սպառ որոշեալ, փակեցաւ  
յինէն, ոչ օրինակեցաւ կցորդաւ,  
ոչնմանեցաւ զուգամասնութեամբ,  
ոչ սահմանեցաւ ձեակերպութք,

ոչ կշռեցաւ ընկերին չափով .  
այլ ահա ընդ աստուածեան  
խաչիդ նշանի հաւասարութեամբ  
սրեան կեցուցչիդ հոգիապէս գե-  
րազանցեցաւ : Եւ արդօրհնեա զմեզ  
տէր , սովաւ և 'ի սոյն . ևս և անունդ  
քո ահաւոր , լուսաւոր , երկնաւոր  
և զարմանաւոր , 'ի գովեստ փառաց  
անձառից մաքրակրօնից բուրվառաւ  
ինկեալ , սուրբ , սուրբ , անքնին ,  
անսպատում , բարձրեալ , ողորմած ,  
վերերգեալ , ճշմարիտ , բարերար  
և սուրբ , արա սովաւ փրկութիւն ,  
տուր և քաւութիւն , պարզեեա  
բժշկութիւն , հանդերձաւորեա շր-  
նորհ , առատաձեռնեա երանու-  
թիւն : Յօծումն այս ձիթոյ եր-  
կնանձրե լուսոյ անարատ գոայց .  
յիւղեալս այս թեզան բանաւորա-  
կան մի մոցէ և մի գրաւեսցէ տիսրա-  
կանութ աղտոց մեղանաց՝ շաղախել  
երբէք զոգւոյս կերպարան : Եղիցի  
սոյն ինքն որոց մատչին օծանիլ սո-  
վաւ հարսնապաճոյճ պանծանօք  
պՃ՛նել գեղայօրէն սուրբ վայելչու-  
թեամբ՝ երջանկապէս յոգի զարդա-

րեալ։ Եղեցի հուրս այս լուսափառ  
և աստուածաձիր՝ մերձեցելոցն ՚ի  
սոյն ընտրութիւն մուխ կրկնեռաց  
և բարեփափաք ջերմութեան այլ  
յօրինուածոյ, որով ամենայնիւ ա-  
մենապատրաստ պնդութեամբ՝ ՚ի  
կարծրականումդ անսասան վիմիդ  
յարակայեցեալ միշտ արձանացայց  
՚ի քեզ հաստատեալ աներկմտելի։  
Այցի նշանակ վերնամրցանակ այսր  
պարգևի սովաւ վառելոցն, ոչ ողո-  
վիլ ջուրբ, ոչ այրիլ հուրբ, ոչ  
ցրտանալ ՚ի սառնութենէ, ոչ միա-  
սակար հողմով շիջանիլ, ոչ աղտե-  
ղիլ յուրուական ինչ պղծութենէ,  
ոչ զպահեալն չարին մատնել, և  
ոչ ՚ի ստորև ելիցն զմթերս գան-  
ձուն կենաց յիմարաբար արտաքս  
հանել։ ոչ անալատսակար մնալ ՚ի  
թւոց քոց օգնականութենէ, և ոչ  
զէացեալն ՚ի մեզ օծութիւնն անմա-  
քրապէս ՚ի բաց մերկանալ։ Այլ ե-  
ղիցուքքե ՚ի սոյն հրացեալ, սովիմք  
պարարեալ, սովաւ լուսաւորեալ,  
այսու արդարացեալ աղատացեալ  
և ճադաւորեալ։ Եւ քեզ միայնոյ

միայն օծելոյ յամենեցունց օրհնութիւնք երգոց, ալէլուք լեզուաց, հնչմունք ձայնից, յաղթանակութիւնք դովեստից, բարեբաստութիւնք շրթանց, սրբաբանութիւնք սաղմոսաց, ընդ հօր և հոգոյդ սրբոյ յաւիտեանս յաւիտենից . ամեն :

Այս ի մ յեռագիւղիւն 'ի սըբութիւն, և այս աըյանագրութիւն 'ի սըբութեանց սըբութիւն :

## ԲԱՆ ՂԴ.

Ալեքսանդր յառաջած կը ինն հեծութեան նորին հակողի առ նոյն ազերս մաղթանաց բանի .

Ի իսրայ սըտից իսօս+ ընդ Աստոծոյ :

Ա. ԱՍՏՈՒՅԾ յաւիտենական, բարեբար և ամենակալ, ստեղծիչ ըւսոյ և յօրինիչ գիշերոյ, կեանք

՚ի մահու և լոյս ՚ի խաւարի, յոյս  
ակնօւնողաց և երկայնմտութիւն  
տարակուսելոց, որ ամենարուեստ  
խմասութեամբ քո դարձուցանես  
յայդ զստուերս մահու, աննուազ  
ծագումն և անմուտ արեգակն .  
քանզի ոչ զօրէ ծածկել զփառս  
տէրութեան քո խաւար գիշերոյ .  
որում կրկնի ծունը երկրպագու-  
թեան ամենայն եղելոց երկնաւորաց  
և երկրաւորաց և սանդարամետա-  
կանաց . որ լսես զհեծութիւն կա-  
պելոց և հայիս յաղօթս խոնարհաց  
և ընդունիս զխնդրուածսնոցա Աս-  
տուած իմ և թագաւոր իմ, կեանք  
իմ և ապաւէն իմ, յոյս իմ և վստա-  
հութիւն իմ, Յիսուս Քրիստոս Աս-  
տուածդ ամենայնի, սուրբդ հան-  
դուցեալ ՚ի հոգիս որբոց, միսիթա-  
րութիւն վշտաց և քաւարան մեղու-  
ցելոց, որ գիտես զամենայն յառաջ  
քան զլինելնոցա . առաքեազպահ-  
պանողական զօրութիւն աջոյքո , և  
փրկեա զիս յերկիւղէ գիշերի և ՚ի  
գիւղ չարէ : Որպէս զի զյիշատակ  
սոսկալի և սուրբքո անուանիդ միշտ

համբուրեալ շրթամբք հոգւոյ ըդ-  
ձութեան շնչոյ, կեցից պահպանեալ  
ընդ այնոսիկ՝ որ կարդան զքեղ 'ի  
բոլոր սրտէ :

Բ . Եւ 'ի դրոշմէ խաչի քոյոյ  
նշանիդ , զոր աստուածային ա-  
րեամբ քո ներկեալ նորոգեցեր ,  
և 'ի նոյն շնորհ որդեգրութեան  
զմեղ մկրտեցեր , և 'ի փառս պատ-  
կերի քո նկարեալ յօրինեցեր ,  
այսու սլարդեօք աստուածականօք  
ամաչեսցէ սատանայ , քակտեսցին  
մեքենայքն , բարձցին որոգայթքն ,  
պարտեսցին մարտուցեալքն , պա-  
կասեսցին զէնքն սայրասուրք , մեր-  
ժեսցի մէգն , փարատեսցի խաւարն ,  
մէկնեսցի մառախուղն : Բազուկ քո  
հովանասցի , և աջ քո կնքեսցէ .  
վասն զի դթած ես և ողորմած , և  
անուն քո կոչեցեալէ 'ի վերայ ծա-  
ռայից քոց : Եւ քեզ ընդ հօր հո-  
գւովդ սրբով փառք և իշխանութիւն  
յաւիտեանս յաւիտենից . ամէն :

## ԲԱՆ ԴԵ ·

Աւելուստին յառաջարած իրին հէծութեան  
նորին հակողութ առ նոյն աղեցս մաղթանաց  
բանի .

Ի խորոշ սրբից խօսի ընդ Աստուծոյ :

Ա . Արեգակն արդար , Ճառա-  
դայթ օրհնեալ , լուսոյ կերպարան ,  
փափաք անձկութեան , բարձրեալ  
անքնին , զօրեղ անպատում , բարւոյ  
բերկութիւն , յուսոյ տեսութիւն ,  
դովեալ երկնաւոր , թագաւոր փա-  
ռաց , Քրիստոս արարիչ , խոստո-  
վանեալ կեանք : Եւ արդ զթերու-  
թիւն վըրիպանաց բազմասիալ ձայ-  
նի եղկելոյս ամենազօրդ բանիւ  
լցեալ , մատուցես յաղերս հաճու-  
թեան Հօր քում բարձրելոյ : Որ  
վտան իմ'ի փորձ եկիր անիծից , կեր-  
պարանեալ զիմ նմանութիւն , ա-  
մենեին կենաց օրհնութիւն , վեր-  
նոց և ներքնոց բարեխնամող տեսուչ

համայնից : Զի թէ յանձն առեր մեռանիլ վասն իմ , Աստուած և տէրդ բոլորեցուն , ո՞րչափ հաճես ցիս առաւել և այժմ վտանգաւորս կրից կարեկցէլ , ընդ իմ պարտաւորիս միշտ աղօթելով աղդակցաւ մարմնոյդ առելոյ ՚ի մէնջ առ համապատիւդ քո Հայր :

Բ . Եւ վասն արեանդ պատուականի միշտ մատուցելոյ ՚ի հաճութիւն կամաց առաքչիդ , բարձցին վտանգդք մեղուցեալ դատապարտելոյս , թողցին պարտիքն , ապաքինեսցի ամօթն , մոռասցին պատկառանքն , բարեգործեսցին դատակնիքն , սատակեսցին որդունքն , վերասցի լան , հանգարտեսցէ կրծումըն ատամանցն , սպառեսցին ողբքն , հատցին արտասուքն , մերժեսցի սուգն , հալածեսցի խաւարն , վասնեսցի հուրն սաստկութեան , հերքեսցին տանջանարանքն բազմօրինակք :

Գ . Եկեսցեն գթութիւնք կամողիդ և պարգևողիդ կենաց ամենից , ծագեսցի լոյսդ , արագեսցէ փրկու-

թիւնդ , հասցէ օգնութիւնդ , ժամանեսցէ այցելութիւնդ , կանխեսցէ ցողդ ողորմութեան , յառաջեսցէ արբուսցէ զանդաստանս պատքեալ՝ անկեալ ոսկերացս թշուառութեամբ'ի վիհն մահու . ծաղկեցուսցէ պտղաբերեսցէ բաժակդ երկնաւորարեան կենարարիդ զերկիրս ինամեալ աւուրն լուսոյ , որ անծախապէս միշտ պատարագի յիշատակ կենաց փրկութեան հոգւոց ննջեցելոց : Զի ամենայնիւ մահացեալ հոգիս մարմնովս մեղաց՝ շնորհօքքո , գթած , 'ի քեզ զօրացեալ քենորոգեցայց , զատեալ'ի մեղաց անմահ կենդանութեամբ'ի յարութենարդարոց , Հօր քում օրհնեցեալ : Ընդ որում քեզ փառք , և Հոգւոյդ սրբոյ բարեբանութիւն վայելչական գոհութեամբ , այժմ և միշտ և յաւիտենից . ամեն :

## ՅԻՇԱՏԱԿԱՐԱՆ ՄԱՏԵՆԻՍ ԴՊՐՈՒԹԵԱՆ

Ըստ հոլովման ընթացից ամանակաց յառաջ շարժութեան, որ ըստ լրապատարն նշուլադեղն արփիաճաճանչ լուսակիրն օրակշիռն մղտափարատն ակնապարար ականն արեու՝ ստեղծականն արուսեկի, որ համբարէ հոլովէ կուտէ ամաց յոլովութիւն՝ ի չափս դարուց շնչասպառ և կենդանանորոգ առուղեկան յաւիտենիս, 'ի յաւարատումն կատարման իններեակ յոբելինին, 'ի սկիզբն պսակելոյ մտի տասնեկին յաբեթական տոհմիս տումարի յետերից ամաց անցելոց՝ որ զկնի գալստեան 'ի կայս և 'ի կոյս կողմանց հիւսիսոյ դիմաց արեելից՝ յաղթող և մեծ կայսերն Հոռոմոց Բասլի յորժամ ընդարձակ և մակագաւիթ կանոնաւսփիու տարածէր՝ լիասահման և անխորոց 'ի ստուարակարկատ կոթողս կարծր արձանաց՝ 'ի ձգումն ձեռին և յանխզելի լարո պարանաց

Երկարագունից՝ անթարթափ'ի նոյն  
 վերասլացեալ'ի յաջեյահեակ՝ սեստ  
 հականելյաւելուլբաժինս մասանց  
 վիճակաց խմբից աշխարհաց 'ի ծոց  
 իւր . արդ 'ի յայնմ անդորրու-  
 թեան միջոցի , յորում եզերեալըն-  
 դոտնեցաւ թշնամին եկեղեցւոյ ,  
 ստացեալ հիմնեցի , կառուցի , կար-  
 գեցի , կուտեցի , արձանացուցի ,  
 դիզի , բարդեցի , կացուցի , ցուցի ,  
 հասատելով'ի հրաշակերտութիւն  
 միագոյ իրի զբազմաստեղնեան  
 դրուագս դրութեան այսմ սովիերի  
 արգասաւորի , ես Գրիգոր կրօնաւոր  
 քահանայ , յետին բանահիւսաց և  
 կրտսեր վարժապետաց , դործակ-  
 ցութեամբ եղբօր իմոյ ընտրելոյ  
 Յովաննէս կոչեցելոյ՝ Նարեկայ մե-  
 ծափառ և բարձրապատիւ ուխտի  
 վանականի , որքիբրեզմի մարմին բա-  
 նական 'ի յերկուց առ մի կերպարան  
 շինելոյ դիմաց կենցաղավարելով ,  
 ոչ միայն հարազատք , այլ և միա-  
 շունչք միակրօնք համապատիւք  
 զուգահաւանիք , 'ի քառից աչաց առ  
 մի ենոյն շաւիլիսորհրդոյտեսեալք:

Արդ հայցեմք ՚ի ճաշակողացդ  
յայսմ սեղանոյ յոքնօրէն և ախոր  
ժահամ հանդերձելոյ՝ յիշատակել  
զմեզ ՚ի մաղթանս ուղիղս և ՚ի սկատ  
կանաւոր խնդրուածս, սեռն սի-  
րով ՚ի միտս բարիս. որով և դուք  
եղիջեք դրեալ ՚ի մատեանս կենաց  
վերին դպրութեանն :





## ՑԱՆԿ ԱՆՈՒԱՆՑ

---

- Աբերոն . 388 .  
Աբրահամ . 174 . 292 . 306 . 395 . 442 .  
Աղամ . 257 . 281 . 377 . 405 .  
Աղդով . 555 .  
Աղին . 256 .  
Ազայէլ . 552 .  
Ահարոն . 57 . 292 . 395 .  
Ահարոնիլ . 437 .  
Աղաղէկ . 11 .  
Ամասիա . 37 .  
Ամբակում . 360 . 498 .  
Աննայ . 174 .  
Ասորեստան . 282 .  
Աստարտ . 337 .  
Արթուն . 811 .  
Աւստացի . 272 .  
Աքար . 145 . 405 .

- Աքիա . 268 .  
 Բաբիլոն . 8 . 382 .  
 Բաբիլոն . 102 . 103 .  
 Բահաղ . 361 . 551 .  
 Բասիլ . 591 .  
 Բարեքէս . 555 .  
 Բերհեզդա . 324 .  
 Բեթսայիգա . 12 .  
 Բելիար . 111 . 158 . 288 . 290 . 362 .  
     374 . 481 . 517 . 531 .  
 Բեղզելեռւզ . 291 .  
 Բեսելիէլ . 440 .  
 Գալիլիա . 12 .  
 Գողիաթ . 531 .  
 Գոմոր . 806 .  
 Գրիգոր . 592 .  
 Դադան . 388 .  
 Դանիէլ . 43 . 104 . 395 . 555 .  
 Դաւիթ . 8 . 12 . 57 . 59 . 79 . 80 .  
     87 . 182 . 215 . 282 . 282 . 291 . 322 .  
     324 . 329 . 331 . 336 . 344 . 360 . 395 .  
     397 . 403 . 427 . 550 . 558 . 566 . 566 .  
     568 . 572 .  
 Դերաքրիստոս . 521 .  
 Եղիպտոս . 11 . 433 .  
 Եղեմ . 223 . 284 . 470 .

- Եղոմ. 107 .  
 Եղեկիա . 291 . 329 .  
 Եղեկիէլ . 134 . 190 . 230 . 307 . 396 .  
     565 .  
 Եղը . 153 . 283 .  
 Եղիազար . 59 .  
 Եղիաս . 438 .  
 Եղիսէ . 388 . 537 .  
 Եղիսէոս . 438 .  
 Եմմանուէլ . 193 . 557 .  
 Ենովք . 59 .  
 Եսայի . 8 . 15 . 43 . 130 . 231 . 281 .  
     299 . 323 . 361 . 534 . 553 . 578 .  
 Երիքով . 353 . 531 .  
 Երեմեայ . 12 . 107 . 113 . 210 . 282 .  
     299 . 329 . 385 .  
 Երուսաղէմ . 12 . 113 . 130 . 133 .  
     181 . 211 . 212 . 382 .  
 Եւա . 471 .  
 Եփրեմ . 12 . 107 . 489 .  
 Զաքարիա . 244 . 295 . 360 . 410 . 555 .  
 Զորաբարէլ . 442 :  
 Թագուհի . 530 .  
 Խահակ . 292 .  
 Խօրաէլ . 11 . 14 . 14 . 33 . 34 . 96 .  
     108 . 111 . 111 . 112 . 281 . 292 . 343 .

- 351 • 410 • 490 • 551 • 568 • 578 •  
**Լիբանան** • 15 • 49 •  
**Ճայդան** • 12 •  
**Ծուր** • 12 •  
**Կայէն** • 405 •  
**Կափառնառմ** • 12 •  
**Կեղըն** • 9 •  
**Կիւրոս** • 551 •  
**Հաբէլ** • 296 • 435 •  
**Հեղիա** • 362 •  
**Հեղիաս** • 209 • 551 •  
**Հերովդէս** • 566 •  
**Հոմերոն** • 576 •  
**Հոռոմք** • 591 •  
**Հսկող** • 411 •  
**Մանասէ** • 37 • 289 •  
**Մատթէոս** • 540 •  
**Մարիամ** • 187 •  
**Մարկոս** • 567 •  
**Մելքիսեդեկ** • 549 •  
**Մեղքոմ** • 337 •  
**Մեռա** • 354 • 578 •  
**Մկրտիչ** • 567 •  
**Մողոք** • 107 •  
**Մովաք** • 220 •  
**Մովսէս** • 9 • 12 • 74 • 194 • 214 • 264 •

266 • 292 • 324 • 329 • 339 • 362 • 395 •  
433 • 437 • 440 • 578 •

**Յակոբ** • 8 • 83 • 181 • 214 • 323 • 338 •  
351 • 442 • 548 • 568 • 574 •

**Յէու** • 552 •

**Յոբ** • 35 • 107 • 153 • 138 • 224 • 212 •  
329 • 355 • 395 •

**Յովաս** • 396 •

**Յովէլ** • 111 • 280 •

**Յորդանան** • 205 • 353 • 433 • 553 •

**Յուդա** • 12 • 43 • 104 • 133 • 145 •  
489 • 490 • 574 •

**Նարեկ** • 592 •

**Նէսարք** • 592 •

**Նիկիա** • 201 • 428 •

**Նոյ** • 79 • 395 • 440 •

**Շամբին** • 306 •

**Ոզիէլ** • 440 •

**Ոողա** • 306 •

**Ոողիբա** • 307 •

**Ովսէէ** • 154 • 490 •

**Պաւղոս** • 9 • 56 • 16 • 160 • 297 • 303 •  
329 • 335 • 371 • 540 • 571 •

**Պետրոս** • 59 • 69 • 283 • 396 • 566 •

**Պոլիկեանիք** • 434 •

**Ռեփան** • 108 •

- Ապեկ • 454 • 539 •  
 Ասմարիայ • 130 •  
 Ամուէլ • 266 • 507 •  
 Արայ • 175 • 306 •  
 Ատանայ • 157 • 353 • 365 • 380 • 531 •  
     587 •  
 Աւուղ • 145 • 266 • 403 • 551 • 572 •  
 Ավիլրա • 406 •  
 Աւովա • 8 •  
 Ախա • 108 • 531 •  
 Ախոն • 443 • 530 •  
 Ախովն • 536 •  
 Առգոմ • 11 • 387 •  
 Առզոմոն • 80 • 263 • 267 • 272 • 273 •  
     370 • 442 • 563 •  
 Տարտարոս • 83 • 100 • 140 •  
 Տիւրոս • 231 •  
 Փագովը 266 •  
 Փարաւոն • 38 • 389 • 433 • 529 • 565 •  
 Քամովս • 337 •  
 Քանան • 11 • 43 •  
 Քաջի արանց • 393 •  
 Քորավն • 12 •  
 Քորեք • 209 • 551 •  
 Քեւան • 290 •

Ա Խ Ե Տ Ա Բ Ա Կ Ք

Բ Ժ Ը Կ Ո Ւ Թ Ե Ա Ն



# Ի Մ Ա Տ Թ Է Ո Ս Ւ

## Ա Խ Ե Տ Ա Ր Ա Ն Ք Ն



Տ է ւ մ է ր Յ է ս ս ս ս ս ս ս ս ս :

Ե ի շ ը ջ է ր ը ն դ ա մ ե ն ա յ ն կ ո ղ մ ն  
գ ա լ ի լ ե ա ց ւ ո ց . ո ւ ս ո ւ ց ա ն է ր ' ի ժ ո ւ  
զ ո վ ո ւ ր դ ս ն ո ց ա և ք ա ր ո զ է ր զ ա ւ է ւ  
տ ա ր ա ն ն ա ր գ ա յ ո ւ թ ե ա ն , և բ ժ ը շ  
է ր զ ա մ ե ն ա յ ն հ ի ւ ա ն դ ո ւ թ ի ւ ն ս ` և  
զ ա մ ե ն ա յ ն ա խ տ ս ' ի ժ ո ղ ո վ ր դ ե ա ն ն ։  
Ե ւ ե լ լ ո ւ ր ն ո ր ա ը ն դ ա մ ե ն ա յ ն ե ր ։  
կ ի ր ն ա ս ո ր ւ ո ց . և մ ա տ ո ւ ց ի ն ա ռ  
ն ա զ ա մ ե ն ա յ ն հ ի ւ ա ն դ ս , ո ր ն ե զ ե ա լ  
է ի ն ' ի պ է ս պ է ս ց ա ւ ս և ' ի տ ա ն  
ջ ա ն ս , և զ դ ի ւ ա հ ա ր ս և զ լ ո ւ ս ն ո ա ս  
և զ ա ն դ ա մ ա լ ո յ ծ ս , և բ ժ շ կ է ր ա ց զ ն ո  
ս ա : Ե ւ ե ր թ ա յ ի ն զ հ ե տ ն ո ր ա ժ ո ւ  
զ ո վ ո ւ ր դ ք բ ա զ ո ւ մ ք ' ի գ ա լ ի լ է է և ' ի  
Դ ե կ ա պ օ լ ե ա յ և յ Ե ր ո ւ ս ա ղ ե մ է և ' ի  
Հ ր է ա ս տ ա ն է և յ ա յ ն կ ո յ ս Յ ո ր դ ա ն ա  
ն ո ւ , և բ ժ շ կ է ր ա ց զ ն ո ս ա :

ՏԵՐՆ ԱԵՐ ՅԻՒՌԱՆ ՎԲՐԴԻՒԹՅԱՆ

ԱՅԼ իբրև էջ 'ի լեռնէ անտի,  
գնացին զկնի նորա ժողովուրդք  
բազումք : Եւ ահա մատուցեալ բո-  
րոտ մի՝ երկիր պագաննէր նմա և ա-  
սէր . տէր , եթէ կամիս , կարող ես  
զիս սրբել : Զգեաց զձեռն իւր և  
հասոյց 'ի նա Յիսուս , և ասէ . կամիմ  
սրբեաց . և վաղվաղակի սրբեցաւ 'ի  
նմանէ բորոտութիւնն : Եւ ասէ  
ցնա Յիսուս . զգոյշ լեր , մի ումեք  
ասիցես . այլ երթ ցոյց զանձն քո  
քահանային , և մատու զպատարագն՝  
զոր հրամայեաց Մովսէս 'ի վկայու-  
թիւն նոցա :

ՏԵՐՆ ԱԵՐ ՅԻՒՌԱՆ ՎԲՐԴԻՒԹՅԱՆ

ԵՒ մտեալ 'ի կափառնաում ,  
մատեաւ առ նա հարիւրապետ մի ,  
աղաչէր զնա և ասէր . տէր , մանուկ  
իմ անկեալ կայ 'ի տան անդամո-  
ւոյծ չարաչար տանջեալ : Ասէ ցնա  
Ըիսուս , ես եկից և բժշկեցից զնա :

Պատասխանի ետ հարիւրապեսն և  
 ասէ . տէր , չեմ բաւական եթէ  
 ընդ յարկաւ իմով մտցես , այլ ա-  
 սա բանիւ , և բժշկեսցի մանուկն  
 իմ : Քանզի և ես այր մի եմ ընդ  
 իշխանութեամբ . ունիմ ընդ ինք  
 զինուորս , ասեմ սմա Երթ՝ և եր-  
 թայ , և այլում թէ եկ՝ և գայ , և  
 ծառայի իմում . թէ արա զայս , և  
 առնէ : Իբրև լուաւ Յիսուս՝ զար-  
 մացաւ և ասէ ցայնոսիկ որք զհետն  
 երթային . ամէն ասեմ ձեզ և ոչ  
 յիսրայէլի այսպիսի հաւասս գտի  
 երբէք : Բայց ասեմ ձեզ՝ զի բա-  
 զումք յարեելից և յարեմտից ե-  
 կեսցեն և բազմեսցին ընդ Աբրա-  
 համու և ընդ իսահակայ և ընդ  
 Յակոբու յարքայութեան երկնից .  
 և որդիքն արքայութեան ելցեն ի  
 խաւարն արտաքին . անդ եղիցի  
 լալ և կրծել ատամանց : Եւ ասէ  
 Յիսուս ցհարիւրապեան . Երթ և  
 որպէս հաւատացերդ , եղիցի քեզ .  
 և ողջացաւ մանուկն նորա յաւուր  
 յայնմիկ :

Եւ եկեալ Յիսուս ի տուն Պե-

տրոսի , ետես զի զոքանչ նորա ան կեալ դնէր տապացեալ , կալաւ զձեռանէ նորա . և եթող զնա ջերմն . յոտն եկաց և պաշտէր զնա :

Իբրև եղեւ երեկոյ , մատուցին առ նա գիւահարս բազումն , և եհան զայսսն բանիւ , և զամենայն հիւանդսն բժշկեաց : Զի լցցի բանն որ ասացաւ 'ի ձեռն Եսայեայ մարդարէի . նա զհիւանդութիւնս մեր վերացոյց և զցաւս մեր եբարձ :

Եւ իբրև անց յայնկոյս յերկիրն գերգեսացոց , պատահեցին նմա դիւահարք երկու ելեալք 'ի գերեզմանացն չարաչարք յոյժ , որպէս զի չէր հնար անցանել ումեք ընդ այն ճանապարհ : Եւ ահա աղաղակեցին և ասեն . զի կայ մեր և քո , Յիսուս որդի Աստուծոյ , եկիր տարաժամ տանջել զմեզ : Եւ էր հետագոյն 'ի նոցանէ երամակ մի խոզից արօտական . և դեքն ազաչէին զնա և ասէին՝ եթէ հանես զմեզ աստի , հրաման տուր մեզ երթալ յերամակ խոզիցն : Եւ ասէ ցնոսա , երթայք . և նոքա ելեալ

գնացին յերամակն խոզից . և դիմեաց ամենայն երամակն 'ի դարէ անտի 'ի ծով . և մեռան 'ի ջուրսն . և խոզարածքն փախեան . և երթեալ 'ի քաղաքն պատմեցին զամենայն , և զիրս դիւահարացն : Եւ ահա ամենայն քաղաքն ել ընդառաջ Յիսուսի . իբրև տեսին զնա՝ աղաչէին զի գնացէ 'ի սահմանաց նոցա :

### Տէ՛ մէր Յիսուս Քրիստոս

ԵՒ մտեալ 'ի նաւ անց յայնկոյս և եկն 'ի քաղաք իւր . և ահա մատուցին առ նա անդամալոյծ մի՝ որ դնէր 'ի մահիձս . և տեսեալ Յիսուսի զհաւատս նոցա՝ ասէ ցանդամալոյծն , թողեալ լիցին քեզմեղք քո : Եւ ահա ոմանք 'ի դըպրացն ասեն ընդ միտս , հայհոյէ դա : Եւ ծանուցեալ Յիսուսի զիսորհուրդս նոցա , ասէ ցնոսա . ընդէր խորհիք դուք չարիս 'ի սիրաս ձեր : Զի՞նչ դիւրին է , ասել՝ թողեալ լիցին քեզմեղք քո , թէ ասել՝ արի

և շրջեաց : Այլ զի գիտասջեք՝ եթէ  
իշխանութիւն ունի որդի մարդոյ  
յերկրի թողուլ զմեղս : Յայնժամ  
տսէ ցանդամալոյծն . արի' առ զմա-  
հիճս քո՝ և երթ 'ի տուն քո . և յա-  
ըուցեալ գնաց 'ի տուն իւր : Իբրև  
աեսին ժողովուրդիքն , զարմացան .  
և փառաւոր առնեին զԱստուած  
զտուիչն այնսլիսի իշխանութեան  
մարդկան :

ՏԵՇՆ ԱՅ ՅԻՒՆԻ ՔՐԻՍՏՈՆ

ՄԻՆՉԴԵՌ զայս խօսէր ընդ  
նոսա , ահա իշխան մի մատուցեալ  
երկիր սպագտնէր նմա և ասէր.  
դուստր իմ արդ ևս վախճանեցաւ,  
այլ եկեալ դիցես զձեռն քո 'ի վե-  
րայ նորա , և կեցցէ : Յարեաւ Յի-  
սուս և գնաց զկնի նորա աշակեր-  
տօքն հանդերձ : Եւ ահա կին մի  
տեռատես երկոտասանամեայ՝ մա-  
տուցեալ յետոյ մերձեցաւ 'ի դրո-  
շակ հանդերձի նորա : Քանզի ա-  
սէր 'ի մտի իւրում, թէ միայն մեր-  
ձենամ 'ի հանդերձս նորա փրկիմ:

Իսկ Յիսուս իբրև դարձաւ և ետես զնա՝ ասէ . քաջալերեաց դուստը , հաւատքքո կեցուցին զքեզ . և փրկեցաւ կինն 'ի ժամէն յայնմանէ : Իբրև եկն Յիսուս 'ի տուն իշխանին , և ետես զփողարսն և ամբոխ յոյժ , ասէ ցնոսա . 'ի բաց գնացէք . զի ոչ եթէ մեռեալ է աղջիկդ՝ այլննջէ . և ծաղը առնեին զնա : Եւ իբրև ել ամբոխն 'ի բաց , եմուտ՝ կալաւ զձեռանէ նորա և յարեաւ աղջիկն . Եւ ել համբաւս այս ընդամենայն երկիրն ընդ այն :

### Տէ՛՛ Աւ Յիսուս Քրիստոս

ԵՒ մինչ դեռ անցանէր ընդ այն՝ զհետ եղեն նորա կոյրք երկու . աղաղակէին և ասէին , ողորմեաց մեզ որդի Դաւթի : Եւ իբրև եկն 'ի տուն , մատեան առ նա կոյրքն , և ասէ ցնոսա Յիսուս . հաւատայք եթէ կարող եմ առնել ձեզ զայդ . ասեն ցնա՝ այս տէր : Յայնժամ մերձեցաւ յաչ նոցա և ասէ . ըստ հաւատոց ձերոց եղիցի ձեզ . և բացան աչք նոցա : Եւ

սաստեացնոցա Յիսուս և ասէ . զգոյշ  
կացէք՝ մի ոք դիտասցէ : Եւ նոքա  
ելեալ համբաւեցին զնա ընդ ամե-  
նայն երկիրն ընդ այն : Եւ յելաննելն  
նոցա արտաքս , ահա մատուցին առ  
նա այր մի համբ դիւահար : Եւ յե-  
լաննել դիւին՝ խօսեցաւ համբն . և  
զարմացան ժողովուրդքն և ասեն ,  
թէ և ոչ երբէք երևեցաւ այսպիսի  
ինչ յիսրայէլի : Իսկ փարիսեցիքն  
ասէին՝ թէ իշխանաւն դիւաց հանէ  
դա զդես :

### ՏԵՇՆ ԽԵՐ ՅԻՒՆՈՒ ՎԻՇՎԱ

ԵՒ ՉՐՅԷՐ ԸՆԴ ամենայն քաղա-  
քը և ընդ դիւղս , ուսուցանէր 'ի  
ժողովուրդս նոցա և քարոզէր զաւե-  
տարանն արքայութեան , և բժըշ-  
կէր զամենայն ախտս և զամենայն  
հիւանդութիւնս 'ի ժողովրդեանն :  
Եւ տեսեալ զժողովուրդսն՝ դթա-  
ցաւ 'ի նոսա . զի էին աշխատեալք  
և ցրուեալք իբրեւ զոչխարս , որոց  
ոչ իցէ հովիւ : Յայնժամասէ ցա-  
շակերտս իւր . հունձք բազում են՝

և մշակք սակաւ, արդ աղաչեցէք  
զտէր հնձոց՝ զի հանցէ մշակս 'ի  
հունձս իւր։ Եւ կոչեցեալ առ ինքն  
զերկոտասանեսին աշակերտսն իւր,  
ետ նոցա իշխանութիւն այսոց պըզ  
ծոց՝ հանել զնոսա և բժշկել զամե-  
նայն ախտս և զամենայն հիւան-  
դութիւնս :

### Տէ՛՛ն Աւ Յիսոսս Քրիստոս

ԵՒ գնացեալ անտի եկն 'ի ժո-  
ղովուրդն նոցա : Եւ անդ էր այր  
մի՝ որոյ ձեռն իւր գօսացեալ էր.  
Հարցին ցնա և ասեն, Եթէ պարտ  
իցէ 'ի շաբաթու բժշկել . զի չա-  
րախօսեսցեն զնմանէ : Եւ նա ասէ  
ցնոսա, ով է 'ի ձէնջ մարդ՝ ո-  
րոյ իցէ ոչխար մի, և անկանիցի այն  
'ի խորխորատ 'ի շաբաթու, միթէ  
ոչ ունիցի և յարուցանիցէ զնա : Իսկ  
արդ որչափ եւս առաւել է մարդ  
քան զոչխար . ասկա ուրեմն պարտ է  
'ի շաբութու բարիս գործել : Յայն  
ժամ ասէ ցայրն, ձգեա զձեռն  
քո . և նա ձգեաց և եղեւ ողջ իրեւ

զմիւսն : Իսկ փարիսեցիքն ելեալ  
արտաքս՝ խորհուրդ առին զնմա-  
նէ՝ թէ որպէս կորուսցեն զնա :

Առ ուշն մէջ Յիսոս Քրիստոս

**ՅԱՅՆԺԱՄ մատուցաւ դիւա-**  
հար մի կոյր և համր՝ և բժշկեաց  
զնա , որպէս զի համրն և կոյրն  
խօսիցի և տեսանիցէ : Զարմացան  
ամենայն ժողովուրդքն և ասէին .  
մի թէ սա՞ իցէ Քրիստոսն որդի  
Դաւթի : Բայց փարիսեցիքն իբրեւ  
լուսն՝ ասեն . ոչ իւիք հանէ դա  
զգեւս՝ եթէ ոչ բեեզզեբուզաւ  
իշխանաւն դիւաց :

ՏԵՇԱՆ մէջոյ Յիսոսի Քրիստոսի

**ԵՒ ԵԼԵԱԼ անտի գնաց ՚ի կող-**  
մանս Տիւրոսի և Սիդոնի : Եւ ահա  
կին մի քանանացի ՚ի սահմանաց  
անտի նոցա , ելեալ աղաղակեր և  
ասէր . ողորմեաց ինձ , տէր որդի  
Դաւթի , դուստր իմ չարաշար այ-  
սահարի : Եւ նա ոչ ետ նմա պա-

տասխանի . և մատուցեալ աշակերտքննորաաղաջէին զնա և ասէին . արձակեա զնա , զի աղաղակէ զհետ մեր : Նա պատասխանի ետ և ասէ . ոչ ուրեք առաքեցայ՝ եթէ ոչ առոջսարս կորուսեալս տանն խրայ . էլի : Եւ նա մատուցեալ երկիր սկագանէր նմա և ասէր . տէր , օդնեա ինձ : Պատասխանի ետ նմա և ասէ . ոչ է բարւոք առնուլ զհաց մանկանց և արկանելշանց : Եւ նա ասէ . այո՛ տէր , քանզի և շունիք կերակրին 'ի փշրանաց անկելոց 'ի սեղանոյ տեառն իւրեանց : Յայնժամ սկագանականի ետ նմա Յիսուս և ասէ . ովկին դու , մեծ են հաւատք քո . եղիցի քեզ որպէս և կամիս . և ժշշկեցաւ դուստր նորա 'ի նմին ժամու :

ՏԵՍՆԱ ՋԵՐԱ ՅԻՄՈՒԽ ՔՐԵՒՄՈՒԽ

ԵՒ գնացեալ անտի՝ եկն 'ի ծովեզն գալիւեացւոց . և ելեալ 'ի լւառն նստէր անդ : Մատեան առեա ժողովուրդք բաղումք՝ որ ու-

նէին ընդ իւրեանս կազմ , կոյրս ,  
համերս , միակողմանիս , և այլ  
բազումս , և ընկեցին զնոսա առ ոսս  
նորա , և բժշկեաց զնոսա : Մինչեւ  
զարմանալ ժողովրդոցն , որ տեսա-  
նէին . զի համերքն խօսէին , կաղք  
դնային , միակողմանիք բժշկեին ,  
կոյրք տեսանէին , և փառաւոր առ-  
նեին զԱստուածն Խորայէլի .

ՏԵՐԱՅԻ ԱԵՐԱՀՅԻԱՆԱՒՅԻՆ ՎԲՐԵՒՄԱԿԱՆԻ-

ԵՒ իբրև եկին 'ի ժողովուրդն ,  
մատեաւ այր մի , 'ի ծունը իջանէր  
և ասէր . տէր , ողորմեաց որդւոյ ի-  
մում , զի լուսնոտի և չարաչար հի-  
ւանդանայ . բազում անդամ անկա-  
նի 'ի հուր , և երբէք 'ի ջուր : Եւ  
մատուցի զնա աշակերտացն քոց , և  
ոչ կարացին բժշկել : Պատասխանի  
ետ Յիսուս և ասէ . ովազգ անհա-  
ւատ և թիւր , մինչեւ ցերք իցեմ  
ընդ ձեզ , մինչեւ յերք անսայցեմ  
ձեզ , ած զնա առ իս . և ածին  
զնա առ Յիսուս : Եւ ոաստեաց 'ի  
նա Յիսուս , և ել 'ի նմանէ դեմ :

և բժշկեցաւ մանուկն ՚ի ժամէն  
յայնմանէ : Յայնժամ մատեան ա-  
շակերտքն առանձինն և ասեն ցՅի-  
սուս . մեք ընդէր ոչ կարացաք հա-  
նել զնա : Եւ նա ասէ ցնոսա՝ վասն  
թերահաւատութեան ձերոյ . ամէն  
ասեմ ձեզ, եթէ ունիցիք հաւատո-  
քան զհատն մանանխոյ , ասասջիք  
լերինս այսմիկ՝ փոխեաց աստի անդր,  
և փոխեսցի . և ոչ ինչ անհնարին  
լինիցի ձեզ : Բայց այս ազգ ոչ ելանէ,  
եթէ ոչ ազօթիւք և պահովք :

### ՏԵՐԱԾԻ ՆԵՐԱՀՅԵԱՆ-ՅԵԿԱՆԱՐԻ-ԳՐԻՒՊԱՆԻ-

ԵՒ յելանել նոցա յԵրիքովէ ,  
գնացին զհետ նորա ժողովուրդք  
բազումք : Եւ ահա կոյրք երկու նըս-  
տէին առ Ճանապարհաւն . իբրեւ  
լուան թէ Յիսուս անցանէ՝ աղա-  
ղակեցին և ասեն , ողորմեաց մեզ ,  
Յիսուս որդի Դաւթի : Եւ ամբոխն  
սաստեաց նոցա՝ զի լուեսցեն . և նո-  
քա եւս առաւել աղաղակէին և ա-  
սէին . տէր , ողոմեաց մեզ , որդի  
Դաւթի : Զտեզի առ Յիսուս . կո-

չեաց զնոսա և ասէ . զի՞նչ կամլիք զի  
արարից ձեզ : Ասեն յնա . տէր , զի  
բացյին աչք մեր : Եւ գթացեալ  
Յիսուս մերձեցաւ յաչս նոցա , և  
վաղվաղակի տեսին և գնացյին զհետ  
նորա :

---

# Ե Մ Ա Ր Կ Ո Ս Ւ

## Ա Բ Ե Տ Ա Ր Ա Ն Ք Ի



Տ Ե Ր Ա Ջ Բ Ա Ռ Ա Վ Ա Ր Ա Ն Ք Ի Հ Ա Ր Ա Վ Ա Ր Ա Ն Ք Ի

Եկ մտանեն 'ի կափառնառւմ, և  
խոկ և խոկ 'ի շաբաթուն մտեալ 'ի ժո-  
ղովուրդն ուսուցանէր զնոսա : Եւ  
զարմանային ընդ վարդապետու-  
թիւննորա, զի ուսուցանէր զնոսա  
իբրեւ իշխանութեամք, և ոչ որպէս  
գովիրքն : Եւ էր 'ի ժողովրդեանն  
նոցա այր մի՝ յորում այս պիղծ գոյր  
'ի նմա . որ աղաղակեաց և ասէ .  
Թոյլ տուր, զի կայ մեր և քո , Յի-  
սուս նազովուեցի , եկիր կորուսա-  
նել զմեզ . գետեմք զքեզ ով ես  
սուրբդ Աստուծոյ : Սաստեաց 'ի  
նա Յիսուս և ասէ . կարկեաց և ել  
'ի դմանէ : Եւ զարկոյց զնա այսն պիղծ  
և աղաղակեաց 'ի ձայն մեծ , և ել  
'ի նմանէ : Եւ զարմացան ամենեքին

մինչև հծծել ընդ միմեանս և ա-  
սել. զինչ է այս նոր վարդապե-  
տութիւնս, զի իշխանութեամբ և  
այսոց սղծոց սաստէ և հնազանդին  
սմա: Եւ ելլուր նորա ընդ ամենայն  
կողմն գալիլեացւոց:

Տէ՛ռ Աւ Յիսուս Քրիստոս

ԵՒ վաղվաղակի ելեալ'ի ժո-  
ղովրդենէն եկն 'ի տուն Սիմոնի և  
Անդրեայ՝ Յակոբաւ և Յոհաննու  
հանդերձ: Եւ զոքանչ Սիմոնի դնէր  
ջերմացեալ, և վաղվաղակի ասեն  
ցնա վասն նորա: Եւ մատուցեալ  
յարոյց զնա՝ կալեալ զձեռանէ. և  
եթող զնա տենդն, և պաշտէր զնո-  
սա:

Աւ տէ՛ռ Աւ Յիսուս Քրիստոս

ԵՒ իբրեւ երեկոյ եղե 'ի մտա-  
նել արեգականն՝ բերէին առ նա  
զամենայն հիւանդս և զդիւահարս:  
Եւ էր ամենայն քաղաքն ժողովեալ  
առ դրունսն: Եւ բժշկեաց բազում

հիւանդս 'ի պէսպէս ախտից . և  
դես բազումն եհան . և ոչ տայր  
խօսել դիւացն . զի գիտէին զնա թէ  
Քրիստոսն է :

## ՏԵՐԻ ԱԵՐ ՅԻՒԱՆԻ ՔՐԻՍՏՈ

ԵՒ ընդ այդն ընդ առաւօտն  
յարուցեալ ել և գնաց յանապատ  
տեղի , և անդ կայր յաղօթս : Եւ  
գնաց զհետ նորա Սիմոն և որք ընդ  
նմայն էին . և իբրև գտին զնա ,  
ասեն ցնա , թէ ամենեքին խնդրեն  
զքեզ : Եւ ասէ ցնոսա . եկայք երթի-  
ցուք և յայլ մօտաւոր գիւղաքա-  
ղաքսն , զի և անդ քարոզեցից . զի  
յայս իսկ եկեալ եմ : Եւ քարոզէր  
'ի ժողովուրդս նոցա ընդ ամենայն  
դալիլեացիս , և դես հանէր : Գայ  
առ նա բորոտ մի , աղաչէր՝ 'ի ծունը  
իջանէր և ասէր . տէր , եթէ կամիս ,  
կարող ես զիս սրբել : Իսկ Յի-  
սուս գթացեալ ձգեաց զձեռն՝ մեր-  
ձեցաւ 'ի նա և ասէ ցնա . կամիմ  
սրբեաց : Եւ իբրև ասացն ցնա ,  
վաղվաղակի գնաց 'ի նմանէ բորո-

տութիւնն՝ և սրբեցաւ։ Եւ սաստեալնմա՝ եհան զնա արտաքս վաղվաղակի, և ասէ. զգոյշ լեր մի ումեքինչ ասիցես, այլ երթ ցոյց զքեզքահանային, և մատո՛ վասն սրբութեանքոյ պատարագ՝ զոր հրամայեաց Մովսէս ՚ի վկայութիւն նոցա։ Եւ նա ելեալ սկսաւ քարոզել յոյժ և հռչակ հարկանել զբանն, մինչ ոչ ևս կարող լինել նմա յայտնապէս ՚ի քաղաք մտանել, այլ արտաքոյ յանապատ տեղիս եր. և գային առ նա յամենայն կողմանց։

### Տէսան մէրոյ Յիսուսի Քրիստոսի

ԵՒ մտեալ գարձեալ ՚ի Կափառնաումյետ աւուրց, լուր եղեւ եթէ ՚ի տան է. և ժողովեցան բազումք՝ մինչեւ տեղի եւս ոչ լինել և ոչ առդրանն, և խօսէր նոցա զբանն։ Եւ գային առ նա, բերէին անգամալոյծ մի բարձեալ ՚ի չորից. և իբրեւ ոչ կարէին մերձենալ առ նա յամբոխէ անտի, քակեցին զյարկն՝ ուր եր Յիսուս, և բացեալ զառաստալն՝

իջուցին զմահիճսն՝ յորում կայր  
 անդալոյծն։ Եւ տեսեալ զհաւասս  
 նոցա ասէ ցանդամալոյծն. որդեակ,  
 թողեալ լիցին քեզ մեղք քո։ Եւ  
 էին ոմանք 'ի դպրաց անտի, որ  
 անդ նստէին՝ և խորհէին 'ի սիրտս  
 իւրեանց. զի՞նչ է այս՝ որ խօսի սա  
 զհայհոյութիւնս. ովկարէ թողուլ  
 զմեղս՝ եթէ ոչ մի Աստուած։ Եւ  
 դիտաց Յիսուս յոդի իւր՝ թէ այն-  
 պէս խորհին 'ի սիրտս իւրեանց, և  
 ասէ. զի՞խորհիք զայդ 'ի սիրտս ձեր։  
 Զի՞նչ դիւրին է ասել ցանդամա-  
 լոյծն թողեալ լիցին քեզ մեղք քո,  
 եթէ ասել. արի՝ առ զմահիճս քո,  
 և երթ 'ի տունքո։ Այլզի գիտաս-  
 ցիք, եթէ իշխանութիւն ունի որդի  
 մարդոյ 'ի վերայ երկրի թողուլըզ-  
 մեղս, ասէ ցանդամալոյծն. Քեզ ա-  
 սեմ, արի՝ առ զմահիճս քո և երթ  
 'ի տունքո։ Եւյարեաւ վաղվաղա-  
 կի առեալ զմահիճսն, ել առաջի ա-  
 մենեցուն. մինչեւ զարմանալ ամե-  
 նեցուն և փառաւոր առնել զԱս-  
 տուած և ասել, թէ այսպիսի ինչ  
 երբէք ոչ տեսաք։

ՏԵՇՆ ԱՅ ՅԵՒՍՈՒՍ ՎՐԻՒԹԻՒՆ

ԵՒ ԵՄՈւտ միւսանգամ 'ի ժողովուրդն, և էր անդ այր մի՝ որոյ ձեռն իւր գօսացեալ էր : Եւ սպասէին նմա՝ Եթէ բժշկիցէ զնա 'ի շաբաթուն, զի չարախօսեացեն զնմանէ : Եւ ասէ ցայըն, որոյ ձեռն գօսացեալ էր . արի՝ անց 'ի մէջ : Եւ ասէ ցնոսա. զի՞նչ արժան է 'ի շաբաթու, բարի ինչ գործել՝ Եթէ չար առնել . ոգի մի ապրեցուցանել՝ թէ կորուսանել . և նոքա լուեցին : Եւ հայեցեալ Յիսուսի զնոքօք լի ցասմամբ, տրտմեալ վասն կուրութեանց սրտից նոցա, ասէ ցայըն . ձգեա զձեռն քո. և նա ձգեաց, և ողացաւ ձեռն նորա : Եւ ելեալ արտաքս վաղվաղակի փարիսեցիքն հերովդիանոսօքն հանդերձ, խորհուրդ առնեին վասն նորա, թէ զի արդ կորուսցեն զնա :

ՏԵՐՆ ԱՐ ՅԻՒԱՆԻ ՎՐԵՄԱԿԻ

ԱԾԱԿԵՐՏՕՔՆ Խւրովք գնաց  
 'ի ծովեզըն . և բազում ժողո-  
 վուրդ ՚ի գալիլեացւոց երթային  
 զհետնորա , և 'ի Հրէաստանէ , և  
 յերուսաղեմէ , և յայնկոյս Յորդա-  
 նանու . և որք 'ի Տիւրոսէ և 'ի Սի-  
 դոնէ բազում ժողովուրդ իբրեւ  
 լսէին որչափ ինչ առնէր՝ գային առ  
 նա : Եւ ասէ ցաշակերտն իւր՝ զի  
 նաւակ մի պատրաստական կայցէ  
 նմա վասն ամբոխին , զի մի նեղես-  
 ցէն զնա : Քանզի զբազումն ըժըշ-  
 կեաց , մինչ գալ խռնել զնովաւ , զի  
 մերձեսցին առ նա՝ որք ունէին  
 ախտս ինչ : Եւ այսք պիղծք՝ յորժամ-  
 տեսանէին զնա՝ անկանէին առաջի-  
 նորա , աղաղակէին և ասէին , թէ  
 դու ես Որդին Աստուծոյ . և նայոյժ  
 սաստէր նոցա՝ զի մի յայտնի առնի-  
 ցէն զնա :

ՏԵՇԻՆ ԱՅ ՑԻ ՑԻ ՎՐԵՄԱԿԱՆ

ԵՒ ԵԿՆ յայնկոյս ծովուն յաշ-  
խարհն գերգեսացւոց : Եւ ընդ ե-  
լանելի նորա 'ի նաւէ անտի՝ պա-  
տահեաց նմա այր մի 'ի գերեզմա-  
նացն՝ զոր ունէր այս պիղծ : Որոյ  
և բնակութիւն իւր իսկ 'ի գերեզ-  
մանս էր . և ոչ շղթայիւք ոք եւս  
կարէր կապել զնա, վասն բազում  
անգամ ոտնակապօք և շղթայիւք  
կապելոյ, և խզելոյ 'ի նմանէ զըրդ-  
թայսն, և զոտնակապսն խորտակե-  
լոյ . և ոչ ոք կարէր պարտել զնա :  
Քանզի հանապազ զցայդ և զցերեկ  
'ի գերեզմանս և 'ի լերինս աղազա-  
կէր, և կոծէր զանձն իւր քարամբք-  
իբրեւ ետես զՅիսուս 'ի հեռաս-  
տանէ , ընթացաւ և երկիր եպագ-  
նմա : Ալաղակեաց 'ի ձայն մեծ և  
ասէ . զի՞ կայ իմ և քո , Յիսուս  
Որդի Աստուծոյ բարձրելոյ , երդ-  
մնեցուցանեմ զքեզ յԱստուած ,  
մի տանջեր զիս . քանզի ասէր  
ցնա . եւ այսդ պիղծ 'ի մարդոյ այ-

տի : Եւ հարցաներ ցնա՝ թէ զի՞նչ  
 անուն էքո . և ասէ ցնա , Լեդեովին  
 անուն է իմ . քանզի բազումք եմք :  
 Եւ աղաչելին զնայոյժ , զի մի ա-  
 ռաքեսցէ զնոսա արտաքսքան զաշ-  
 խարհն : Եւ անդ էր առ լերամբն  
 երամակ մի խոզաց արօտական մեծ .  
 աղաչեցին զնա ամենայն գեւքն , և  
 ասեն . առաքեա զմեզ 'ի խոզան , զի  
 մացուք 'ի նոսա . և հրամայեաց նո-  
 յա : Եւ իբրեւ ելին այսքն պիղծք ,  
 մտին 'ի խոզան , և դիմեաց երամակն  
 'ի դարէ անտի 'ի ծովն . էին իբրեւ  
 երկու հազարք , և հեղձնուին 'ի ծո-  
 վուն : Եւ խոզարածքն փախեան , և  
 պատմեցին 'ի քաղաքին և յադա-  
 րակս . և ելին տեսանել զի՞նչ իցէ՝  
 որ գործեցաւն : Գան առ Յիսուս ,  
 և տեսանեն զդիւահարն զի նստեր  
 զգեցեալ և զգաստացեալ՝ որ ուներ  
 զլէդեովին , և զահի հարան : Եւ  
 պատմեցին նոցա՝ որոց տեսեալն էր  
 թէ զի՞նչ եղեւ այսահարին , և զի՞նչ  
 վասն խոզիցն : Եւ սկսան աղաչելզնա  
 գնալ 'ի սահմանաց նոցա : Եւ իբրեւ  
 եմուտ նա 'ի նաւն՝ աղաչեր զնա դի-

ւահարն զի ընդ նմա իցէ . և Յիսուս  
ոչ ետնմա թոյլ, այլ ասէ ցնա . Երթ  
՚ի տունքո առ ընտանիսքո, և պատ-  
մեա նոցա որ ինչ միանգամ տէր  
արար քեզ, և ողորմեցաւ քեզ : Եւ  
չոգաւ և սկսաւ քարոզել ՚ի Դեկա-  
նոցիս, զոր ինչ արար նմա Յիսուս .  
և ամենեքին զարմանային :

### Տէ՛ Աւ Յիսուս Քրիստոս

ԵՒ իբրև անց միւսանգամ յայն  
կողմն , ժողովեցաւ առ նա ժողո-  
վուրդ բազում, և էր առ ծովե-  
զերքն : Եւ ահա մի ՚ի ժողովը,  
դապետացն գայր, որում անուն էր  
Յայրոս . և իբրև ետես զնա՝ ան-  
կաւ առ ոտս նորա . աղաչէր զնա  
յոյժ և ասէր, թէ դուստր նորա  
մերձ է ՚ի մահ , զի եկեալ գնիցէ  
նմա ձեռն , որովէս զի ասկրեսցի, և  
կեցցէ : Եւ գնաց ընդ նմա . Երթայր  
և ժողովուրդ բազում զհետ նորա,  
և նեղէին զնա : Եւ կին մի էր ՚ի տե-  
ռատեսութեան արեան զերկոտա-  
սան ամ, և յոյժ վշտացեալ ՚ի բազում

բժշկաց. և ծախեալ զինչս իւր զա-  
 մենայն՝ և չէր ինչ օգտեալ, այլ եւս  
 առաւել զայրացեալ: Եթիւ լուաւ  
 զիսուսէ՝ եկն 'ի մէջ ամբոխին յե-  
 տոյ, և բուռն եհար զհանդերձէ նո-  
 րա. քանզի խորհէր 'ի մտի, թէ  
 միայն մերձեցայց 'ի հանդերձս նո-  
 րա, փրկեցայց: Եւ վաղվաղակի  
 ցամաքեցաւ աղբիւր արեան նորա,  
 և դիտաց 'ի մարմին իւր թէ բժշկե-  
 ցաւ 'ի տանջանացն: Եւ անդէն  
 վաղվաղակի դիտաց Յիսուս յանձն  
 իւր պղօրութիւնն որ ել 'ի նմանէ.  
 դարձաւ յամբոխն և ասէ. ով մեր  
 ձեցաւ 'ի հանդերձս իմ: Եւ ասեն  
 ցնա աշակերտքն. տեսանես, զի  
 ամբոխդ նեղէ զքեզ, և ասես թէ  
 ով մերձեցաւ 'ի հանդերձս իմ. և  
 շուրջ հայէր տեսանել՝ թէ ով զայն  
 արար: Եւ կինն զարհուրեալ և դո-  
 ղացեալ վասն որոյ դաղտն արար,  
 քանզի դիտէր զինչ եղե նմա. եկն  
 անկաւ առաջի նորա, և ասաց զա-  
 մենայն իրսն ստուգութեամբ: Եւ  
 Յիսուս ասէ ցնա. դուստր, հա-  
 սասք քո կեցուցին զքեզ, երթ 'ի

խաղաղութե, և Եղիջեր ողջ'ի տան  
ջանաց .քոց: Մինչ դեռ նա զայն  
խօսէր՝ գան ոմանկը 'ի տանէ ժողո.  
վըրդապետին և ասեն, թէ դուստրն  
քո մեռաւ՝ զի՞ Եւս աշխատ առնես  
զվարդապետ:

Իսկ Յիսուս իբրև լուաւ զբանն  
ասացեալ, ասէ ցժողովրդապետն: մի Երկնջիր՝ բայց միայն հաւատա: Եւ ոչ ոք Եթող ընդ իւր Երթալ.  
բայց միայն զՊետրոս և զՅակոբոս և  
զՅովհաննէս զեղբայրն Յակոբայ:  
Գայ 'ի տուն ժողովրդապետին, և  
տեսանէ ամբոխ յոյժ և լալականս  
և աղաղակ յոյժ: Եւ մտեալ 'ի ներքս  
ասէ ցնոսա, զի՞ խռովեալ էք և լայբ  
մանուկն ոչ է մտեալ՝ այլ ննջէ: Եւ ծաղը առնէին զնա, և նորա հա  
նեալ արտաքս զամեննեսեան, առնու  
ընդ իւր զհայր մանկանն և զմայր,  
և զնոսա որ ընդ նմայն էին, և  
մտանէ ուր դնէր մանուկն: Եւ կա  
լեալ զձեռանէ մանկանն ասէ ցնա,  
տալիթա կումի, որ թարգմանի՝ աղ  
ջիկ դու, քեզ ասեմարի: Եւ վաղ  
վաղակի յարեաւ աղջիկն և գնայր.

քանզի էր ամաց՝ իբրև Երկոսա-  
սանից . և զարմացան մեծաւ զար-  
մանալեօք : Եւ ոլատուեր տայր նո-  
ցայոյժ՝ զի մի ոք դիտասցէ զայն ,  
և ասաց տալ նմա ուտել :

ՏԵՇԱՅԲ ՋԵՐԱՀ ՅԵԿԱՆԻ ՎԲԵՒԹՈՒՆԻ-

ԵԽ իբրև անցին յայնկոյս , Եկին  
յԵրկիրն գեննեսարէթ : Եւ իբրև  
ելին 'ի նաւէ անտի , իսկ և իսկ ծա-  
նեան զնա արք տեղւոյն այնորիկ :  
Եւ ընթացեալ այսր անդր ընդ ա-  
մենայն դաւառն , սկսան մահճօք  
բերել զհիւանդս՝ ուր լսէին թէ-  
անդ իցէ : Եւ ուր և մասնէր 'ի  
գեօլս կամ 'ի քաղաքս կամ յագա-  
րակս , 'ի հրապարակս գնեին զախ-  
տաժէտս . և աղաջէին զնա՝ զի գոնէ  
'ի քղանցս հանդերձից նորա մերձե-  
նայցէն . և որ միանդամ մերձեցանն  
փրկեցան :

ՏԵՊԱՆ ԱԷՐՈՎ ՅԻՒՊԻՆԻ ՎԻՐԵՄԿՈՒՅԻ

**ԵՒ** անտիյարուցեալ եկն՝ ի սահմանս Տիւրոսի և Սիդովինի . և մըտեալ՝ ի տուն ոչ ումեք կամէրյայտնել, և ոչ կարաց ծածկել : Լուաւկին մի զնմանէ՝ որոյ դուստր իւրնեղեալ էր յայսոյ սլղծոյ, եկն անկաւ առաջի նորա : Եւ կինն էր հեթանոս Փիւնիկ ասորի յազգէ . և աղաջէր զնա՝ զի զգեւն հանցէ ՚ի դստերէ նորա : Եւ Յիսուս ասէ ցնա . թոյլտուրնախյագեսցին մանկունք . զի ոչ է բարւոք առնուլ դհաց մանկանց և արկանել շանց : Նա սկատասխանի ետ և ասէ . տէր, և շունք՝ ի փշրանաց սեղանոյ մանկանցն կերակրին : Եւ ասէ ցնա . վասն այդր բանի երթ, ել դեմ՝ ի դստերէ քումմէ : Գնաց՝ ի տուն իւր և եղիտ ելեալ զգեն, և զգուստըն զի անկեալ դնէր՝ ի մահիճս :

ՏԵՇԱՆ ԱԵՐՈյ ՅԻՒԽԱՆԻ ՔՐԵՒՊՈՒՅ

ԵՒ ԵԼԵԱԼ ՄԽԱՍԱՆԴԱՄ 'Ի ՍԱՀ  
ՄԱՆԱԳՆ ՏԻւՐՈՍԻ և ՍԻԴՈՒՆԻ, և ԵԿՆ  
'Ի ԾՈՎԵՂԲՆ ՊԱԼԻԼԵԱԳԵԼՈց 'Ի ՄԵՂՍԱՀ  
ՄԱՆԱԳՆ 'Ի ԴԵԿԱՍՈՂԻՄ : Եւ բԵՐԻՆ  
ԱՌԱՋԻ ՆՈՐԱ ԽՈՎԼ ՄԻ և ՀԱՄՐ, և  
ԱՂԱԶԵԼԻՆ՝ զի ՃԵՌՆ ՊԻցէ 'Ի ՎԵՐԱՅ  
ՆՈՐԱ : Եւ առԵԱԼ զնա մԵկուսի  
յամբոխէ անտի, արկ զմատունս  
իւր ընդ ականջս նորա, և Եթուք  
անդր և կալաւ զլեղուէ նորա, հայ-  
եցաւ յերկինս, յոդւոց եհան և  
ասէ . Եփիաթա՝ որ է բացի՞ր : Եւ  
նոյնժամայն բացան լսելիք նորա և  
լուծան կապանք լեզուի նորա և  
խօսէր ուղիղ : Եւ սպատուիրեաց նո-  
ցա՝ զի մի ումեք ասիցեն . և որչափ  
նասպատուիրէր նոցա, նոքաևս առա-  
ւել քարողէին . և ևս քան զեւս  
զարմանային և ասէին . զամենայն  
ինչ բարւոք գործեաց սա, զի խլից  
լսել տայ և համերց խօսել :

ՏԵՐԱՅԻ ԱԵՐԱՀՅՈՒՅՆԻ ՔԻՄՈՒՄԻՒ-

ԳԵՆ 'ի ԲԵՇԱԱՅԻԴԱ , և ածեն  
առաջի նորա կոյր մի , և աղացէքի  
զնա զի մերձեսցի 'ի նա : Եւ առետ  
զձեռանէ կուրին եհան արտաքոյ  
շինին , եթուք յաչո նորա և ձեռն  
եդ 'ի վերայ նորա , և հարցանէր  
ցնա՝ թէ տեսանիցէ ինչ : Բացաւ և  
ասէր , տեսանեմ զմարդիկս զի շրջին  
իբրև զծառս : Դարձեալ եդ ձեռս  
'ի վերայ աչաց նորա , եքաց և տե-  
սանէր , ողջացաւ և տեսանէր հա-  
մարձակ զամենայն : Արձակեաց զնա  
'ի տուն իւր և ասէ . 'ի չէնդ մի  
մտանիցէս , այլ Էրթ 'ի տուն քո-  
և յորժամ 'ի շէնն մտանիցէս , մի  
ումեք ասիցէս 'ի շենին :

ՏԵՐԱՅԻ ԱԵՐԱՀՅՈՒՅՆԻ ՔԻՄՈՒՄԻՒ-

ԵԿ Եկեալ առ աշակերտան՝ տե-  
սին ամըոխ շուրջ զնոքօք . և զդր-  
ուիրան՝ զի վեճէին ընդ նոսա : Եւ  
վաղվաղակի ամենայն ժողովուրդին

իբրեւ տեսին զնա՝ զարմացան . և  
 ընդ առաջընթացեալ ողջոյն տայլին  
 նմա : Եւ եհարց ցնոսա , թէ զի՞նչ  
 վիճէիք ընդ նոսա : Պատասխանի ետ  
 մի ոմն ՚ի ժողովրդենէն և ասէ .  
 վարդապետ , ածի զորդի իմ առ  
 քեզ , զոր ունի այս համր . և ուր  
 հասանէ՝ զարկուցանէ զնա , և վրբ  
 փրէ և կրծուէ զատամունս իւր և  
 ցամաքի . և ասացի ցաշակերտոն քո  
 զի հանցեն . և ոչ կարացին հանել  
 զնա : Պատասխանի ետ նոցա և ասէ .  
 ով ազգ անհաւատ , մինչև յերբ  
 իցեմ առ ձեզ , մինչև յերբ անսայ-  
 ցեմ ձեզ ածէք զնա առ իս : Եւ  
 ածին զնա առ նա . իբրեւ ետես  
 զնա այսն՝ վաղվաղակի շարժլեաց  
 զնա . և անկեալ յերկիր թաւալէր  
 և փրփրեայր : Եհարց ցհայր նորա  
 և ասէ . քանի՞ ժամանակք են յոր-  
 մէ հետէ այդ եղև դմա . և նա ասէ  
 'ի մանկութենէ : Բազում անդամ'ի  
 հուր արկանէ զդա և ՚ի ջուր , զի  
 կորուսցէ . արդ եթէ կարող ինչ  
 ես , օգնեա մեզ տէր , գթացեալ ՚ի  
 վերայ մեր : Եւ Յիսուս ասէ ցնա .

ասացեր թէ կարող ես. ամենայն  
ինչ հնարաւոր է այնմ, որ հաւա-  
տայն: Եւ վաղվաղակի աղաղակեաց  
հայր մանկանն և ասէ. հաւատամ  
տէր օդնեած անհաւատութեանս ի-  
մում: Իբրև ետես Յիսուս, եթէ  
կուտի ժողովուրդն 'ի վերայ, սաս-  
տեաց այսոյն պղծոյ և ասէ, համրդ  
և խուլ այս, ես տամ հրաման, եւ 'ի  
դմանիէ և այլ մի ևս մտանիցես 'ի դա:  
Եւ աղաղակեաց և յոյժ լկեաց  
զնա և եւ. և եղե պատանեակին  
իբրև զմեռեալ, մինչ և բաղմաց  
իսկ ասել՝ թէ մեռաւ: Եւ Յիսուս  
կալու զձեռանէ նորա՝ յարոյց զնա  
և կանգնեցաւ: Եւ իբրև եմուտնա  
'ի տուն, աշակերտին առանձինն  
հարցին ցնա. մեք ընդէր ոչ կարացաք  
հանել զնա: Եւ ասէ ցնոսա. այդ  
աղդ ոչ իւկիք ելանէ, եթէ ոչ սկահօք  
և աղօթիւք:

ՏԵՐԱՄԻ ԱԵՐԱՆ ՅԻՒԱՆԻ ՎԻ ԲԻԱԿԱՆԻ

ԵՒ գանյերիքով. և ընդ ելա-  
նել նորա յերիքովէ աշակերտօքն և

բազում ժողովրդով որդի Տիմեի  
Բարտիմէոս կոյր՝ նստէր մուրացիկ  
յանցս Ճանապարհին։ Եթեւ լուաւ  
թէ Յիսուս նազովեցի է, սկսաւ  
աղաղակել և ասէլ։ որդի Դաւթի  
Յիսուս, ողորմեաց ինձ։ Եւ սաս-  
տէին նմա բազումք՝ զի լուսցէ։ և  
նա առաւել եւս աղաղակէր, որդի  
Դաւթի, ողորմեաց ինձ։ Զտեզի  
առ Յիսուս, և Հրամայեաց կոչել  
զնա։ կոչեն զկոյրն և ասեն ցնա,  
քաջալերեաց արի կոչէ զքեզ։ Եւ  
նորա ընկեցեալ զձորձս իւր՝ յա-  
րեաւ և եկն առ Յիսուս և ասէ. զի՞նչ  
կամիս թէ արարից քեզ։ ասէ ցնա  
կոյրն, Ռաբբոնի, զի բացայց։ Եւ  
Յիսուս ասէ ցնա։ Երթ՝ հաւատք  
քո կեցուցին զքեզ։ և վաղվաղակի  
բացաւ, և երթայր զհետ նորա 'ի  
Ճանապարհին։

# Ի ԱՌԵԿԱՍՈՒ

## ԱՒԵՏԱՐԱՆՔՆ



ՏԵՐԻ ԱԵՐ ՅԵՒԱՆ ՎԲՐԵՒԱԿԱ

ԵՒ ԵԶ 'Ի ԿԱՓԻԱԾՆԱՅՈւՄ' Ի. Քա-  
ղաքն գալիլեացւոց , և ուսուցանէր  
զնոսա 'Ի շաբաթմն : Եւ զարմանա-  
յին ընդ վարդասկետութիւն նորա՝  
զի իշխանութեամբ էր բան նորա :  
Եւ էր 'Ի ժողովրդեանն այր մի , զոր  
ունէր այս գիւի սղծոյ . և աղաղա-  
կեաց 'Ի ձայն մեծ և ասէ . թուլացո՛,  
զի՞ կայ մեր և քո , Յիսուս նազովրե-  
ցի . եկիր կորուսանել զմեղ , գիտեմք  
զքեղ ովլ ես , սուրբդ Աստուծոյ :  
Սաստեաց 'Ի նա Յիսուս և ասէ . սկա-  
պանձեաց և ԷԼ 'Ի դմանէ : Զգետ  
նեաց զնա դեւն 'Ի միջի անդ , և ԷԼ  
'Ի նմանէ . և ինչ ոչ վիասեաց նմա :  
Եւ եղեն զարմանալիք 'Ի վերայ ա-  
մենեցուն . խօսէին ընդ միմեանս , և

ասէին . զի՞նչ է բանս այս՝ զի իշխանութեամբ և զօրութեամբ սաստեայսոց պղծոց , և ելանեն : Եւ երթայր հոչակ զնմանէ ընդ ամենայն տեղիս շուրջ զգաւառաւն :

Տեսան մեր, Յիսուսի քրիստոնի

Եկ յարուցեալ 'ի ժողովրդենէ անտի , եմուտ 'ի տուն Սիմոնի . և զոքանչ Սիմոնի տագնապէր ջերմամբ մեծաւ , և աղացեցին զնավաննորա : Եկաց առ նմա , սաստեաց ջերմանն , և եթող զնա . և վաղվաղակի յարեաւ և սկաշտէր զնո՞ւ : Եւ ընդ արեւուն մտանել , որոց էին հիւանդք 'ի սկսալէս ցաւս , բերէին զնոսատունա : Եւ նա իւրաքանչիւր ումէք 'ի նոցանէ դնէր ձեւս և բժշկէր զնոսա : Ելանէին դեւքն 'ի բազմաց՝ աղաղակէին և ասէին , եթէ դու ես Որդի Աստուծոյ . և նա սաստէր՝ և ոչ տայր նոցա թոյլ խօսել , զի դիտէին զնա , թէ քրիստոն է :

ՏԵՇԱՆԻ մԵՐԻ ՅԵՒՈՒԱԻ ՎԲՐԵՒՊՐՈՒ

ԵՒ Եղե 'ի հասանելն նորա 'ի  
մի քաղաքացն, ահա այր մի վերո-  
տութեամբ իբրև ետես զՅիսուս,  
անկեալ 'ի վերայ երեսաց, աղաչեաց  
զնա և ասէ . Տէր, Եթէ կամիս, կա-  
րող ես զիս սրբել : Զգեաց զՃեռն  
իւր, հասոյց 'ի նա և ասէ . կամիմ,  
սրբեաց . և վաղվաղակի դնաց 'ի  
նմանէ բորոտութիւնն : Եւ նա պա-  
տուիրեաց նմա մի ումեք ասել, այլ  
թէ Երթ ցոյց զանձնքո քահանային  
և մատո՛ պատարագ վասն սրբու-  
թեան քոյ . որպէս և հրամայեաց  
Մովսէս 'ի վկայութիւն նոցա : Եւ  
յորդէր առաւել բանն զնմանէ . և  
ժողովէին ժողովուրդք բազումք  
լսել և բժշկել 'ի հիւանդութենէ  
իւրեանց : Եւ նա խոյս տայր յա-  
նապատ տեղիս, և կայրյաղօթս :

ՏԵՇՆ ԱԵՐ ՅԵՒՈՒԱ ՔՐԵՒՈՒԱ

ԵՒ Եղե 'ի միում աւուրց և  
ինքն ուսուցանէր, և փարիսեցիքն  
և օրինացն վարդապետք նստէին. որ  
ժողովեալ էին յամենայն քաղաքաց  
դալիլեացւոց և չըշաստանի և Եւ-  
րուսազէմի. և զօրութիւն տետոն  
էր 'ի բժշկել զնոսա: Եւ ահա արք  
բերէին մահճօք զայր մի՝ որ էր ան-  
գամալոյծ. և խնդրէին զնա մուծա-  
նել 'ի ներքս և դնել առաջի նորա:  
Եւ իբրև ոչ գտանէին՝ թէ ընդ որ  
մուծանիցեն զնա 'ի ներքս վասն  
ամբոխին, Ելին 'ի տանիս, և 'ի ցը-  
ւոցն կախեցին զնա, և իջուցին մահ-  
ճօքն հանդերձ 'ի մէջ առաջի Յի-  
սուսի: Եւ տեսեալ զհաւատան նո-  
ցա՝ ասէ ցնա. այր դու, թողեալ  
լիցին քեզ մեղք քո: Ական խորհել  
դուիլըն և փարիսեցիքն և ասեն. ո  
է սա, որ խօսի զհայհոյութիւնս .  
ուշկարէ թողուլ զմեղս՝ բայց միայն  
Աստուած: Իբրև դիտաց Յիսուս  
զիսորհուրդս նոցա, պատասխանի ետ

և ասէ ցնոսա . զի՞ խորհիք 'ի սիրաս  
ձեր . զի՞նչ դիւրագոյն է . ասել՝  
թողեալ լիցինքեզ մեղք քո , եթէ  
ասելարի և գնա՛ : Այլ զի գիտաս-  
ջիք , եթէ իշխանութիւն ունի որդի  
մարդոյ յերկրի թողուլ զմեզս . ասէ  
ցանդամալոյծն . քեզ ասեմ՝ արի  
առ զմահիճս քո և երթ'ի տուն քո:  
Եւ առժամայն յարուցեալ առաջի  
ամենեցուն , առ զիւրե յորոյ վե-  
րայ անկեալ գնէր . գնաց 'ի տուն  
իւր՝ և փառաւոր առնէր զԱստու-  
ած : Զարմանիք կալան զամենեսեան ,  
և փառաւոր առնէին զԱստուած .  
լի եղեն ահիւ և ասեն , եթէ տեսաք  
այսօր նոր նշան :

ՏԵՇԱՆ ՋԵՐՈՅ ՅԻՒԽԱՆԻ ՎՐԵՒՄՊՐՈՒ

ԵՒ եղե 'ի միւսում շաբաթուն  
մտանել նմա 'ի ժողովուլոդն և ու-  
սուցանել . և էր անդ այր մի՝ և ձեռն  
իւր աջ գոսացեալ էր : Եւ սպասէին  
նմա դպիրքն և փարխսեցիքն՝ թէ 'ի  
շաբաթուն բժշկեսցէ , զի գտանի-  
շեն չարախսութիւն զնմանէ : Եւ

նա դիտէր զլսորհուրդս նոցա . ասէ  
ցայրն որոյ ձեռն գօսացեալէր . արի  
անց 'ի մէջ . և նա յարուցեալ եկաց :  
Ասէ ցնոսա Յիսուս, հարցից ինչըզ  
ձեղ . զի՞նչ արժան է 'ի շաբաթու ,  
բարի ինչ առնել , եթէ չար գոր-  
ծել . ոդի՞ մի ասլրեցուցանել՝ թէ  
կորուսանել : Եւ հայեցեալ շուրջ  
զամեննեքումքը զայրագին , ասէ ցնա .  
ձգեան զձեռն քո , և նա ձգեաց . և  
հաստատեցաւ ձեռն նորա իբրև  
զմիւնն : Եւ նոքա լցան յիմարու-  
թեամբ , և խօսէին ընդ միմեանս՝ թէ  
զի՞նչ առնիցեն Յիսուսի :

### Տէ՛՛ Ջէ Յէսուս Ք. բ. ինպատ

ԵԿ Իջեալ նոքօք հանդերձ 'ի տե-  
ղի մի տափարակ . և ժողով աշա-  
կերտացն նորա , և բազմութիւն յոյժ  
ժողովողեանն , յամենայն չըկաս-  
տանէ և յԵրուսաղէմէ և յայնմկող  
մանէ , և 'ի ծովեղերէն Տիւրոսի և  
Սիդոնի : Որ եկին լսէլ 'ի նմանէ և  
բժշկել 'ի հիւանդութենէ իւրեանց .  
և նեղեալքն յայսոց սլղծոց բժշկէին :

Եւ ամենայն ժողովուրդն իսնդրէր  
մերձենալ 'ի նա , զի զօրութիւն բա-  
զում ելանէր 'ի նմանէ , և բժշկէր  
զամենեսին :

### Տէ՛ն մէր Յիսուս Քրիստոս

ԵՒ իբրև կատարեաց զամենայն  
բանս իւր 'ի լսելս ժողովրդեանն ,  
եմուտ'ի կափառնառւմ : Հարիւրա-  
սլետի ուրումն ծառայ չարաչար հի-  
ւանդացեալ՝ մերձէր 'ի վախճանել ,  
որ էր նմա պատուական . իբրև  
լուաւզՅիսուսէ , առաքեաց զծէրսն  
'ի չըկից , աղաչէր զնա զի եկեսցէ  
ասլրէցուսցէ զծառայն նորա : Եւ  
նոքա եկեալ առ Յիսուս աղաչէին  
զնա ստէպ և ասէին , թէ արժանի  
է՝ որում զընորհս զայս առնես . զի  
սիրէ զազգս մեր , և զժողովրդանոցն  
նա շինեաց մեզ : Եւ Յիսուս զնաց  
ընդ նոսա . իբրև ոչ ինչ կարի հեռի  
էր 'ի տանէն , յղեաց առ նա հարիւ-  
րապետն բարեկամն , և ասէ ցնա .  
տէր , մի ինչ աշխատ լինիր . զի չեմ  
բաւական՝ եթէ ընդ յարկաւ իմով

մտանիցես . վասն որոյ և ոչ զանձն  
համարեցայ արժանի առ քեղ գա-  
լոյ . այլ ասա՞ բանիւ , և բժշկեսցի  
մանուկս իմ : Քանզի և ես այր մի  
եմ կարգեալ ընդ իշխանութեամբ .  
ունիմ ընդ ինև զինուորս . և ասեմ  
ամա երթ , և երթայ . և այլում թէ  
եկ , և գայ . ծառայի իմում թէ արա  
զայս , և առնէ : Եւ իբրև լուաւ  
զայս Յիսուս զարմացաւ . դարձաւ  
առ ժողովուրդն որ երթային զհետ  
նորա և ասէ . ամէն ասեմ ձեզ՝ թէ  
և ոչ յիսրայէլի այսչափ հաւատոս  
դտի : Եւ դարձան անդրէն պատգա-  
մաւորքն 'ի տուն , և դտին զծառայն  
հիւանդ՝ բժշկեալ :

### ՏԵՇՆ ԱԵՐ ՅԻՒԱՆԻ ՎՐԵՒԱԿԻ

ԵՒ Եղե 'ի վաղիւն Երթայր 'ի  
քաղաք մի , որում անուն էր Կային .  
Երթային ընդ նմա և աշակերտք նո-  
րա և ժողովուրդ բազում : Իբրև  
մերձ Եղե 'ի դուռն քաղաքին , և  
ահա Ելանէր մեռեալ մի որդի միա-  
մօր մօր իւրոյ . և նա եր այրի , և ժո-

զովուրդ բազումքաղաքին էր ընդ  
հմա : Եքրե ետես զնա տէր՝ գթա-  
ցաւ 'ի նա և ասէ . մի լար : Եւ մա-  
տուցեալ մերձեցաւ 'ի դադաղն .  
և որբ բարձեալն տանէին՝ զաեղի  
առին . և ասէ . պատանի դու , քեզ  
ասեմ արի : Կանդնեցաւ և նստաւ  
մեռեալն , և սկսաւ խօսել , և ետ  
զնա ցմայր իւր : Եւ ահ կալաւ զամե-  
նեսին , և փառաւոր առնէին զԱս-  
տուած և ասէին՝ թէ մարդարէ ոնն  
մեծ յարուցեալէ 'ի միջի մերում .  
և թէ այց արար Աստուած ժողո-  
վըրդեան իւրում 'ի բարութիւն :  
Եւ ել զրոյցս այս ընդ ամենայն  
Հրէաստան վասն նորա՝ և ընդ ամե-  
նայն կողմանս աշխարհին :

Վասն պէտոն մերոյ Յիսուսի Քրիստոսի

Եկ պատմեցին Յովհաննու աշա-  
կերտքն իւր վասն ամենայնի այսո-  
րիկ : Եւ կոչեաց առ ինքն երկուս  
ոմանս յաշակերտացն իւրոց Յով-  
հաննէս . առաքեաց առ տէրև ասէ .  
դու ես որ դաշոցն ես , եթէ այլում

ակն կալցուք : Եւ եկեալ արքն առ  
նա տսեն . Յովհաննէս Մկրտիչ ա-  
ռաքեաց զմեղ առ քեզ և ասէ . դու  
ես որ գալոցն ես , եթէ այլում ակն  
կալցուք : Եւ 'ինմին ժամութժշկեաց  
զբազումն 'ի հիւանդութեանց և 'ի  
հարուածոց և յայսոց չարաց . և  
կուրաց բազմաց շնորհեաց տեսա-  
նել : Պատասխանի ետ նոցա և ասէ .  
Երթայք պատմեցէք Յովհաննու զոր  
տեսիքդ և լուայք , զի կոյլք տեսա-  
նեն , և կաղք գնան , բորոտք սրբին ,  
խուլք լսեն , մեռեալք յառնեն ,  
աղքատք աւետարանին : Եւ երանի  
որ ոչ գայթակղեսցի յիս :

ՏԵՐԱՋԲ ԱԵՐԱՆՅՈՎԻ ՅԵՐԵՎԱՆԻ

ԵՒ ՆԱՌԵԳԻՆ ԻՉԻՆ յաշխարհն գեր-  
դեսացւոց՝ որ է յայնկոյս հանդէպ  
Գալիլեայ : Եւ ընդ ելանելն նորա  
'ի ցամաք՝ սլատահեաց այր մի 'իքա-  
ղաքէն , յորում էին դեք . և բա-  
զում ժամանակս չէր հանգերձ ըզ-  
դեցեալ , և ոչ 'ի տան ընակեալ , այլ  
'ի գերեզմանս : Եւ տեսեալ զՅի-

սուս , աղաղակեաց և անկաւ առաջի նորա , և ասէ մեծաձայն . զի՞ կայ իմ եքո , Յիսուս Որդի Աստուծոյ բարձրելոյ , աղաչեմ զքեզ մի տանջեր զիս : Քանզի հրաման տայր այսոյն պղծոյ ելանել՝ իմարդոյ անտի . քանզի բազում ժամանակս յափշտակեալ էր զնա , և կապէր 'ի շղթայս , և պահէր յերկաթս , և խղէր զկապանս , և վարէր 'ի դիւէն յանապատս : Եհարց ցնա Յիսուս և ասէ , զի՞նչ անուն է քեզ . և նա ասէ . Աէդէունի . զի դեք բազումք մաեալ էին 'ի նա . և աղաչէին զնա , զի մի հրաման տայցէ նոցա երթալ յանդունդս : Եւ էր անդ երամակ մի խոզից բազմաց արօտական 'ի լերինն . և աղաչէցին զնա՝ զի հրաման տացէ նոցա մտանել 'ի նոսա . և հրամայեաց նոցա : Եւ ելեալ դեքն յառնէն , մայն 'ի խոզեանն . և դիմեաց երամակն 'ի գահէ անտի 'ի ծովակն և հեղձաւ : Եբրեւ տեսին խոզարածքըն զիրսն որ եղեն՝ փախեան . և սկատմեցին 'ի քաղաքին և յագարակն : Եւ իբրեւ ելն տեսանել

զգործմն , և Եկին առ Յիսուս , և  
գտին զայրն ուստի դեքն Ելեալ  
էին՝ զգեցեալ և զգաստացեալ նրա-  
տէր առ ոտան Յիսուսի , և Երկեան :  
Պատմեցին նոցա՝ որոց տեսեալն էր ,  
թէ զիարդ փրկեցաւ դիւահարն :  
Եւ աղաչէր զնա ամենայն բազմու-  
թիւնն շուրջ զկողմամբն գերգե-  
սացւոց , գնալ՚ի սահմանաց նոցա .  
Քանզի ահիւ մեծաւ տագնապէին .  
և նա մտեալ՚ի նաւ , դարձաւ ան-  
դրէն : Աղաչէր զնա այրն՝ ուստի  
դեքն Ելեալ էին , շրջել ընդ նմա :  
Արձակեաց զնա և ասէ . դարձ՚ի  
տունքո և պատմեա զոր միանգամ  
արար քեզ Աստուած : Գնաց՚ի քա-  
ղաքն և քարոզէր զոր ինչ արար նմա  
Յիսուս :

Տէ՛ւ մէ Յիսուս Քրիստոս

Եկ իբրև դարձաւ անդրէն Յի-  
սուս , ընկալաւ զնա ժողովուրդն .  
Քանզի ամենէքեանակն ունէին նմա :  
Եւ ահա եկն այր մի՝ որում անուն  
էր Յայրոս . և նա էր իշխան ժողո-

վըրդեանն . անկեալ առ ոտսն Յի-  
 սուսի , աղաչէր զնա մտանել 'ի տուն  
 նորա : Զի դուստր միտմօր էր նորա ,  
 ամաց իբրև երկոտասանից , և էր  
 մերձ 'ի մահ . և ընդ երթալն նորա՝  
 ժողովուրդքն նեղէին զնա : Եւ կին  
 մի էր 'ի տեռատեսութեան արեան  
 ամաց երկոտասանից . որ 'ի բժիշկս  
 ծախեալ էր զամենայն ինչո իւր ,  
 որումոչ էր լեալ հնար յումեքէ  
 բժշկիլ : Մատուցեալ յետոյ , մեր-  
 ձեցաւ 'ի քղանցս հանդերձի նորա ,  
 և նոյն ժամայն եկացքղսումն արեան  
 նորա : Եւ ասէ Յիսուս՝ ով է որ  
 մերձեցաւն յիս . իբրև ամենեքեան  
 ուրանային , ասէ Պետրոս և որք ընդ  
 նմա էին . Վարդապետ , ժողովուրդք  
 ոլնդեն և նեղեն զքեզ : Եւ ասէ  
 Յիսուս . ոմն մերձեցաւ յիս . քանզի  
 գիտացի՝ եթէ զօրութիւն ել յինէն :  
 Իբրև ետես կինն՝ եթէ ոչ ծած-  
 կեցաւ 'ի նմանէ , եկն դողալով և  
 անկաւ առաջի նորա . թէ վասն որոց  
 իրաց մերձեցաւ 'ի նա , պատմեաց  
 առաջի ամենայն ժողովրդեանն . և  
 եթէ որսկէս բժշկեցաւ առժամայն :

Եւ ասէ . քաջալերեաց դուստր . հաւասք քո կեցուցին զքեզ՝ Երթ 'ի խաղաղութիւն :

### Տէ՛ւ մէ՛ Յիշու Քիւսու Փրիւսու

ԵՒ մինչդեռ նա խօսէր , գայ ոմն 'ի տանէ ժողովրդապետին՝ և ասէցնա . մեռաւ դուստրն քո , մի ինչ աշխատ առնելը զգա : Խսկ Յիսուս իբրև լուաւ , պատասխանի ետ նմա և ասէ . մի Երկնչիր , միայն հաւատա՛ և կեցցէ : Եւ մտեալ 'ի տունն , ոչ զոք եթող մտանել , բայց միայն ըզ-Պետրոս և զՅակոբոս և զՅովհաննէս , և զհայր մանկանն և զմայր նորա : Նային ամենեքեան և կոծէին զնա . և նա ասէ՝ մի լայք . զի չէ մեռեալ , այլ ննջէ : Եւ նոքա ծաղը առնէին զնա . զի գիտէին թէ մեռաւ : Եւ նորա հանեալ զամենեսին արտաքս , կալաւ զձեռանէ նորա , բարբառեցաւ և ասէ . արի կաց մանուկ դու : Եւ դարձաւ ոգի նորա և կանգնեցաւ վաղվաղակի . և հրամայեաց տալ նմա ուտել : Եւ զարմացան ծնօղքն

նորա . և նա պատուիրէր մի ումեք  
ասելոր ինչ եղեւն :

ՏԵՐԱՅԻ ՏԵՐԱՀ ՅԻՒՈՒԻՆ ՎԻՐԻԿՈՒԻՆ

ԵՒ Եղե 'ի վաղիւն մինչ իջանեին  
նոքա 'ի լեռնէ անտի , ընդ առաջ  
եղեւ նմա ժողովուրդ բազում : Եւ  
ահա այր մի 'ի ժողովրդենէ անտի  
աղաղակեաց և ասէ . Վարդապետ ,  
աղաչեմ զքեղ հայեաց յորդի իմ ,  
զի միամօր է ինձ : Եւ ահա այս հար-  
կանի 'ի նմա , և յանկարծ գոչէ . և  
զարկուցանէ և թաւալեցուցանէ զնա  
և փրփրեցուցանէ . և հաղիւ մեկնի  
'ի նմանէ խորտակեալ զնա . և աղա-  
չեցի զաշակերտմն քո՝ զի հանցեն  
զնա , և ոչ կարացին : Պատասխանի  
ետ Յիսուս և ասէ . ով ազգ անհա-  
ւատ և թիւր . մինչև յերբ եղէց  
ընդ ձեզ՝ և անսայցեմ ձեզ , մատո  
այսր զորդին քո : Եւ մինչդեռ մատ-  
չէր , զարկոյց զնա դեն և շարժ-  
եաց : Սաստեաց Յիսուս այսոյն  
պղծոյ , և բժշկեաց զմանուկն և ետ  
զնա ցհայրն իւր : Եւ զարմանային

ամենեքեան 'ի վերայ մեծամեծացն  
Աստուծոյ . և 'ի զարմանալ ամենե-  
ցուն 'ի վերայ ամենայնի զոր առ-  
ներ , ասէ ցաշակերտսն իւր . դիք  
դուք 'ի լսելիս ձեր զբանս զայսո-  
սիկ , զի որդի մարդոյ մատնելոց է  
'ի ձեռս մարդկան :

### ՏԵՐՆ ԱՅ ՅԻՒՆԻ ՔՐԻՍՏՈ

ԵՒ հաներ դե մի համը . և ե-  
ղե յելանել դիւին՝ խօսեցաւ համ-  
ըըն . և զարմացան ամենայն ժո-  
ղովուրդքն : Եւ ոմանք 'ի նոցանէ  
ասեն՝ Բէեղզեբուղաւ իշխանաւն  
դիւաց հանէ դա զդես : Եւ այլք  
փորձէին , և նշան յերկնից խնդրէին  
'ի նմանէ : Իսկ նորա գիտացեալը  
խորհուրդս նոցա , ասէ ցնոսա . ա-  
մենայն թագաւորութիւն բաժա-  
նեալ յանձն՝ աւերի . և տուն բա-  
ժանեալ յանձն՝ կործանի : Ապա  
եթէ և սատանայ բաժանեցաւ յանձ-  
նէ , զիսիրդ կայցէ թագաւորու-  
թիւն նորա . զի ասէք զինէն՝ թէ  
Բէեղզեբուղաւ իշխանաւն գիւաց

Հանէ դա զդես : Եթէ ես Բէեղ  
 զեբուղաւ հանեմ զդեւս , որդիքն  
 ձեր ի՞ւ հանիցեն . վասն այդորիկ  
 նոքին եղիցին ձեզ դատաւորք : Իսկ  
 Եթէ մատամբ Աստուծոյ հանեմ  
 զդես , ապա հասեալ է 'ի վերայ  
 ձեր արքայութիւն Աստուծոյ : Յոր  
 ժամհզօր վառեալ պահիցէ զտուն  
 իւր , 'ի խաղաղութեան են ինչք նո-  
 րա . բայց Եթէ հզօրագոյն քան զնա  
 'ի վերայ եկեալ յաղթեսցէ նմա ,  
 զսպառազինութիւնն հանէ , յորյու-  
 սացեալն էր , և զաւար նորա բաշ-  
 խեսցէ : Որ ոչ է ընդ իս՝ հակառակ  
 իմ է . և որ ոչ ժողովէ ընդ իս ,  
 ցրուէ : Յորժամ այսն ելանիցէ 'ի  
 մարդոյ՝ շրջի ընդ անջրդին տեղիս ,  
 խնդրէ հանդիստ . և իբրև ոչ գը-  
 տանէ՝ ասէ , դարձայց անդրէն 'ի  
 տուն իմ ուստի ելի : Եւ գայ գտա-  
 նէ մաքրեալ և յարդարեալ : Յայն-  
 ժամ երթայ և առնու եօթն այլ  
 այսս՝ չար եւսքան զինքն , և մտանէ  
 բնակէ անդ . և լինի յետինն մար-  
 դոյն այնորիկ չարքան զառաջինն :  
 Եւ եղև մինչդեռ խօսէր զայս , ձայն

Երարձ կին մի 'ի ժողովրդենէ անտի  
և ասէ . Երանի՛ է որովայնին որ կը-  
րեացն զքեզ, և ստեանցն որ դիե-  
ցուցին զքեզ : Եւ նա ասէ . նա երա-  
նի՛ այնոցիկ, որ լսեն զբանն Աս-  
տուծոյ և առնեն :

### Տէ՛ր մէր Յիսուս Քրիստոս

ԵՒ ուսուցանէր 'ի միում ժողո-  
վրդանոցացն 'ի շաբաթս : Եւ ա-  
հա կին մի՝ զոր ունէր այս հիւան-  
դութեան ամս ութուտասն, և էր  
կարկամեալ և ոչ կարէր ամենեւին  
'ի վեր հայել : Եւ տեսեալ զնա Յի-  
սուսի կոչեաց առ ինքն և ասէ ցնա .  
կին դու, արձակեալ ես 'ի հիւան-  
դութենէ քումմէ : Եւ եդ 'ի վերայ  
նորա ձեռն . և առժամայն ուղղե-  
ցաւ և փառաւոր առնէր զԱստուած:  
Պատասխանի ետ ժողովրդապետն  
ցասուցեալ թէ ընդէր 'ի շաբաթու  
բժշկեաց Յիսուս . և ասէ ցժողո-  
վուրդն . վեց օր է՝ յորս արժան է  
գործել, յայնս եկայք բժշկեցա-  
րուք, և մի յաւուր շաբաթու : Պա-

տասխանի ետնմա տէր և ասէ . կեղ  
ծաւորք , իւրաքանչիւրոք 'ի ձէնջ  
'ի շաբաթու ո՞չ արձակէ զեզն իւր  
կամզէշ 'ի մնրոյ և տանի տայ ջուր .  
իսկ այս դուստր Աբրահամու էր ,  
զոր կապեաց սատանայ ահաւա  
գիկ ութուտան ամ , ո՞չ էր արժան  
արձակել 'ի կապանաց անտի 'ի շա  
բաթու : Եւ զայս իբրև ասէր , յա  
մօթ լինէին ամենէքին որ հակառակն  
կային նմա : Եւ ամենայն ժողովուր  
դըն ուրախ լինէր 'ի վերայ ամենայն  
փառաւորութեանցն՝ որ գործէին  
'ի նմանէ :

### Տէտրան Աւոյ Յիսուսի Վրիփունի

**ԵՒ ԵՂԵ 'Ի ՄՏԱՆԵԼՆ ՆՈՐԱ 'Ի ՄՊԵՆ**  
**ՈՒՐՈՒՄՆ ԻՇԽԱՆԱԳՆ ՓԻԱՐԻՍԵԳԼՈԾ 'Ի**  
**ՇԱԲԱԹՈՒ ՈւԹԵԼ ՀԱԳ , և ՆՈՔԱ ՍԱՎԱ**  
**ԱԷԲԻՆ ՆՄԱ : ԵՎ ԱՀԱ ԱՅՐ ՈՄՆ ԷՐ ԱՆԴ**  
**ՋՐԴՈՂԵԱԼ ԱռԱՃԻ ՆՈՐԱ : ՊԱՏԱՍ**  
**ԽԱՆԻ ԵՏ ՅԻՍՈՒՍ և ԱՍԷ ՅՈՐԻՆԱւՈՐԱ**  
**և ցփարիսեցիս՝ ԵԹԷ ԱՐԺԱՆ ԻԳԷ 'Ի**  
**ՇԱԲԱԹՈՒ ԲԺՇԿԵԼ . և ՆՈՔԱ ԼՈՒՌ Ե**  
**ՂԵՆ : ԵՎ ԲՈՒՌՆ ՀԱՐԵԱԼ զնմանէ՝**

բժշկեաց զնա և արձակեաց : Եւ  
ասէ ցնոսա . ոյր ուրուք 'ի ձէնջ էշ  
կամ եղն անկանիցի 'ի ջրհոր , և ոչ  
վաղվաղակի հանիցէ զնա յաւուր  
շաբաթու : Եւ ոչ կարացին տալ  
նմա պատասխանի առ այն :

### Տէ՛ր Աւ Յիսուս Քրիստոս


ԵՒ Եղե մինչ երթայր նա յԵ-  
րուսաղէմ , և ինքն անցանէր ընդ  
մէջ Սամարիայ և գալիլեացւոց : Եւ  
մինչդեռ մտանէր 'ի գեօղ ուրեմն ,  
պատահեցին նմա տասն այր բորոտ ,  
որք կացին 'ի հեռաստանէ . քարձին  
դժայնս և ասեն . Յիսուս վարդա-  
պետ , ողորմեաց մեղ : Եւ իբրև  
ետես զնոսա՝ ասէ ցնոսա . Երթայք  
ցուցէք զանձինս քահանային . և Ե-  
ղե իբրև դնացին առժամայն սըր-  
բեցան : Մի ոմն 'ի նոցանէ իբրև  
ետես՝ Եթէ բժշկեցաւ , գարձաւ  
անդրէն , 'ի ձայն մեծ փառաւոր  
առնէր զԱստուած : Անկաւ առ ոտա  
նորա 'ի վերայ երեսաց իւրոց , և  
դոհանայր զնմանէ . և ինքն եր սա-

մարացի : Պատասխանի ետ Յիսուս  
և ասէ . ոչ տասն սոքա սրբեցան .  
իսկ արդ ինունքն ուր են . զի ոչ  
գտան գառնալ տալ փառս Աստու-  
ծոյ , բայց միայն այլազգիս այս : Եւ  
ասէ ցնա . արի գնա զի հաւատքքո  
կեցուցին զքեզ :

Տեսան Արոյ Յիսուսի Քրիստոսի

Եի եղե 'ի մօտել նորա յԵրի-  
քով կոյր ոմն նստէր առ Ճանապար-  
հաւն մուրացիկ : Իբրե լուաւ զան-  
ցանել ժողովրդեանն , հարցանէր  
թէ զի՞նչ իցէ այն : Եւ պատմեցին  
նմա՝ թէ Յիսուս նազովեցի ան-  
ցանէ : Աղաղակեաց և ասէ . Յիսուս  
որդի Դաւթի , ողորմեաց ինձ : Եւ  
որ առաջի երթային՝ սաստէին նմա  
զի լուեսցէ . և նա եւս առաւել աղա-  
ղակէր . որդի Դաւթի , ողորմեաց  
ինձ : Զտեղի էառ Յիսուս , և հրա-  
մայեաց ածել զնա առ իւր . և իբրե  
մերձ եղե առ նա՝ եհարց զնա և  
ասէ . զի՞նչ կամիս դու զի արարից  
քեզ . և նա ասէ . տէր , զի բացցին

աչք իմ, և տեսից : Եւ Յիսուս ասէ  
ցնա . Հայեաց , Հաւատք քո կեցու-  
ցին զքեզ : Եւ առժամայն ետես .  
Երթայր զհետ նորա և փառաւոր  
առնէր զլխտուած . և ամենայն ժո-  
ղովրդեանն տեսեալ տայր օրհնու-  
թիւն Աստուծոյ :



# Ի ՅԱՎՀԱՆՈՒ

## ԱԽԵՏԱՐԱՆԻՆ



ՏԵՐԻ ՋԵ ՅԻ ՅԻ ՔՐԵՄ ՔՐԵՄ

ԵԿ յետ Երկուց աւուրց ԵԼանտի  
և գնաց՝ ի Գալիլիա : ԶԵ ինքն իսկ  
Յիսուս վկայեաց՝ Եթէ մարդարէ  
յիւրում գաւառի պատիւ ոչ ունի :  
Այլ յորժամ Եկն նա ՚ի Գալիլիա .  
ընկալան զնա գալիլեացիքն . զի տե-  
սեալ ևս էր զամենայն նշանսն , զոր  
արար յԵրուսաղէմ՚ի տօնին . քան-  
զի և նոքա Եկեալ Եկն ՚ի տօնն : Եկն  
գարձեալ ՚ի Կանա գալիլեացւոց՝  
ուր արար զջուրն գինի : Եւ անդ  
էր թագաւորազն մի , որոյ որդինո-  
րա հիւանդ կայր ՚ի Կափառնաում:  
Նա իբրև լուաւ , Եթէ Յիսուս Ե-  
կեալ է ՚ի Հրէասանէ ՚ի Գալիլիա ,  
Եկն առ նա . և աղաջէր զի իջցէ և  
ըժշկեացէ զորդինորա . քանզի մերձ

էր 'ի մեռանել : Ասէ ցնա , Եթէ ոչ  
 նշանս ինչ և արուեստս տեսանէք՝  
 ոչ հաւատայք : Ասէ ցնա թագա-  
 ւորազն . տէր , Էջ մինչ չեւ մեռեալ  
 իցէ մանուկն իմ : Ասէ ցնա Յիսուս .  
 Երթ որդին քո կենդանի է . և հա-  
 ւատաց այրն բանին զոր ասաց նմա  
 Յիսուս , և գնաց : Եւ մինչ դեռ ի-  
 շանէր՝ ընդ առաջ եղեն նմա ծա-  
 ռայքն նորա . աւետիս ետուն և  
 ասեն՝ թէ մանուկն նորա կենդանի  
 է : Հարցանէր ցնոսա վասն ժամուն՝  
 յորում ապաքինեաց . և ասեն ցնա .  
 Երէկ յեօթներորդ ժամուն եթող  
 զնա ջերմն : Գիտաց հայրն նորա՝  
 Եթէ յայնմ ժամուն՝ յորում ասացն  
 ցնա Յիսուս , թէ որդին քո կենդա-  
 նի է . և հաւատաց ինքն և ամենայն  
 տուն իւր : Զայս դարձեալ Երկրորդ  
 նշանս արար Յիսուս՝ եկեալ 'ի  
 հրէաստանէ 'ի Գալիլիա :

Տէրն մէր Յիսուս Քրիստոս

Յետ այսորիկ տօն էր հրէից , և  
 Եւ յերուսաղէմ : Եւ էր յերուսա-

ղէմ'ի Պրոբատիկէ աւազանին՝ որ  
 կոչէր եբրայեցերէն ԲԵՇՀԵՂԳԱՅ՝  
 հինգ սրահ։ Յորս անկեալ դնէր  
 բազմութիւն յոյժ հիւանդաց, կու-  
 րաց՝ կաղաց՝ գօսացելոց՝ որ ակն ու-  
 նէին ջրոցն յուզելոյ։ Եւ հրեշտակ  
 տեառն իջանէր ըստ Ժամանակի յա-  
 ւազանն, և յուզէր զջուրս։ և որ նախ  
 'ի շարժումն ջուրցն իջանէր յաւա-  
 զանն՝ բժշկէր, ոչ ունելով նշան հի-  
 ւանդութեան։ Եւ անդ էր այր մի, ո-  
 րոյ երեսուն և ութ տամ էր 'ի հի-  
 ւանդութեան իւրում։ զնա իբրև  
 ետես Յիսուս՝ զի անկեալ դնէր, և  
 գիտաց եթէ բազում ժամանակք են  
 այնուհետեւ, ասէ ցնա՝ կամիս ողջ  
 լինել։ Պատասխանի ետ նմա հի-  
 ւանդն։ տէր, ոչ զոք ունիմ, թէ  
 յորժամ ջուրքն յուզիցին, արկցէ  
 զիս յաւազանն։ և մինչ ես դան-  
 դաղիմ, այլ ոք քան զիս յառաջա-  
 դոյն իջանէ։ Ասէ ցնա Յիսուս։  
 արի առ զմահիճս քո և զնա։ Եւ  
 ողջացաւ այրն։ և յարեաւ առ զմա-  
 հիճս իւր և շրջէր։ և էր շաբաթ յա-  
 ռուրն յայնմիկ։ Ասեն հրեայքն ցբը-

ԺԸՆԿԵԱԼՆ. Չաբաթ է, և ոչ է արժան  
 քեզ առնուլ զմահիճս քո : Պատաս-  
 խանի ետնոցա և ասէ . որ բժըն-  
 կեացն զիս, նա ասաց ցիս, առ ըզ-  
 մահիճս քո և գնա՛ : Հարցին ցնա և ա-  
 սեն, ով է այրն՝ որ ասաց ցքեզ, առ  
 զմահիճս քո և շրջեաց : Եւ բժըն-  
 կեալն ոչ գիտէր թէ ովլիցէ . քանզի  
 Յիսուս խոյս ետ վասն ամբոխին 'ի  
 տեղւո՞ջէ անտի : Յետ այսորիկ գը-  
 տանէ զնա Յիսուս 'ի տաճարին, և  
 ասէ ցնա . ահաւադիկ ողջացար,  
 մի ևս մեղանչեր, զի մի չար ևս ինչ  
 լինիցի քեզ : Գնաց այրն և պատ-  
 մեաց Հրէիցն, եթէ Յիսուս էր որ  
 բժընկեացն զիս : Եւ վասն այնորիկ  
 հալածէին զՅիսուս Հրեայքն, զի  
 զայն առնէր 'ի շաբաթու : Եւ Յե-  
 սուս պատասխանի ետնոցա . Հայր  
 իմ մինչեւ ցայժմ գործէ՝ և ես գոր-  
 ծէմ : Վասն այնորիկ առաւել խըն-  
 դրէին Հրեայքն սպանանել զնա, զի  
 ոչ միայն լուծանէր զշաբաթս, այլ  
 և Հայր իւր կոչէր զԱստուած, և  
 հաւասար առնէր զանձն Աստուածոյ :

Տէ՛ւն Աւ Յիսուս Քրիստոս

Եթ մինչդեռ անցանէր՝ ետես այր  
մի կոյր՝ ի ծնէ . և հարցին ցնա աշա-  
կերտքն նորա և ասեն . Ռաբբի , ո՞յր  
մխաս է . սորա՞ , թէ հօր և մօր իւ-  
րոյ՝ զի կոյր ծնցի : Պատասխանի ետ  
Յիսուս , ոչ գորա մխաս է , և ոչ հօր  
և մօր իւրոյ , այլ զի յայտնի լիցին  
գործքն Աստուծոյ՝ ի գմա : Եւ ինձ  
պարտ է գործել զգործս այնորիկ՝  
որ առաքեացն զիս , մինչ աւուր կայ .  
գայ գիշեր , յորժամ ոչ ոք կարէ  
գործել : Մինչդեռ յաշխարհի եմ ,  
լոյս եմ աշխարհի : Զայս իբրև ա-  
սաց , եթուք՝ ի գետին . և արար  
կաւ՝ ի թքոյն , և ծեփեաց զկաւն՝ ի  
վերայ աչաց կուրին : Եւ ասէ ցնա .  
Երթ լուա յաւազանին Սելովմայ  
որ թարգմանի առաքեալ . չոքաւ  
լուացաւ , եկն և տեսանէր : Իսկ  
դրացիքն՝ և որոց տեսեալ էր զնա  
յառաջադոյն՝ եթէ մուրացիկ էր ,  
ասէին . ոչ սա էր որ նստէրն և մու-  
րանայր . կէսքն ասէին նա է . այլքն

ասէին ոչ այլ նման է նմա . և ինքն  
ասէր՝ թէ ես եմ : Ասեն ցնա . իսկ  
զիարդ բացան աչք քո : Նա ետ պա-  
տասխանի . այր մի՝ որում Յիսուսն  
ասեն , կաւ արար և ծեփեաց զաշս  
իմ , և ասէ ցիս . երթ ՚ի Սելովամ և  
լուա . չոքայ լուացայ , և տեսանեմ :  
Ասեն ցնա՝ ո՞ւր է նա . ասէ ցնոսա՝  
ոչ գիտեմ :

Ածին առ փարիսեցիսն զնա՝ որ  
երբեմն կոյրն էր . և էր շաբաթյոր-  
ժամ զկաւն արար Յիսուս և երաց  
զաշս կուրին : Դարձեալ հարցանէին  
զնա փարիսեցիքն՝ թէ զիարդ տե-  
սանես : Եւ նա ասէ ցնոսա . կաւ եղ  
՚ի վերայ աչաց իմոց , և լուացայ և  
տեսանեմ : Ասեն ոմանք ՚ի փարի-  
սեցւոյն . ոչ է այրն այն յԱստու-  
ծոյ՝ զի զշաբաթս ոչ պահէ . կէսքն  
ասէին , իսկ զիարդ կարէ մարդ մե-  
զաւոր այսպիսի նշանս առնել . և  
էին հերձուածք ՚ի մէջ նոցա : Ասեն  
դարձեալ ցկոյրն . դու զի ասես վասն  
նորա՝ զի երաց զաշս քո . և նա ասէ՝  
թէ մարդարէ է : Եւ ոչ հաւատա-  
յին հրեալքն զնմանէ՝ եթէ կոյր էր

և բացաւ , մինչև կոչեցին զծնօղս  
բացելոյն : Հարցին ցնոսա և ասեն .  
սա՞ է որդին ձեր , զորմէ դուքն ա-  
սէիք՝ թէ կոյր ծնաւ . արդ զիարդ  
տեսանէ : Պատասխանի ետուն նո-  
ցա ծնողքն նորա և ասեն . գիտեմք՝  
զի սա է որդին մեր և զի կոյր ծնաւ .  
բայց զիարդ այժմդ տեսանէ՝ ոչ գի-  
տեմք . կամ թէ ո՛ եբաց զաշս դորա՝  
մեք ոչ գիտեմք . ցդա իսկ հարցէք ,  
ինքնին 'ի չափ հասեալ է՝ ինքն իսկ  
խոսեսցի վասն իւր : Զայս ասացին  
ծնօղքն նորա , զի երկնչէին 'ի հը-  
րէիցն . քանզի ուխտ եգեալ էր հը-  
րէից , եթէ ոք խոստովանեսցի զնա  
քրիստոս՝ 'ի բաց կացցէ 'ի ժողովը-  
դենէն : Վասն այնորիկ ասացին ծը-  
նօղքն նորա , թէ ինքնին 'ի չափ հա-  
սեալ է՝ ցնա իսկ հարցէք :

Դարձեալ կրկին անգամ կոչեցին  
զայրն որ կոյրն էր , և ասեն ցնա .  
տուր փառս Աստուծոյ , մեք գի-  
տեմք՝ զի այրն այն մեղաւոր է : Եւ  
նա ասէ , թէ մեղաւոր իցէ՝ ես ոչ  
գիտեմ . բայց զայս գիտեմ՝ զի կոյր  
էի , և արդ տեսանեմ : Դարձեալ

ասեն ցնա . զի՞նչ արարքեղ , զիարդ  
 եթաց զաշս քո : Պատասխանի ետ  
 նոցա , այժմ ասացի ձեղ , և ոչ լուայք .  
 զի կամիք միւսանդամ լսել . մի թէ և  
 դուք կամիք աշակերտել նմա : 'Նոքա  
 հայհոյէին զնա և ասէին . դուլիջեր  
 նորա աշակերտ . մեք Մովսէսի ա-  
 շակերտք եմք . մեք գիտեմք՝ զի ընդ  
 Մովսէսի խօսեցաւ Աստուած . զսա  
 ոչ գիտեմք ուստի իցէ : Պատասխա-  
 նի ետ այրն և ասէ ցնոսա . այդ իսկ  
 են սբանչելիք , զի դուք ոչ գիտէք  
 ուստի իցէ , և զիմ զաշս եթաց : Գի-  
 տեմք՝ զի Աստուած մեղաւորաց ոչ  
 լսէ . բայց Եթէ աստուածապաշտ  
 ոք իցէ՝ և զկամս նորա առնիցէ , նմա  
 լսէ : Ի յափիտենից ոք ոչ լուաւ՝  
 Եթէ եթաց ոք զաշս կուրի 'ի ծնէ  
 կոյր ծնելոյ : Եթէ ոչ յԱստուծոյ  
 էր այրն այն , ոչ կարէր առնելինչ:  
 Պատասխանի ետուն և ասեն ցնա .  
 'ի մեղս իսկ ծնեալ ես ամենեւին ,  
 և դու վարդապետ լինիս մեր . և հա-  
 նին զնա արտաքս : Լուաւ Յիսուս՝  
 Եթէ հանին զնա արտաքս . և իբրև  
 եգիտ զնա , ասէ ցնա . դու հաւա-

ասմա յՈրդի Աստուծոյ : Կա պատասխանի ետ և ասէ, տէր, ով էզ կաւատացից ՚ի նա : Ասէ ցնա Յիսուս . և տեսեր զնա, և որ խօսիդ ընդ քեզ՝ նա է : Եւ նա ասէ . հաւատամ տէր, և երկիր եպագ նմա:

















